

國朝先正事畧卷之十一 名臣

平江李元度次青纂

趙襄忠公事畧

子敏恪公宏燦

恪敏公宏燮

勇畧將軍姓趙氏名良棟字擎宇一字西華甘肅甯夏人少倜儻仗策從戎順治二年隨英親王大軍入關中受知於總督孟喬芳署潼關守備從征賀珍武大定等賊又從定甯夏叛兵之變署屯田都司四年平河西回亂又單騎擒偽總兵丁國棟擢游擊十三年以經畧洪承疇薦隨征貴州雲南任督標副將康熙元年擢雲南廣羅鎮總兵先後勦平馬乃隴納水西諸苗猺有功時吳三桂專制滇南所補用官吏詔部臣不得掣肘於

DS
734
L39
v.7

是三桂調公貴州平遠鎮令進勦水西公方丁外艱且知三桂有異志力辭三桂怒欲劾誅之總兵沈應時爲巽詞以解四年水西平乃聽終制三桂未反時日以牢籠人才爲務惟公不爲所用八年補大同左都督十一年調天津十三年三藩反叛鎮吳之茂王輔臣等應之甯羌惠安兵變殺提督陳福猖獗甚十五年甘肅提督張勇薦公才畧過人

聖祖命公提督甯夏馳傳往鎮撫之議者疑公陝人不可信公見

上詞氣激昂請移家口居京師得一意辦賊

上壯其言尋

賜第時官兵散屯堡荒廢公沿途曉示招官

歸原汎兵歸原伍補斬首亂四人餘不問邊境遂安時大將軍
圖海督師圍平涼輔臣降慶陽固原俱下詔公與將軍王進
寶並聽圖公調度公駐朔方四載念關中粗定而漢南巴蜀尙
阻聲教疏請率步兵五千獨當一路進取漢中興安規全蜀
詔下軍前三大臣集議僉言大軍宜分四路進需兵五萬人公
曰兵貴精不貴多也既而涼州提督孫思克言綠旗不可用請
俟來春多調滿洲兵並進詔切責之乃以十月定師期圖公
及將軍佛尼勒征興安孫公及將軍畢力克圖征畧陽王進寶
及總兵朱雅逢征鳳陽公獨將五千人征徽縣十月破密樹關
擒賊將徐成龍遂取徽縣時孫公甫至陪州公已擊走吳之茂

復畧陽分遣裨將趙陽平關徇沔縣王公亦復鳳縣定漢中府
公會之於甯羌各奏捷詔授公勇畧將軍兼甯夏提督公與
王公分路進師晝夜兼行抵白水壩時康熙十八年除夕也壩
爲川江上流與昭化眉齒俗號鐵門坎賊防禦甚力公與賊夾
江而陣江流洶湧無舟楫將士有難色公下令曰元旦渡江大
吉視吾馬策所指後者斬黎明公騎驍馬率麾下五千入橫刀
渡江江水爲萬馬騰簸波濤盡立呼聲震天賊連發礮傷數十
人無敢回顧者賊大驚曰此老將軍軍令如山不可抗也方搏
戰天忽風吹馬如吹船頃刻抵岸斬賊將郭景儀等餘賊崩奔
追擊之於青山石硤溝厯舊州明月江戰屢捷僞將軍汪文元

僞巡撫張文德等降。遂克成都。公入城。秋毫無犯。僞官及逆兵數千。疑懼不自安。公悉以迎降。奏釋收金銀印二百六十。僞劄千。奏繳之。公出師時。曾條上調兵運餉諸事宜。請兩路收川。上報可。至是。王公亦復保甯。東西川以次收復。天子降溫旨勞重。賜御書題額及弓矢囊韉名馬之屬。詔

授公兵部尙書兼右都御史總督雲貴將軍如故。公聞命。謂甯夏提督有代者。則鎮兵不能隨征。因疏辭總督。

上弗許。會部議甯夏宜如舊制設總兵。詔即以公子蔭生宏燦爲甯夏總兵。官隨軍進剿。公遣將西徇雅州。復象嶺。建昌諸衛。東徇敘州。復納溪。永甯等縣。且奏滇黔恃蜀爲捍蔽。今蜀已

得而三桂又新死。宜乘機急進。請

諭趣湖廣兵速取貴州。廣

西兵速取雲南。并

勅陝西四川籌餉濟軍。剋期進剿。一自保

甯出永甯。達雲南。

霑益州。一自成都出建昌。達雲南。武定府。

詔下在事諸大臣。定議。尋議川楚粵各路兵約期並進。將軍吳

丹出永甯。公出建昌。會吳世璠遣胡國柱夏國相等陷永甯。犯

瀘州。敘州復寇建昌。公檄總兵朱衣客援建昌。失利。退駐雅州。

建昌陷。公疏劾吳丹朱衣客。

詔吳丹解任。以佛尼勒代之。衣

客逮訊。二十年三月。公遣宏燦及總兵李芳述等追剿國柱於

觀音巖。五月。破關山。象嶺。渡瀘江。敘瀘。永甯。賊皆遁。七月。取建

昌。乘勝渡金沙江。九月。抵滇。時貝子彰泰軍滇池。將軍賚塔軍

黃草壩滿漢兵十萬有奇圍城九月未下。公至，卽詣貝子陳三策。其一先破外護，使賊匹馬不得出，乃可招降。其一結營遼遠，賊得番息，法當移軍逼之。其一降者宜分別收養，不宜盡發。滿洲爲奴，貝子不悅。以滿洲語相駁詰。公漢人不解滿語，張目牴牾。幸公已奏聞，詔下悉如公策。乃率所部親冒矢石，取玉皇閣，進逼新橋。賊據橋死拒。公伏馬兵於南壩兩岸，分步兵爲三隊，營壕牆外持大刀督陣。夜二鼓攻橋，賊殊死鬪。逆渠郭壯圖親搏戰，三進壕牆而伏。兵三起應之，復以計從上流濟師。列炬如星，礮雨下，賊敗走。公奪橋追至三市街，再敗之。天猶未曙也。黎旦入東南二門，壯圖自焚。世璠自殺，餘黨悉降。自公至軍，八

日而雲南平賊踞滇久私斂充牣諸將爭取子女玉帛惟公飭所部不以一騎入城既告捷卽疏請 陛見移師曲靖以待命又訪得吳逆司筦庫者以藩宮簿籍進呈其後乾沒者皆敗而三桂寵姬一歸將軍穆占一歸總督蔡毓榮者皆上聞惟公嚼然不滓其遠識確守有古大臣風烈焉初朱衣客之逮訊也具疏自辯咎公與兵少後應復不至時王進寶亦上疏謂建昌之陷咎在公公因復劾衣客且謂其辯疏由進寶所爲

上以趙良棟王進寶功績並茂所有互訐之疏均發還不問其遲於救援誤軍機仍察議如例於是部議衣客論斬吳丹奪職

籍。公奪職並得。從寬二十一年以將軍管變儀衛事。公性伉直。氣陵其上。首建取蜀議。孫思克。吳丹等咸忌嫉之。吳故大學士明珠從子。沾寵而貪。公劾之。及公復建昌。追賊至大渡河。

上命公乘勝趨滇。而大將軍貝子履櫟。公先追獲。國柱再往。公不從。攻新橋。兵少。公爭之。許以在南壩相救。及鏖戰。救不至。公積不平。入朝。屢忿爭於明珠前。珠雖怵以好語。然以吳丹故心弗善也。二十二年。公疏述滇蜀戰功。下王大臣核議。以公失機。建昌應以功抵罪。止敘錄隨征將士。加宏燦及芳述左都督銜。公尋乞骸骨歸。二十五年夏。

上念公克雲南時恪守法紀廉潔自持優詔嘉獎復將軍總

督原銜二十七年入朝自訴戰功并隨征將士多屈抑得旨

授騎都尉世職三十年厄魯特噶爾丹蠢動大軍駐朔方詔

公以在籍老臣預議軍事三十三年禁旅出塞公偕行用私財

往軍既還召入朝明年復上疏自敘戰功甚苦爲大將軍圖

海彭泰所隱蔽且追咎明珠

上責其器量褊隘還其疏仍勅部優敘部議授爵三等子

詔晉爲一等公願畱京師乞賜田宅御史龔翔麟劾公驕縱

恃功越例乞請當議罪

上鑑其年老家貧優容之賚白金二千兩令歸里二十六年正

月

聖祖聞公臥病

溫旨存問

賜人蔭鹿尾時

上方決策西征擬就詢方畧於里第而公遽以疾薨年七十有

七比車駕次榆林

諭閣臣曰勇畧將軍趙良棟偉男子也

爲國家宣力厥功甚茂倏以疾逝朕深憫焉茲師抵朔方道經

其門可令皇子臨視奠醑次日皇子臨喪舉哀賜奠如禮閏月

復頒

諭祭文遣大臣致祭

賜諡襄忠次子宏燮襲爵公結

髮事戎行五十餘年大小戰數百未嘗敗衄行軍有紀律所過

無秋毫犯御下嚴而有恩觸法者雖小必罰有才畧堪任使輒

疏薦之甘苦與士卒共入蜀之役裹糧涉險轉戰七千餘里咸

樂爲盡死故所向有功功成後慕聞者日眾賴

聖祖知公深嘗格眾議曲賜維護雍正八年 詔入祀賢良祠

乾隆三十二年

上念公功其一等子爵 特予世襲罔替四十七年 詔晉一

等伯仍世襲罔替長子宏燦康熙四十五年由廣東提督擢兩
廣總督召爲兵部尙書五十六年薨 賜諡敏恪次子宏燮由

天津道襲一等子康熙四十四年遷直隸巡撫五十四年 詔

褒其撫直十年實心任事旗民輯睦盜賊稀少特加總督銜六

十一年薨 賜諡恪敏子之璧襲爵以宏燮在任時虧庫

上命宏燦子之桓以郎中署直隸巡撫料理未完事件雍正元

解巡撫任。特旨寬免追銀之壁官至兩淮鹽運使

Blank manuscript page with vertical ruling lines.

王忠勇公事略 子川子

公諱進寶字顯吾甘肅靖遠人初隨陝督孟喬芳平河西叛回授守備隸甘肅總兵張勇標下順治十一年張公調經畧右標總兵公隨往湖南十五年進征貴州師次十萬谿懸崖于初僞安西王李定國使僞都督羅大順扼據險要公率衆攀崖直上搗其巢賊衆潰以功遷游擊康熙二年張公任甘肅提督奏授提標游擊尋隨張公討平西羌授參將時羌人乞駐牧大草灘張公用公議持不可於是卽單于城故址建永固城以公爲副將駐之十二年擢西甯總兵明年各陝西提督王輔臣叛應吳三桂陷蘭州斷浮橋以拒河西兵公帥師進討十四年二月師

抵黃河。公以革囊結筏，自蔡灣夜渡，抵臬蘭龍尾山，大破賊眾，擒偽游擊李廷玉等，乘勝東救金縣，定安復西，攻臨洮，會大雪，偵賊無備，遂襲破之。輔臣遣使持吳逆偽劄來招，公立奏聞，得旨嘉獎，加銜左都督。四月，進攻蘭州，賊兵千五百人出東門迎戰，公率眾奮擊，自辰至午，擒斬過半，別遣兵分路剿殺，賊退保不敢出，我兵環圍之，斷賊糧運。六月，賊造筏百餘謀潛遁，公分兵沿河伺擊，賊勢蹙，乃遣人招諭偽總兵趙士昇等，率眾降。遂復蘭州。十五年正月，詔嘉公懋著勞績，克殫忠誠，授陝西提督兼西甯總兵，暫駐秦州。時偽將軍王屏藩吳之茂互爲聲援，窺伺秦州。二月，之茂率賊眾進踞北山，絕我餉道。公會將軍佛

尼勒進剿大敗之。生擒僞總兵徐大仁。復遣兵馳擊敗賊眾於羅家堡。又敗之鹽關。賊復集潰眾萬餘。築壘排椿。據鐵葉硤。紅山堡。潛出賊兵接運芻糧。公遣兵撲剿。大敗賊眾於牡丹園。擒斬僞官獲糧械無算。五月。撫遠大將軍圖海統兵進牧平涼。輔臣勢窮。蹙引四川叛鎮譚宏爲援。連兵犯通渭。公急擊破之。降其僞官。復靜甯州城。輔臣尋諸圖公軍前降。六月。公次樂門甫。駐營之茂。遣賊眾來犯。公統兵環擊。擒其僞總兵游擊等。斬之。復與將軍佛尼勒合兵。攻擊屢戰克捷。之茂僅以十餘騎逾北山遁走平涼。固原悉定。大將軍奏。陝西提督原駐平涼。固原與平涼密邇。據秦省形勝。宜令公駐鎮。詔公移駐固原。兼攝固

原總兵事敘功議授二等男

諭曰王進寶宿將重臣矢心報

國兼以訓練士卒忠義素孚故能身先行陣所向克捷朕甚嘉

焉可從優加一等男授奮武將軍仍兼提督平涼諸路軍務十

七年公復慶陽斬偽總兵袁本秀及賊眾二百餘人十八年冬

公與提督趙良棟等分兵四路規復漢中公偕總兵費雅達由

棧道進先是公奏請令子用子率兵往鄭俾練習戰陣

上允其奏授用子副將公復疏言臣父子均在秦中例應迴避

詔曰王進寶父子統兵誅勦賊寇保守封疆著有勞績王用子

仍畱與伊父同守秦中要地用子字公安每戰先登陷陣所向

披靡至是從征寶難公遣用子擊賊紅花捕大敗之復鳳縣兩

當縣進軍武關。令用子率偏師繞出關後。而自以大軍當其前。賊腹背受敵。皆潰走。擒僞總兵羅朝興等。奪雞頭關。直抵漢中。王屏藩率賊眾自青石關走廣元。公復遣兵躡擊降其僞將軍楊永祚。僞總兵孫啟耀。盡復漢中地。得旨喪獎。時趙公亦恢復畧陽。命公與趙公進定四川。並敕將軍吳丹鄂克濟哈率滿洲大兵分繼其後。公自青石關至神宣驛。聞賊駐朝天關。督兵躍馬直前。賊驚竄走。疾馳至廣元。斬賊無算。遂復其城。十九年正月。分兵三路趨保甯。距城二十里。當孔道。而軍賊眾二萬來犯。公率兵奮擊大破之。追至錦屏山。連拔賊壘。奪浮橋。直薄保甯城。用子斬門突入。公麾兵繼進。屏藩計窮。與僞將軍陳

君極皆自縊之茂及僞將軍張起龍僞總兵郭天春等十七人並就擒保甯平別遣兵克昭化劍州蒼溪蓬州廣安合川西充岳池等州縣時趙公已復成都授雲貴總督詔公駐守四川擢用子松潘總兵公尋以疾乞休命回固原就醫以用子駐保甯暫代尋改用子爲固原總兵父子同建節鉞海內榮之論者謂公舉不避親用子不負所舉與朝廷之度外用人可稱三善云當是時趙公以進征滇黔奏調川陝各營兵隨征固原兵亦多檄調公以本標兵宜畱鎮守奏停撥遣詔允之未幾賊將胡國柱夏國相等出黔入川譚宏彭時亨復叛永甯建昌繼失趙公劾公擁兵不救公以臥疾固原疏辨且言建昌之陷

咎在良棟。詔公馳赴保甯。於是公復統固原兵駐保甯。是年敘功晉三等子。用予加左都督。授雲騎尉。世職。明年賊將馬寶犯敘州。用予擊敗賊眾。恢復納溪江安仁懷合江等城。降其僞將軍何德成等。寶竄雲南。用予駐敘州尋奉詔率所部兵馳赴永甯駐守。二十一年滇黔既平。

上詔公及趙公至京。命王大臣發還前此互訐奏章。宣諭二臣功績並茂。宜保護矜全。其不諳大體私忿攻訐。概不究問。事詳趙襄忠傳。賜服物仍還鎮。二十三年五月疾甚。再請休時。用予已調太原總兵。命馳驛偕太醫視疾。且調用予甘肅總兵。便侍養。明年八月薨。年六十。得旨王進寶性篤忠貞威

國朝文忠公集卷一百一十一
望素重率兵征勦賊寇勇畧兼優勳猷懋著可贈太子太保
子諡忠勇賜祭葬如典雍正十年詔入祀賢良祠初次襲
爵者卽用子合其軍功議敘并雲騎尉爲二等子乾隆三十三
年詔世襲罔替

孫襄武公事略

公諱思克字蓋臣漢軍正白旗人父成功三等男公其次子也
初任王府護衛順治八年授刑部理事官十一年遷參領十三
年隨大軍由湖南進征貴州雲南屢立戰功康熙二年擢甘肅
總兵五年與提督張公勇合疏言厄魯特蒙古壘爾根台吉等
受國厚恩狼心未化屯兵祁連山上縱牧內地之大草灘去冬
不遵撫慰抗拒於定羌廟爲官兵擊退猶不悛改聲言糾合部
落分三路入犯狡謀叵測宜速創懲方可議修築而嚴守備得
旨下廷臣密議以兵端不可輕動令嚴防邊境仍撫恤番人以
得其心於是公偕張公修築邊牆自扁都口西水關起至嘉峪

關止守禦屹然六年公至南山各隘口相度衝險撥兵固禦十三年諭獎公効力邊疆有年下部議加右都督是冬平涼提督王輔臣叛應吳三桂臨鞏諸郡相繼從逆蘭州危甚公遣游擊劉衍等移兵協陝自統兵進攻苦水洋佃蘭州已失守乃駐河四尋回涼州十四年夏督臣哈占定議南北兩路兵同時進剿將軍張勇總兵王進寶等從金城關渡河規復蘭州公自涼州領標兵由河壩紅水蘆塘索橋人跡不到之草地結筏渡河規復靖遠一路周圍二百里城堡皆已納款正擬趨固原會大兵於平涼適西海蒙古墨爾根台吉等已從山口入內地與官兵拒敵副將陳達傷亡公畱兵守靖遠由草地渡河回涼州保

河西根本重地。墨爾根、台吉、引眾出口，而甘州所屬之高臺、與紅崖、梨園等堡，有黃番頭目入口搶掠，合數千餘騎，攻圍暖泉。順德諸堡公，卽自涼赴甘，番族始遠竄。因將軍約期會剿，王輔臣復渡河而東，草地往來，兵丁勞苦十倍他鎮，疏請恩加犒賞，得旨往來防剿，具見忠藎，兵丁犒賞有差，閏五月，同張公勇等圍鞏昌。時定西大將軍貝勒洞鄂圍秦州，城中賊眾屢出犯逆，黨自四川至者，結寨秦州南山，上日益猖獗。貝勒檄公率兵三千駐秦州，西賊勢乃窮。僞總兵陳萬策僞道馬肇升赴公營乞降。僞總兵巴主綱遁，遂復秦州南山。賊潰竄，公同振武將軍佛尼勒追擊於閭關，敗之，乘勝克禮縣，復敗賊於西和，奪門。

入斬僞官三十。清水、伏羌等縣皆復。乃赴鞏昌。會勦遣降將陳萬策等入城。虜諭鞏昌十七州縣皆降。河東平定八月會勦平涼。公由靖甯隆德進擊走賊將李國樑。陣斬五百有奇。生擒僞守備一千總二。復靖甯州。進次華亭。過六盤。士冒雨忍飢。羣援而上。賊莫敢拒敵。僞副將高將率兵千餘迎降。遂抵平涼。與大軍合。十五年。貝勒奏大兵圍平涼半載。賊屢出犯。總兵孫思克徒步當先。敗賊於南山者四。敗僞總兵蔡元於城北者四。又九處設伏。敗賊於南門。僞總兵艾姓引賊二千掩襲掘壕。思克揮兵急擊。賊退而復逼者三。俱敗之。勦涇州。白起寨。思克先至寨下。遣領旗李錦先登。擒僞副將李茂。斬賊日數千。又敗賊於南。

山甲子峪及馬營子麻布嶺諸處宜酌示鼓勵得旨優敘五
月隨撫遠大將軍圖海破賊於虎山墩公臂受重傷猶奮戰不
輟輔臣窮蹙降公還涼州詔曰自逆賊變亂以來奸徒附和
人心不無動搖張勇王進寶孫思克一聞蘭州之變卽率兵進
剿收復城邑厥功甚偉及大兵攻取平涼復同心協力身先行
陣所向克捷朕甚嘉之孫思克可授涼州提督並一等輕車都
尉十月公疏言虎山墩之戰賊砍臣右臂傷筋及骨已成殘疾
乞假解任回旗得旨卿久鎮巖壘剿除賊寇屢建戰功新簡
提督正資料理不必求罷十六年敘功晉爵三等男特噶爾丹
侵擾西北諸蒙古突入沿邊各寨公與張公勇以兵驅逐乃徙

去十八年七月。

上勅圖公調公與提督趙良棟等剿賊漢中興安圖公奏九月
初旬四路進發。公與將軍畢力克圖由畧陽進。會有詔因京
師地震。令內外大臣各抒所見。公疏請今秋暫緩進兵。俟來春
二三月間多調邊兵圖進取。未晚。

上命學士拉薩禮至涼州宣

諭詰責公乃自引罪。拉薩禮還

奏得

旨。俟事平日再議。十一月公與畢公敗賊眾於階州。及

文縣。成縣進駐河縣。

詔公還涼州。尋移駐莊浪。防守河東河

西。二十年慶陽賊渠耿飛倡亂。糾叛番犯河洲。公與張公勦平
之。二十二年追論前奏。緩進兵罪。奪三等男爵。及提督仍留總

兵在二十三年遷甘肅提督二十八年北套生番犯內地公督
兵截阻斬獲甚衆二十九學學士達湖郎中桑格出使西域歸
至嘉峪關外爲西海阿奇羅卜藏所劫公聞報卽遣遊擊朱應
詳計賺其宰桑質於關內始反我使臣別遣副將潘育龍遊擊
韓成等搗其巢穴斬馘四百有奇阿奇羅卜藏遁後遣人赴西
海詰問各台吉責償所掠物各台吉懼罄阿奇羅卜藏所有以
償公奏請免其窮治諭嘉公盡心籌畫區處合宜如所請行
三十年疏言肅州一協去甘州五百里涼州千里極邊之地外
通西海北套哈密諸部內則番族插帳與民雜處所設副將威
望不尊兵不滿千難資控禦請設總兵一營兵三千以固邊圉

消窺伺。又甘肅地瘠民貧。萬一征調。雲屯軍食。何由濟宜。於河西要地屯積糧草。備戰守。但本地無糧可買。輓運復恐勞民。惟捐諭是賴。而本地富民無幾。請無論本省別省官民一例捐納。職監及加級紀錄俟邊儲稍充。卽停止。疏丁九卿議從之。三十年。詔嘉公久著勞績。加太子少保。予騎都尉世職。五月疏報遣總兵潘育龍等追來降復叛之番眾於庫列圖。嶺斬級四十餘擒百二十人。請將叛首齊奇克正法。而宥其從人。上免齊奇克死。令安插內地。有旨加振武將軍銜。三十二年。命內大臣郎岱領京營兵至甯夏。同公駐防。卽以公爲參贊。探噶爾丹聲息。三十五年二月。

上親征噶爾丹。出中路。命撫遠大將軍費揚古由西路進。公率陝西兵出甯夏。至烏金地。與大將軍會。五月。上駐蹕克魯倫河。噶爾丹聞。御駕親臨。倉皇遁去。大將軍邀擊之。於昭莫多。公率綠旗兵居中。與東西二軍併力迎戰。自未至西。斬級俘獲無算。追奔三十餘里。噶爾丹引數騎遠竄。捷奏至奉。旨褒獎。詔赴京。命侍衛迎勞。賜冠服等物。並御製詩箋。有鷹揚資遠畧。病望在西陲之句。入覲。暢春園。賜御書級懷堂額。及端罩。四團龍補服。孔雀翎朝帽。朝衣。朝珠。鞍馬。命赴肅州駐兵。探噶爾丹往哈密聲息。三十七年。敘功。加雲騎尉世職。三十九年。二月。以病乞休。遣御醫及兵部官往。

視仍命畱任調理是月薨詔從優議卹贈太子太保
賜祭葬如例諡襄武親還命皇長子前往奠醊賜鞍馬銀
二千兩諭廷臣曰聞孫思克喪回時自甘州至潼關沿途軍
民無不號泣相送若平昔居官不善何以得此誠可謂將軍矣
復諭兵部曰孫思克謀勇素裕久鎮巖壘允稱良將可給還
所奪世職部議并爲一等男加一雲騎尉以其子承運襲雍正
十年入祀賢良祠乾隆三十二年詔以公當吳三桂叛及噶
爾丹犯邊時懋著勞績其一等男爵令世襲罔替

梁敏壯公事略

子鼎

公諱化鳳字岐山陝西長安人順治三年武進士四年授高山衛守備五年大同總兵姜懷叛公從英親王阿濟格攻克陽和城擒賊將郭二用陞大同都司時大同左衛汾澤諸郡邑賊衆蜂起六年公破大同比密溝生擒賊將李義張豹二月攻渾源州克三堡破賈莊城擒賊帥王平進攻左衛下之諸功加都督僉事以副將推用五月攻太原賊衆殊死戰公被重創督攻益力執其僞巡撫姜建勲六月攻汾州進薄孝義縣穴地置火藥藥發城圯拔其北關賊率沈海來襲大營公破走之連下十餘寨介休平進攻祁縣望風悉降十月攻太原延安皆下之進逼

沈海於九臺火其寨海降遂乘勝進定澤州七年殲餘寇於牛
鼻寨晉地悉平八年授蕪湖參將勦石皿鷺鷥二湖盜十二年
遷甯波副將海寇張名振犯崇明之平洋沙公署蘇松總兵事
至則遣都司談忠逆戰名振復圍高橋公親馳援勦敗其眾十
三年實授蘇松總兵公以平洋沙懸隔海中爲賊估聚因沿海
築壩長十餘里引平洋沙入內地且灌田千頃俾斤鹵盡爲膏
腴初鎮兵皆寄居民廬公始建營房處之兵民稱便海寇鄭成
功率眾號百萬先犯崇明公擒其間謀督兵逆戰獲賊渠餘眾
潰遁十六年七月成功以大艦陷鎮江瓜洲直犯江甯當是時
駐防重兵皆移征雲貴城中守備虛提督馬進寶陰通寇擁兵

翺望成功移檄遠近連下徽甯池太計府四州三縣二十四維揚常蘇且夕待變東南大震軍報阻絕世祖幸南苑方議集六師親征公率所部兵三千人疾抵江甯援劔登高審視見敵營不整樵蘇四出甲士浮後湖而嬉乃率勁騎五百夜出神策門先破其一營以作士氣次日分兵出儀鳳鐘阜二門身先督戰以三路攻其前而騎兵繞出山後夾攻拔賊巨燾毀其本寨命勇士踞高發巨礮乘勢奮擊擒偽總兵余自新等賊奔潰是夜偽帥連營屯白上山公尋由陸路通兵賊列陣迎戰公督諸軍自下仰攻生擒偽提督甘輝等賊大敗奔北公追斬甚眾別遣將燒賊船五百餘艘賊眾自相蹂躪溺

死者無算。江南遂通。成功敗遁入海。公尋遣將防崇明。賊果薄城下。適公兵自江甯回。聲勢相接。括民舟出白茆港。絕流迅擊。賊復大敗。成功僅以身免。十六年授輕車都尉。賜金甲貂裘。十七年擢蘇松提督。加太子太保。左都督。公疏言。蘇松濱海要地。延袤八百餘里。原設標兵僅二千餘。調酌調省。兵三千八百。立爲中左右前後城守六營。以資捍禦。下部議行。十八年秋。上特詔曰。海寇入犯江甯。時梁化鳳擊敗其衆。繼援崇明保全孤城。厥功懋焉。其再叙戰功。示鼓勵。遂晉爵三等男。准襲八次。八月以病乞休。溫旨慰留。九月授江南全省提督。時議者以海寇初平。遊氛未靖。欲立界遷沿海居民於內地。公曰。沿海設


兵以所棄地畝賦之。則國既足。兵民無廢業。遷界何爲。奏上。詔從其言。康熙元年丁父憂。令在任守制。十年十一月薨於位。賜祭葬如典禮。贈少保諡敏壯。十二年仁皇帝巡幸西安。遣官奠其墓。子鼎蔭生。康熙十三年奏改武職。授督標左營遊擊。時漢中興安並叛。應逆藩吳三桂。鼎駐防黑水峪。十四年漢中賊千餘聯結叛鎮王輔臣。由祥峪口入三路。阨踞山險。鼎率兵誘至觀音堂奮擊。大敗之。十七年調興安游擊。管副將軍事。十八年征漢中。由西路出富家河。偵賊二千餘踞桐子關。鼎率兵衝擊。自午至酉。殲賊無算。復移師敗賊於閭王橋。興安附近城邑以次恢復。十九年勦川東叛鎮譚宏進。

兵羅石橋等處大敗賊衆擒賊將衛仰武等遂復達州加都督
僉事二十一年遷袁州副將二十六年遷江南水師總兵四十
年擢福建陸路提督四十五年擢福建浙江總督四十六年
二南巡賜御書旗常世美額先是兵部尙書金世榮爲總督
謂出洋巨舟易藏盜奏定漁船禁用雙桅商船飭令改造樑頭
以丈有八尺爲度逾制者罪之鄭旣蒞任卽疏言商船不許過
大慮其越出外洋或至爲匪也然船大則商人之資本亦大不
肯爲匪且不容無賴之徒操駕自定例改造所費甚鉅皆畏縮
遷延其已改造者僅求合於丈有八尺之樑頭而船腹與底皆
仍其舊是有累於商而實無關海洋機務及召對復面奏漁

船不僅捕魚兼資貨物貿易非雙桅難以出洋。

上命大學士等議弛其禁四十七年疏言湖州所屬逼近太湖有烏程之西山港新涇濃等處及長興之白茅花礪諸港計七十有二港淩漑田畝無算宜開濬深廣於流入太湖處建閘六十四座隨時啟閉其石門之聖塘廟至玉溪鎮秀水之西利北利端平三橋嘉善之西門渡船頭張涇匯楓涇鎮等處爲出水要道均宜開濬估計需銀四萬兩有奇此外淤淺之三率屬支河溝蕩動民開濬民自樂從無煩動帑疏入下部議如所請得旨支河港蕩淤淺若勸民開濬或地方官借端私派厲民其悉令動帑興工四十九年母憂歸五十二年赴高祝洞萬壽子陰

一了尋以疾乞歸里。是年十一月薨。年六十有一。遺疏至。價
旨下所司議卹。賜祭葬如例。



楊敏壯公事略

公諱捷字月三先世家揚州以軍籍爲義州人公初爲明裨將
順治元年率衆投誠授山西游擊二年岢嵐州土匪高九英等
聚衆標掠公奉巡撫馬國柱檄擒斬賊衆毀其巢遷中軍參將
擢副將四年大兵旣定廣東詔公率宣化大同兵三千移鎮
五年二月次池州值江西總兵金聲桓廣東總兵李成棟相繼
叛征南大將軍譚泰請公駐防九江會勦聲桓
世祖皇帝允所請授公九江總兵官旋率兵復都昌獲僞官余
應柱等斬之江西平予雲騎尉世職十年隨靖南將軍喀喀
穆勒滅廣東叛鎮郝尙久復潮州十一年改陝西興安總兵經

畧洪承疇疏畱原鎮。是年加右都督銜。充福建隨征右路總兵官。十二年晉左都督。時海賊鄭成功肆擾福建郡邑。公請剋期增修漳浦城垣以固守禦。嘗勦賊銅山諸處所向克捷。十六年擢江南提督。會鄭成功突陷鎮江。窺江甯。特加公太子少保。充江南隨征左路總兵官。統兵三千防勦。十七年奉旨駐揚州。防江北要汛。十八年署廬鳳提督。尋調山東提督。駐青州。土賊于七敗竄入海。公緝其黨五十餘人皆伏誅。康熙四年併山東總督於直隸。移提督駐濟南。七年河南提督許天寵以裁缺改山東。命公候缺。九年天寵遷鑾儀使。公仍補原官。十二年調江南提督。十五年海賊鄭錦犯乍浦。公遣參將白可受等往。

刺獲其船。俘斬無算。十七年賊犯漳。州陷。海澄。上以公謀勇兼優。成效素著。誠船建提督兼轄水陸。待晉少。存兼太子太保。並諭攜綠旗兵之願往者隨征。公因疏言。臣前隨征福建。勦賊雲霄。銅山。內深知閩兵不能力戰。用命。臣自任江南提督。召募壯健。至松江訓練有年。堪資戰守。擬選三千名。並擇游擊守備數員。往備任使。上允之。公至福州。聞賊犯泉州。卽統兵趨惠安。賊不敢抗。皆潰遁。遂復惠安城。僞總統劉國軒見我軍甚盛。因斷洛陽橋。畱賊數千及船百餘拒守。而自集海船爲遁計。又以賊三千餘踞陳山壩。阻我師。公遣游擊李璉等襲破陳山壩。而令總兵黃大來

與副都統禪布等會師洛陽橋。兩路夾擊。以礮破其船。賊大敗。遁去。泉州平時賊將王一鵬復窺惠安。公令總兵張韜往剿捕。斬略盡。餘黨葉明紀朝佐等出沒德化。永春間。僞總兵蕭武等聚艘泊湄州。窺興化。公復遣將防守策應。而自移師赴漳州。同副都統吉爾塔布等敗國軒於江東橋。又分兵屯柯坑山。鳳山。萬松關諸險。隘別遣將守樁山寨。以挽衝要。先是公甫莅任。卽請設水師提督。使已得盡力陸路。至是得旨。楊捷自薦簡任以來。疊著勞績。可授昭武將軍。管福建陸路提督事。十八年。國軒以賊衆劫樁山寨。並欲奪江東橋。公會平南將軍賚塔等分兵爲兩翼。左右夾擊。大敗之於下坑山。及厭溪頭。斬賊千餘。獲

甲仗無算。十九年，國軒糾賊屯獅子山，又聯絡遠近賊寨爲聲援。公親率精銳，勦平烏嶼諸寨，復以高浦與廈門相對爲海濱要地，留營防禦，斷賊歸路。而自與總督姚啟聖、總兵黃大來等分下玉洲、三汊、石碼等處十九寨，復統兵進攻海澄。僞總兵蘇侃以城降，遂乘勝取廈門。賊聚艦迎敵，我師以巨礮毀其艦，奮兵疾擊，賊溺斃者無算。餘黨相率投誠。金門、廈門悉平。國軒自銅山竄臺灣，公疏請回駐泉州。得旨：俞允。是年九月，以老病乞罷。命仍任江南提督。諭曰：卿效力巖疆，功績茂著，以閩地溼熱，與卿病體不宜調爲江南提督，不必求罷。明年晉三等輕車都尉，準襲四次。公駐松江年久，以病乞休者再，俱奉溫

旨慰留二十九年薨於位年七十有四。贈太傅諡敏壯。孫鑄

施襄壯公事略 子世綸 世驃

公諱琅字尊侯號琢公福建晉江人貌魁梧膂力絕人少從戎時主兵者募壯士有鼎重千鈞公從容舉之環步數巡仍返其所唐王立福州授左衝鋒嘗統偏師迷入榛莽有虎導之行始得出衆見公與虎皆爭趨救公笑曰微虎我何由至此衆大驚嘗隨閣部黃公道周出仙霞關知事不可爲獻奇策黃公曰君言是也顧吾大臣仗義守死而已倘有他奇策可以匡時君等行矣勉之遂寄食海上爲明總兵鄭芝龍部將國朝順治三年大軍定福建公隨芝龍投誠遂從大軍征廣東勦平順德東莞三水新甯等縣芝龍歸京師其子成功竄踞海島屢誘公助

已公不從。因公艙中欲殺之。公以計脫。宵奔緣山行。匿洞中。追者數十騎至。火光燭天。公所匿洞。忽生棘刺。索者不能得。成功歎曰。吾畱一患於中原矣。公父大宣弟顯暨子一姪一遂被害。十三年。公隨定遠大將軍濟度。敗賊衆於福州。授同安副將。破灝州壘。擒其騎將。降萬餘人。遷總兵官。康熙元年。擢水師提督。時成功已死。其子錦糾衆犯海澄。二年。公遣將擊賊於海門。斬賊將林維。獲其船。十月。靖南王耿繼茂總督李率泰等攻克。廈門賊衆遁。公率所募荷蘭夾板船。邀擊之。殲賊千餘。乘勝克浯嶼金門二島。加右都督。三年。加靖海將軍。七年。密疏言。鄭逆負嵎海上。宜急剿。若恣其生聚。是養癰也。疏上。召至京面。

詢方畧。公奏賊兵止數萬。戰船數百。若先取澎湖。以扼其吭。賊且立絀。倘仍負固。則重兵泊臺灣港口。而別以奇兵襲南路。打狗港及北路文港等處。賊分則力薄。合則勢蹙。臺灣計日可平。事下部議。以風濤莫測。難以制勝。寢其奏。乃裁水師提督。授公丙。大臣隸漢軍鑲黃旗。十九年。學士李公光地與公語。及順治十六年。海寇犯江南。事。李公曰。賊苟不頓兵城下。驅而徑前者。是誠可危。公笑曰。宜何向。李曰。循山而東。奈何。公曰。南北步馬不相若久矣。眾寡勞逸。又懸。雖所在響應。作聲勢。實觀望。不能爲之助也。纔涉此地。與官軍交立。盡耳。徐又曰。向彼舍短用長者。委堅城。沂江而上。所過不留。直趨荆襄。呼召滇粵。三進落與。

之連結搖動江以南以撓官軍則禍甚於今日矣棄舟楫之便而倣攻圍故知賊無能爲也李公以是知公能二十年李公疏言鄭錦已死子克塽幼部下爭權征之必克因薦公素習海上情形可專任而總督姚公啟聖亦奏公能遂授福建水師提督加太子太保公至軍練水師又遣閒謀通其舊部曲使內應二十一年七月彗星見給事中孫蕙疏言征臺灣宜緩尙書梁清標亦以爲言有詔暫停進剿九月公疏言臣已簡水師精兵二萬戰船三百艘足滅海寇請飭督撫餽餉而獨任臣以討賊無拘時日但遇風利卽進兵詔如所請行公復請調陸路官兵隨征許之時克塽仍襲僞爵稱延平王事皆決之僞武平侯

劉國軒僞忠誠伯馮錫範猶恃海道險遠致書總督姚公言克
塽願稱臣入貢不薙髮登岸如琉球高麗例姚公以聞
上不許趨公進師二十二年李公光地請告家居邂逅公逆旅
中李曰眾皆言南風不利公出師故犯之何也公曰賈豎之言
也夫此風日夜猛夜則更甚自此至澎湖縱能魚貫行幸而不
散然島嶼悉賊踞未能一鼓奪之舟無泊處坐與行殊風濤震
撼軍不能合也將何以戰夏至前後二十餘日風微夜靜海水
平如練可以拋碇泊洋聚而觀釁不過七日舉之必矣用北風
者徒幸萬一南風則十全之算也然旬日間恐有颶風亦偶閒
歲不起此則天意非人慮所及耳又曰賊將劉國軒爲彼魁傑

設以他將守澎湖雖敗未卽服也必用再戰如守澎者爲國軒
或死或敗則勢窮膽裂矣臺灣可不戰下李喜曰寇平矣公笑
曰何信之深也李曰爲將者必識天時地理且較將之智力公
兼之矣能無平乎六月公由銅山攻克花嶼貓嶼草嶼乘南風
進泊入罩國軒踞澎湖築短牆列火器環二十餘里爲堅壘公
遣游擊藍理以烏船進攻賊船乘潮四合公乘樓船突陣流矢
傷目督戰益力總兵吳英繼之斬賊將及賊兵三千有奇克虎
井桶盤二嶼旋以百船分東西路遣總兵陳蟒魏明等東指雞
籠嶼四角山西指牛心灣以分賊勢公自督五十六船分八隊
以八十船繼後城悉衆來拒我軍聯檣而進總兵林賢朱天貴

突入賊陣八隊踴躍奮呼東西兩路夾攻波濤騰沸自辰至申
焚賊船百餘燹賊萬有二千遂取澎湖是役也公以十四日發
銅山二十二日決勝果在七日中戰之日東南角微雲起國軒
方調遣拒敵望見喜甚既聞雷聲殷殷國軒推案起歎曰天命
矣蓋海行古風以雲起爲風兆聞雷則止也國軒敗後乘小舟
歸臺灣克塽等震潛無措乃乞降公爲奏請
聖祖許之八月公統兵自澎湖入鹿耳門抵臺灣克塽率其屬
雍髮迎降繳偽延平王金印臺灣平請旨嘉公忠勇性成矢
心報國加授靖海將軍封靖海侯世襲罔替仍管水師提督事
遣侍衛資御用冠服賜之公疏辭侯爵優詔弗許特

賞孔雀翎

命侍郎蘇往拜福建與督撫及公議善後策時有

議遷其人棄其地者公疏言臺灣自古未入版圖然中國之民

潛往生息其間不下萬計海寇鄭芝龍始踞爲巢穴明崇禎初

芝龍就撫借與紅毛爲互市之所順治十八年鄭成功攻破之

盤踞其地傳三世數十年一旦畏威納土此誠

天作

皇上以未闢之方輿資東南之保障若棄其地遷其人則此地

原爲紅毛所有萬一乘隙復踞後患方長伏思海氛旣靖汰內

地溢設之官兵即可分防兩處三年後開征濟用內地可免轉

輸竊謂棄之必貽大患守則永固邊隅伏乞

乾斷疏下議政

士大臣會議仍未決。

上召詢廷臣大學士李公霽奏應如公請尋蘇拜及總督姚公亦如公議請設總兵等官及水陸兵並設縣三府一巡道一得旨允行尋詔授鄭克塽公銜劉國軒馮錫範伯銜俱隸漢軍其偽武職千六百有奇偽文職四百有奇降兵四萬有奇及明裔朱恆等命於附近安插墾荒二十四年公疏請申嚴海禁凡興販外洋應定船數每船仍酌定人數歸督撫提鎮責成汛官防範其採捕漁船亦使互相稽察以杜變端從之會歲饑公平糶賑卹全活百萬戶二十七年入覲賜朝服上諭公曰爾前爲內大臣被時尙有輕爾者惟朕深知爾待爾

甚厚其後三逆蕩平惟海寇游魂尙爲閩害欲除此寇非爾不可爰斷自朕衷特加擢用爾果能盡心竭力舉六十年難靖之寇殄滅無餘誠爾之功也近有言爾恃功驕傲者今爾來京又有言當留爾勿遣者朕思寇亂之際尙用爾弗疑況天下已平又疑爾弗遣耶今命爾復任宜益加敬慎以保功名從來功高者往往不克保全終始皆不能敬慎之故也其他勉之公以年衰乞致仕 優旨弗允三十五年三月薨於位年七十有六贈太子少傅 賜祭葬 子諡襄壯雍正十年 詔入祀賢良祠子世范襲三等侯 仲子世綸字文賢康熙二十四年由任子授泰州知州殫心職

業有重臣來治河。從自某強州。民已聘女爲妾。君持之急立還。諸民餘衆咸遵約束。尋坐事降調。督臣傅臘塔以世綸清廉公直題留得。旨留任二十七年。湖廣兵變。援剿官軍過境。沿途侵掠。君具芻糧應之。而列槎以待。有犯者立擒。治之。兵皆斂手云。明年擢守揚州。禁治遊俗。尙一變。會歲饑。力請興修范公隄。以工代賑。全活者多。上南巡。召對良久。顧左右曰。此天下第一清官也。調江南。以父憂去官。乞留者萬人。不得請。乃人投一文錢。建雙亭於府署前。名一文亭。累遷安徽按察使。湖南布政使。湖南田白丈量。後里役雖免。而正供外有徭。蠲歲漕外有京費。世綸盡革徭費。減京費。

四之一民立石頌之入爲太僕卿坐事免特旨授順天府尹

令行禁止畿輔肅然再遷戶部侍郎五十四年出爲漕運總督

禁需索革羨金劾貪弁除蠹役人服其公明五十九年陝西大

旱饑轉河南粟二十萬石給關中詔世綸勘黃河運道乃自

孟津歷砥柱上龍門由陝州達西安量地險易酌舟多寡因徧

歷陝境發帑金倉粟賑饑秦民建生祠祀之君性警敏聽斷如

神自司牧歷大吏清白自持始終一節以勞疾薨於位江泰淮

揚並祀焉著有南堂集八卷奏疏若干卷

第六子世驃由行伍起家積戰功康熙四十七年擢定海總兵

四十二年

上南巡 御書彰信敦禮匾 賜之累出洋巡輯海盜 溫諭

嘉獎 賜戴孔雀翎四十七年遷廣東提督五十一年調福建

水師提督六十年四月奸民朱一貴自稱明裔偽號中興天下

大元帥倡亂於鳳山縣之姜園戕總兵歐陽凱副將許雲等遂

陷臺灣君聞報卽率所部進扼澎湖總督滿保檄總督藍廷珍

等以師會眾議三路進攻君以南路打狗港在臺灣正南南風

正盛不可泊北路清風隙去府治百餘里餉道艱度賊必屯聚

中路宜直擣鹿耳門時臺灣文武官均退回澎湖惟北路淡水

營守備陳策堅守汎地君遣將赴援而自統師擣中路遣勁卒

以小舟載旗幟先伏於南北港六月抵鹿耳門賊踞臺灣抗拒

君登樓船督戰發礮中賊貯火藥器火大熾賊驚潰眾軍齊進兩港悉樹我軍旗幟遂揚帆直渡鯤身鯤身者海沙也大舟不能過是日海水驟漲八尺舟行如飛遂復安平鎮明日破賊四于於二鯤身賊眾八千來拒復擊敗之遣守備林亮等由西港進游擊朱文謝希賢林秀等越七鯤身由鹽埕諸路奮勇登岸並趨府城君身先將士擊敗賊眾一貴竄遁遂復府治閏六月諸羅縣民楊地等誘擒一貴及其黨翁飛虎等十二人縛獻大營一貴檻送京師磔於市逆黨俘斬殆盡臺灣平與襄壯公平臺日期先後符合詔優敘有功將士賜世驃束珠帽黃帶四團龍補服九月薨於臺灣軍營優詔悼恤贈太子太保

賜祭葬諡勇果雍正元年

世宗特旨臺灣自古未屬中國

皇考以聖略神威取之載入版圖逆賊朱一貴等倡亂官軍感
皇考教養之恩奮勇攻取七日之內勦滅數萬賊眾克全臺厥
功甚偉茲仰割

皇考從優議敘之旨於現議甄敘外仍各加一等後不為例提
督施世驃可予一等輕車都尉子廷勇尋襲職其淡水營守備
陳策卽以君薦超授臺灣總兵官

制策昭以臣等誠恐其意未可

臣等誠恐其意未可

臣等誠恐其意未可

臣等

臣等誠恐其意未可

臣等誠恐其意未可

臣等誠恐其意未可

臣等誠恐其意未可

藍義山軍門事略

藍公諱理字義甫號義山福建漳浦人生而魁偉虎頭燕頤口
可容拳力舉八百斤足追奔馬能曳其尾倒行少貧無以爲生
或勸爲染人尋發憤棄去持斧擊斲釭碎之會海寇盧質擁眾
岱嵩井尾間時出劫掠公集族中雄傑考得十五人謀曰大丈夫
當立功報國今盧質爲害鄉里我與若往殺之官以我爲能
必聞於朝且用我矣皆曰善遂行得壯士五十人至岱嵩屯焉
盧質居井尾隔一江公傳言吾欲與質鬪質聞率眾三百至公
大笑曰吾始聞若勇今乃知若怯若所持二三百人耳使隻身
與吾鬪吾擒若矣質喜曰有是哉遂各持盾攜短刀躍出鬪百

合莫能相勝負。質故有名。劇賊身長七尺餘。白晳長髯。揮刀盾如閃電。當者辟易。見公少年。心易之。至是知爲掠敵殫其技。終弗能勝。公度質氣且餒。忽虎吼曰。著矣。質愕然。趾出盾外。公截其趾顛。遂斬之。合其眾曰。降者免死。眾皆降。其副王都問之。亦降。公將詣郡獻功。都請緩數日。實潛出劫掠。後以傷死。公始自詣郡。郡守聞公作賊。方戒嚴。公指天誓且言。屠賊狀。弗信。逮下獄。雜羣賊中。鞠治之。將斬。計五十有三人。議畱一人。緩其死命。掣簽。公曰。死則死耳。何掣爲。羣賊以次掣。遺一簽於地。公曰。地上者。子我官。揭視之。生字也。田是五十三人。皆斬。而公獨畱亡何同繫者。謀越獄。事洩。坐斬。將及公。迅雷忽作。晝昏。衆主者知。

其冤乃止。然終不獲出獄。公亦晏然無出意。日捫屨以爲食。康熙十三年。耿精忠反。悉縱繫者。使受僞職。公不從。問道走出仙霞關。聞康親王方統大軍討賊。公迎謁。具陳平閩策。王嘉其忠。命隨征。爲鄉導。破僞都統曾養性於溫州。十五年。以功授建甯游擊。十七年。都統賚塔等敗海賊於蜈蚣山。復長泰。公皆爲軍鋒。又隨提督楊捷夾擊賊將何祐於烏嶼。大破之。遷灌口參將。灌口當孔道。軍興。旁午供億繁甚。閩督姚公啟聖方駐漳浦。每使過。有所誅求。公不應。且執而鞭之。由是過客皆譖公。姚公命公分兵守高浦。辭不赴。遂以虛兵冒餉劾公。削籍。擬杖徒。公有卒。以鬪殺人當死。公憐其母寡無昆弟。自詣官曰。殺人者我也。

卒無罪遂免卒而置公於理在獄又經年請勦海寇自贖
上允之發臺灣效力當是時朝廷以鄭氏父子竊踞澎臺數
侵擾漳泉爲邊患議大興師命靖海將軍施公琅征之施名
將雅知人聞公忠勇奏署右營游擊部議持之特旨報可遂
領前隊先鋒公喜得遂報國志曰在廈門練水師有二卒出
市薪蔬運將軍戈什哈觀劇使酒擒而撻之且痛詆公卒歸愬
公笑曰鬪毆常事也且問汝勝耶負耶卒曰受撻耳何勝負之
足云公怒曰汝二戈什哈不能勝何能殺賊命斬之卒呼冤曰
某等以將軍故讓之請復與鬪如不勝願死公縱之再鬪反命
曰大勝矣公喜命二卒臥板扉上刺雞血淋之昇以往見將軍

請發戈什哈二人者付公治施公不可公固請曰今用人之始士卒不能愛軀命爲將軍出死力將軍宜一體撫恤之戈什哈倚將軍勢無故撻士卒且大言辱詈某損先鋒威重搖惑軍心將軍不發此二人付某治恐軍士人人解體也施公不得已付之公回營具牒飛報將軍曰今日上吉先鋒官啟行卽詣海岸縛戈什哈二人斬以祭江專巨礮順風揚帆去施公聞之不憚旣而曰虎將也必成功遂親統諸軍繼之公帥師先抵澎湖鄭氏將劉國軒曾遂等以數萬衆迎敵戰艦蔽江公鏖戰自辰至午手殺八十餘人身被十餘創正酣鬪間忽賊礮斜飛過公腹公偃曾遂呼曰藍理死矣公件弟瑤從背後扶公起公奮拳虎

吼曰藍理在曾遂死矣。喚草茵持刀來。連呼殺賊者。三聲如震雷。舟中軍士皆氣壯。無不一當百草。茵族子法小字也。持刀授公。見公腹已破。腸出於外。血淋漓爲掬。而納諸腹中。公四弟瑗傳以衣。五弟珠持匹練。連腹背交裹之。公大呼殺賊不暇顧也。時賊船競進。以鐵鉤鉤公舟。我軍亦鉤賊舟。火箭火彈互擲。煙焰障天。賊中有飛天鼠者。抱巨桅。揉升而上。銜刀負蓬。立將躍入公舟。公弟瑤距躍斬之。賊奪氣。我軍賈勇先登。公命以火藥盡傾賊舟。焚燹賊無數。沈其巨艦二。賊大敗。逐北數十里。棄械浮尸盈海面。捷聞。施公大喜。疏上公首功。命紅毛醫治公。創醫言須七日弗動氣。乃可平復。未幾。施公進戰。戒左右勿使公知。

會官軍小卻。施公以大衆犁之。過猛舟閣淺沙。不能動。羣賊環
焉。施公故善戰。神氣閒定。然終未得突圍出。公聞左右耳語。詰
得之。大驚立往救。時諸將所乘舟皆書官銜姓氏於旗上。獨公
舟止書藍理二字。字方廣。各二丈。賊遙望見。相謂曰。藍某來矣。
皆披靡。公飛盾躍過。爲中軍舟。連斬巨魁十餘人。復躍而還。賊
奪氣奮擊。大敗之。奪賊舟。請施公更舟。施執手慰勞。且曰。醫言
七日勿動氣。今方三日。何遽來。公笑曰。主帥有急。卽剝裂以死。
不顧也。遂與施公乘勝鏖擊。窮追賊首尾。不相顧。鄭克塽大懼。
遂納土降臺灣。平施上公首功。加左都督。以參將先用。尋丁憂。
二十六年服闋。入都。抵趙北口。遇

聖駕出水園將避道所乘馬凝立弗肯行鞭之數十不動乃舍騎步入梁園中駕至遣侍衛問誰騎公乃出曰臣藍理從福建來者

上問是征澎湖時拖腸血戰之藍理邪公奏曰是上曰來何遲也召至前問血戰狀解衣視之爲撫摩傷處嗟歎良久復召至行宮慰勞之特旨授神木副將賜帑金三百兩未行擢宣化鎮總兵掛鐘朔將軍印二十九年調浙江定海鎮在浙十餘年權提督者四每遇南巡迎駕或入都陛見寵賚特有加

聖祖嘗語諸王大臣以公拖腸血戰狀又引見

皇太后曰此破吐總兵也視公若家人久予公曰奏對皆侃侃直陳或手舞足蹈不自已

上嘉其直率御書所向無敵額賜之四十二年調鎮天津

賜孔雀翎及冠服尋以舊傷疾作請解任溫旨慰問賜御

醫診視公以畿輔產米無多而天津一望皆平原可開河引水

灌稻田乃躬率兵士墾鑿得水田數百頃歲收豐稔

上悉以賜公賜名藍田爲世業四十五年擢福建提督御書

書錦萱榮額賜其母蘇氏并書勇壯簡易額賜公調公弟

參將珠赴天津接管營田事公至閩日召故鄉父老飲道及微

時顛沛狀歛歔太息慨然有廣廈萬間庇士之意時詢疾苦遇

胥役勢豪訟師士棍悉關白當事置諸法親近者竟自治之倡
建江東大石橋二捐金巨萬不足則以郡人之不孝不弟及爲
富不仁者出罰鍰附益之又大治街衢拓其規制常曰以地方
不義財爲地方之利可以勸孝弟抑豪強轉移風化或曰此有
同事也非所宜聞公怒曰天下官管天下百姓腐儒何足以知
之由是告訐者踵至差弁伺攝趾錯於道富人重足立左右親
暱因緣爲姦利利歸羣小而惡名盡萃公卒如公者因刻匿名
帖繪一虎以比公多列罪狀五十年坐盜案落職巡撫滿保總
督范時崇據虎帖劾公
上命侍郎和托廖騰燊等往按左右不肯承公曰吾大臣何必

辯舉筆署曰皆實議斬立決追賜入萬籍其產特旨從寬免死調赴京師入旗籍五十四年大軍進勦策妄阿喇布坦公請赴軍前效力

士以其驍勇練軍機

賜總兵銜協理北路軍務五十七年以

病回京明年卒年七十有一

上追念公功

特旨免所追銀

賜公家屬出旗護喪歸葬公

生平躁急性發如雷霆過卽忘之無藏怒宿怨每劇談大笑聲聞里許尤善罵人遇權勢赫奕出已上者輒挫侮之然遇才人傑士雖極寒賤必折節禮下以此人服其伉爽教家勤儉衣食粗糲無所擇家奴壓珍羞而草蔬敗肉反啗以待公公亦甘之

好書。擘窠大字。濡毫伸紙。有求無不應者。諸弟皆以平臺功加左都督。瑤功最多。未仕。卒。瑗至金門鎮總兵。亦喜書大字。拳能人口。揚盾一躍三四丈。珠累官參將。勇不讓諸兄。而性敏嗜學。能背誦通鑑綱目。不遺一字。文人多避之。

許盡臣少傳事略

許公諱貞字盡臣閩之海澄人父炳嘗捐貲重建明倫堂又築陂引淡水以溉民田鄉人德之公初爲鄭氏將康熙三年率所部歸朝詔授左都督駐九江已而移駐贛縣墾荒爲屯田都督居久之滇黔變作湖湘諸郡皆陷而耿精忠反閩中出兵杉關廣信建昌撫州諸山賊蜂起應之州縣大半破沒精忠遣驍將賈振曾規取贛州以通楚寇陷石城圍甯都勢張甚虔人震恐公在市間發憤歎曰風輩猖狂乃至是乎大丈夫立功報國此其時矣遂以十三年五月二十四日起兵赴援時公開居久部曲多散去衣甲器械不完而公常教人舞藤牌用挑刀人多

鎮習乃椎牛醢酒集屯丁諭以忠義聞者皆感憤得健卒四百率之行賊眾數萬營於黃坊所過無敢撓鋒者見公偏師前不爲意公大呼突陣跳盪無前藤牌軍一躍數丈人馬辟易搏戰數十合賊大潰斬首數千獲甲幟礮矢無算於是軍容始可觀乘勝解甯都圍復石城斬三千級八月賊圍興國急公馳救之立解勒雲都瑞金盡平天華長樂伍選白寺諸寨招降江背石寶諸寨賊眾數萬出難民三萬有奇屬有司加意拊循督撫交章上其功加太子少保時公威名日盛閩寇畏之遣辯士以高爵誘公致書進說公一不啟書械其使以聞顧遣閩人饒衣結僞總兵張存歸順存踞順昌以牽制延汀耿逆大患苦之於是

天子知公忠赤可大用。擢公總兵轄湖東三郡。駐節建昌。以十四年六月視事。未逾月。復宜黃崇仁樂安三城。初。建昌爲賊踞。安親王復而守之。顧環城數十里。皆賊。賊屯麻姑山蕭家坪楊華芙蓉諸山寨。無慮三四十萬。逼城而軍。耽耽下瞰。王以爲憂。公徐白王曰。賊雖多。易與耳。請往破一寨。以爲驗。王尙未知。公之能軍也。姑應曰。諾。公出。賊不意。以夜二鼓疾馳。勦蕭家坪。冒險突上。犁且破之。王晨召公。不至。聞其出。勦也。大驚。惟恐失之。已而公還。獻捷。乃大喜。賜食慰勞。於是王知公果可屬大事。遂以建昌委公。而身帥師自袁州進攻長沙。畱滿兵五百。公部卒僅二千。賊聞大軍西行。度城守益單。以十二月二十八日併力。

攻城一軍駐城東之沙坪一軍駐城東南從姑山一軍薄南門
城東多民廛沙坪曠衍他將請攻之公不可分遣裨將守南門
而自將銳卒擣從姑山山高賊渠屯焉不虞我軍猝至倉皇迎
戰大敗走而賊之攻南門者方鵬張公自山馳下掩出其後賊
大驚表裏來擊盡殲其眾盱江爲之赤白是賊膽落不敢復議
攻城矣訊俘言賊度官軍必攻沙坪則出兵縻我而從姑山之
眾下焚民廛官軍不得還城卽破矣今驟攻從姑山則沙坪之
眾弗能救也諸將乃大服脉姑山最高賊數萬壁其上環而寨
者數十里一擊百應公默計方春水發溝澗皆成河諸寨隔絕
乃可破也於是按兵休上就麻姑山麓平敞處時時引兵習陣

法賊初見兵來。謂將攻已也。環甲執戈以待。公閱武畢。徐回。久之。賊亦懈。不爲備。春水暴漲。賊以浮橋相聯絡。公密具舟。積薪其中。十五年三月晦。公復出。閱兵。士卒皆不知將攻麻姑也。抵山麓。忽引而上。直突賊營。賊分衆掠糧於外。畱寨者不意。大軍猝至。惶駭不知所爲。而別校熟薪舟。絕其浮橋。他賊莫能救。一日破六十餘寨。積屍滿巖谷。煙焰塞天。於是南山賊皆盡。而城東二聖山。陶寇耿二營焉。其餘沙坪。紅門。梓木嶺。諸賊蜂屯蟻聚。不可爬梳。公計賊衆且有備。故緩攻。以懈之。五月五日。當競渡。衆謂賊在近。請已之。公故縱龍舟往來。盱江置酒。張樂會諸將。聚觀賊熟視。不敢出聲。息公益知賊虛實。遂以六月六日進。

剋二聖山。直擣中堅。賊所恃礮火弓弩。我軍肉薄而上。藤腓蔽身。矢石不能傷。長刀一揮。甲札皆徹。賊大敗。耿二踉蹌遁。連破四十營。斬馘無算。餘賊盡走入杉關。白王師西行。建昌危於累卵。公獨守孤城者七月。以疲卒二千當方張之賊數十萬。而胸有成算。整暇從容。卒能以少擊眾。官民倚公若長城焉。七月復金谿。南豐。八月復廣昌。九月復瀘溪。授雲騎尉。世職。十年破賊蓮塘。十一月援南豐。十二月復新城。追賊至杉關。於是湖東三郡無賊。而吉安寇韓大任者。驍勇有智數。號小淮陰。與官軍久相持不下。糧盡出走。以十六年五月入樂安。簡親王度攻大任。公不可。檄公提師擊之。過於跌水嶺。大任所將多邊關勁卒。

垂死猶反鬪。公與之一日入戰。彼此疲極。坐睡少頃。輒起復鬪。我兵益奮。寇不能支。奔甯都。眾猶二萬屯都湖。立木城。畫塹而守。公攻圍兩月。寇出挑戰。輒不利。乃棄城遁。公星馳追躡。蹙之於永豐。又蹙之於黃塘虎峒。賊眾死亡畧盡。乃入閩。投康親王軍前乞降。以公窮追力戰故也。十七年春。平廣昌。藤弔楓樹二寨。降僞將饒大武等五十餘人。兵民五千有奇。二寨舊稱天險。四面懸崖。攀藤猿掛而上。頂寬平。可容數千家。有池不竭。粟支數年。公乃營於對面永安山。多製火器。會天大風。發礮焚其廬。賊升屋救火。遙縱火筒擲之。不得上。須臾灰燼。賊窮乃乞降。先是麻姑二聖之賊。旣滅。公念餘黨不足窮捕。遣人四出招撫。僞

總兵揭斯進偽將軍楊玉大偽都督余雄等先後受撫者三十餘輩計將吏千餘人兵卒數萬其或抗命亦不遽加兵徐曉諭之初過廣昌偽將軍劉汝桂等不就撫而潛遣人人營偵探公引令遍行營壘曰吾軍虛實悉汝觀之歸語汝將欲降則降不降善守汝寨吾今未加兵俟軍還攻汝必矣宜固守某險要不能守而破者玉石俱焚其母悔廣昌民欲薙髮公曰徐之吾未能出兵兵去賊復至必僂汝吾歸滅賊汝薙髮未晚也民皆感激泣下汝桂等服公威信亦率眾出降公行而有度皆此類也諸山寨初或恃險不卽降及藤弔楓樹平相顧詫曰二寨猶破吾屬尙不降無噍類矣是年秋

聖書裴獎晉提督兼轄饒州

南昌吉安凡六郡其冬命提督全省軍務所部將領許自辟置不拘成例共數也劇賊江機楊一豹駐江潯山爲巢四出標掠公會師鄒之自錢村入賊立木城爲三關深溝堅壁兵不得進寨後有高山公遣人間道攀援至山頂下瞰賊巢第苦乏水飢疲不能復鬪乃命截竹爲筒盛斗水人負一筒裹乾飯宵行黎明至山巔飽餐以待賊望見上山迎鬪我兵乘高擊之賊披靡多墜崖谷死乘勢至寨後鳴角聲礮賊守關者聞之謂官軍已入寨皆散走大軍長驅而進盡草其巢賊首走雞公山猴子嶺封禁山皆絕險人跡所不到輒躡其後襲破之又走洪山洪山有黃巢殿自昔官軍無至者公又破之斬一豹弟一虎及僞官

二十有五賊兵二千有奇十八年四月追賊至江潯山卽賊巢
爲營賊謀夜劫營公訶得之令鑿地三尺以其土壘垣三尺城
塹立就士露刃植立垣下戒賊至毋得出聲而別遣將伏林莽
中賊果夜至忽見垣塹嶄然大驚發火見垣內白刃如林惶怖
反走伏兵出賊狂竄相蹂躪死進破詹源老巢追斬萬六千餘
級機一豹等亡入閩納款康親王軍前論功加公世職騎都尉
兼一雲騎尉二十二年調廣東提督公自起兵至是首尾九年
凡遷官四加銜一加級五予世職三大功奏聞者二十餘次其
餘戰績不可勝紀惟

天子嘉公忠勇召入 陛見。褒勞再三。公叩首言 國家洪福。


主上天威臣何功之有

上間在某處某處殺賊幾何公又叩首言臣逢賊便殺不記多少。

上笑而頷之。知公樸誠益重公。公爲人廉謹和易。謙退不伐。平居左圖右書。接對士大夫恂恂儒雅。不知其爲元功宿將也。持軍嚴整。禁部下勿掠勿淫。勿殺降。勿俘良民。每出軍。以郡縣僚吏偕行。破賊得難民婦女輒幃置別室。屬吏謹視之。遣還其家。破寨得積穀。令軍民隨力負取。軍敢奪民僦以徇。凡收復城邑。他將有議攻山寨者。公曰。方亂民結寨自保。不皆賊也。止勿攻。所全活不可勝計。以故江右人深德公。家祠戶祝。思慕不少衰。

云詢者謂自三藩倡亂東西交訐潭岳撫信之賊中相隔閩者
虔州一綫地耳公崛起屯問扼其吭使賊連雞之勢不成遂乃
偏師橫鶩霆擊風驅令麻姑玉笥閒空無賊巢王師得以開長
沙掃滇寧而粵閩二寇縮爪鈐牙坐困井底同歸灰滅公之功
在社稷不細矣公位粵十四年造哨艇設水塘晝夜巡戢盜
賊屏跡山海晏然三十四年三月薨於位贈少傳賜祭葬
如禮其騎都尉兼一雲騎尉世職注入贛州衛子鳳朝孫克寬
作哲遞襲三次例應停乾隆中特予雲騎尉世襲罔替





國朝先正事畧卷之十二名臣

平江李元度次青纂

陳恪勤公事畧

子樹芝等

陳恪勤之生也。母羅太夫人夢入彩雲。吞月華。有大鳥負青衣童子來。故命曰鵬。年九歲。著蜻蜒賦。卽驚其老宿。康熙三十年進士。知浙江西安縣。公性彊直。初入官。誓以清白。自勵。西安當耿逆亂後。民多流亡。豪強爭占田。自殖。公履畝案驗。付主者悉還之。烈婦徐氏。含冤十載。公案誅首惡。建祠表墓。浙人爲演戲。塔傳奇。禁俗溺女。杜開礦議。邑大治。三十九年。河督張公鵬翮調赴河工。逾年。補山陽縣。上書巡撫宋公。舉謂陳民所不便。與

臣章夕三馬卷一二
己所欲爲者請勿拘常格宋黻其言山陽本澤國田沒於水征
賦不及額戶部持之公上言死不再生逃未復業卒得請會霖
潦將益河隄總兵欲啟東岸開洩水公曰柰何以東岸七州縣
爲魚乎請以身禱河隄動左右卻走公山立不變色収民籍沈
之水陡落五尺不爲災尋擢知海州當歲除州人徧榜官清民
安四字於門

聖祖南巡過沂州

詔截漕米四萬石命選賢能吏進充州分

賑以公董其事回鑾

召見濟甯舟次

命賦詩

賜御書一

輟四十三年擢江甯知府微行至郡夜宿海忠介祠題詩見志
廉知重耗病民亟革之下車前一日訊輿夫知某僧以勢奪其

妻訟不得直。公訴於新知府。詰且拘僧至。僧故總督所暱。役以計誘而後至者也。至則庭立稱無罪。公出民詞示之。乃慙伏。將立弊杖下。總督爲請。公曰。知府初行法。奈何卽格於一僧。總督固請令。罰鍰輸廟工。僧僅得脫死。江甯俗。父母死。子必親訃。公頒土喪禮禁之。并諭諸生。有毀廉隅證訟者。檄諸縣籍其名。歲終報府。俟督學按試時上之。於是終公任。諸生無證訟者。米踊貴。請發官米四萬石。設九厰平糶。松江捕卒誣富人爲盜掠其家。逼婦女自盡。事發。赦前公仍置之。法常州守某文致所部諸生吳廷立等十餘人於死。公與會勘。雪其冤。吳獲更生。易名曰復。字念滄。蘇人有鬪歐死者。已坐故殺矣。公出其罪。部駁再

三不能奪會

聖祖將復南巡。總督阿山召屬官議增賦。眾無言而注目公。公力爭。且曰。官可罷。賦不可削也。議遂寢。自是大吏滋不悅。公四十四年。

聖祖復巡江南。使公主辦龍潭行宮故事。自左右侍衛及闕寺牧圉皆有餽。公一切不問。或竊置蚯蚓糞於簞席間。上召公詰問。先是

上駐蹕織造府。一日織造幼子

而過庭

上以其無知也。曰。兒知江甯有好官乎。曰。知有陳鵬年。會致仕

大學士張文端英入覲

聖祖問江南廉吏文端首以公對至是復問公爲人文端言吏畏其威而不怨懷其民德而不玩土式其教而不欺廉其未也而織造使曹公寅亦免冠叩頭爲公請血被額同官某恐觸上怒陰曳其衣曹請益力

上遂釋然駕幸金山觀水師先期一日大吏檄公疊石爲步者三欲以因公屬吏皆惶急公曰吾自辨之乃率諸子弟躬運土石士民從者屬路爭撤屋材濟工然江酒急下石則捲浪去有估人子坐木筏上知其故請組筏疊石層層疊筏出水面有基卽鑿石如平地鼓四下工竣如有神助

聖祖臨視益奇之

御舟發

命公督挽舟者舟入淮山陽民

趨之曰此陳父母也。壺殮載路。

上微窺之。旣渡河。溫旨令公還。其年六月阿山劾公受鹽典。

各商年規蝕龍江關稅。又無故柳責關役。遂落職下江甯獄。

命漕督桑額河督張鵬翮會鞫。江甯人痛哭罷布土民揭帛鳴。

鉦。環制府問太守見劾之由。門者重閉叫噪不退。有司械擊數。

人。制府欲釋之。使謂曰。爾偶行過此。被繫邪。皆曰。非也。願入獄。

與太守同命諸生俞養直等繼至。大呼請保清廉太守呵禁之。

不止。則懼之曰。卽擒治矣。養直卽挺身就擒。吳復乃入獄。弔養。

直曰。此我當爲者。君竟先爲我之邪。訛傳養直繫獄時。學使者。

方按試。何容入邑。生童譁曰。讀書應試何爲也。皆火其卷去。且。

白○使○者○請○由○救○養○直○遂○得○出○乃○會○鞠○百○姓○夾○左○右○道○人○火○一○束○
薪○燭○公○去○來○夜○明○如○晝○讞○者○以○三○木○訛○商○人○商○人○曰○歲○餽○自○督○
撫○及○州○縣○皆○有○之○惟○大○守○不○受○一○錢○耳○既○招○撫○無○所○得○則○以○公○
嘗○逐○羣○娼○建○亭○南○市○樓○月○朔○宣○講○
聖○諭○爲○大○不○敬○獄○成○論○斬○

聖○祖○問○大○學○士○李○文○貞○光○地○阿○山○在○官○何○若○文○貞○曰○當○官○勤○敏○
無○害○其○犯○清○議○獨○劾○陳○鵬○年○一○事○耳○

上○領○之○有○詔○從○寬○免○罪○命○入○武○英○殿○修○書○四○十○七○年○以○江○
督○邵○穆○布○之○請○特○授○公○蘇○州○知○府○命○以○書○局○自○隨○公○抵○蘇○手○
書○榜○門○曰○求○通○民○情○願○聞○已○過○時○大○饑○且○疫○公○所○在○疫○斲○民○書○

公名鎮於門。於是議賑貸勸捐。輸濬城河。修學宮。勅義塾。禁婦女游觀。初至滯獄三百有奇。未二月。判決俱盡。過維亭鎮。見水浮漚。心動。跡之。得尸。鞠其鄰。乃某村婦。手絞其夫也。洞庭山豪陸某。殺人匿戶。躬往發掘。得之。弊豪於獄。博徒萃窟室。局誘良家子。公闢其室。械其人。如熟游者。皆聞風駭散。四十八年。特命署布政使。時張清恪伯行撫江甯。夙重公。事無巨細。皆與裁決。總督噶禮與巡撫有隙。益忌公。劾布政使宜思恭。糧道賈僕。並坐公覈報不實。又密奏公所。作虎邱詩。爲怨望。字箋句比。以周內之錮公於鎮江。民奔走呼籲。如枉江甯。時初公謁總督。白事。不跪。噶禮怒。阿曰。知府生死我手。何敢爾。公曰。果有罪。雖幸

賜寬假寸心。具有鉄鉞。如其不然。君主之百姓安之。生死不枉。公也。徐步出噶禮。遂必欲死。公部議削籍。戍黑龍江。仍得旨。來京修書。百姓遮留。公閉十二門。凡九日。不得行。公泣諭乃就道。五十年。

聖祖諭閣臣曰。陳鵬年頗有聲譽。學問亦優。張伯行聽信其言。是以噶禮欲害之。曾奏虎邱詩中有悖謬語。宵人伎倆。大率如此。朕豈爲若輩欺邪。遂出其詩共閱。初學士沈涵密薦公。

上還其奏。五十六年。召公見曰。沈涵薦爾。朕疑之。今知非爾所聽請。故命署霸昌道。可乘傳奏事。在昌平有冠花翎者數人。稱某王遣來索修城者。金勢張甚。公僞遜辭。延之入。而陰伏健

步縛置獄中因馳奏迥某王入對

上示以公䟽曰無之曰然則可聽陳鵬年處分公杖斃一人枷

四人徇於城自是畿甸肅然嘗進瓜熟河

上命傳諭家僮汝主官清不必以常例進奉可將瓜帶歸以賜

汝主公既受代仍回京修書六十年命隨張尙書鵬翮視南

北河隄詔公留河工是年秋河決武陟馬營口公請從決口

上流對岸廣武山下別開引河殺水勢得旨覽陳鵬年奏皆

與朕前頒諭旨相合下部知之尋署河道總督公在官慎宣防

嚴啟閉卹徒庸覈功罪信賞罰䟽薦余君甸陸君師張君杓爲

監司皆以名績著明年馬營再決公請於王家溝再開引河使

水趨南入滎澤。報可未幾。奉詔自工所還。清江兼攝漕運。總督時漕渠歲溢。遣幹吏直溯淮源。疏其上流。使清水暢達。會黃濟運。旗丁數千人。以道梗乏食。呼號載路。公先給帑金六萬。後奏聞。

聖祖嘉之。謂得大臣任事體。秋八月。再莅武陟。時決口尙未塞。公爲文禱河神。以死自誓。是夕水驟退八尺。再疏請開官莊峪引河。報可。旋聞。

聖祖升遐。公方治官書。驚慟筆墮。地淚盡。見血。遂得疾。世宗卽位。授河道總督。公日夜宿隄上。往來風雪中。疾益甚。雍正元年正月五日。方四鼓。命具湯盥沐。畢口占遺疏。質明端坐。

逝。年六十有一。有。詔悼閔。且曰。此真鞠躬盡瘁死而後已之
臣也。可賜白金三千兩治喪。其家有八旬老母。可給封典。子予
一品廕生。尋。賜諡。賜祭葬如典禮。雍正十年。入祀賢良祠。
喪歸。過南北壩。尼兵民繞棺哭者數萬人。河南江甯西安皆祀
公。名宦公長軀虎項。美鬚髯。目光開閤如電。而胸有定力。不以
榮辱毀譽。生死動其心。慨然以澤不被於民。道不伸於已爲恥。
在官。廉幹得民心。於上官左右親近視之。蔑如用此。毀言日至。
每。視。職。按。問。民。相。聚。巷。哭。持。醪。糒。相。遺。禁。之。則。攘。臂。而。詬。或。門。
鍵。則。毀。垣。入。滿。洲。駐。防。兵。亦。率。男。婦。踵。門。來。一。見。陳。青。天。狀。貌。
好事者繪爲圖。又繪九學哭廟圖。有披圖泣下者。後會期於山。

陽集者數萬官拒之忽一人突出大呼請保留陳青天則江甯武生朱寄畧也從而入者十數人山陽令大驚則以數人攫一人閉諸室既入獄百姓張黃旗城上書曰如喪考妣忌者因誣以大逆而

聖祖怡然曰民愛如此甚好赦詔下士民數萬焚香北向跪呼萬歲其聲若雷公爲州縣首革火耗爲府戒屬吏曰減一分耗羨卽完一分正供署藩司盡革加平曰吾向賞請免此也吳中觀音山以竹輿代遊屐食其力者三百戶禁之詣公訴公僞遊山問曰太守苦若乎曰否守愛我但太守禁婦女遊誠當不當禁客遊絕吾儕衣食公還立弛之生平於故人子弟孤寒後

進汲引。如不及稱善。廣坐訓過密室。人銜感。次骨入獄。道然自
憶。未了事。曰。杜茶村未葬。某僧求書。未與。布衣王安節。缺爲面
別。從容料量。承躁而行。嘗表東海孝婦廟。建狄梁公祠。立陸績
廉石。復劉蕡後人租徭。在蘇昇鬱林石於郡。學遊焦山。遣人泅
水出。瘞鶴銘爲亭。覆之。其被逮入都也。除夕市米潞河。主人問
客何來。曰。陳太守。是湘潭陳公邪。曰。然。曰。是廉吏。安用錢爲反
其直。問寓何所。次日門外車檻檻饋米十石。書一函稱
天子必再用公。公宜以一節終始。毋失天下望。紙尾不署姓名
問。擔夫曰。其人姓魏。訪之。則閉戶。他出矣。公字北溟。別字滄淵。
湖南湘潭人所著有道榮堂文集八卷。詩集五十四卷。喝月詞。

一卷。歷仕政畧。河工條約。各一卷。子七人。樹芝以薦舉入直武英殿。官揭陽知縣。多善政。薦擢平越知府。樹萱以諸生召見。試詩文。稱旨。命隨父校書內廷。授戶部主事。累官至左侍郎。樹著以任子授刑部郎中。出爲汀漳龍道。有陳作賴石者。糾黨將作亂。單騎往撫之。置首惡於法。民皆安堵。調雲南。迤西道會士千總相仇殺。居民驚竄。聞報卽馳往擒治之。刑部失火。延燒檔案。詔曾任刑部者默寫。惟樹著獨多人服。其強記遷長蘆鹽運使。終鴻臚卿。

禮部儀制司

禮部儀制司

禮部儀制司

禮部儀制司

禮部儀制司

楊文定公事略

雍正十有三年秋九月

高宗嗣位甫旬日。即起楊公名。時於滇南士大夫知與不知。皆驚喜相告。滇人士相率祖道。羅拜繼以泣。至環馬首。不得前。乾隆元年正月。公至自滇。時年七十有七矣。以禮部尚書入教皇子侍直南書房。兼管國子監祭酒。而不領部事。尋賜第。賜紫禁城騎馬。當是時。

高宗銳意圖治。且枉藩邸。素知公公亦感。

上責望重。將盡所學以報。薦莊亨陽。秦蕙田。王文震。雷銓。蔡德晉等七人爲助教。疏請儲書太學。并將刊板存監。聽諸生摹印。

講誦得旨俞行。又奏增上下江及陝甘順天鄉試各中額。均於本年秋試舉行。廷臣言事可采者公爲代陳。又疏言滇省舊例。凡地方辦公事。皆取給民間。謂之公件。官吏藉端科斂。臣撫滇時。屢次駁減。留必需之用。其餘題報歸公。而有司奉行不善。不免復派於民。是從前所定。轉成厲階。請飭予寬減。嚴禁借端派累。疏下總理諸臣議。令雲南巡撫會酌。再經部議。如所請行。天下士想望丰采。皆曰楊公時獨對忠言。讜論不知其幾矣。是年七月。邁未疾浹月而薨。公疾未作。方奏對。天子見其徵。旣病。數使人問視。至是大痛悼。賜帑金治喪。遣散秩大臣領侍衛十人宣爵。特諭稱公學問醇正。人品端方。

贈太子太傅入祀賢良祠。賜諡文定。薨之日。士友奔唁。國子
生聚哭於庭階。凡數百人。蓋公自童穉至篤老。卽以斯道爲已。
任居鄉立朝。莅官訓士。無一言一事不出于中心之誠。故感人
如此其至也。公字賓賓。一字凝齋。江蘇江陰人。少有志聖學。爲
文章原本經訓。方侍郎苞在學使幕中。驚賞其文。康熙辛
未成進士。出李文貞光地門。及入翰林。遂朝夕相從問學。嘗薦
公爲第一流。命充日講官。知起居注。分校禮部試。
聖祖悼學政廢弛。以九卿督學。自文貞始。而公繼之。校士亦遵
文貞成法。士雖濱棄無怨言。見屬官一依儀制。保定守違成例
不錄。送河間左衛童子試。劾罷之。未期年。頌聲翕然。

聖祖賜御書擢侍講時文貞撫直隸或言公與巡撫比而招權利又適有武生驚蹕事遂偕眾督學出防南河踰年丁母艱癸巳

聖壽六十廷臣表賀

上問翰林中。有楊名時否。遂特召入京。侍直南書房。編校周

易折衷。性理精義諸書。時公未補官。特命與陝西鄉試。丁酉

出爲直隸巡道。曰。吾欲試以民事也。國初沿明制。直隸不設

三司。而以巡道主刑獄。兼驛傳政繁事劇。吏因緣爲姦。每出巡

饋夫錢驛費者。麇集公。一切禁杜。細大必躬親。讞決多所平反。

居月餘。天下稱其廉。

上聞喜曰。楊名時不特官清且政事才也。已亥遷貴州布政使。巡撫雲南時。方征西藏。滿兵駐省。會公慮擾民。爲營館舍數宴犒。而約束堅明。無敢叫囂。餉遞轉民無咨瀕。民輸兵糧有遠運之苦。奏請兵少米多之處。折銀徵解。雍正元年疏言雲南一切規禮。臣一無所收。其鹽規五萬二千兩。留爲恤竈修井用。外尙餘四萬六千兩。累年供應駐藏官軍需賞資及公私所兵用。皆取諸此。又銀廠缺課。每年約二三萬兩。廠員視爲畏途。臣將鹽規撥補銀廠缺課。並捐賠前任督撫運糧倒弊牛馬等項。得旨督撫羨餘。豈可限以利則取所當取。用所當用。固不可廢削以病民。亦不必矯激以沽譽。在揆情度理行之。可無煩章奏也。

又疏請將捐輸穀改行社倉法。各貯本里。每歲青黃不接時。量行借貸。秋收還倉。歲豐微取其息。中歲免之。歉則報明。有司立卽發賑。又言雲南民多無尺椽寸土。而冊載丁名累代。相仍名曰子孫丁。雖老病故絕。不能蠲減。請照直隸例。攤丁入糧。以均偏累。又疏言麗江土府已改歸流。請將舊額錢糧。照田畝均攤。並下部議行滇。故多銀礦。官收其課。久之礦衰。課如故。司事者並坐缺額。獲譴。公謂礦有衰卽有旺。請以道員總理。諸廠使盈絀得相裒益。其費多利少者。閉之。官民稱便。撫滇七載。恩信浹於蠻貊。民戴之如父。公天性和易。雖馭僕隸。無遽色疾言。而是非可否。守其所見。固植而不搖。自始入南書房。

聖祖叩以易說旁及象數。公正對無所瞻顧。敷歷外臺無一字達政府。

世宗卽位。手諭褒嘉。

御書清操夙著四字以

賜尋擢兵部

尙書雲貴總督。四年秋。轉吏部尙書。仍管雲南巡撫事。初。李衛爲雲南鹽道。遷布政使。以興利爲功。恃恩。眷氣陵其上。公遇事裁抑之。遂用是陰閒公。

上以公洩漏密摺。停其摺奏。公事具本題。至是許。仍摺奏。公益自奮。厲竭忠誠於人之邪正。事之得失。風氣醴薄之相倚。盡言無隱。是年冬。又以奏豁鹽課。敍入密諭。削尙書職。仍署巡撫事。大理府洱海本滇中巨川。以積壅致水患。公奏請疏洩。著令

五年一修費皆官出六年或奏公與臬司江芑通行欺蔽。

上命湖南布政使朱綱代公且遣侍郎黃炳東會鞠綱至復劾

公徇隱廢弛縱屬吏虧倉穀剝民無忌有旨革職交朱綱勒

限清釐具奏請旨并命總督鄂爾泰嚴訊綱預治刑具將訊

公軍民數萬洶洶集門外曰楊公受刑我輩有反耳綱氣懾而

止既訊無所得則以曾受鹽規銀五萬八千有奇論絞其銀限

一年內輸官鹽規銀者卽公前所奏明給官用者也部議亦以

公始終掩護無人臣禮坐挾詐欺公例擬斬監候人皆爲公危

而公篝火治詩禮坦然如平時獄詞上

世宗特旨寬免公遂畱滇七年清若絕塵曰或不能舉火士民

爭遺疏。栗講學不少倦。及奉召還朝。五日一至太學升講堂。示諸生。謂學所以希天也。天之德誠而已矣。敬其功也。其要在聞然爲已。以默契無聲無臭之天。載不易世。不成名。遯世不見。是而無悶。此天德之藏於密。而聖學之所以成始成終者也。論語首篇皆發此義。而中庸尤極言之。有聖學斯有王道。乾元始萬物。利天下而相忘於不言。故論聖德以無名爲大。論從政以不貪爲美。盡人合天之道。莫不由此。是可以概公生平矣。先是雍正末。黔中苗亂。連年用兵。不能定。至是公疏言。貴州境內生苗。在。南。漢。人。在。北。而。熟。苗。居。其。中。生。苗。處。深。林。密。箐。中。有。熟。苗。爲。限。隔。嘗。聲。內。地。兵。威。以。懾。之。故。不。敢。萌。窺。伺。自。開。拓。苗。置。之。

議行於是生苗界上咸屯官兵日尋干戈而生苗始不安其所至熟苗無事則供力役有事則爲鄉導軍民待之若奴隸生苗疾之若寇讐或生苗乘閒抄殺熟苗以洩忿或官軍僨事屠馘熟苗以冒功熟苗怨毒日積是以仞結生苗乘機作亂也台拱本在化外自有司迎合邀功輒謂苗人願獻其地上官不察竟議駐兵遂使生苗煽亂屢覆官兵閒有就撫熟苗又被武臣屠戮且畧賣其妻女是以賊志益堅人懷必死多手刃妻女然後出戰以致鋒不可當侵軼內地百姓被其荼毒此已事之明驗也爲今之計惟有下剴切之詔布寬天之恩棄苗畧而不取撤重兵還駐內地於要害處築堡修城俾民有可依兵有可守賊

來則禦之。去則捨之。再懸賞以示有能擒首惡及率眾歸順者。給與士官。世襲分主其地。更加意撫綏。熟苗勿使爲生苗所劫掠。爲官兵所欺陵。如此則苗人自當向化。若因循粉飾。恐兵端不能息也。時鄂文端爲首輔。公謂之曰。自公用師於苗。吾數言其不可。天道甚神。人不可多殺。惟君子爲能改過。公其圖之。上卒從公言。撤兵除新畹之賦。黔人乃安。內廷翰林余棟。丁母憂。予假六月。公請聽其終制。因言翰林梁詩正服未除。應緩其行走。

上皆從之。康熙時江南翰林。非二甲不與。公獨以三甲入選。日講官及直隸學政。均非宮坊不與。公以檢討薦。特擢不由階資。

其後

高宗命教習庶吉士。未館選而詔先下。皆異數也。生平介節義舉美行。嘉言不可勝紀。而孝德尤著。年踰強仕。父母摩拊如嬰兒。其防南河也。同出者多以爲難。公獨以近奉二親爲喜。其從文貞游也。方侍郎與文貞。辨析經義。常自日昃至夜中。公端坐如植。言不及終。已無言。及同直南書房。侍郎久與居。乃知公於文貞所講授。篤信力行。而凡古聖賢相傳性命之惜要。皆能採取其所以然。此所以忠誠耿著。夷險一節。而爲世完人也。公無子。以弟子應詢嗣。所著楊氏全書。爲門人所輯。易義隨記八卷。詩義記講四卷。則經之言也。

朱文端公事畧

公諱軾字若瞻一字可亭江西高安人康熙癸酉鄉試領解額甲戌進士選庶吉士改知潛江縣有惠政時有鬪殺獄總督喻其權巡撫疑爲故殺斥令改讞公持前議再斥再覆如初總督調公至行省詰責公曰令所據乃初招公所據訟師教唆之遁辭也總督怒將劾之公曰畏劾而枉殺人令不爲也拂衣出會巡撫劉公殿衡至从聞公賢爲解於總督而薦之乙酉行取授刑部主事丙戌遷員外郎巨猾余姓繫獄有力者爲營救公論如律衆撼以危言不爲動部庫借遁已奉恩旨緩追矣有以培克見才者誅求甚急公持不可爭月餘卒從公議公受

聖祖特達之知。自此始。己酉分校會試。提督陝西學政。表章橫渠之學。以禮教變化氣質。關中正學。大明故事。歲試報部。科有冊費。公不名一錢。以冊發郵遞。部科吏怒。不收。尋劾公。造冊遲延。議降二級。調用時。秋試尙餘二郡。未按臨。代者已至。會鄉試。監臨巡撫將局。闡秦士七千餘人。具公揭請。疏畱遣之。堅跪不起。語益謹。知勢不可奪。乃徐給曰。爾等論誠。公俟出闈。乃可。人告比。撤棘寢。不復奏。會有以其事上聞。聖祖垂問。九卿大司寇韓城張公廷樞。昌言未學。使公明廉。謹衆無異辭。於是特旨命公。畢試事。累擢光祿少卿。奉天就升。通政使。丁酉巡撫浙江。首除供億陋規。減儀從。食糲衣麤。燕會。

止五簋。飭吏胥曳紼綺墨吏望風解綬去。浙俗婚喪尙侈靡。乃著家儀益以士相見鄉飲酒禮刻行之陋俗不變幕中不延賓佐每蚤起治事手書口答至因夜不休尤慎於庶獄與僚屬論某獄情實某獄誣罔條舉姓名訟謀無所遺眾驚以爲神浙西數百里藉海塘爲捍蔽時築時圯公疏陳海甯老鹽倉等處宜易石用槌又海潮北向者曰北大鹽南向者曰南大鹽南北兩山間曰中小鹽海潮向由中小鹽入江則兩岸皆無患今中小鹽竟成陸地宜挑濬又上虞夏蓋山上塘宜改用石條列以聞皆報可北新關爲猾胥淵藪公搜剔宿弊行旅便之修萬松書院躬親訓課士相砥以學行巡鹽御史哈爾金勒索巖商公

勅之。命大臣鞠實。論如律。庚子冬。內擢左部御史。乞假省親。

明年還朝。丁父憂。計至。勺飲不入。日三日有。旨令在任守制。公力請奔喪。疏再三上。迨政司抑之。公請假葬。親即赴軍前效

力奉。

諭往山陝督賑時。

聖祖發帑金五十萬兩。命與光祿卿盧詢分往督察。公力疾就道。抵平陽。疏陳賑濟事宜。皆報可。於是察官屯安流。唐禁遏糶。招米商。設粥廠。立醫局。補驛夫。借給民人牛種。截漕米四十萬石。并請出京倉陳腐米平糶。全活數十萬人。會苦旱。公爲文禱神。越日大雨。又以積貯多有名無實。乃瀝陳冒銷虧耗及出陳

易新時措勤浮收諸弊。請

飭督撫嚴禁。并勤所屬買補缺額。

爲荒備有。旨通飭行。九月反命請解任。效力河工。就便營葬。事同列。勤阻之。因面奏。溫旨慰諭。命再往山西。試行水利。社倉。蓋公督賑時條奏及此也。會川陝總督年羹堯劾知府徐容甘文煊虧帑。命公往陝西鞠問。壬寅二月抵蒲州。復請假歸葬。奉俞旨給假。葬親事畢。速回任。以三月抵家。十二月聖祖賓天。公痛哭就道。馳謁。

梓宮時。

世宗嗣統。夙重公。凡大政事及進退人材。特命公與王大臣參議。雍正元年癸卯。遷吏部尙書。加太子太保。入直上書房。賜第及銀千兩。是年四月舉恩科。命典順天鄉試。得人最

盛。特旨加太子太傅。是年六月。母夫人壽八十。乞假。特
予誥命。賜御書堂額楹聯各一。帑金二千。副以上珍御藥。九
月。還朝。奉命典恩科會試。甲辰八月。典正科會試。會浙
江海塘圯。詔公往浙督修。報修餘姚上虞會稽塘工。以丈計
者。凡七千。海甯三千七百有奇。海鹽二千九百。用帑銀十五萬
五千七百兩有奇。尋疏請四品以上官。許將本身妻室封典。移
封祖父母八品以下官。許移封父母。其繼母生母。請與嫡母俱
封。從之。乙巳九月。拜文華殿大學士。仍兼吏部尚書。命與怡
賢親王。其治畿輔。管田水利。發帑金百萬。爲經費。公悉心營度。
以漳衛溢陽子牙永定灤路諸河爲經。以趙北口東西兩淀爲

咽喉蓄洩得宜。溉田六千頃。尋合疏諱。分直隸。議河爲四局。南運河及臧家橋以下之子牙河。范家口以東之淀河爲一局。請令天津道總理。北運河爲一局。請裁分司令通永道兼理。范家口以西各淀及畿南諸河爲一局。諸改大名道爲清河道管理。下部議行。丙午春。丁母憂。訃未至而巡撫已疏聞。特諭吏部。通政司及公家屬弗以母訃告知朱軾。彼性至孝。今在營田水利工所。旁無親切之人。驟聞此信。必過於哀毀。俟召回朕剴切開諭可也。又諭曰。大學士朱軾之母冷氏。壺儀淑慎。訓子成名。今在籍病故。著江西巡撫支給庫銀二千兩。派兩司讀文致祭。俟朱軾抵家日舉行。公入對。

上開諭再三哀不自禁出宮門慟絕嘔血滿地。諭閣臣曰大學士朱軾事親最孝。朕所素知。但伊母年逾八旬。祿養顯揚。俱無遺憾。宜節抑哀痛。護惜此身。盡忠正以盡孝。前已降旨賜銀二千兩治喪。遣地方大員致祭。今軾馳驛奔喪回籍。朕深知其家貧。可再賜銀二千兩。其子亦令隨歸到家守孝百日。營葬畢。卽來京辦事。伊疏請終制。情詞迫切。此乃伊名節所關。朕知其出于至性。但三年爲時甚久。間居在籍。其心未必自安。况幾輔水利事正資料理。可於八月起行來京。備顧問。旣不任職。則與家居無異。於禮旣盡於心。亦安矣。軾年高體弱。不宜過於悲傷。况六十不毀。載在禮經。若能仰体朕心。護惜此身。爲國家宣力。

其母有知。亦必深慰。倘過哀以致毀瘠。則忠孝兩虧矣。并遣侍衛齎茶飯一賜之。公升。營喪華散。一賜金於戚族之貧者。明生九月入都。將至。

上遣學士何國宗。副都統永福出迎。賜膳。特旨許照怡親王居母喪故事。素服三年。不補原官。仍在內閣兼吏部都察院行走。其朝會燕饗俱不與。戊申。公疾。

上賜醫藥存問。時公子必塔官大明知府。特詔召回。仍補戶部郎中。便養也。又命內大臣福倫視疾。公疏請解任。

世宗手詔曰。卿才具優長。品行端謹。老成練達。勤敏和衷。朕所深知。今偶患咳嗽。自可從容調理。向來漢大學士多用二員。今

閣臣有張廷玉、蔣廷錫，辦理實無曠缺。卿當願養之時，必須寬懷澄慮，不必慮及內閣職務。致乘調攝之道。朕昨遣內大臣往視，聞卿力疾叩謝。次日清晨，寒冷又至宮門謝恩。是轉使朕心不安。朕知卿小心拘謹，是以近來一切服食之物，未便頻頻頒賜。正以冀卿之安逸。望卿之速痊也。其節勞靜攝導，引沖和卽受朕恩。資亦免其拜跪。卿年未甚老，爲朕宣力之處，其多不必以解退爲請。其悉倦倦至意。明年疾復作。

上允解部務，專直內閣。尋以失察呂留良私書吏議奪職。特旨罷任一。賜居海淀，便奏對。未幾復原職。庚戌冬，命兼管兵部尚書事。癸丑署掌院學士。甲寅浙江海塘衝決，在事諸臣竟

見多不合

上召公詢問公奏事難遙度願親往辦治

上大喜一命督撫又總理塘上諸矢臣悉聽節制行次德州聞

憲皇帝賓天痛哭奔喪至阜城

高宗特召回京謁一梓宮昏暈不能起

高宗命總理事務一賞騎都尉世職當是時公年已七十有二

天子恐用公晚一切虛已咨詢公亦忘身殉國知無不爲因疏

陳直省開墾之弊如四川一省近經丈量招集流民開墾率之

逃亡遷徙事故紛然多於熟田加增糧額以成清丈之名於一

國課無補而於民生有害又聞廣西開墾之例弊竇尤多報墾

千數萬畝。多係子虛。因通行丈量。搜求熟田。弓口之多。餘以補報捐。無著之數。蒙

大行皇帝洞燭情弊。飭止丈量。小民得免如賦。而前此虛報陞科之田。業經入冊。責令輸糧。民益苦累。至河南省報墾田地尤多不實。夫朝廷恩免動以數十萬計。如江南等省浮糧舊額。一旦豁除百餘萬區。區報墾之糧。曾何加於毫末。請一勅各督撫將報墾田逐一查明。如係虛捏。卽據實題請開除。護短文飾者罪之。又言近日法吏多以嚴刻爲能不揆情理之平。但云不如此必致上官駁詰。部議吹求。於是賊私先酌數目。迫以極刑。罪案自定。供招誘之伏法。故生枝節。刻意株連。尤可異者。凡屬

吏所定之稿。上旨酌改。必係加重。否則不易一字。以爲改輕便。似徇私。不知心苟無私。何妨屢改。情罪未協。豈憚紛更。請勅各督撫嚴飭有司。讞獄務柱持平。其鍛鍊誣枉者。罪之疏入。皆立允通行。乾隆元年丙辰。公典會試。賜第恩安門外。又賜金五百兩爲修宅費。八月疾大作。

上賜瀉藥遣御醫來視。九月命和親王來衣十七日車駕親臨慰問。公力疾朝服迎拜。戶外次日薨。遺疏畧云。國家萬事根本。君心所重者。莫如理財用人。臣核國儲經費。綽然後有言利之臣。倡議加增乞聖明嚴斥。至於用人。邪正公私。幾微之際。尤易混淆。在番擇君子。小人而進退之。慎之又慎。此

臣垂死時芻蕘之獻也。奏上。

上震悼。

命輟朝一日。上車駕復親臨哭奠。

再賜帑金千兩。

治喪有旨。大學士朱軾品行端方。學術醇正。純修清德。望重朝端。朕自幼讀書宮中。常聞講論。卽位以來。正資襄贊。茲覽遺疏。拳拳以吏治民生爲念。具見忠悃。可贈太傅。入祀賢良祠。尋賜祭葬。謚文端。公自爲諸生。至居政府。食不貳膳。無故不殺牲。性介而和。門生某餽漫公稱量畢。仍還之。曰。吾體未羸。無藉於漫。故稱量之。則已受爾儀矣。奚必及物耶。自浙撫內召。渙行劾免。二令曰。二人素貪劣。吾去後必大陣。後人劾之。罪將不測。今以不謹去。正所以全之也。大將軍年善。堯以罪誅。父遐齡年八

十餘法當坐。公奏以子刑父非法也。臣簿錄年氏家書遐齡訓
其子嚴罪在子不在父

世宗是之。遐齡得免。公凡所薦舉。初不令其人知。或左右微探
其端。必正色曰。斷自宸衷。非可以私恩市也。長御史時

世宗以科道一休。命六科亦統於都察院。科臣有信爭者。語

并及公。公叩頭申救。科臣得寬免。時以比文潞公之於唐介云。

公與方望溪侍郎交最篤。望溪嘗以周官餘論十篇之三示公。

公持至上書房。手錄曰。當吾世有此異人而

上竟不聞知可乎。望溪曰。今

上信大有爲而士大夫結習未除。凡吾所云。必君柑一德眾賢

協心然後爲之而可成。成之而可久。不然上求其誠心而干應。以苟道。民不見德。反受其殃。公志果大行。異日以告於吾君。次第布之。不必知自某也。及公大拜。乃以實畿輔一篇致怡賢親王。合詞請開水利。望溪謂公曰。近畿積水無歸久矣。必以數年疏決支河。俾伏秋潦漲下流無壅。然後規下地擇良有司。官治一區。爲民表。使民豔其利。惡爭自營之。苟少違其節次。動必無功。其後爲之數年。果利害相半。公由是益信望溪言。凡吏疵民瘼。辨賢抑姦。胸中所知見。盡爲公盡之。且告以海內大事宜。及時措注者。莫如復明初大甯三衛。兼求唐韓重華屯田故蹟。自歸化城西。連三受降城。以達於甯夏。及經畧苗疆。控制臺灣。

三事因盡出餘論七篇公皆慨然引爲已任會西陲用兵度無暇部署三方而公尋邁疾不果行

高宗諒陰依古禮法致行三年之喪諸王大臣屬望溪草具儀法及制詔將頒復速望溪至雍和宮討論公常左右之惟恐其言之不盡用也疾革望溪走視公蹶然興曰子所言三事及九篇之書吾未嘗一日忘以望天子繼世礪俗謂子所云社義之明人材之興也有日矣而吾將泯焉命也夫子性剛而言直幸衰疾支離於世無求否則尙有國武子之禍賓賓旣沒吾病不支子其懼哉賓賓楊文定公也公與望溪同直內閣雖入政事堂衆旣退坐必干之行必

後之望溪固辭公曰眾爭爲市道交卽此可示之以礼矣公所
著有易春秋詳解礼記纂言周礼註解儀礼節畧訂正大戴記
呂氏四禮翼溫公家範顏氏家訓歷代名臣名儒循吏傳輶車
雜錄廣惠編子必堦官至通政使堦官至左庶子必坦舉人襲
騎都尉長女字建昌李氏未婚守志以貞節被旌蔡文勤公
爲撰傳御製詩題之有卓哉朱氏賢女子柏舟矢志終不
之句四十四年
上追念公清操宿學御製懷舊詩稱爲可亭朱先生詩曰
皇考選朝臣授業我兄弟設席懋勤殿命行拜師礼徐張時
去來可亭則恆矣時已熟經文每爲闡經旨漢則稱賈董宋惟

宗五子恆云不枉言惟枉行而已。如坐春風中十三年。迺先生抱病深。命輿親往視。未持竟。拖紳迎議。仍鞠脛。始終弗踰。敬啟手何殊。爾嗚呼於先生。吾得學之。

國朝外史事略卷十二

陳清端公事畧

前明海忠介公清節震海內後百餘年而國朝陳清端公繼之二公皆粵產也忠介之意必欲事事復古清端則相時度地惟期實政足以利民忠介之清主乎肅清端之清兼乎溫清如冰霜足以殺物清如雨露足以生物故學忠介而不至其弊恐流於刻學清端不至猶不失溫厚之意也清端公諱瑣字文煥號眉川海康人康熙三十三年進士授古田知縣四十一年調臺灣明年行取授刑部主事累遷卽中四十八年充會試同考官任四川提學道涖官之日止以力自隨襆被蕭然衡校至夜分不輟杜請記壹意甄拔人才四十九年

聖祖誠飭四川官吏加派厲民。諭及公任學道時操守廉潔。會福建巡撫張清恪公疏請以公爲臺廈道從之。公以興化易俗爲先務。鎮以廉靜。番民帖然。官莊歲入悉歸公。秋毫無所染。五十三年超擢偏沅巡撫。單騎襆破之。任僚屬逆境上莫知其爲公也。旣蒞事。屏絕苞苴。革錢糧火耗。一切章奏文移盡出已手。以橫役累民。劾罷湘潭令王爰溱。其徇庇不揭之長沙守薛琳聲並鐫級。尋疏陳十事曰。禁加耗以甦民困。禁酷刑以重民命。糶積谷以濟民食。置社倉以從民便。崇節儉以惜民財。禁餽送以肅官箴。先起運以清錢糧。隆書院以興文教。飭武備以實營伍。停開採以防民患。疏入。諭以躬行實踐。勿騫虛名。五十

四年入覲

聖祖目之曰此苦行老僧也十二月調福建巡撫諭閣臣曰

朕時召見陳瓚細察其言論實係清官以海濱務農之人非世家大族又無門生故舊而天下莫不共贊其清非有實行豈能得此而其才復能任事國家得此等臣實爲祥瑞宜從優表異以勵清操

陞辭

上溫諭周詳問福建有加耗否公奏臺灣三縣無之

上曰從前各州縣有存留銀兩公費尙有所出後議盡歸戶部州縣無以辦公若將火耗分毫盡禁恐不能行且恐別生弊端爲民厲又曰做清官誠善但恐清而刻人便不能相安須以清

而不刻爲尙。明年公疏言建陽縣有考亭書院爲先賢朱子晚年十居故址城外朱子祠。曾奉御賜聯額而祠宇湫隘宜與書院並行改造。臣謹同督臣滿保損費鳩工。又疏言朱子生於尤溪縣郭外之南溪。舊有專祠。請賜匾額。皆報可。御書文。

山毓哲額。賜之。七月疏言防海賊之法。與防山賊不同。山賊之嘯聚有所。而海賊之出沒靡常也。臺灣金廈之防海賊。又與沿海邊境不同。沿海邊賊之患。在突犯內境。而臺廈海賊之患。在剽掠海中。也。欲防臺廈海賊。必定會哨之期。申護送之令。取連環之保。今提標水師五營。澎湖水師二營。臺協水師三營。各有哨船。宜大書某營字樣於旗幟。每月會哨一次。彼此交旗爲驗。

送提督查核若無哨旗交驗卽察取其營官職名若海洋失事
卽察取巡哨官職名則會哨之法行矣商船不宜零星放行無
論自厦去自臺來者候風信順利齊放二三十艘出港臺厦兩
汛各撥哨船三四艘護送至澎湖交代各取並無疎虞甘結按
月送督撫查核如無印結卽以官船職名申報則護送之法行
矣商船二三十艘同出港時官爲逐一點明名取連環保結遇
賊必首尾相救否卽以通同行劫論則連環保之法行矣疏下
部議以煩瑣難行議覆
上特題其奏各如所請行是年攝閩浙總督奏請以閩省收捐
穀石應交巡撫公費銀一萬五千兩撥充公餉又以巡撫任內

支取司庫餘平項下銀六千五百餘兩爲賞兵給役公用五十六年。疏薦知縣田廣運陳璘汪紳文李丕煜林用范廷錫靳樹晚郭廷彩張文煒曹建標嚴德泳壽運焜等催科中能寓撫字不加火耗歲內全完請破格獎勵。工曰此奏甚善徵收錢糧惟少加火耗百姓易於輸納斷不至欠缺也。廣運等俱下部議敘。五十七年疏言廣東雷州府東洋塘堤岸每爲海潮泛溢侵損民田現蒙動帑修築請於見貯司庫之臣衙門公費銀萬五千餘兩內動支五千兩解交粵省督臣以助工費得旨如所請行尋以病請告。工慰留之。十月薨於位年六十有三。遺疏言閩省捐穀項下應

交臣衙門公費及餘平銀二項除支用外現存司庫銀萬三千四百餘兩請委員解京充西師之費以盡臣未盡之心得旨以一萬兩存藩庫充兵餉餘卽賞其子爲葬具又諭閣臣曰朕亦見有清官然如陳瓚者實罕見前任臺灣道任內所應得銀三萬兩俱於公事動用署總督印務應得銀兩亦未分毫入已來京陛見時曾奏稱貪取一錢卽與百千萬金無異人所以貪取者皆因艱於用度臣初任知縣使不至窮苦卽一錢不取臣衣食亦能充足等語今觀其居官實能踐所奏之言誠清廉中之卓絕者不加表揚何以示勸其追授禮部尙書照尙書例議卹廕一子入監讀書以示優禮清廉大臣之意尋賜祭葬

諡清端公。在官衣布素。起居止一廳。事昧爽治事。夜分始罷。自奉惟草具蔬糲。以勞卒官。屬纊時。一綈袍覆以布衾而已。同寮入視者。莫不感泣。雍正八年。詔入祀賢良祠。乾隆六年。恩賜其孫子良爲舉人。

齊勤恪公事畧

公諱齊蘇勒字篤之滿洲正白旗人姓納喇氏初由官學選天
文生爲欽天監博士遷靈臺郎尋以內務府主事出任永定河
分司康熙四十二年

聖祖南巡閱河公扈蹕淮安奉

諭曰朕視黃河險要地方應

于挑水埽壩現今永定河經朕親臨指示辦有成效爾遵朕指
示前往烟墩九里岡龍窩三處築挑水壩數座於朕回鑾前完
工公遵旨如期竣事乃回任薦遷侍講祭酒仍管永定河分
司事奉命同副御史牛鈕監修河南武陟等縣決口堤工公
奏白沁河隄頭至榮澤縣大隄十八里平行處接築遙隄使全

河水歸一道專力刷深不致旁溢六十年冬

世宗卽位授山東按察使兼理運河事命先往黃河籌辦隄

工時河南巡撫楊宗義奏請於馬營口南舊有河形處挑引河

公同河督陳公鵬年疏言河不兩行此洩則彼淤有必然之勢

馬營口甫經築隄若開引河有旁洩浸隄之慮事遂寢雍正元

年授河道總督疏言陽武祥符商邱界黃河北岸有支流一逼

隄繞行四十餘里不急爲截斷恐刷損大隄已築壩堵絕並接

築子隄九千二百八十八丈隔隄七百八十丈會奉詔豫籌

山東諸湖蓄洩事宜以利漕運疏言汶上縣之南旺厓踏蜀山

等湖東平州之安山湖濟甯州之馬場湖魚台縣之昭陽獨山

等湖。除二縣之微山、稀山等湖，皆運道所資以蓄洩。昔人名曰水櫃，因土民乘涸估種，漸至狹小，宜乘湖水稍落時除壑，熟田畝外，丈量立界，嚴禁侵佔，設法蓄水。如遇運河水漲，引駐湖中，相平卽築堰截堵，遇運河水淺，則引之從高下注。其諸湖或應築隄栽樹，或應建閘啟閉，令各州縣循例辦理，則運道深通，漕艘無阻滯之虞矣。八月奏言：洪澤湖水微弱，黃水有倒灌之勢，臣率道廳督築清口兩岸大壩，束清水以抵黃河，現在淮水暢流，惟此壩在洪濤大溜中，兩面受敵，必須加意修防，因派員弁駐宿工所，多備掃料、椿繩等項。如遇湖漲，壩工稍有墊陷，卽下掃搶護，遇黃漲卽駕小舟往來疏濬，不令少停。九月奏報秋

汎已過河。工平穩得。旨下部優敘。特賜戴孔雀翎。二年夏

廣西巡撫李公紱將之任。

上諭及淮陽運河淤墊年久。水高於城。危險可虞。紱奏言。若於運河之西。另挑新河一道。以所挑之土。另築西隄。而以舊河之身。作為東隄。則東西永無潰決之患。

上即命李公往會公商酌。公奏言。淮揚運河綿長三百餘里。上接洪澤。下通江口。河之西岸。逼臨白馬寶應界首。諸湖水勢汪洋。一望無際。今若改挑新河。築西隄於湖水之中。畚插難施。東岸之間。壩涵洞皆須另行創建。糜帑千百萬。終難告就。詔同總督田文鏡。察視引河有無裨益。公奏言。挑挖引河。必須上口。

正對頂衝而下口有建瓴之勢方可吸引大溜歸入新河借其
水力滌刷寬深稽曾筠所挖引河工已將竣臣往看上口之地
勢與現在水向不甚相對改挖上首三十餘丈以對頂衝以迎
大溜又往對岸指示建築挑水壩挑溜順行以對引河之口俟
水漲時相機開放庶河勢得以直暢東注而南岸隄根可保無
虞奏至 諭曰朕慮稽曾筠或料理未妥今覽奏方慰可謂得
法矣七月 命內閣學士何國宗偕測算官攜儀器閱河運與
公會同勘視公尋奏言洪澤湖滾水石壩舊立門檻太高不能
隨勢洩水請 勅閱河諸臣用儀器測度地勢改落石壩門檻
庶全湖官防有賴又奏言治河物料用葦柳而柳爲尤柳多則

工堅帑省柳少則用葦多而工不固臣飭道廳及營弁各於空閒地栽種柳秧據報成活八十九萬二千餘株又山東江南葦水沮洳之地皆可種葦令廳員買葦根試種近據報微山湖種葦八頃餘已有成效應請勅部酌定嗣後凡種柳八千種葦二頃者各予紀錄一次並責成汛弁培養補植並得旨允行十二月奏言河臣薪水舊由各廳供應每年一萬三千餘兩臣奏明禁止並裁革四季節禮又河標四營舊有坐糧四十分每年千一百餘兩臣到任後交中軍爲修造墩臺製換軍械之用其鹽商陋規銀千兩爲出操驗兵賞功犒勞等費而每年往來勘估及伏秋雨汛駐劄三省適中之地凡車馬舟楫日用米蔬

之需遠者數百金。近者一二百金。拮据實甚。現據河庫道張其任言。庫收錢糧。向有隨平餘銀四千兩。除道署日用及各項工食外。餘請支銷。看工車船等費。臣因未經奏明。不敢擅便。得旨。此項通融取用。甚好。卿之清勤。朕所深悉。勉爲之。四年夏。奏睢甯縣朱家口黃水驟漲。東岸壩臺大埽墊陷。現在防守修築。上諭閣臣曰。齊蘇勒在工年久。清慎勤三字均屬無愧。今年已望七。見壩埽墊陷。必晝夜焦急。朕甚憐之。且此時勉強施工。將來伏汛。秋汛。恐又不免衝決。可令酌量情形。不必急迫。公遵諭。俟過伏秋二汛。并力僦修。十二月。奏朱家口洪口堵閉合龍。黃河自豫省至海口。西岸隄壩完整。諭獎其經理有方。加太

子太傅。五年以衰病奏遣太醫齋薄診視。尋入覲。諭嗣後歲支養廉銀萬兩。六年江督范時繹江撫陳時夏奉詔開濬吳淞江。因於陳家渡築壩。松江守周中鉉率千總陸章乘船督工。下埽值潮回溜激中鉉章俱歿於水事聞。予贈卹。公聞信卽馳往經理其事。尋奏言吳淞江陳家渡舊有土埂三道。未嘗挑清。致有停沙淤塞之患。今築壩開濬。適逢江水海潮並長。刷淨土埂。毫無阻滯。工程可期。速竣。上諭部曰。吳淞江工程係范時繹陳時夏應辦之事。齊蘇勒一聞陳家渡壩工衝塌。卽親往經理。仰賴神佑。水勢涌長。將泥沙徹底刷淨。水無阻滯。工可告成。此卽封疆大臣實心爲國爲民。

感召天和之明。驗可從優議叙。七年正月以疾劇奏。上遣大醫視疾。二月薨得。旨齊蘇勒忠誠爲國志行端方操守潔清。辦事明敏。自簡任河督以來。黃水安瀾。運道通順。隄工堅固。河帑核實。厥功懋焉。今聞溘逝。深爲軫惻。應得卹典。照例議奏外。可賞輕車都尉世職。並賞銀三千兩。爲歸櫬之資。歷來河臣如靳輔。齊蘇勒。實能爲國宣勞。有功民社。著擇地合建祠宇。令有司春秋致祭。以昭朕優獎功勳至意。尋賜祭葬如典禮。諡勤恪公。任河督七年。疏復瓜洲花園港運道。建閘啟閉。以順水勢。堵瓜洲城西新開河道。以免江水逼城。民尤德之。八年詔建賢良祠。京師公與靳文襄公並入祀。

臨城縣知事張文選全述八

國故世祖高皇帝



潘襄勇公事畧

孫紹周

姪孫之善

潘公諱育龍甘肅靖遠人以行伍隨征湖廣茅麓山賊李來亨
有功補把總康熙十四年陝西提督王輔臣叛應吳三桂公隨
揚威將軍阿密達擊賊於涇州平涼又勦賊於慶陽甯州俱有
功時臨洮鞏昌秦蘭俱陷賊甯夏道梗公赴提督陳福軍前由
紅河川白馬城等隘轉戰七晝夜達甯夏駐靈州招撫散卒旋
以陝西總督哈占調援山陽敗賊於甘溝口擢千總十五年隨
撫遠大將軍圖海率兵討王輔臣奪平涼城北虎山墩斷其餉
道輔臣乞降擢守備十七年賊犯牛頭山香泉公隨總兵王好
問等由小嶺前進賊夜遁追至渭水擊斬甚衆十八年冬克梁

河關斬偽游擊。景才等復興安。偽將軍謝泗。總兵王。永世降。十九年。敘功加一等。擢都司僉事。十月。隨總督哈占。勦四川逆賊。恢復大竹渠縣。二十一年。擢遊擊。二十七年。陝督噶思泰疏。薦公才識明敏。深悉河西地利。番夷情形。且久經戰陣。著功績。請陞肅州副將。

上允之。是歲。學士達瑚。郎中桑格。自西藏奉使旋。至嘉峪關外。爲西海阿奇羅。十藏所劫。振武將軍孫思克。計質宰桑於關內。送歸我使臣。公同遊擊韓成等。搗其巢穴。斬馘四百餘。阿奇羅。十藏遁事聞。得旨嘉獎。三十年。赴甯夏防勦。噶爾丹時改肅州協爲鎮。卽擢公總兵。三十一年。降番篤爾羅。十藏額林臣奇。

齊克等復叛。公追至庫列圖嶺。斬四十餘級。擒百二十八人。三十四年。噶爾丹所屬回子塔什蘭和卓等五百餘人。過三公河。公擊之。三十五年五月。公從征噶爾丹。師抵昭莫多。賊飛砲迎擊。中右翼。猶殊死戰。賊敗遁。八月丁卯。召赴京。上撫視其創。命御醫調治。賜衣一襲。尋調鎮夫津。予雲騎尉世職。三十八年。上南巡。公迎覲。命綠旗官兵射以公訓練有功。賜貂裘。疏言各省候選武舉。請分提鎮標效用。果騎射嫻熟。卽以千總把總題補。三十九年。疏言通州迤南爲漕運孔道。副將轄十三營。相距遠。難於約束。應改務關營。遊擊爲參將。設中軍守備一千。

總二把總三其三營原設把總及寶坻崔黃營守備把總俱隸
務關營參將並下部議行四十年擢陝西提督賞戴孔雀翎

四十二年冬

上西巡公迎

鑾於洪洞賜輸忠門外額

上駐蹕渭南

閱固原官兵射

諭大學士馬齊等曰朕巡歷

諸省閱綠旗兵

丁無如潘育龍者乃加公一級四十八年

諭

兵部曰陝西提督潘育龍

久歷戎行懋著勞績歷二重鎮克殫

謀猷自擢任西秦以來

馭兵飭伍有勇知方邊境肅清閭閻安

堵宜晉加顯秩

用彰異數著授鎮綏將軍仍管提督事以示朕

優眷老成至意四十九年春

上幸万臺山公人

親迎

鑾於直隸瀑水

上念其遠涉

命在王快庄。憩息公請扈

蹕五臺

賜御馬

二令乘以隨。四月

陞辭復

賜宴並朝服一襲

賜詩有奸

土防邊資壯畧披堅敵陣。彤弓之句。五十一年。疏言卦匪陳
四等率妻子遊走外方。憑走馬上竿。躡索算卦爲生。俗名曰卦
子。大抵江北皆有之。原屬遊手好閒之徒。結黨沿途搶奪。臣飭
屬拏獲二十八起。計男婦五百八十九名。並騾馬猪羊六百有
奇。俱移咨督撫審訊。請通行各直省大吏責令所屬於各鄉村
堡查令改業。或編人現住地方爲民。或撥給絕戶田畝。或令開
墾荒地。其馬騾牲畜變價爲牛種。按季取鄉約保結。出外生事

者拏究地方官縱容發覺者罪之。

詔曰可五十八年以病乞

休得。

旨卿簡任提督將軍以來勞績素著邊圉重地正資料

理著在任調理三月再疏乞休。

上仍慰留七月薨贈太子少保。

賜祭葬如例諡襄勇孫紹周

襲雲騎尉。

授二等侍衛雍正三年授參將遷廣西副將八年從

總督鄂文端公開古州都江河道屢擒斬逆苗夷其寨以功擢

右江鎮總兵。

賜鞍馬乾隆六年擢雲南提督。

賜戴孔雀翎。

十三年調古北口提督明年以疾歸十八年卒。

上念襄勇公功。

特賞恩騎尉世襲罔替。

從孫之善幼隨襄勇公效力康熙三十九年從征噶爾丹於昭

莫多中火器傷

詔來京醫治特授藍翎侍衛尋


賜孔雀翎

授肅州游擊領兵駐防哈密五十四年三月策妄阿喇布坦遣賊二千來侵之善率兵二百擊敗之事聞得旨優賞尋諭樞臣曰游擊潘之善以兵二百敗賊二千當此承平日久兵革休息時倉猝間能如此奮勇非尋常可比應再加恩其越等陞用遷漳關副將五十六年隨靖逆將軍富甯安擊準噶爾於烏魯木齊斬級最多命優敘尋諭廷臣曰近日綠旗武官感朕恩皆有捐生敢死之心游擊潘之善率所屬兵二百擊敗賊衆二千臨陣時一手持刀一手持弓笑曰此我等報効皇上之日也哈密回部及被獲之厄魯特等皆言其驍勇爲漢人冠極

口稱贊朕甚嘉之。五十九年復擊準噶爾於烏魯木齊。有功。雍正元年。羅卜藏丹盡叛。有賊三千來犯。擊大敗之。優詔嘉獎。四年擢川北鎮總兵入覲。命叩謁。

景陵。賜賚甚厚。調西安鎮署陝西提督。屢疏辭稱。旨。手諭曰。向來但知爾勇。未料爾有此才也。又曰。爾係朕極賞鑒之人。今果不謬矣。似此據實不隱。封疆大吏中更屬難得。勉之。七年以疾乞休。遣太醫馳驛往視。賞銀千兩爲調攝之用。尋署固原提督。諭曰。此任乃爾叔祖潘育龍之所整理。爲天下第一營伍。其流風餘韻至今猶可觀。其勉紹前徽可也。八年卒。賜祭葬如例。論者謂。本朝名將以至少擊至眾者推之善爲。

最次則雍正中副將韓勳以兵四百破滇苗數千。旋以兵二千破苗數萬於烏蒙。副將樊廷以兵二千拒厄魯特二萬眾於巴里坤。乾隆中將軍兆惠以兵四百敵回眾三萬於黑水營。皆蒙列聖優獎。宣示中外云。



殷熙如軍門事畧

殷公化行字熙如。陝西咸陽人。八歲失怙恃。貧無依。父友王某撫以爲子。年二十中武科。康熙八年成進士。後始復姓。會吳三桂反。黔滇皆陷。

天子命閣部莫洛爲經畧。自秦進討。授公守備。募義勇以從。行至甯羗州。久雨糧匱。軍心變。提督王輔臣叛。經畧遇害。公陷賊中。稱病深自晦匿。明年官軍復秦州。詔被脅官兵許歸伍。陝督哈占知公不爲賊用。奏復其官。從大將軍圖海復平涼。勦牛頭山賊。復香泉。十八年僞將軍王屏藩赴漢中。遣驍將陳君極引兵二萬出寶雞。大將軍檄公赴援。未至。賊圍西山堡甚急。公

身先搏戰。一鼓解其圍。守紅崖堡。再戰再捷。相持數月。賊終不能克。遂引去。時賊盛兵窺秦隴。公扼險挫其鋒。不能過寶雞。一步全秦晏然。大將軍嘉公功。奏授副將銜。是年冬。官軍三路進勦。奮威將軍王進寶出寶雞。勇畧將軍趙良棟出畧陽。公從大將軍由興安。大泥峪先驅至鎮安。伐木爲橋。濟師自龍洞川攀藤而進攻。兩河關先登克之。長驅擣興安。復洵陽。抵漢中。與奮威軍合。明年進取川蜀。公駐漢中督餉。全蜀平。議征黔滇。建威將軍吳丹由永甯進。勇畧將軍由建昌進。未及期。賊將胡國柱陷瀘州。攻永甯。秦督奏授公漢中副將。引兵二千援蜀。從建威將軍復瀘州。從振武將軍鄂克濟哈救永甯。未至而永甯陷亡。

提督一總兵七副將一乃議退守敘州大軍先行公以孤軍殿國柱率二萬衆來追衆甚恐公曰今日之事以必死求生則生以倖求生則必死我若走賊追躡之立盡兵法易地用衆險地用寡當據險待敵猶兩鼠鬪穴中力大者勝耳遂扼險而陣賊悉銳來攻士皆殊死戰追暮以草人秉炬爲空營引軍潛退賊疑不敢追乃得與大軍會夜半追軍復至火光爍天諸軍皆引去公仍殿後自永甯至瀘州二百餘里路險絕公且戰且退十二晝夜不解甲竟得全師還公語諸將曰兵不難於進難於退進則士氣勇退則氣怯兵法云攻必攻其心守必守吾氣我軍不失守氣之道故得全諸將乃服公智勇多就公決機宜矣

敘郡與瀘州並當賊衝。瀘州有重兵守之。敘州則三降將各領兵守。心叵測。眾議以奮威將軍子王用予往守之。用予不往。乃以公守敘州。公屢請增兵。無應者。未幾賊大至。環城而攻。公推誠待三降將。協力固守。賊來攻。輒擊卻之。如是者數。卒解圍去。時成都傳言敘州已失。大吏皆震恐。比得公報。乃安。明年賊遁還雲南。公領兵追擊。連奪險抵馬湖府而還。從西安將軍復永甯還。駐漢中。尋調三屯營副將。時康熙二十三年也。三屯去京師近。

聖祖東巡。屢過之。召對稱旨。賜御用佩刀。擢臺灣鎮總兵。再賜貂裘白金。臺灣故鄭氏地。其民多俘徙。以來習於悍。

戾生熟番錯處。文武吏三歲輒遷。鮮善治。公宣布德教。撫戢兵民。人稍稍興於禮讓焉。初議築城而難其費。大吏謀於公。公曰。地多浮沙。時震動。城之不易。且孤懸海外。惟恃中國威靈統攝之。若僅書疆而守。卽有城不足恃。事遂寢。然謂軍府所托。不可無木城。親入山相度。得木材。令麾下卒人致二章。不旬日城成。居三年。調鎮襄陽。陛見。屏左右。語良久。天下形勢。人才風俗。無所不咨詢。公悉心以對。其大者有罷臺灣鑄錢。及秦中賑饑。二事。臺灣故行永恩錢。旣入版圖。部頒臺字錢式。鎔故錢鑄之。以有臺字。故不行於內地。商旅得錢。必降價易銀。以歸。鑄日多。錢日賤。銀一兩至值錢三四千。而給兵餉。則銀七錢三。有成例。

兵民皆弗從。每因互市生端。幾激變。公屢請停鑄。當事不能用。至是具言之。上愕然曰。此事殊有關係。若任時胡不言。公頓首言。武臣不敢與錢穀事。

上曰。爾至鎮可言之。對曰。臣今日離臺。灣越省言事。非職守。雖有疏。恐不得達。

上曰。第作條奏來。公還鎮具疏上之。果格於通政司。再具疏而

以奉。

上指白通政。乃得達。事下戶部議不行。特旨下閩中督撫議。竟得停鑄。兵民始相安。關中連旱荒。流移至襄鄧間者尤眾。

上微聞之遣使數輩勘視還報皆言無大害而秦中當事方議移甘涼甯夏之粟濟關中公自襄陽入覲備見諸顛連狀乃以關中大荒及襄鄧流民之苦一一奏聞且曰民爲邦本而三秦又天下根本若不速救老幼必填溝壑少壯將無所不爲往歲用兵滇蜀秦民嘗罄積儲以供饋運馬騾不繼則肩負糗糧攀藤引葛數千里輸軍前軍賴不匱今天災至此死亡且盡惟聖主哀憐又曰古有移粟之法謂地近便轉輸者耳今秦中諸邊去省會遠又無水道且諸邊亦無多儲積移邊儲以救荒非計也東南諸行省方豐稔若截禹漕運之米沂黃河至孟津敖倉挽之入關漢唐運道具在費省而功倍襄陽至西安雖頗遠

水陸皆可通。

上甚以爲然。翼曰。

詔廷臣集議。

命漕臣截漕粟溯黃河運。

入關者二十萬石。遣廷臣會楚督輦米自襄陽經汝洛入秦中者十萬石。秦民以甦。而流民之在襄者失業窮窘。或羣處而鬻。或與上人相鬪。訐公勞來安集。飢者設糜。病者予藥。假貸者與錢米。不遺餘力。鎮署在穀城。去郡城百八十里。嘗有奸人誘流民爲亂。謀洩。郡守閉城大索。邀公入郡。彊壓且令流民無保結者。悉驅之。公曰。何地無奸。驅流民是激之變也。乃堅不行。而密布腹心。擒奸首。置之法。餘不復窮治。流移始安。郡以無事。其明年乃有商洛轉運之役。襄陽遡漢江而上。有丹水通商州之龍。

駒寨距西安尙三百餘里山徑偏仄。陸運更艱。唐劉晏嘗一用之。近代無繼者。

上念襄陽陸運至陝千餘里太勞民。聞有水道。使廷臣相視得實。命楚督丁思孔及公發襄陽米二十萬石。水運至商州。復陸運至西安平糴。且招流民使還鄉。事屬創行。在事者茫無成見。有司盡拘江船以待。公曰。江船大者載二三百石。前至小江口。須用溪船所載。不過二十石。計減江船一須。溪船十。今溪船絕少。用則須造。而多拘江船何爲。且轉運非一日事。子之價則舟人爭來拘之。則屏迹不至。立麾散之。而操筆條列應行事宜。究其始終利害。曰。籌運末議。大畧言水運用船。或僱或造。悉如

民間價值陸路卽募流民之在豫楚者使之肩負得食其力兼可還鄉予僱值宜少優其他分官設站之法甚具諸公初有異同已而悉從公議公又念水路無他虞陸運數百里山谷閒聚夫千萬計自非控馭得宜恐生變乃以水運委同事而自任陸運廣募流民爲運夫編以卒伍法擇善書計者領之先馳至龍駒寨度地計程自襄陽遡襄江歷穀城光化至均州小江口經內鄉浙川過荆子關徐家店入商南境過竹林關抵龍駒寨凡水路八百七十餘里計運費每石五錢有奇皆督水運者主之白龍駒寨經商州踰秦嶺度藍橋過七盤坡抵西安會城凡山路三百七十餘里皆公主之分十二站每站撥千把總一人司

收發兵十數人司催押。又以龍駒寨商州秦嶺舖七盤坡爲四
總站。撥府佐及守備名一人領其事。擇祠廟爲行館。無則編茅
結廩以居。流民自襄應募至龍駒寨者。人與米一斗。錢百文爲
路費。既抵龍駒寨。則人肩五斗。運至一站者。予銀五分爲僱值。
部署既定。民夫集而運舟不至。夫稍稍散去。復多方招之。閒或
糧艘驟集而夫不足。則更募人畜濟之。其有便道還鄉者。量予
錢米資其歸。事叢弊起。曲折甚多。公隨地隨時規畫措置。皆得
宜。方暑雨跋涉山谷。鬢髮爲白。初議支給運費及司糶者。皆
文職。其武職督運而已。然文臣慮錢穀一經手。或有後慮。戒弗
預。不得已。皆將校分任之。而所委道府府佐率逡巡中路。或託

故卻回。其至者亦袖手遊行道上。日向站員索收發數。轉報塞責而已。比米至秦省。司糶者尙未至。公念饑民急得米。遂開糶。五岳廟令守備主之。米旣流布。民大安。民間有藏粟者悉出市。不復待價。米價漸平。二麥旣登。秦民不復苦飢。乃請旨停續運。起二月迄六月而畢事。秦中浮荒自公陞。見時極言於上。始議捐賑。議輓運。迨蒞任。則曰。夜安集流民。至是乃身督運。運成而公遷。適與救荒事相爲首尾。若有天意焉。癸酉。調甯夏。總兵甯夏自古用武地。兵勁健敢戰。而亦貪狡易犯上。公至則嚴職守。申軍令。鋤其驕蹇。拔其才俊。更定部曲。爲分合法以練士。士皆可用。製子母礮。簡駝馬儲芻粟。以待徵發。乙亥冬。

上將大征石魯特。議三路出師。以陝西出者爲西路。遣尙書圖
納至莊浪會陝西府軍督撫提鎮議兵事。公條列征行八事。諸
公善之。屬公起草入奏。命廷臣集議。悉見施行。時諜知噶爾
丹在柯布多。西路兵期以三月中旬出肅州之鎮。繇循黑河向
崑都崙而進。發西安滿兵三千。漢軍千。河西提督及四鎮兵六
千。深入剿寇。而以一總兵官率騎卒三千。駐中途。備接應。滿兵
帥則將軍博濟。副督統四人佐之。漢帥則振武將軍孫思克。公
與涼州總兵董天成。肅州總兵潘育龍佐之。二將軍四都統皆
議政。而以孫思克爲長。合將校兵廝二萬二千餘人。人持五月
糧。馬皆有副。以牛羊爲一月食。征行兵人賜治裝銀十兩。甯夏

鎮當發騎卒千五百。期二月初。會甘州創馬以行。孫將軍以三月草未青。請緩至四月。先在莊浪會議時。公謂噶爾丹宜在京師西北。山西正北。而甯夏之東北也。若從甘州趨崑都崙則偏於西。恐不相值。眾莫敢決。乃別爲使臣言之。至是奉諭西路兵毋出鎮。改從甯夏出塞。四月發太遲。當於三月初出兵。旣得詔。師期甚迫。度遠鎮兵不能悉至。將益發甯夏兵。乃檄部千悉士馬數。各備行裝以待。復得旨。大將軍費揚古以二月二十日發京師。孫思克兵亦令二月二十日左右發甯夏。師期益促。有司所徵調芻糧倉卒未集。而本鎮所儲積多侵耗。其僅存者亦朽敗不可食。諸營驛馬及搦納之馬自遠至者。並羸瘦。

公度官所給糧馬不足恃。又兵無廝養。則任戰者少。乃令兵二人帶餘丁或子弟一人。徭樵汲牽驅之役。又人備驢二頭。供任負其兵士應支之糧。給價自買。悉得善米。又令多辦糗糒乾燂。及解渴藥。以從軍裝之外。若雨具寒具革囊。勒鞋鞦鐮繩索之類。無弗備。及期。諸將皆至。博將軍率滿漢軍三千。孫將軍率所部千八百。董總戎率涼州鎮兵千二百。潘總戎率肅州鎮兵千。相繼發甯夏二十五日。公率遊擊守備以千官三十五員。騎卒三千餘丁千五百。廝養數百。分四營繼進。銜尾行。傍黃河行。十許日。遂度戈壁。戈壁者。無水草處。華言磧也。又二百餘里至一山。有古碣曰雨郎山。或言卽狼居胥也。四月四日至郭多里大。

將軍已過倍道行至甕金而得減兵之令。初甘涼肅三鎮兵目遠馳至甯夏。卽出塞不及飼馬。軍士得倉粟及餘馬駝畜。皆不暇擇。且以爲噶爾丹不可必遇。出塞稍遠。當耀兵而還。不甚愛惜資糧。及度戈壁。馬遂相繼弊。更前益苦乏水。而草未盡茸。會大風雨連數晝夜。寒且飢。道弊者相枕籍。有潰逃者。追斬之。不能止。於是孫將軍議選精卒。併糧馬以進。其麾下僅得四百人。涼肅二鎮各三百人。而檄公畱千五百人。以五百人與滿兵五百屯甕金。需後糧至。守之以待還師。甯夏兵固多預備。公又善訪求水草。雖踵大兵。後常不乏。身先將卒。日步行數次。節馬力。遇風雨。謹覆蔽之。或溫以火。馬少弊者。所裹糧。日檢飭。不得遺。

棄及恣食。人有餘糧。馬有餘力。比得檄。欲請勿滅。而孫將軍已
前行。不得已。如令減遣。而選銳卒千八百人。畱五百人屯甕金。
餘率以進。數日。及大將軍軍。皆用以行。時近賊地。宿草爲賊所
燒。數百里皆灰燼。新草未芽。大將軍所領皆禁旅。裹糧甚少。恆
苦飢。公以所餘假諸人。五月四日。至土刺河。十三日。前軍已
得賊嚴障。而進涉淖。至昭莫多。其北大山千仞。壁立山下。平川
廣數里。林木斷續。有河流。其間曲折環繞。其南山差低於北。漸
陲而下。有小山橫焉。戰地也。小山可二十仞。自西上爲崖三層。
乃至巔。自東上僅崖一層。大將軍與孫將軍已上山。前軍與噶
爾丹遇。佯北。以致之。賊恃勝。轉鬪而前。將爭小山。公方將兵至。

山足知賊進急登山遇孫將軍方下山公言宜急據此山巔不
可下語未竟大將軍亦至復言之大將軍曰日將暮矣大礮不
能卽至當以來日戰公曰戰卽來日若此山爲賊據我營其下
可乎大將軍曰賊甚近不戰爾能夜守此山乎公曰願守此迴
鞭一麾兵皆上甫至山巔而賊亦登見我師旣據巔遂上東崖
下以崖爲蔽發礮上擊時大將軍布陣令河西兵居中滿洲蒙
古兵居左右翼及戰甯夏兵千數百人居左甘涼兵千人居右
皆登巔以陣其右衛西安諸滿兵分列甯夏甘肅涼兵左右在
山下川中及南山足而蒙古北薩克諸兵又分列滿兵左右賊
爭小山衝中堅故河西兵迎其鋒公令士卒皆下馬發子母礮

邊擊之。噶爾丹及其嫂阿努娘子等亦皆冒矢石率眾舍騎而
鬪。鋒甚銳。殺傷相當。勝負未決。公使人告大將軍曰。川中兵宜
從柳林出。衝其脇。賊必亂。既又望其陣後林中。人馬甚眾。而不
出戰。必婦女輜重也。復告大將軍。宜遣一軍往南出。不意劫之。
賊返顧必擾動。大將軍皆從之。公望見兩軍將薄。賊遂鼓兵挫
大而下呼聲震天。賊眾遂披靡墜下山者滿陀谷。棄仗如麻。殺
阿努娘子。禽斬二千餘。乘勝逐北。公策馬先馳。麾下卒擁纛繼
進。遇輜重。戒弗取。且射且逐。月下追三十里。回視他部兵無至
者。而大將軍傳令收兵。乃整軍還翼日。大將軍會眾斬俘。馮旗
舉酒勞諸帥。大獎公曰。昨日之戰。賴公以濟。國家之福。主

國朝先正事蹟

卷十二

七

上之聖也。

主上屢稱公才。今乃見之。比還朝。具以公功聞。

上由是益眷公。當是時。

上駐蹕二十八臺。捷聞。大喜。遣侍衛迎勞將帥。尋有旨。遣諸

將還鎮。公引軍入河套。以八月杪抵甯夏。其所留獲金兵。孤懸

單弱。遇噶爾丹之姪丹吉喇。敗而西。以千餘人乘之多所殺傷。

奪路以去。設如公初議。以三千人一總兵守之。皆成擒矣。明年

上疏請將兵從郭多里深入。務殄根株。疏至。

上已發京師。公迎駕至清平堡。薄暮立。召入。賜坐。褒獎。

甚至遂扈從至甯夏。在道十餘日。數蒙顧問。賜飲食器物。

無虛日。

上御閱武臺。

命公指揮步騎。大布陣進退分合。練習整齊。

上大悅。

命官兵皆以班坐。

賜酒食。撤

御膳。賜公又

召

至御座前。

手賜酒三爵。指示新降附人曰。此將軍卽殺敗爾

等者也。

御書深沈節制四字以賜。尋

賜戴孔雀翎。充參贊

大臣。俾與議政之列。漢總兵從無議政之例。異數也。四月望。

駕發甯夏。公率所部兵從大將軍出塞。人持四月糧。期深入捕

噶爾丹。必得乃已。會噶爾丹仰藥死。姪丹吉喇以其骨西行。大

軍行至鄯多里。盡降其餘眾。追丹吉喇至大戈壁。不及而還。大

戈壁者五百里。無水草。處於是漠北無寇跡矣。師還。大饗犒士。

告功成。乃疏濬諸河渠。引水環城。徧注諸村堡。復朔方水利。又

念過地尙武。文教未敷。乃勸聖訓於萬壽宮。宮後創立義學。擇良士爲師。闢閑田若干頃。以其租供生徒月餼。自爲記勤石。俾世守之。論平寇功。授雲騎尉。世職。加封三代。未幾有廣東提督之命。便道過咸陽。展墓爲同堡人代輸一年租賦。縣學尊經閣廢。捐五百金獨成之。三十八年。疏言武職坐名題補。引見未逾六年者。請免咨送。庶職不至久曠。從之。又疏言臣標將弁。請照沿河例。坐名題補。格於部議。特旨照所請行。四十年冬。連陽入排獠滋事。戕副將林芳。詔公及廣西湖南提督各率兵隨將軍嵩祝進剿。平之。尋以原品致仕。四十二年。上幸西安。公迎駕。賞第四子純爲三等侍衛。四十九年卒。

藍襄毅公事畧 孫襄毅公元枚

藍公廷珍字荆璞福建漳浦人幼隨族祖義山軍門入伍康熙三十四年授把總累遷守備又六年擢溫州游擊敗海賊於南庭外洋乘風縱擊窮追至青水洋沈其一舟獲其二斬首十五級生擒二十七人明年敗賊於官山洋奪巨艦二斬首二十一級生擒六十四人凡汪洋絕島官兵不到之地皆深入窮搜賊聞風破膽皆曰謹避老藍他鎮協易與耳自是威名日盛諸將多忌嫉者上官亦惡其形已短讒於總督滿保將劾之提督吳陞固爭謂公爲兩浙第一將才滿公未信也會關東大盜孫森等竊遼陽鰲艦遁入海

聖祖震怒責成沿海置吏期必得滿公入覲奉 嚴諭由海濱

巡行南下至溫州總兵來謁問將弁賢否及藍某安在總兵曰
彼在。家觀劇未暇來也。滿公怒據總兵揭具白簡將上舟次瑞
安公迎於江濱。滿公曰。觀劇忙耶。何爲來。此聲色俱厲。公從容
曰。某於某日自海面緝賊來。在。黑水外洋與賊大戰。斬級落水
甚多。擒逆盜孫森等九十餘人。盡獲其船礮軍械。獻俘。滿公
愕然曰。有是哉。幾失吾良將也。召入舟。厚撫之。提督吳公繼至。
笑曰。何如。余言固不謬也。乃劾總兵而薦公。時五十六年夏四
月也。尋擢澎湖副將。遷南澳總兵。六十年朱一貴作亂。陷臺。警
總兵歐陽凱副將許雲等遇害。五月七日警報至。公條上進兵。

事宜。首請總督駐廈門。就近督剿。時滿公已飛檄調公。而白兼程赴廈。見公議大喜。令總統水陸官軍領戰船四百艘。弁兵萬二千人進剿。六月抵澎湖。用間諜得賊中情形。言於提督施公。世驃曰。賊皆烏合。不足憂。但眾至十餘萬。誅不勝誅。且多殺生靈。無益。宜張示止殲渠魁。餘弗問。則人人有生之樂。無死之心。可不血刃平也。施公從之。師抵鹿耳門。賊扼險拒敵。前鋒林亮、董芳殊死戰。公率大隊繼之。遂敗賊眾。奪取鹿耳門。乘勝進攻安平鎮。按之戒將弁。無妄殺掠。徧檄居民書。大清良民於門者。卽免誅。自是脅從多解散。各爲自全計。尋戰於四鯤身。大敗之。追至七鯤身灘口。以小艇載火具盡焚賊艦。越日賊出數萬人。

架礮列盾布陣來搗戰。公親突陣大破之。復遣舟師以小艇附岸夾擊賊大潰。溺斃千餘人。自是退保府治不敢出。施公用降者計。夜遣林亮、董芳等率兵千二百從西港仔暗渡出府治之背。公謂施公曰：「此誠奇計。願賊眾兵單脫有失，賊難制矣。」公宜遣將於灘口分道夾擊。某親率大軍繼亮等之後，方可萬全。遂乘夜進發，抵西港仔。黎明登岸，令空舟悉回安平。或問之，公曰：「示軍士必死無還心。今日戰勝，明當直抵府治耳。」會賊在蘇厝甲與林亮等決戰，勢張甚。公分兵八隊馳赴之。賊望見驚曰：「此老藍旗幟也。」戰稍卻。公乘勝崩之。大潰。夜駐犁頭標，料賊必寅夜劫營。漏初下，傳令撤帳，房捲旗幟露刃伏。芒蔗間夜未半，賊

至忽失大營方驚顧俄金鼓大震我軍四面突出賊大亂白相
攻殺比曉追敗之於木柵復敗之於蔦松溪一貴遁官軍入府
城秋毫無所犯民大悅自進兵至此先後裁七日耳乃分遣諸
將復南北二路一貴走下加公密遣將擒一貴於溝尾庄并及
其黨臺灣平公尋擢臺灣總兵秋七月南路阿侯林餘孽復起
討平之招降陳福壽等十數人皆渠魁也爲之美衣飾恣其出
入炫耀以動逸賊使悉來歸九月施公卒公權提督事餘賊以
次擒滅雍正元年逸盜楊令復謀作亂遣弁捕滅之臺匪根株
盡絕冬擢福建水師提督賈花翎加左都督世襲三等輕車
都尉立巡防之法數千里波恬浪靜商旅晏然二年入覲諭

赴馬蘭峪叩謁

景陵回京

召對

賞賚稠疊七年春

賜御書福字并食品

前後二十四種病聞遣太醫馳驛診視七年十一月薨於位年

六十有六

優詔賜卹

賞白金二千兩庀喪具

贈太子少

保

賜祭葬

子謚襄毅公自幼失學壯力農將略由天授所

規畫

動合古兵法

居官以政學征臺後所業益進黠竄幕客稿

多中

款會於軍國事

盡力爲之尤愛惜人才所汲引多至節鉞

然未嘗有德色也

子日寵襲輕車都尉世職官銅山營參將

孫元枚

字簡侯

乾隆三十三年由世職補廣東參將尋擢副將

三十八年

遷臺灣鎮總兵調金門鎮四十三年母服除補蘓松

鎮總兵四十九年擢江南提督五十二年臺灣逆匪林爽文滋事。

上以元枚熟悉情形。

命馳驛往泉州署陸路提督時水師提

督黃仕簡陸路提督任承恩進兵遷延。

詔總督常青往督辦。

奪承恩職遂以元枚代之四月。

命參贊軍務。

賞戴花翎督

閩兵二千由蚶江渡赴鹿仔港續到浙兵二千亦歸統轄六月

疏報抵鹿仔後密會總兵普吉保乘夜進兵攻柴坑賊巢斬獲

甚眾。有詔嘉獎。賞戴雙眼花翎尋奏約會總兵柴大紀帶

兵直趨六斗門奮力攻剿又於牌頭莊大肚溪等處剿賊獲勝。

又奏進攻西螺焚燬賊莊臣族入藍啟能自山內攜眷逃出因

其熟識山路。卽令隨同勦賊。得。旨嘉與。并。賞御用荷包等件。八月因病卒於軍。優詔憫惻。贈太子太保。賞銀千兩。治喪。其輕車都尉雲騎尉世職。令每子藍誠承襲。尋。賜祭葬。如典禮。諡襄毅。易名之典。與乃祖同時。稱小襄毅公。以別之。誠。佳話也。

國朝先正事畧卷十三 名臣

平江李元度次青纂

鄂文端公事畧

公諱鄂爾泰字毅庵姓西林覺羅氏滿洲鑲藍旗人曾祖圖們天聰中從征大凌河戰歿祀昭忠祠父鄂拜官祭酒公以康熙三十八年舉人授三等待衛從

聖祖獵和詩稱旨遷內務府員外郎郡王某至暴抗也屬公事不應召公將杖之公袖匕首見曰士可殺不可辱王敬其強直謝之雍正元年典雲南鄉試特擢江蘇布政使康熙末年搢紳橫甚抗稅旅距小民公用能吏趙向奎等一大劄之設春風

亭招致文士大將軍年羹堯勢方張遣奴至蘇巡撫啟中門迎之來見公公高座召入問爾主安否奴見公甚莊嚴不得已屈膝出年亦無如何八月遷廣西巡撫三年署雲貴總督四年夏貴州紳苗負險肆逆議撫久無成公奏欲百年無事非改土歸流不可欲改土歸流非大用兵不可宜悉令獻土納貢違者剿疏上盈廷失色

世宗大悅曰此奇臣天賜朕也

命公進呈生年月日與怡賢

親王赴養心殿手鑄三省總督印付公遂實授總督公分三路進剿一由谷隆一由焦山一由馬落孔焚其寨七進克長寨羊成堡又以鎮遠土府刁漸霑益土州安於藩凶詐計擒之尋奏

狃苗及川販窩黨悉就擒

上嘉其妥速

命優敘條上經理狃苗事宜十一則皆報可先

是四川烏蒙土司祿萬鍾擾東川府與滇接壤公奏改東川隸
滇從之命同川督岳公鍾琪辦理烏蒙事萬鍾不就撫至是
檄總兵劉起元整兵直入各寨皆投誠萬鍾遁鎮雄復潛投四
川五年春被獲其黨鎮雄土司隴麾侯亦赴川繳印獻土詔
給公騎都尉世職會鎮沅猓賊賤官焚掠勦平之獲賊首刁如
珍等又廣西土府岑映震淫虐公奏明懲治映震惶懼乞改流
存祀七月會勦謬冲花苗擒其渠餘衆歸順九月擒威遠猓賊
札鐵匠降新平賊李百疊等十一月招撫長寨後路生苗百八

十四寨得

旨嘉獎授一等輕車都尉十二月攻破雲南猓賊

窩泥種地方六千餘里劃界建城設員弁有

詔優敘公知人

善任賞罰明肅一時麾下文武如張廣泗張允隨哈元生元展

成韓勳董芳等各以平苗立功致身通顯然士官自漢唐世襲

二千餘年雄富敵國一旦入版圖受官吏約束心終不甘諸漢

奸又陰睽之改流後反者歲數起蜀之烏蒙窩泥滇黔之泗城

長寨車擺夷粵之西隆州相繼騷公慙怒次骨奏請褫職討

賊贖罪

世宗以爲多一次變動加一次平定優詔不許公感

上恩益奮親督軍鑒戰所獲苗皆刳腸截脰公掛崖樹幾滿見

者股栗繳上苗寨鎗礮軍械無萬數自丙午用兵至庚戌功成
乃造橋雲貴交界處曰庚戌橋開通滇黔路八百餘里孟養苗
者與老撾國連界明正德間嘗作亂兵部尙書王驥帥師十二
萬平之立石金沙江羣夷驚從古未有然歸後又叛至公而安
營設汛如內地矣嘗親巡三省窮邊六千餘里諸頭目燒香跪
伏迎道左南詔諸國遣使上表獻方物皆離中原萬里者也若
開古州丹江禾長八尺穗雙歧豆如栗子大
世宗批劄云朕實感謝矣不知如何待卿而後心安尋命加
少保公奏新開苗疆立營設官事宜十則皆如議行八年八月
烏蒙猓賊結涼山等蠻復叛總兵劉起元被害祿萬鍾從弟萬

福亦與賊合。公飭諸將進討。參將韓勳大敗破於奎鄉。總兵哈元生復烏蒙。同攻克大川。十二月擒萬福兇渠盡獲。諭嘉公

平時節制封疆。以公忠表率官僚。以義勇訓練將士。而臨機應敵。復調度有方。用能迅奏膚功。若此。公以先事疏防。引過自責。屢奏不居蕩寇之功。詞甚懇切。詔曲從所請。以成其謙抑之美。九年疏陳烏蒙善後事宜。八則從之。十年正月。陞見拜保和殿大學士。兼兵部尚書。軍機大臣。封一等伯。世襲罔替。時大軍進勦準噶爾。命督巡陝甘。經畧軍務。賜金甲上方劍。出巡阿爾蘇。疏上屯田事宜。歸奏。西夷未可卒滅。擾敝中華。無益會果親王從西藏歸。與公言同。

世宗遂罷兵與天下休息公受

世宗非常之知入朝盡三鼓方出語秘外莫能知每具一疏雖請安慶賀極尋常劄子

上必嘉獎忠誠頒示天下嘗云朕有時自信不如信鄂爾泰之專事無大小必命鄂爾泰平章以聞公亦以身殉國知無不爲一切形迹嫌疑無所避重門洞開賓客車馬麻集漏盡乃已督三省時大興水利滇之昆明海口黔之磁洞八達粵之楊林諸河俱宣流貫行商船輻至貴州布政使申大成請軍田加稅將軍鄂彌達請丈欺隱田部議允行公惡其言利皆奏寢之尤護持善類滇督高公其倬楊公名時獲罪楊聽勘而高修城新撫

朱綱欲人楊罪呼三木以待軍民洶洶欲爲變公皆力持之嘗
從容語綱曰過湯陰岳忠武廟曾見鐵人平綱大慙阻楊公夜
夢羣蜂攢螫一神人以袖揮之散及見公如夢中貌黔撫何公
世璠以名儒爲糧道李曰更所劾公昭雪之合河孫公嘉淦被
誣坐贖據以入告者親王也公見
上曰孫某性或偏執若操守臣敢以百口保之卽命公弟鄂
爾奇一試而事白經畧歸

上命戶部尙書海望爲治第凡什物祿禁盤匱械竅之屬必具
已報齊矣命昇堂上凡視之以爲竄敗大怒召海切責海叩
頭請易乃已及公入朝奏事畢

上曰卿勿還舊居可卽赴新居手書公忠弼亮四字賜之侍衛十人捧而隨公入聞府中無園囿命以藩邸小紅橋園賜公而中分其半爲軍機直廬公弟鄂爾奇以兵部尙書兼步軍統領公力爭不可上曰卿慮而弟反耶公叩首曰兵權太重非制也十三年夏臺拱逆苗叛公自以從前籌畫未周具疏請罪且斥削伯爵優詔如所請命仍畱三等男世宗晚年召公宿禁中逾月不出人皆不測上意八月二十三日夜召受顧命者惟公一人公慟哭捧遺詔從圓明

園入禁城。深夜無馬騎。煤羸而奔。擁高宗登極。宿禁中。七晝夜始出人。驚公左。袴紅濕。就視之。髀血涔涔。下方知倉卒時。爲羸所傷。虹潰未已。公竟不知也。尋詔同莊親王允祿。果親王允禮。及大學士張廷玉。總理事務。晉爵一等子。乾隆元年。典會試。充三禮義疏。及文穎。農書各總裁。八月。查永定河道還朝。命爲軍機大臣。兼領侍衛內大臣。十二月。晉三等伯。賜號曰襄勤公。嘗言。楊公名時。猶古器。不可瓦缶用。至是。楊公內召。及抵京。奏公處置苗疆。非善後策。公初不以爲忤。及楊公捐館。公經紀其後事。哭之哀。三年。兼議政大臣。四年。充經筵講官。河督高斌請開新運口論者以爲不便。詔

公往閱視公酌地勢議覆從之又言河工機要三事一天然二
埧不宜開免湖水全洩並興化鹽城等縣水患一毛城舖埧已
經變遷宜酌復一河勢宜取直兼放淤培岸省埧埽費下九卿
議行五月加大保充王牒館總裁七年副都御史仲永檀以密
奏畱中事洩於公子鄂容安公坐降二秩畱任八年兼掌翰林
院十年正月以疾乞解任。

上慰畱三月加大傳四月薨得

旨大學士伯鄂爾泰公忠體

國直諒持躬才裕經綸學有根柢不愧國家之柱石文武之儀
型不意一病不起朕心深爲震悼其輟朝二日親臨祭奠甚
皇考者配饗

太廟遺詔著所司遵行並入祀賢良祠加祭二次尋賜祭葬。謚文端公方頤廣顙鬚髯若神色溫而語莊面兼春秋二氣性明決威重勇於任事好獎勵名卽惡偷合取容以媚世者及爲相益自任進賢退不肖士有學行者多以禮進之雷君鉉莊君亨陽任君啟運公皆知其名欲一見屬朱高安方望溪道意皆謝不敢往公禮先焉及公病雷君往視坐榻前公問人才雷舉所知以對公曰是皆常往來於吾心者也烏虜卽此可以見公之爲人矣所著有西林遺稿二十年甘撫鄆昌與詩詞悖逆之胡中藻唱和削籍治罪中藻公門生鄂昌公姪也命撤出賢

臣祠四十四年

御製懷舊詩列公五閣臣中子六長鄂容安自有傳

同朝外工寫真

卷十三

七



同朝外工寫真

同朝外工寫真

張文和公事畧

子若霽

若澄

若淑

勤恪公若淳

乾隆二十年三月二十日 予告大學士桐城張公考終里第

遺疏入

諭曰致仕大學士張廷玉歷事

三朝宣力年久勤勞夙著受恩最深前以其年屆八旬特加體恤許令退休實朕優念老臣本懷至於配享太廟係奉

皇考遺詔遵行正爲臣子者可以要請及朕賜詩爲券又不親赴宮門謝恩自不得不示薄譴用申大義今遽聞溘逝皇考之命朕何忍違且張廷玉在皇考時勤慎贊襄原屬舊臣宜加優恤應仍謹遵遺詔配享

太廟以彰我國家訓獎勤勞之盛典尋賜祭葬如例謚文和
本朝百餘年未有之文臣得與配享者非常之典公獨當之於
戲盛矣公字衡臣一字硯齋大傳文端公英仲子也康熙三十

九年浙江選右吉士授檢討直南書房受知

聖祖淳加優擢由洗馬五遷至刑部右侍郎充經筵講官六十
年調吏部左侍郎當是時公以名相子迴翔卿貳文學經濟已
歸然負台輔望矣明年

世宗御極郎

命公協同仁林院掌院學士供

几筵祭告文

字初政殷繁

諭旨曰數十干公承

命應奉精敏詳瞻悉稱

年十二月擢禮部尚書雍正元年奉

命爲諸皇子師加太

子太保兼掌院學士充經筵日講起居注官轉戶部尙書 御
製詩賜之有大政資經畫訐謨待討論之句三年者大學士事
四年拜文淵閣大學士兼管戶部翰林院事明年晉文華殿大
學士又明年晉保和殿大學士兼署吏部尙書七年晉少保方
是時西北兩路用兵
上以內閣在太和門外倖值者多虞泄漏始設軍機處於隆宗
門內爲承旨出政之總匯公與鄂爾泰公同爲軍機大臣諸
格式皆公所奏定也軍機職掌在恭擬諭旨凡內外臣工所
奏皆面取進止明發上諭其有旨敕議者審可否以聞
凡明發諭旨皆下內閣以次及於部科若指授兵畧誥誡臣

八月

世宗龍馭上賓

遺命與莊親王果親王大學士鄂爾泰公總

理事務且

詔他日以公配享

大廟

高宗卽位倚任有加

賜爵三等子尋以公所領事多不必兼

管翰林院乾隆元年奉

命爲

皇子師仍兼管翰林院事充

經筵講官時

車駕親謁

景陵公與王大臣留京總理事務自是每

巡幸留公總理以

爲常三年

上將視學以三老五更之禮可行與否

詢軍機大臣公疏言

更老之名。雖見於禮經。但上有所施。必令臣下有可受。如所云天子袒而割牲。執醬而饋。執爵而酌。如特行此禮度。臣下誰敢受者。漢宋均曰。三老乃老人。知天地人之事。五更乃老人。知五行更代之事者。夫上通天文。下徹地理。中察人倫。得一已難矣。況兼之乎。至五行更代。如伏羲以木德王。炎帝以火德代之。黃帝又以土德代之。之類。此非學究天人。能知其所以然乎。考漢以李躬爲三老。桓榮爲五更。魏以王祥爲三老。鄭小同爲五更。周武帝以于謹爲三老。其時五更無人。若而人者。果克副其名。而無愧乎。先儒胡寅譏桓榮僅能授章句。不知仲尼修身治天下之大道。是桓榮猶不免譏評。下此何足以當鉅典。竊思樂記

祭義文王世子諸篇雖有三老五更之名。然不言何代。如謂虞夏商周皆然。則尙書及官禮何以不見此目。疑係漢儒附會。是以唐宋迄本朝于有餘載。此禮未曾舉行。蓋以名實難副。儻有幾微未愜。覲聽豈不褻至尊而羞大典乎。臣愚以謂此舉應停止。不必。敕下廷議疏入。

上聽其言。尋進爵三等。勤宣伯。四年。加大保。九月九日。公七十七生辰。

上於木蘭行在。賜詩爲壽。又。賜聯曰。潞國晚年猶矍鑠。呂

端大事不糊塗。遣內臣賫酒筵以。賜。前後。賞賚。賜第。

賜園。賜藥肩輿入紫禁城。至不可勝紀。八年。

上念公篤老。命不必嚮早入朝。遇炎蒸風雪。亦不必勉強。丙直九年冬。重葺翰林院落成。車駕臨幸。賦詩宴賚。謂公與鄂公曰。二卿真不愧古之房杜。十一年。公長子內閣孝士若霽病故。諭令節哀自愛。以公直內廷。需人扶掖。特命其次子庶吉士若澄在南書房行走。十三年。以老乞休。溫旨慰留。且諭曰。卿受兩朝厚恩。且奉皇考遺命。將來配享大廟。豈有從祀元臣歸田終老之理。公奏言。宋明配享之臣。曾有乞休得請者。因舉數人爲證。且稱七十懸車。古今通義。又引老子知足不辱。知止不怠爲解。諭以爲不然。謂昔人久處要

地恐滋讒謗。將至迫於殆辱。故易云。見幾而作。要豈所論於與國。咸體視君臣爲一體者哉。夫同堂聚處之人。一旦遠離。雖朋友尙不忍。況在君臣。書曰。天壽平糈。又曰。耄壽俊在厥服。秦穆霸王尙猷詢茲黃髮。使七十必令懸車。何以尙有八十杖朝之典。卿精力不減少壯。若必以泉石高蹈爲適。獨不聞武侯鞠躬盡瘁之訓耶。公奏言。武侯遭時艱難。受任軍旅。與生逢熙洽優游太平者不同。諭復以爲不然。謂皋夔稷契與尤逢比于可。信其異地。皆然時不同。而其心同也。皋夔稷契無尤逢比于之心。必不能致謨明弼諧之盛。尤逢比于無皋夔稷契之心。亦必不能成致命遂志之忠。遭遇雖殊。誠盡則一。夫旣以一身任天。

下之重。則不以艱鉅自諉。亦豈得以承平自逸爲君。則乾乾不息。爲臣。則蹇蹇匪躬。所謂一息尙存。此志不容少懈。朕爲卿思之。不獨受。

兩朝至優至渥之恩。不可言去。卽以朕十餘年眷待之隆。亦不當言去。朕嘗謂致仕之說。必古人遭逢不偶。不得已之苦衷。爲人臣者。斷不可先存此心。何則。朝廷建官。命職不惟逸豫。惟以治民。而人生自少至老。爲日幾何。且筮仕之年。非能自必設預以求去。爲心將膜視一切泛泛。如秦越人之相視。年至則奉身以退耳。誰復爲國家出力者。此所繫於國體。官夫人心世道者。甚大。故不可以不辨。尋舉所諭宣示朝列。并命公不必兼。

管吏部俾從容內直以緩眉壽又命解監修總裁之任以大

學士傅公代之十四年復諭曰大學士勤宣伯張廷玉自

皇者時簡任綸扉朕御極以來弼亮寅工久近一致尤爲國家

祥瑞但恭奉

遺詔配享

大廟子告歸田誼所不可音宋臣文彥博十自一至都堂議事
節勞優老古有成謨大學士紹休世緒生長京邸今子孫繞膝
良足娛情原不必以林泉爲樂也可四五日一入內廷備顧問
城內郊外皆有賜第可隨意安居從容几杖頤養天和副朕眷
待耆俊至意且令中外諸臣共知國家優崇元老恩禮兼隆而

臣子無可已之日。自應鞠躬盡瘁。益加勸勉盡職。賜御製一章。有勸茲百爾。應知勸莫羨東門祖道輪之句。公自是不敢言去。是年十一月。

上見公老態益增。優詔許原官致仕。俟來春冰泮。舟行旋里。且諭南巡時。即可相見。至朕五十正壽。大學士亦將九十。輕舟北來。扶鳩入覲。豈非堂簾盛事。御製詩三章。賜之。有句云。擬問蘭陵二疏傳。可曾甘四者。中書又云。指日翠華臨幸處。歡顏前席問農田。命內廷諸臣和韻。以寵其行。公至是登朝。垂五十年。長詞林二十七年。主揆席二十四年。凡軍國大政。承旨商度。恪勤匪懈。造膝對揚。率移晷漏。其所籌畫。非可以一事。

名非可以形迹數觀。雍正以來數十年間。吏治肅清。人民樂業。沐。

三聖涵濡之澤。而公雍容坐論。極人世遭逢之盛。則其慎密周詳。所以翊贊聖謨者。可想見其概矣。公典領機要。朝廷大制作。多出公手。修

三朝實錄。王牒會典。治河方畧。

國史明史諸書。皆爲總裁。自

康熙丙戌迄乾隆丁巳。與分校者三。主順天鄉試者一。主會試者三。廷試朝考。皆公首爲閱擇。一以公愼將之。佐司寇時。山東鹽販糾衆爲不軌。青州民倡邪教。有司捕繫百五十餘人。株連未已。公奉命出按。戮七人。遣三十五人。而讞定在吏部。

絕苞苴。杜請託。銓政肅然。浙江江西界連閩廣。流民入深山。種
麻結茅以居。號棚民。不隸州縣。爲良民害。公請編戶籍。行保甲。
消隱弭患。至今帖然。嘗條奏慎刑二事。一刑部遇各衙門送犯。
不論事之大小。犯之首從俱收禁。致累無辜。請分別收禁。取
保如外省例。一刑部引律例。往往刪去前後文。止摘中間數語。
卽以所科之罪承之。甚有高下其手。影射比擬者。請令都察院。
大理寺。駁正扶同。草率先罪之。疏皆下九卿議行。又令甲婦人。
年三十以內。守節至五十者。得旌。公建議。以未五十而卒者。乃
享年。不永。非守志。不終。請以守節至十五年者。一體旌表。著爲
令。翰林爲培才地。公有所薦舉。卽擢用。終不使其人知。諸所陳。

奏雖家人子弟不得以閒請也。方公之致仕也，召見時奏及配享事，謂上年奉有從祀元臣不宜歸田終老之諭，恐身後難邀異數，外閒亦有此論，免冠叩首請。

上一言以爲券。

上問外閒議論爲誰，公對史貽直郎有此論。上知公素與史，公不治遂允特頒諭旨並。

賜詩以安其心。

翼曰：公當入謝，適大風畏寒，恃恩眷有素，令仲子若澄齎摺。

奏謝，未親詣宮門。

上不懌，將傳旨詰問。次日，公早至。

上疑軍機處有洩漏者，屢降旨切責下廷臣議奏，且曰：張廷

王之罪。固在於不親至謝恩。尤在於面請配享。其面請之故。則由於信朕不及。廷王事朕十有四年。朕待羣臣。事事推心置腹。而伊轉不能信。忍爲要挾之求乎。廷議以公大不敬。請奪爵職。留京待罪。公具疏引罪。有旨削伯爵。以大學士原銜休致。瀕行。賜御製詩。手書二卷。御用冠服。數珠如意等物。派內臣

往送家居六年。薨。壽八十有四。旣薨。仍得與侑享之典。聖主優老。成全國體。可謂恩禮始終矣。公性孝友。子姓戚黨。列仕籍者數十人。皆約以禮法。在政府無一字與督撫外吏接。凡餽私值百金。輒峻卻之。生平無聲色玩好之嗜。退食泊然。無所營。時手一編。安坐室中。閱若無人。僚友共事者閱數十輩。平

心接之多。所容納。人不見其有疾。言遽色。康熙丙戌。分校禮部試。同事以微詞相採。因作闈中對月詩。有云。簾前月色明如畫。莫作人閒幕夜看。其人覽之。慙而退。其不惡而嚴多類此。四十四年。御製懷舊詩。列公五閣臣中五十年。御題公三老五更議。嘉公持議甚當。命與御製三老五更說。並勒辟雍碑。以不沒其善著。有傳經堂集。焚餘集。澄懷園文存。子四長若霑。雍正十一年進士。廷試卷進呈。

世宗命內侍傳諭公曰。爾子張若霑取中探花矣。公請面對。免冠叩首曰。臣家世受皇恩。無所不極。其至臣子若又占科名。最高之選。臣實夢寐難安。願讓與天下寒士。

上乃宣諭曰。殿試進呈卷。朕閱至第五本語極懇摯。有古大臣
風。因拔置一甲三名。及折號乃大學士張廷玉。子張若靄。朕深
嘉悅。蓋大臣子弟能知忠君愛國。異日必爲國家宣力。大學士
張英立朝數十年。清忠和厚。終始不渝。張廷玉朝夕在朕左右
時時以堯舜期朕。朕亦以皋夔期之。張若靄果承家教。兼之世
德所鍾。故能如此。非獨家瑞亦國之慶也。因遣人往諭廷玉。乃
廷玉再三懇辭。情詞懇至。朕不得不勉從其請。將若靄改二甲
一名。以表大臣謙謹之誠。並昭國家制科盛事。五月授編修。十
三年入直南書房。乾隆二年遷侍講。累遷內閣學士。十一年
高宗西巡。若靄扈從。以病回京卒。優旨悼惜。以曾襲伯爵加

恩照伯爵品級。賞白金千兩治喪。賜祭一次。次子若澄。乾隆

十年進士。改庶吉士。命直南書房。十二年。授編修。累遷內閣

學士。三子若淑。官郎中。少子若淳。由貢生。擢主事。直軍機處。累

遷郎中。乾隆三十年。知澄江府。擢建昌道。入爲太僕少卿。再遷

通政。受五十一年。授內閣學士。疏請。奉伐蛟之令。并請。下陸中

丞。燿所著甘薯錄。於江浙諸路。令其學種。以備荒。尋扈。蹕避

暑山莊。校射中的者二。賞戴花翎。五十四年。遷工部侍郎。調

刑部。兩赴陝西勘獄。嘉慶元年。命兼管順天尹。五年。擢兵部

尙書。仍管順天府事。賞紫禁城騎馬。未幾。調刑部。七年薨。

贈太子少保。賜祭葬。諡勤恪。長子曾誼。官至浙江按察使。

福文端公事畧

公諱福敏。字允翰。號湘鄰。姓富察氏。滿洲鑲白於人。康熙三十六年進士。選庶吉士。故館以知縣侯銓。

世宗皇帝在藩邸時。

純皇帝初就傳命公侍讀及。

世宗御極擢內閣學士兼禮部侍郎。充經筵講官。雍正二年充。

會試副考官。教習庶吉士。三年遷吏部右侍郎。八月署浙江巡。

撫。疏言海塘工程原議皆用條石。後因限迫遂用條石托外亂。

石填中。恐日久坍塌。請寬限。照原議改築。得旨。交新撫李衛。

查勘修理時。

上命都統拉錫赴浙簿錄年羹堯資產。羹堯將書札先自焚燬。公於拉錫回程後查出西征隨筆逆書二冊。係錢塘舉人汪景祺撰。

上嘉其細心。論景祺如律四年。擢左都御史兼掌院學士。九月。署湖廣總督。十月。奏沔陽潛江等十州縣水災。請借常平倉穀六萬石發賑。續將盈餘銀買補。又奏被水各州縣現遵賑。但老幼頗難就食。丁壯亦覺路遙。時當種麥。恐妨生業。請查丁口一體給米均得。旨嘉獎。尋賜璽書曰。朕原命爾暫署督篆。若得一人。卽命往代。近日滿臣中頗之人。皇子左右亦須爾來輔翼。爾在楚。乃出於萬不得已。宜體朕意。勉爲之。五年。

奏請以耗羨銀兩築江陵松滋等縣隄岸。旨著動帑金委員監修。成後仍算民隄。百姓加意保護。俾永受其益。四月。謬狎花苗叛。公檄黔兵截後路。以楚兵搗巢。平之下。部議敘。七月。疏言安陸荊州被水。各隄值冬初水退。正可興工。除被災老幼婦女照常賑濟外。其丁壯悉令修隄。優給賑米。俾飢民得食而隄亦完固。

上嘉其議。如所請行。先是閏四月。召公回。至是始得代。入京授吏部尙書。六年。以前撫浙江時。瞻徇布政使佟吉圖擅動庫銀事。落職。八年夏。命協理兵部侍郎兼戶部侍郎。擢左都御史。仍兼戶兵部事。十年。署工部尙書。特命協辦大學士旋署。

刑部尚書十二年以審理尙書彭維新一案朦混徇隱奉旨
申飭乾隆元年命同左都御史孫嘉淦辦廢員案孫劾公偏

執

上以福敏既拘執嘉淦亦沽名另派大臣辦理尋典順天鄉試
明年典會試教習庶吉士三年擢武英殿大學士兼工部尚書

掌院學士四年加太保六年七月

士初幸木蘭行圍公條奏事宜一行圍邊外內外章奏按期馳
送較宮廷清穆勞逸懸殊尤當朝乾夕惕清明在躬從容應
之一畱京百官道在隨事警察內人微戒不使偷惰者得行其
私一巡行之日言路不閉不謂然有大奸惡大利害斯宜參奏

不當瑣細瀆陳傷政體一

聖祖皇帝於獵地平易險阻無不了然故周旋中度馳射如神願

皇上籌度於馳射之先一弁兵布圍未必無參差乞少加從容俾得黽勉從事一弁兵從行日久必至資斧不繼量加恩澤費無多而受惠無窮得旨覽奏具見老成忠懇補袞陳善之意朕皆嘉納七年公壽七十御製詩賜之曰前世文昌宿當朝王者師典型鵠鷺序標準鳳凰池久賴經綸手猶疏弟子儀壽身兼壽世長佐太平基八年奏時政三條一河防事宜動關呼吸難容遲滯江南石林口等處新工初就尤宜保護懇照

災民請賑例一面辦理一面奏聞一災民勢必流移自謀生活。若有司不善拊循禁使不得越境必至輾轉溝壑宜加以玩視罪一江南湖廣等處偏災請留六省南漕賑濟懇宸斷數目截畱庶上不虧儲下足濟食奏入報聞十年冬以疾請解任手詔曰卿才品優長者成端諒丙廷講誦多年恪慎小心特簡綸扉正加眷倚覽奏情辭懇切勉從所請着解任調理加太傅銜以示篤念舊學至意卿善自頤養以承恩澤遇精神康健風日晴和仍詣宮門請安並到丙廷書房看視十二年上以詩存問曰經時未到禁門邊食履多宜心泰然月霽風清煩暑遠忽教重憶講幃前十七年公壽八十御製詩賜之

有還丹益算何須藉兩字傳經永不刊之句二十一年十月以

疾薨先是公前歲抱疴

上親臨看視

賜以醫藥至是得遺疏深爲震悼卽日親行致

奠並

賞內庫銀千兩治喪應得卹典下所司察例具奏尋

賜祭葬

諡文端入祀賢良祠公嚴氣正性慎不可犯及習與之

處開心吐懷

廓然無城府自言通籍數十年所自信者骨性鯁

直不脂韋

至老猶存故我耳直內廷與蔡文勤雷翠庭善尤服

膺高安朱公曰此吾心之師也後進有言論相左者始或變色

事後保任旋及之既罷相語翠庭曰此位豈易稱我浮沈其間

君心不我唾耶晚好讀周易觀彖曰安溪若在縱不納我拜亦

當稽首門外耳。四十四年

御製懷舊詩。稱爲龍翰。福先生詩。

曰。今古旣殊宜其教亦異。施古方教數年。今爲出閣時。憶年舞勺歲。

皇考掄賢師。卽從師授經。詎惟習少儀。循循旣善誘。嚴若秋霜。

披背誦自幼敏。匪曰誦。御齊日課每速。畢師雷爲之辭。以此倍。



多讀。忠益平生資。誰知童時怨。翻引老日悲。不失亦子心。能無。

繾綣思。嗚呼於先生。吾得學之基。六十年二月。諭曰。本月上。

丁釋奠禮成。因念臨御六十年以來。孜孜勤政。悉由典學懋修。

所致。回憶冲齡就傳時。久侍講幃。敷陳啟沃。福敏蔡世遠兩師。

傳之力爲多。今朕年滿八旬。開五卷懷舊學。允宜增秩三公大。



兆友襄公事畧

公諱兆惠字和甫。姓吳雅氏。滿洲正黃旗人。父諱佛標。官都統。雍正九年。公由筆帖式入直軍機處。補內閣中書。三遷至內閣侍讀學士。晉內閣學士。乾隆七年。擢盛京侍郎。調刑部右侍郎。授副都統。及護軍統領。十三年秋。詔赴金川軍營。督辦糧運。明年二月。請同哨探兵進剿。命畱烏里雅蘇臺辦事。充領隊大臣。十一月。調赴西路巴里坤辦事。時準部阿睦爾撒納叛定邊右副將軍薩喇爾。自伊犁被陷。復歸。公聞其至吐魯番。約共進剿。奏入。諭嘉其甚合機宜。二十一年。命充參贊大臣。三月。大軍再定伊犁。命公駐其地。籌善後事宜。五月。授定邊右

副將軍先是回部大小和卓木稱亂。侍衛托倫泰赴葉爾羌喀什噶爾撫諭。久未返。公奏遣副都統阿敏道以索倫兵百。厄魯特兵三千收復阿克蘇庫車烏什各回城。且偵托倫泰信。是月小和卓木霍集占送托倫泰還。公飭阿敏道馳往招撫。十月奏霍集占怙逆狀。密飭阿敏道速進兵。是年冬定西將軍達爾黨阿自哈薩克撤兵還。厄魯特宰桑之從征者謀煽亂。未發。噶爾藏多爾濟詭以叛賊巴雅爾劫掠告。公遣將軍和起調諸厄魯特兵協剿。而噶爾藏多爾濟之姪札那噶爾布等陰通巴雅爾。中途肆逆。和起被害。公以孤軍遠駐伊犁。聞變。自率千五百人東旋。擊賊自濟爾哈朗轉戰而南。十一月啟行。戰於鄂里。戰於

庫圖齊戰於達勒奇前後殲賊數千餘。二十二年正月，至烏魯木齊，諸賊畢會，連日數十百戰，我兵無不一當百。步行冰雪，淖中履蹶不完，食瘦駝疲馬，且盡。二十二日至特訥格，不復能衝擊。結營自固，遂被圍。時天大風雪，驛傳聲息不相聞。巴里坤辦事大臣雅爾哈善入告。詔趣侍衛圖倫楚率巴里坤兵二千間路馳援。以三十日至軍圍，乃解。公得新兵，復往勦巴雅爾部落。始回巴里坤。諭曰：兆惠係伊犁辦事大臣，適遇厄魯特等背叛，卽奮往勦賊，忠勇可嘉，可封一等伯。世襲罔替。並賞御用荷包、玉韞諸珍物。尋授領侍衛內大臣。戶部尚書兼都統。詔同定邊將軍成袞、北布分路翦滅厄魯特賊眾。三月，偕參贊

大臣鄂實等進剿時北那噶爾布已殺噶爾藏多爾濟等又爲
臺吉達瓦所殺而獻其首於軍門適阿睦爾撒納自哈薩克盜
馬竄歸伊犁掠北那噶爾布牧地公檄參贊大臣富德往追
詔責公宜以專擒阿逆爲務六月奏擒獲阿逆之姪達什策楞
等七月奏擒獲巴雅爾并及其孥時哈薩克汗已畏威歸順遂
表獻馬匹八月奏言遣圖倫楚擊敗哈薩克錫喇賊眾遣受隆
阿擊敗前掠臺站之都爾伯克臺吉納木奇降之當是時阿逆
竄入俄羅斯而遣往撫諭回城之阿敏道爲逆回霍集百所我
九月詔公等等剿回部疏請於烏魯木齊屯田且便與哈薩
克市馬從之十二月成袞扎布改北路左副將軍詔授公定

邊將軍二十三年正月復以參贊雅爾哈善爲靖逆將軍專辦
回部時各賊分四支每支名一二十伺間出沒乃義公由博羅
布爾富德由賽里木分兩翼圍彌約相會於伊犁尋奏賊眾紛
紛逃潰狀報聞庫隴癸山者伊犁附近山也叛黨布圖庫等據
險藏匿公偵知之遣將收其牧羣而自率八十騎夜入山口勦
之時曉霧迷漫布圖庫等脫走餘悉就殲得旨獎敘四月叛
賊輝齊鄂哲特等就擒賊牧俱殘破準噶爾之事將竣疏請由
伊犁進剿回部詔與雅爾哈善會合并招降布魯特人眾尋
奏布魯特頭目人等赴軍前乞降七月遣侍衛達桑阿等先後
護布魯特東西二部使者入覲命速赴回部與雅爾哈善合

兵進剿會雅爾哈善圍庫車。霍集占糾眾來援。爲官軍所敗。肩死入城。復脫走。雅爾哈善坐疏縱削職。尋伏法。公自講畱軍以竣西事。

上壯之。

諭嘉其奉公體國。器識遠出諸臣之在。

賞戴雙眼。

孔雀翎。尋奏言臣抵烏克蘇降回眾五千餘戶。其烏什伯克霍集斯及其子漢咱帕爾亦攜眾獻城降。臣遵旨令侍衛舒赫德駐阿克蘇。臣卽率大軍赴葉爾羌。疏入。獎賜荷囊玉韞等物。時兵皆未集。惟領步騎四千先行。聞副將軍富德勒餘賊湊集。大軍繼進。而小和卓未已。堅壁清野。斂民入城。使我兵無可掠。又於近城東北五里掘濠築土臺。欲持久困我。其大和卓木

據喀什噶爾相犄角。十月初六日，師至葉爾羌陣於城東。兩翼兵先奪據其臺城，東西北三門各出精騎數百來嘗我。三戰三北，入城固守，不出城周十餘里。凡十二門，公以兵小不能攻，欲伺閒出奇。先營城東隔河有水草處，結壘自固，所謂黑水營也。葱嶺北河經喀什城外，其南河經葉爾羌城外，土人稱北河爲赤水，南河爲黑水，故曰黑水營。公旣分兵八百，使副都統愛隆阿扼喀什噶爾援路，又偵知賊牧羣莊城南英奇盤山下，謀渡河取充軍實。十三日，留兵守黑水營，親率千餘騎自東而南，甫渡四百騎，橋忽斷，城中賊出五千騎來截我兵。方奮突其陣，步賊萬餘繼之，騎賊復張兩翼圍攻我後。我隔河軍不能相救，又大

沮。洳。難。馳。騁。且。戰。且。退。徒。涉。歸。營。中。途。爲。賊。隔。截。數。隊。人。自。爲。戰。自。辰。至。酉。殺。賊。千。計。而。馬。多。陷。淖。亦。陣。亡。將。士。百。餘。負。創。者。數。百。公。左。右。衝。突。馬。中。鎗。斃。再。易。明。塢。亦。受。創。總。兵。高。天。喜。等。俱。戰。沒。賊。復。逾。河。來。攻。五。晝。夜。我。軍。且。戰。且。築。壘。賊。亦。築。長。圍。困。我。十。七。夜。公。遣。五。卒。分。路。赴。阿。克。蘇。告。急。舒。赫。德。飛。章。入。告。賊。於。上。游。決。水。灌。營。我。軍。於。下。游。溝。而。洩。之。營。依。樹。林。鎗。礮。如。雨。我。軍。伐。樹。反。得。鉛。丸。數。萬。以。擊。賊。會。布。魯。特。掠。喀。什。噶。爾。我。軍。縱。火。攻。賊。營。賊。疑。布。魯。特。與。我。軍。有。約。大。和。卓。不。乃。使。人。議。和。公。執。其。使。財。書。諭。以。必。先。縛。獻。霍。集。占。方。許。納。款。又。掘。井。得。水。掘。窖。得。粟。三。閱。月。不。困。賊。駭。爲。神。先。是。

上念我軍久暴露將士皆勞頓於兩月前卽命靖逆將軍納木
扎爾參贊三格往代並諭副都統阿里衮侍郎孔貴於巴里
坤豫選馬三千送庫車備調又增調索倫察哈爾兵赴之至是
聞公被圍諭嘉其忠誠勇敢不避險艱晉封一等武毅謀勇
公世襲罔替并賜寶石頂及四團龍補服紫纓而公不知也
在圍中檄愛隆阿率兵還阿克蘇催援軍途遇靖逆將軍以二
百餘騎徑進止之不可復遇害富德在北路聞黑水圍急卽率
兵三千餘冒雪赴援二十四年正月六日次呼爾璊遇賊五千
騎且鬪且前轉戰四晝夜沙蹟乏水齒水救渴又乏馬半步行
九日渡葉爾羌河距黑水營尙三百里賊愈聚不能進兩軍皆

被圍萬里外。適阿里亥以巴里坤兵六百解馬二千。駝一千合。愛隆阿兵千餘夜至。遙望火光十餘里。知官軍與賊相持處也。又途遇我往劫營之卒。知望援孔急。卽橫張兩翼大呼馳薄聲。塵合沓直壓賊壘。與富德兵三路奮蹙。賊黑夜不知官兵若干。萬自相格殺潰遁。我師遂長驅進。未至黑水營數十里。又擊敗之。公見圍賊日少。又遙聞鎗礮聲塵大起。從東來而營中所掘井忽。胥知援軍已集。卽勒兵潰圍殺千餘級。盡燔其壘。賊大敗。入城兩軍會合。振旅還阿克蘇。公奏言臣等自上年十月十三日被圍相持三閱月。仰賴

聖主威福

上天神佑靈蹟甚多安營處近戈壁而有深林伐木給用內拾鉛丸數萬卽用以還擊初憂乏水因賊灌營反獲接濟尋掘井泉隨涌出至正月初旬井水忽涸又獲藏粟二十餘窖目兵意氣奮發毫無懼色正月十四日與富德合兵而還疏入
上嘉獎御製詩賜之又製黑水行長句書其事公疏辭封爵及章服弗許並以公母年高遣使存問是時霍集占黨窺和闐命速發兵援之六月六兵分路進剿霍集占棄葉爾羌遁降其眾四萬餘戶撫定之捷聞聖書褒美命速追擒兩賊酋七月大敗霍集占於阿爾楚爾等處逆酋兄弟竄巴達克山我軍蹙之勒令擒獻未幾均被戮十月巴達克山汗素勒坦

阿獻霍集占首其安集延諸部皆相率歸順回疆平詔曰將

軍兆惠等凱旋至京時朕當親臨郊勞兆惠已封公爵并迭賜

章服其加賞宗室公品級鞍轡以示寵異再加授一子爲三等

侍衛十一月奏定葉爾羌喀什噶爾英噶薩爾烏什阿克蘇等

城駐兵章程並請令各城伯克分番入覲從之二十五年二月

授御前大臣賜紫禁城騎馬初

上命築壇設熏於良鄉城南行郊勞禮至是公率將士凱旋

上親拜天將軍以下皆甲冑王公大臣隨行禮畢

上御黃幄將軍等抱膝跪見如儀

上撫勞賜御用朝珠及馬禮成隨

駕還

上御豐澤園幄次。凱宴資銀幣。命圖形紫光閣。

上親製贊。明年授協辦大學士兼管刑部尚書事。八月。命同

大學士劉公統勳赴豫。勘築楊橋等處決口。奏睿賈魯河定開

放各事宜。二十七年復同劉公勘江南運河。酌濬高寶諸湖。歸

江之路。二十八年。命勘直隸海口。并相度天津靜海文安等

處疏濬事宜。加太子太保。復奉命會同江督尹繼善公籌濬

荆山橋河道。二十九年順勘直隸河工。還朝十一月薨。

上親臨其第酌酒。卽以其子扎蘭泰許尙公主。御製詩悼之。

晉贈太保入祀賢良祠。賞內庫銀五千兩。遣侍郎雷保等經

理喪事。賜祭。賜葬諡文襄。三十年。

上南巡至良鄉見郊勞臺賦詩志悼四十四年御製懷舊詩

列公於五功臣中予扎蘭泰尙和碩和恪公主授和碩額駙襲

一等公兼散秩大臣以其子扎蘭泰和恪公主一子襲

和恪公主襲和恪公主之子襲和恪公主之子襲

和恪公主襲和恪公主之子襲和恪公主之子襲

和恪公主襲和恪公主之子襲和恪公主之子襲

和恪公主襲和恪公主之子襲和恪公主之子襲

和恪公主襲和恪公主之子襲和恪公主之子襲

和恪公主襲和恪公主之子襲和恪公主之子襲

和恪公主襲和恪公主之子襲和恪公主之子襲

勵文恪公事畧子文恭公廷儀孫宗萬

公諱杜訥字近公直隸靜海人初以杜姓爲生員學問淵通精楷法康熙二年纂

世祖實錄

詔選善書之士公試第一書成議敘授福甯州州

同

命留南書房行走食六品俸舉博學鴻詞科未中選會殿

門易額

敕翰林官書禁扁皆不稱

旨惟公書報可十九年

優敘內廷講官學士葉方藹等

特旨授公編修充日講起居

注官二十一年復勵姓二十四年

上命日侍點閱通鑑二十五年與學士張公英同侍點閱綱目

全編十二月以

御批通鑑綱目竣疏言

國朝先王事

名臣

皇上點閱載籍無閒寒暑卽巡幸駐蹕。

命臣等捧簡進閱。

一如禁廷每評論古帝王政治得失文武張弛及人才進退邪正消長與夫諸儒舊說之聚訟紛紜者親加剖決悉歸至當請頒發

聖諭宣示史館以發凍水所未詳補紫陽之弗逮得旨下禮

部翰林院會議如所請累遷贊善侍講改光祿少卿遷通政司

參議太僕卿宗人府丞三十九年遷左副都御史疏言督撫大

吏朝廷畀以百餘城吏治數千里民生任至重也若託詞鎮

靜漸成悠忽殊忝封疆之寄請敕諸督撫將察吏安民興利

除弊諸實蹟年終彙奏以備清覽如開注不實治以欺罔罪

庶諸臣時時警勉不敢貽誤地方其所轄之藩臬二司專掌錢
穀刑名有無虧空及有無駁審宜令詳悉并列庶藩臬之優劣
亦無遁情又疏言提鎮保送將弁時有騎射甚劣并年老之員
屢經特旨甄別請敕下兵部將引見不稱旨之員與冊
進呈酌定處分庶提鎮咸知謹凜而將備亦難片素苟容疏均
下部議行四十二年擢刑部右侍郎十月薨於任年七十有六
賜卹如例特旨給全葬後二年
上駐蹕靜海諭曰原任侍郎勵杜訥向在南書房效力二十
餘年勤勞無過應予諡御書文恪二字賜其家雍正元年
追贈禮部尙書八年入祀賢良祠

純皇帝御極。加贈太子太傅。公以諸生膺殊遇。出入禁闥數十
年。小心慎密。前後疏奏多所建白。居憲職。詳讞刑獄。無所瞻徇。
朝野推爲正人。子廷儀。康熙三十九年進士。選庶吉士。明年丁
母憂。又明年。特命直南書房。四十三年授編修。尋充日講起
居注官。累遷中允。侍講學士。擢內閣學士。經筵講官。掌院學士。
晉兵部右侍郎。兼掌院如故。雍正元年。擢刑部尚書。疏言各省
常平倉米穀。雖有府司道盤查。難保無徇隱弊。當責成督撫。嚴
實存倉委幹。具不時盤查。年終造冊題報。督撫離任。將冊籍交
新任。詳覈虧空題參。新任徇隱者罪之。部議如所請。又疏言古
北口外命案。向由本處武職詳解刑部。派司員往驗。路經數百


里往返需時。傷痕已變。審擬難確。請於口外適中處。設理事同知一員。遇民間命案。驗明取供。詳解題結。盜案亦如之。其稱職者。照捕盜同知例。卽陞從之。二年。奏請團練民壯。每州縣選五十名。分習鎗箭。於州縣俸工內酌給工食。勤加訓練。得旨。此奏甚善。著直省督撫實心奉行。三年。疏言。監禁宜分內外。內監以居要犯。外監以居輕犯。其女監另牆隔別。庶防範嚴肅。不致串供。部如所議。五年。典會試。尋坐濫保屬察。降二級。奉旨。留任。又坐讞獄罪。名錯誤。議革。任得旨。寬免。六年。疏陳考職積弊四條。又疏陳禁止私鹽四條。又疏陳清查入官家產弊端四條。俱下部議行。七年。加太子少傅。賜矜慎。平恕額。請嚴廢鐵私。

運近邊近海地方之禁從之尋遷吏部尙書仍專管刑部事十年夏以病乞休

上慰留之間五月薨遣疏入得旨勵廷儀侍直內廷蒙

聖祖知遇之恩教養有素伊父尙書勵杜訥老成端謹學問優長朕幼年在宮中讀書時嘗其講論至今念之不忘朕御極之初擢勵廷儀爲司憲晉秩冢宰數年以來勤慎小心今聞溘逝深爲傷悼已命大學士往奠茶酒其更議卹典尋賜祭葬加禮謚文恭子萬宗康熙六十年進士選庶吉士授編修入直南書房前後二次坐事落職均奉特旨起用命在兩書房行走者一在武英殿行走者二在懋勤殿行走者一累官至刑部

侍郎勵氏父子孫三世皆掌邦禁爲正亞卿又皆直南書房充日講官知起居注敷歷清要在官皆有名績海內榮之



史文靖公事畧

溧陽相國史公十歲能詩十八舉順天鄉試十九登康熙三十
九年進士入翰林乞假歸娶朝野榮之後六十年當乾隆庚辰
科再宴瓊林士之倚南宮者公與執同年禮諭稱爲昇平人
瑞御製詩褒美寵爲科名盛事公由甲第迭大拜在外督撫
八行省內周歷六官首尾居相位垂二十載名注朝籍總六
十有四年恭遇

慈寧大慶入九老會班次諸王下圖形內府賜詩以比富
鄭公文潞公中年總督兩江開府鄉里具疏再辭詔弗允
殊恩異數罔有倫比厥由國家重卹龔慶以有耆龐魁艾之

重臣亦惟公瓌猷偉抱宣昭世德乃克欽承

三朝之眷命可謂盛矣公諱貽直字微絃號鐵巖先世壯侯崇封於溧陽遂家焉世爲江南舊望祖鶴齡官編修父夔官詹事公幼承家學嫻掌故凡內外銓之利弊金穀之登耗刑名兵屯之得失綜貫靡遺由檢討典試雲南督廣東學政遷贊善累遷侍講學士雍正元年命直南書房擢署吏部侍郎尋授內閣學士遷吏部左侍郎

世宗賜詩有形埤迹躋中臺履玉佩聲含曉殿風之句二年充經筵講官典會試三年調工部兼理戶部侍郎事五年再典會試調戶部兼理吏工二部侍郎事尋管順天府升六年轉吏部

左侍郎仍兼戶部右侍郎七年。署福建總督。八年夏。調署兩江總督。尋授左部御史。仍署總督。請以江甯府屬之溧陽縣改隸鎮江府。從之。九年。遣朝兼理吏部戶部事。時大軍征淮。時兩陝甘二省辦理軍需。命偕侍郎杭奕祿等前往宣諭化導。協理陝西巡撫事。尋擢兵部尚書。仍留陝西。當是時。

憲皇帝詔各督撫舉材武之士。得數千人。號勇健軍。其最者能開弓二十石。舉刀千斤。特命公帥屯巴里坤。以資策應。十年。署巡撫。尋調戶部尚書。總理陝西巡撫事。十三年。還朝。條上三事。一科道吏禮部宜用正途。一遷擢官循資格。抑躁進。一河南開墾捐輸宜速罷。又言國家理財有正經。勸捐非體。不可令於

下皆得 旨允行尋署湖廣總督乾隆二年 召還京三年調

工部尙書尋調刑部五年兼理兵部事未幾調兵部尙書教習

庶吉士 御製五言律詩 賜之七年遷吏部尙書署直隸總

督協辦大學士九年拜文淵閣大學士 命紫禁城騎馬十年

典會試加太子太保十三年坐票簽錯擬奪職畱任十四年兼

理工部事十五年兼理刑部十八年兼理吏部二十年次子奕

昂署甘肅布政使公會以書屬巡撫鄂昌事聞以原品俸致二

十二年

高宗南巡迎 駕沂州 命在籍食俸 賜御製詩遂 召補

大學士入閣辦事六月

士聞公中途患病遣侍衛某帶同

御醫馳驛前往診視七月

至京兼理工部事加太子太傅充經筵講官二十五年值會試

週甲之年拜

賜詩有

旨大學士史貽直年已八旬嗣後凡

遇祀興不必隨班行禮復

賜御詩一章二十七年請老優

詔慰留許解工部事務示體恤仍

命每年

賞飯銀五百兩

嚴寒盛暑無人閣二十八年三子奕瓊以潞安守引見特命

留京補四品堂上官俾得侍養五月薨於位年八十有三

上臨軒輶悼

詔皇六子臨喪奠醑

贈大保人祀京師賢良

祠賜白金二千兩治喪尋

賜祭葬諡文靖公生有幹局神

識超駿雍正初大將軍年羹堯平青海歸勢張甚黃縕紫駟絕

國朝分五等、卷十三
馳道而行、王公以下屈膝郊迎、年過目不平視、獨公長揖、年望見驚異、遽翻鞚下曰、是吾同年鐵崖耶、扶上已所乘馬而已、易他馬並轡入國門、後年以罪誅、窮治黨與、

世宗問汝亦羹堯所薦乎、公免冠應聲曰、薦臣者羹堯、用臣者皇上、

上領之、公之爲閩督也、弁兵舊戍臺灣、受代歸過番社、輒橫索供頓、鎮臣以非所轄、際弗問、公改委臺鎮、本標押送、弊遂絕、福興、漳、泉四郡地頻海、貽穀易敗、公以臺轡應碾運內地、平糶米、請易穀分貽各倉、卽碾倉穀給兵食、推陳易新兵、民兩便之、著爲例、兩江殷劇號難治、公以鄉人權節制、杜絕瞻徇、所部肅

然西安有屯后籍均內地而故事獨輸本色米支兵餉往往苦
貴驩公用軍需餘穀十六萬石爲置常平倉俾借領如例後皆
以爲法

高宗御極公以舊臣入覲伏謁梓宮賜

世宗所遺鵝黃蟒衣四圍龍補服曰此

先帝意也今朕君臣所共事卽

先帝事也卿其始終一節公感謝鳴鳴

上亦泣下不止尋總督湖廣苗匪屢竊發蒲寅三鳳老一狙獷

爲渠魁公至簡軍實嚴守備待芻廩若無暇爲剪滅計一日密
檄鎮將提勁兵二千入山勦捕蒲鳳就擒黨惡者無遺種或問

公公曰。吾前故遲之。使不爲鋌走。備且密審其山川扼塞及栖遁所由也。容美土司稅輕。改流後額日增。公請仍征原額獠獍。懽呼。修武昌城外江隄。及洞庭湖之柁桿洲。疏陳善後五事。增設救生船。督直隸未半年。所題結事九千六百有奇。人爲正卿。遇廷議。公徐出一言。洞中肯綮。九列更事無出公右者。常言天下辦事人多。解事人少。深刻非明。縱弛非寬。交際非私。協恭非黨。故公立身行政。無心寬猛。恥矜苛廉。一以持大體。安社稷爲務。凡疆吏以疑獄告屢。命公馳傳往勘。多得實稱。旨上蔡令張球誣陷同官邵言綸。總督田文鏡庇之。世宗命公往豫案覆發其奸。田大慙。大學士邁柱請疏湖廣荆

子開至陝西龍駒寨河道爲運米計。公力持不可。事遂寢。浙督李衛約爲兄弟。公以其不學也謝之。三人方枘用時。擢其鋒者。皆懾公獨棘棘不阿。其守正如此。在政府持大體。不屑矯激。自別異時。淮夷回部。以次削平。拓疆二萬里。公翊贊機務。每召對。移晷乃出。所敷奏雖子弟莫得聞。其再相也。年近八旬。特旨許肩輿入省。每湯沐。賜賚不絕。偶示疾。御醫絡繹踵至。嘗奏事。拜起舒遲。

上問卿老憊乎。公曰。

皇上到臣年當自知之。

上大笑。時公年八十一矣。公清標玉立。眉目如畫。黼黻不沾衣。

圭袍褶式皆內裁好獎植士類而不使其人知屢主禮部試名公卿多出其門與後進言無不盡語多譬引饒風趣他大臣或懼言溫室樹隱情惜已公肆意逞詞談調流連忌者亦莫能中也子三奕簪官贊善奕昂官至兵部侍郎其次卽奕壤

沈端恪公事畧

國朝眞儒輩出。平正切實。方宗紫陽。推平湖陸清獻公爲最。而錢塘沈端恪公則篤信平湖以上宗朱子者也。公於平湖之書。沈潛反覆最久。嘗倣近思錄之例。會萃諸說而類編之。凡十有四卷。曰陸子遺書。其爲治則壹以嘉定靈壽之政爲法。及長御史昌言偉論。亦與清獻在臺時同。所自著曰夙興錄。曰讀論語隅見錄。研理窮事。皆誦法陸子學者。由此而得梯航宗平湖以上宗朱子。濂洛關閩之正脈。無復有掘泥而揚波者矣。公諱近思。字位山。號閭齋。世居仁和王杭村。先世皆力農。公生九歲而孤。家貧。隨仲兄遊學靈隱寺。有借巢老人者。資之讀儒書。負笈

虞山錢圓沙嚴寶成之門。既歸家，補諸生，讀宋五子書，刻苦勵志。書程子涵養須用敬，進學在致知二語於座右。嘗自言其得力曰：吾由濂洛關閩之書，上溯孔顏曾孟之心，怡然渙然，若合符契，不自知其手舞足蹈也。康熙三十八年，舉於鄉，明年成進士，亟返里門，理故業。選期已過，顧以學未成，不出也。久之，授臨潁縣知縣，單車就官，謝請託，卻饋遺，謹號令。禁科派四十八年大水，請發粟以賑，全活無算。明年大熟，建社倉七所，設義冢，收瘞枯骨，捐俸葺潁城。潁與許州接壤，有孔家口水，勢衝突，爲潁患。公出，夫助許築堤，患遂絕。建岳忠武王忠肅祠，修宋統制楊再興墓，立紫陽書院，爲學規，教士以誠敬專一爲宗。縣西葛岡

村俗甚惡。公創義學。延師課童子。手定程簿。爲期使之。來自覈其課。及期。村童數十人。父母皆爲製衣冠。坐牛車。聯翩赴縣廨。公按程簿。覈其勤惰。而加賞罰焉。經旬復來。逾年。子弟皆向學。其長者曰。馴。遜。早。納。租。稅。恥。爭。訟。公。又。買。田。以。歲。入。給。師。膳。薪。使。久。而。無。廢。泣。頽。七。年。膺。卓。薦。以。去。士。民。攀。車。灑。泣。不。得。行。擢。南。甯。同。知。引。疾。歸。教。授。生。徒。布。衣。蔬。食。泊。如。也。朱。高。安。相。國。撫。浙。時。特。疏。薦。公。

聖祖召入京。監督本裕倉。會臺灣用兵。總督滿保公請於朝。以知府揀發福建。公作遠慮論四篇。大指以臺灣宜析爲縣。每縣各分都圖保甲。易於稽察。又取民壯。拔置行伍。以充各標其餘。

流民必審其原籍乃授田當時採用之海疆底定雍正元年

召授吏部文選司郎中特加二級賜第一所帑金四百兩時

銓法久敝胥吏因緣爲姦公夙夜勤慎有姦輒發吏不敢欺九

月充會試同考官旋晉太僕卿仍兼理文選司事二年典山東

鄉試超授吏部右侍郎賜詩有操比寒潭潔心同皎月明之

句公每奏對必齋戒越宿志氣恪恭於育才用人尤兢兢焉七

月命同尚書阿爾松阿往河南勘獄十月典武會試三年吏

部議年羹堯罪

上責其含混尚書隆科多削太保公等坐附和降調得旨寬

免四年三月轉左七月典江南鄉試

王以公出題正大不尙詭僻策問發揮性理具有本原以此試
上。實有裨於人品學術。命議敘加二級時查嗣庭汪景祺俱
以恃逆誅公與同籍因疏言浙省遠處海濱奢靡澆薄以詭詐
爲能。以忠厚爲拙。以勢利爲重。以廉恥爲輕。以逢迎奔競爲有
才。以安分守已爲無用。以請託徇私爲多情。以孤介剛方爲刻
薄。以健訟打降爲豪傑。以捏詞造謗爲智謀。風俗人心頹壞已
極。如嗣庭景祺之大逆不道。越水增羞。吳山蒙恥。蒙簡儒臣爲
觀風整俗使。滌除邪穢。咸與維新。謹陳浙省舊弊八十事。一童
生初應縣府試。卽請託勢要。未開公摺。府縣官憑以錄取。最爲
惡習。請懲創以端始。進一生員初得一衿。便思鑽營當事。不得

則編造浮言。得則造謁顯貴。求通關節。請將本人治罪。外其私書。關通者。並罪之一。挂藉鄉紳。多向地方官。關說公事。顛倒是非。請分別治罪。一生負妄。借條陳名色。向有司呈告地方公事。藉以欺壓愚民。武斷鄉曲。請褫革治罪。一。奸徒造作揭帖。攻發陰私。汚人名節。或捏貪酷款蹟。誣玷官長。或編德政歌謠。聳動聽聞。以致上官誤信賢否。混淆。請照光棍律治罪。一。士人刊刻誨淫誨盜之書。大爲心術害。請毀板重懲。一。訟師盤踞城市。遇有口角是非。教唆興訟。甚者串通胥役。挾持官長。請於保甲內。將無籍之徒。嚴加查察。如遇訟師。宗予懲治。一。浙省衙役過多。每衙門動皆數百人。勾通紳棍。魚肉小民。請飭大小各衙門。遵

照經制役額。一切白役。幫差盡行革退。其稔惡不法者。真重典。一士紳犯賭。法所必懲。而豪家暗養打降之人。船埠橋埠各有棍徒雄霸。欺凌寡弱。請嚴治首從。一民間演戲。原屬豐年報賽之常。浙省有坐方地棍。借端科斂。糾黨勒索。應重懲。又如雲林天竺各寺廟。每春時婦女遊觀。輕薄士子。呼朋引類。混雜嘲笑。毫無忌憚。宜嚴禁得。旨所陳風俗十事。切中情弊。著照所請。嚴行禁約。浙省有沈近思一人。不爲習俗所染。可謂上智不移足。盡洗越水吳山之羞恥矣。五年。特擢左都御史。仍兼管吏部事。典會試。教習庶吉士。公自縣令起家。洞悉閭閻疾苦。凡事關創革。必熟籌其利弊。有益民生而後已。當廷議耗羨歸公時。

嘗力爭以爲不可。眾皆驚愕。弗爲動。

聖主鑒其誠。亦不之罪也。是年十二月十三日。無疾而終。

上聞震悼。賜帑金五百兩治喪。命吏部派司官料理後事。

諡嘉公。人品端方。持躬廉潔。遣平郡王率散秩大臣奠爵加禮。

部尙書。太子太傅。廕一子入監讀書。賜祭葬如禮。予諡端。

恪。生平立心坦易。非道義一介不取。窮達夷險。不以二其心。爲

文樸實說理。類南宋大家。有天鑒堂文集。在朝與蔡文勤公交。

最篤。閒以事至海淀。必宿文勤所。而雷翠庭鉉亦與時講論。所

輯平湖遺書。嘗屬翠庭校訂焉。性靜默。不妄言笑。至其辨學術。

陽儒陰釋之歧途。世道人心義利公私忠佞賢奸之分界。則如

決百川而東注。洋洋灑灑不能自已。高安相國雅重公。哭其喪。爲表墓。曰理學名臣公。卒年年五十有七。子玉璉尙幼。詔地方官加意照料撫養。俟成立時送部引見。乾隆十一年授桂林府同知。

蔣文肅公事畧 了文恪公溥

蔣公諱廷錫字揚孫號西谷一號南沙江蘇常熟人父諱伊字渭公康熙十二年進士選庶吉士甫釋褐卽具疏上所著玉衡臣鑒二錄王衡者言君道臣鑒者言臣道宋唐虞及元明事蹟以備法戒昭勸懲爲卷二十有四得旨畱覽散館授御史時南方用兵城邑殘破疏請責成有司招徠開墾課戶田爲殷最又以奸民挾仇動借叛逆以陷良善請嚴反坐律又以時方開捐例選途頗壅乃繪十二圖上之曰難民曰刑獄曰讀書曰春耕夏耘曰催科曰鬻兒曰水災曰旱災曰觀榜曰廢書曰暴關曰疲驛復疏陳難民狀言臣於十五年請假回里見難民千百

爲羣哀求取贖此等被掠之人並摻之深山村落初非得自賊營其爲誣陷何疑請嚴禁將并掠賣男婦所過地方敕督撫一面截留一面參劾其鈐銓法云捐納知縣原出一時權宜其人未必無賢能而不可不加選擇請未選者責成吏部試以身言書判優者按次除授劣者給縣銜俾爲佐貳其已選者責成督撫一年之中試其才守行保舉法否者斥之並請將見開捐納知縣例亟行停止

聖祖覽圖及疏爲動容嗟嘆又疏劾江西巡撫董衛國縱兵焚掠及擅役民夫狀詔衛國重前帶罪圖功十八年因地震疏論六部積習遇有銷算案件要求貨賂意爲高下堂同書吏連

爲一手請嚴加飭禁。又言災眚迭見，乘輿不宜輕出。宜曰：御便殿，咨諏治道，以飭官常，求民瘼。時江南江西浮饑，上救荒策。大恡謂賑濟之法，莫善於分，莫不善於聚。縣各爲賑，勿聚於府；鄉各爲賑，勿聚於城；人各爲賑，勿委於吏。臣於康熙十年，曾賑荒於鄉，設厰三所，活者多；所耗者少。城中設官厰二所，活者少。所耗者多，此其明驗也。又其自在，獎廉吏，緩催科，通商賈，興工作，養孤老，埋骼齒，爲五疏上之。先是閩逆之變，禁兵駐蘇城，以供調遣，人皆苦其騷。公疏言：內地不必防禦，以身家力保無他虞，得撤回。郡人德之。二十一年，授廣東糧儲參議。革耗羨，禁餽獻，除差徭，日買乾魚，自給。誓不取民間一物。集諸生講業書。

院及諸義塾。月有會。旬有課。人爭向學會。詔求學行兼優者。充督學。任九卿舉公以應。遂遷河南提學副使。既至。頒示教條。崇實學。正文體。其孝子貞婦。旌之。營求請託者。罪之。二十六年。卒於官。年五十七。子二。長陳錫。康熙二十四年進士。由富平知縣累官雲貴總督。其次卽公也。公少有學行。由舉人供奉內廷。康熙四十二年。詔舉人江灝、何焯、蔣廷錫學問皆優。可一體殿試。賜進士選庶吉士。明年未散館。授編修。歷遷贊善。侍講。侍讀。庶子。少詹事。五十六年。擢內閣學士。充經筵講官。雍正元年。遷禮部右侍郎。仍兼學士。賜詩有在。公勤夙夜。懋績有賢聲之句。二年。疏請續纂會典。卽命爲副總裁。調戶部侍郎。

三年。命與內務府總管來保、察閱京倉覆奏開溝墊土、漆橋架木各事宜。詔皆如議。尋疏言：「漕運全資水利，宜通源節流，以濟運道。」曰：「濬泉源。」山東漕河資汶泗洸之水，而四水源皆微細，全賴泉源助成巨流。計一省之泉百有八十，其派有五分。水魯橋天井新河沂水是也。其委同出一道，謂之泉河口。舊設管泉分司，今雖裁，仍設泉夫，請飭有泉州縣督率疏濬。盜遏者有禁。又濟衺二府爲濟水伏流之地，若廣爲疏濬，則散湮砂礫間者，隨地涌見，應立法勸泉夫濬出，新泉優資銀米，歲終冊報。卽以是爲州縣課最。一曰開湖地。山東諸泉所匯爲湖十有五，各建長礎，設斗門爲減水壩，以時啟閉。漕河溢則減漕以入湖。

湖水溢則啟湖以濟漕。故諸湖名曰水櫃。其後居民壅水。古種
斗門間壩遂漸圯塞。多生芟草。積沙處高與漕河堤等。蓄洩無
所。請察勘未耕之地。就低處悉行挑深。以復水櫃之法。就挑出
之土築堤以束水櫃。每湖開支河以承諸泉之入。益漕水之流。
復建閘以時臧放。庶蓄洩得宜。一曰嚴築壩。開壩日期山東運
河歲以十月初築壩通流。分洩諸湖。候來春二月冰泮開壩受
水。法至善也。但日久玩生。築壩每在十一月中未免過遲。開壩
每在正月初旬未免太早。請飭所司築必以十月望前。開必以
二月底。庶河水充盈。漕運商船皆利。一曰修築坎河灘壩。山東運
河惟損汶水一派。分流南北。濟運明宣德時築戴村壩於汶水

南以遏汶水入洸建坎河石壩於汶水北以節汶水歸海其後復堆積石灘水溢則縱之歸海水平則畱之入湖嗣雖歲有修築但日久頽廢萬一汶水北注挾湖水盡歸大清河則四百餘里之運道所關非細請 敕總河及巡撫相度形勢修復舊石灘改建滾水石壩以資蓄洩

上令閣學何公國宗等攜儀器輿圖同總河齊蘇勒公巡撫陳公世倌履勘均應如公議奏下九卿議行四年遷戶部尙書典順天鄉試兼管兵部尙書十二月丁母憂 優詔軫惻 特遣大臣賜奠加恩 諭祭一次給一品太夫人封誥 賜銀千兩治喪 命公在任守制固辭不許給假數月扶櫬歸葬事畢來

京六年三月授文華殿大學士兼理戶部充實錄館總裁七年賜第一區賜額曰鈞衡碩輔加太子太傅八年典會試

命同果親王允禮總理三庫事務十月諭嘉公與大學士張

公廷玉等贊畫忠勤賜一等輕車都尉十年閏五月薨於位

年六十有四遺疏入諭部曰大學士蔣廷錫受

聖祖皇帝知遇之恩直內廷二十餘載自朕卽位由學士擢

大學士才識優長經猷明練倚賴方殷今夏忽患痰瘵每口兩

次以疾狀奏聞方期宿疾有瘳豈料溘然長逝朕心傷悼可輟

朝一日其所用棺殮之屬俱頒自內府尋命內大臣率領侍

衛奠茶酒賜祭葬并加祭一壇予謚文肅公以文學受

兩朝特達之知。出入禁闥。恪慎勤勞。未嘗一日去。上左右。隨同怡賢親王。辦理戶部事務。秉公執正。釐剔弊端。甚晰。吏不能爲奸。及參贊機務。鎮密周詳。雖子弟門人。不能探其崖畧。故可紀者。止於此少。工詩善書。花卉多用逸筆。寫生點綴。坡石無不超絕。聖祖嘗臨視之。性豪爽。周恤親舊。不少吝。賜第外。田宅無所增。著有青桐軒諸集。乾隆元年。入祀鄉賢祠。長子溥能。繼其武。溥字質甫。號恆軒。生有異秉。十三歲時。世宗召見。奇之。雍正七年。欽賜舉人。八年。成進士。選庶吉士。上親擢爲第四。文肅公叩首辭讓。

上曰朕從未見爾子筆跡暗中銜鑒毋庸辭也卽命直南書

房會

賜文肅公一等輕車都尉並命公承襲十年父憂歸

旣葬

諭卽來京供職十一年授編修累遷侍讀左庶子充日

講起居注官乾隆元年晉侍講學士四年擢閣學尋授吏部侍

郎六年

上慮各省督撫尙有積習未除者命大學士九卿悉心訪奏

公密陳所聞各修一督撫各立聞戶引用私人公事從此推諉

又或外託和衷營私瞻徇姑容不職屬員貽患地方一督撫新

任必極言前任廢弛地方凋敝爲日後卸過地並見已之振作

或前任升遷者則曲爲彌縫墮棄者更吹素其瑕類一參劾屬

員定例督參撫審撫參督審而承審各員性視聲勢爲轉移如
原參者已失勢則巧爲開脫或見任或要津必附會服煉督撫
亦瞻顧不問一督撫意旨易爲屬員窺伺逢迎如某年河南墾
荒陝西開井祇以迎合上官致奉行不善爲民累疏入
上多採納。敕各督撫毋蹈前轍焉。是年典試浙江兼署刑部
左寺郎七年充經筵講官疏言凡條奏發九卿會議由主稿者
酌定或准或駁會議日書吏誦稿一遍以待公商但其中原委
曲折一時未能周知請於定議前兩日將議稿傳鈔俾各詳勘
至當然後可剖析暢言下部議行入年夏授湖南巡撫。御製
詩賜之九年疏言永順一府及辰州府屬之永綏鳳凰乾州三

廳苗民貪暴之習未除。至寶慶府之城步靖州之綏甯苗岡狡
惡者尤多。臣宣布天恩。嚴禁兵役擾累。仍整飭武備。不得懈
弛。苗民漸知守法。手敕報曰。御苗之道。首以不擾。爲要。次則
使知兵威之不敢犯。此奏頗得之矣。又奏。同學臣甄別敎職衰
頹荒疏者十三員。咨部罷黜。

上是之。以各省督撫多姑息。下其奏令公關。先是給事中胡定
奏湖南濱湖荒上。宜勸民修築開墾。部議令巡撫查奏。至是公
疏言。湖濱淤地築墾殆遍。東奔崇爲細流。澗渚遍加堵截。常有
湖水衝決之患。見挂沅江之萬子湖。上民皇請築墾。臣親往勘
廣袤八十里。四面受水。費大難築。並於上下游火利有疑。臣以





湖地墾築已多當防湖患不可有意勸墾。

上聽其言十年授吏部石侍郎軍機大臣十三年充會試副考官擢戶部尚書十五年晉太子少保兼管三庫事十八年協辦大學士兼禮部尚書掌翰林院事十九年命偕汪公由敦董公邦達修盤山新志盤山在蘇州向沿譌謂韓愈送李愿歸盤谷卽其地而不盤谷實挂濟源。

上特爲考證以正誤公善寫生得文肅公遺法每進呈多蒙

御題有師承家法披圖見右相丹青有後生之句二十年兼署吏部尚書二十四年拜東閣大學士兼管戶部事二十五年與會試先是公弟洲正山西布政使任內以罪誅其無著帑項公

奏懇分年代交至是

特旨寬免二十六年薨年五十有四

諭稱其居心純正奉職克勤久直內廷敬慎小心從無少懈特

贈大子太保入祀賢良祠

命照前大學士蔣廷錫例樞歸時

凡文武官在二十里內者俱向靈前致奠方公之病也

上親往視

感諭有加及卒復

親臨奠醊並

賞銀二千兩

治喪尋

賜祭葬如典謚文恪子六人櫟山編修官至兵部侍

郎賜槨由貢生捐知府歷官戶部侍郎兼管順天府母襲輕車

尉賜槨子繼勳官至河南布政使

國朝先正事略卷十四名臣

平江李元度次青纂

岳襄勤公事略

弟壯恪公鍾璜

子濬

公諱鍾琪字東美號容齋先世湯陰人宋忠武王飛二十一世孫十七世遷蘭州祖鎮邦字定襄移居臨洮其地逼近番夷數劫掠乃散財募士衛桑梓會多爾古部入寇躬率五百人破之擒其酋由把總授守備擢都司吳三桂叛遣黨犯臨鞏獨以護糧軍五百殺賊千餘敗賊將李虎牙所向克捷累官紹興協副將大同鎮總兵加左都督父肅敏公昇龍字見之康熙十二年授永泰營千總時三桂反雲南陝甘將弁多通賊遊擊許忠臣

潛受偽劄數以言誘叛。佯許之。立遣人告。褒於靖逆將軍張勇。密檄公相機擒縛。夜伺其醉卧襲執之。獲逆劄百餘紙。遂斬忠臣十四年。隨奮勇將軍王進寶征蘭州。叛賊賊毀浮橋。扼黃河。相拒。官兵以革囊濟。斂肅奮勇登岸。敗賊兵。追至城下。立雲梯先登。礮傷左股。卒復蘭州。遷守備。明年從大軍克臨洮。平關隴。累遷至九江副將。擢登州總兵。調鎮天津。三十五年。聖祖親征噶爾丹。賜從征大臣及將校宴。上親酌以賜賞。御用緞疋。命督中路糧運。請選精騎三百爲護衛從之。并諭遇敵時。副將以下有退怯違令者。斬以徇。既旋。子騎都尉世職。賜花翎。擢四川提督。賜御書仁愛。

士伍額并鞍馬弓矢。疏請將平定朔漠機宜。宣付史館。下所司知之。三十七年。與川撫于養志互話。養志坐欺罔。擬斬敏肅。罷職。三十九年起原官。四十二年。

聖祖西巡。賜御書楹聯及威信著聞匾額。又書重關錫類額。

賜其母張太夫人。四十九年。瓦都瓦尾生猓跳梁。遣將討平之。俘馘甚眾。招撫番民十萬九千二百戶。有奇。尋以病乞休。且請入籍四川。遂爲成都人。五十二年薨。諭祭葬。賜諡敏肅。子四人。公其仲也。生而駢脅。目光炯炯。四射。魁奇沈雄。寡言笑。兒時。好布石作陣。進退羣兒。頗有法。母苗太夫人疾。刲股以進。敏肅命之射。猶忍痛發矢。由需次同知。改授松藩鎮。遊擊。累遷永

甯協副將康熙五十八年西藏達哇藍占巴等叛

上命皇十四子允禩爲大將軍噶爾弼爲副將軍率公征之公

領兵六百爲先鋒計擒藍占巴等敗番兵三千人餘部落皆納

次明年四月公領兵四千先至察木多獲逃酋探知有準噶爾

使者在其地誘各番酋守三巴橋遏我軍公念三巴橋者進藏

第一險也取斷橋守之勢難飛越而其時兩將軍隔數千里

無由乘令選能番語者三十人衣番服飛馳至落籠令宗擒其

使者五人殺六人諸番驚以爲神兵自天而降相與匍伏降無

梗道者已聞副將軍來會賊中有黑喇嗎者號萬人敵公以計

手擒之遂下喇哩將鼓行入藏太將軍以調蒙古兵未至檄諸

將屯兵待毋輕動。公請於副將軍曰：我兵齎兩月糧，自察爾多來此已四十餘日。若再待大軍糧且盡，聞西藏部落有公布者，爲其右臂，最强能檄令先驅，無俟蒙古兵也。副將軍然之。公卽招撫公布木浹，旬其頭目以兵二千至。公請乘機疾進，十日可抵西藏。將軍猶豫未決，欲集眾議。公昌言曰：事在必行，何議爲？某願噴此一腔血仰報朝廷，請以旦日行矣。將軍壯其言，遂進師。公首先渡江，抵藏大破賊巢，生擒準噶爾內應喇嘛四百餘人，降番兵七千餘人。自四月十三日用兵，至八月十九日西藏平。六十年二月，班師。晉左都督，擢四川提督。賞孔雀翎，奉命勦郭羅克逆，番破伏賊千餘，連破四十六寨。明年羊崗生番

爲邊患。公勦平之。以其地爲南坪營。設兵置戍。予騎都尉世職。
雍正元年。青海羅卜藏丹津寇西甯。撫遠大將軍年羹堯奏授
公參贊大臣。飛檄行調。公沿途相機勦撫。有播下等番爲賊阻
道者。滅之。有哈齊。插漠等番爲賊擄者。撫降之。有果密等番盜
官馬。踞大石山。旅拒者。擊殺之。自松潘至西甯五千餘里。烽煙
肅清。青海爲奪氣。旣見大將軍。卽奉檄征爾格弄寺喇嘛於華
里羅會黨也。華里有山甚險。其下五堡環峙。寂無人聲。公曰。是
有伏也。遣騎搽之。堡內賊果起。公三分其軍。奪山殺賊。賊敗走。
追至一山。有高樓。賊伏其中。發矢石。公命健兒二十人密攜引
火木枋。從兩旁進。而躬帥大隊仰攻。戰方酣。樓上煙起。風火

益烈賊。纍纍然焦爛墜矣。是役也。破賊萬餘。奪三嶺。十七寨。廬舍。公兵止三千也。還營。大將軍曰。已奉。片命。公統馬步兵。萬有七千。直擣青海。期以四月草生時行。公曰。青海賊無慮十萬。以萬七千當之。宜乘其不備。且塞外無駐牧。定所賊若散而誘我。反四面受敵。非計也。願假精兵五千。馬倍之。二月初。卽發。大將軍以公言奏。

世宗壯之。二年正月。加奮威將軍。出塞抵喀喇烏蘇。斬賊千餘。尾追一晝夜。擒台吉阿喇卜坦溫布等二百餘人。乘勝前進。路見野獸奔逸。公曰。此前途有放卡賊也。募食疾馳。果擒百餘。自此探信者斷矣。至哈達河。賊據河立營。公渡河戰。斬千餘人。賊

竄而西追擊之其黨貝勒彭錯等降爲言羅卜藏丹津擁眾數萬駐烏蘭木呼兒相距百六十里公拔營夜行黎明至其處賊尙臥馬未銜勒聞官軍至驚不知所爲則皆走生擒賊母阿爾大哈賊姝阿寶等羅卜藏丹津衣番婦衣騎白駝走噶爾順公留兵守柴且木要害而躬自窮追日三百里抵桑駱海紅柳蔽天目望不極乃班師當是時公以兵五千冒險深入往返未兩月降台吉三擒台吉十有五斬賊八萬有奇俘男女數萬口獲軍器駝馬甲帳無算俘獻京師

世宗告廟御太和殿受賀以青海平大赦天下錫公三等公世襲罔替

御製五言律詩二章以賜又賜金扇一書御製

七言詩尋

賜黃帶仍

命率師二萬征莊浪衛諸番皆青海

餘孽也。公由西甯分十一路進勦賊萃石堡城。公聲東擊西。夜遣死士攀蘿躡壁出其背。擒斬五千有奇。賊番悉平。奏改莊浪爲定番縣。聖書褒美。命兼甘肅提督。三年兼甘肅巡撫。尋授川陝總督。加太子少傅。初四川雜谷金川沃日等土司爭界。年羹堯以舊屬金川之美同諸寨。割歸沃日。致仇殺不已。至是公奉命詳勘。仍以美同諸寨歸金川。而別撥地歸沃日。各土司悅服。詔獎其息事甯番。陛見將抵京。賜宴長新店。召對。賜四團龍服甲第一區。內監二人。命署河東鹽院。加兵部尙書兼管陝西巡撫事。川陝陋規病民。悉罷之。并奏開關。

中廢渠。請緩川省征期以紓民力。又請延安所屬州縣丁銀。槩從下。則減舊額萬二千兩有奇。又請將陝甘兩省丁銀攤入地畝征收。以雍正五年爲始。著爲例。僞四川烏蒙土知府祿萬鐘。叛擾雲南。鎮雄土知府龐慶侯助逆。公與滇督鄂爾泰會剿。五年正月擒萬鐘。慶侯其烏蒙鎮雄皆改土官爲流。餘黨悉定。再入覲。賜雙眼孔雀翎。御纂書五百函珍幣種是。晉少保。命甘撫莽鵠立寫公像二一畱。內府一給其家。六年準噶爾不靖。上命大司馬查卽阿赴關中築壇拜公爲甯遠大將軍。征西路。命公子山東巡撫濬親送出塞。七年五月出師抵巴爾庫爾賊。

逃公築東西二城爲蓄糧屯兵計八年夏。

上召公籌議軍務。公交印於提督紀成斌。身自入都。賊伺公行。入劫駝馬。紀蕙縮不救。

上命公還軍。七月。準噶爾傾眾犯北路。靖邊大將軍傅爾丹禦賊失利。公督兵襲擊烏魯木齊。以分賊勢。遂由巴里坤越木壘。渡阿察。分三路擊賊。斬馘甚眾。賊敗遁。得旨獎敘。十年二月。賊犯哈密。遣將擊賊之。又遣將軍石雲倬等赴南山口截其歸路。而雲倬兵遲發。一日賊得宜歸。公劾雲倬治罪。而大學士鄂爾泰劾公玩忽縱賊。奪少保降三等侯。尋召還。以副將軍張廣泗護大將軍印。廣泗劾公調度乖方。遂落職。交兵部拘禁。論死。

高宗登極之二年放歸田里。構小園於百花潭北。時手一編吟。嘯自適。暇則與諸父老課農桑。徜徉山水間。見者忘其爲故大將軍也。乾隆十三年。金川酋長莎羅奔等叛。經畧張廣泗請親等征之。無功。詔起公四川提督。總統四路官兵。駐黨壩。其地逼臨賊隘。上有康八達爲勒烏圍。門戶下曰銀雜。公其募健勇數千。聲言攻康八達。潛以銳卒趨跟雜。出賊不意。克礪卡四十有七。斬殺無算。遂進扼勒烏圍隘口。僞爲運糧狀。誘賊伏火器待之。賊果出劫糧。鎗筒齊發。燄其眾。先是金川聞天子用公。皆不信。日岳公死久矣。至是大挫。始知公果來。十四年正月。經畧大學士傅恆至軍。誅姦人阿扣王秋等。賊懼欲降。

恐降而見誅。負固未決。而公初贊川陝。時勸金川爭界事。甚公。且奏給莎羅奔印信。甚德之。至是公請於經畧。願輕騎入賊巢。諭順逆。問帶若干人。曰多則賊疑非所以示信也。乃袍而騎從者十三人。傳呼直入羣苗。衷甲持弓矢迎道左。公目酋長故緩其轡。掀髯笑曰。爾等猶認我否。耶皆驚曰。果岳公也。遂伏地羅拜。爭先導入帳。酋長手茶湯進。公飲盡。再索因宣布天子威德。待以不死之意。羣苗感泣歡呼。頂佛經立誓。椎牛行炙。畱公宿帳中。大鼙次日莎羅奔等隨公坐皮船出洞。諸大軍降事聞。

高宗大悅。加太子少保。兵部尙書。復公爵。十四年入覲。賞紫

禁城騎馬每

召對日中乃出

賜御書額曰壯猷茂績並

御製七言詩以賜

命西洋近侍寫公像於南書房

賜公號

曰威信免西征應賄銀七十餘萬兩子湘滂均授侍衛十五年

西藏珠爾默特叛戕却統傳清等公會總督策楞討平之十七

年雜谷土司蒼旺構逆公與策公以兵奪維關直擒賊巢擒蒼

旺誅之羣番熱服十九年墾江奸民陳亮作亂公力疾督勦薨

於賓州年六十有九

天子震悼于榮莖

賜謚襄勤給一等輕車都尉世襲罔替

命公弟鍾璜由廣西提督調四川代領其眾四十四年御製

懷舊詩列入五功臣中尋入祀賢良祠當

世宗時公督川陝季父超龍提督湖廣弟鍾璜提督廣西子濬
巡撫山東兄子合奇總鎮兗州一門列戟而公受主知尤篤
能以功名終性嚴毅每登壇將并股栗部伍整肅無敢譁遇敵
謀定後戰士卒疾苦必躬拊循以故人爭效命其忠誠出天性
征青海至哈喇烏蘇水泉斷軍行一晝夜未得飲食公禱於天
甘泉隨湧出一軍歡奮事聞詔遣官致祭督川陝時成都人
訛言公將謀反公疏聞

世宗諭曰數年來在朕前讒譖岳鍾琪者甚多不但謗書一匣
而已甚有謂鍾琪係岳飛之後意欲修宋金之報復者荒謬至
此極此次造言之人必非無因著巡撫黃炳等嚴察尋獲奸民

盧宗誅之。族人曾靜者靖州諸生也。遣其徒張熙上書勸公反立擒以聞。

上遣大臣雜治。得靜與呂晉良之徒嚴鴻逵往來謀逆。并晉良日記悖逆狀皆伏誅。詔褒公忠。赤公尤擅知人鑑傳。兩州與公同爲大將軍。公過其帳。見壁上刀森然。傳曰。此皆吾所素習者。故懸以勵眾。公笑領之。出語人曰。爲大將者。不恃謀而恃勇。亡無日矣。已而傳果敗。嘗邀馬兵治大雄等三十六人爲親軍。後皆任封要。邀世職。好吟詩。所著曰薑園集。吟集京師前門外。有公遺第一區。按奇門法布置。居者每更動則災患立至。猶想見偉人規畫云。子七長濬。由任子授同知。遷口北道。擢山

東布政使雍正六年巡撫山東調江西左遷光祿卿八年授福建按察使遷湖南布政使十二年擢廣東巡撫署兩廣總督調撫雲南召還京授鴻臚少卿轉通政司參議先公卒六子潛舉人揀選知縣襲輕車都尉歷官六安西甯等營參將鍾璜字呂瑞公叔父起龍子也起龍由把總累遷游擊雍正二年奉口外鐵布等番有功擢河州副將遷天津鎮總兵擢湖廣提督十年薨鍾璜少從威信公效力雍正八年授藍翎侍衛命乾清門行走賞戴花翎乾隆元年擢四川參將遷副將八年擢建甯鎮總兵調江西之南贛雲南之昭通十六年擢廣西提督十九年調兵四川承威信公後也在川十餘年以九土司

會攻金川事前後與總督開泰阿爾泰等調兵彈壓并宜諭
德威各酋龍服退還碉卡并獻所掠人口辦理皆雅
旨三十
一年薨於位
優詔議卹
賜祭葬如例諡莊恪

稽文敏公事畧 子文恭公瑣

公諱曾筠字松友號禮齋江蘇長洲人本籍無錫系出晉侍中
紹之後父永仁以生員游福建總督范忠貞公幕府耿精忠叛
誘執范公脅永仁降不屈亦被執康熙十五年與范公同遇害
特旨贈國子監助教從祀范公祠及京師昭忠祠母楊氏以苦
節建坊雍正八年 賜思節流芳額乾隆二年 賜人倫坊表
額公由康熙四十五年進士選庶吉士授編修充日講起居注
官督山西學政累遷中允侍講雍正元年入直南書房兼上書
房行走擢左僉都御史署河南巡撫三月典河南鄉試六月遷
兵部侍郎會河決中牟 詔公往督築尋奏漫口皆合龍向例

江南河廳每歲冬領帑購料備用。公疏請豫省黃河兩岸工料。亦照此例。庶險工不至遲悞。下部議行。又疏言沁黃交匯之姚期營秦家廠一帶。皆頂衝。請於對面橫灘開引河一道。俾水勢順流。由西北逕達東南。再釘船幫大堤。宜鑲建雁翅培護。更於大堤上下酌建挑水埧數座。以減頂衝之勢。詔如所請。又言兩岸堤工。在在危險。北堤起漿澤縣。訖山東曹縣界。南堤亦起漿澤縣。訖江南碭山縣界。臣與總河齊蘇勤勘明最險應修處。共十二萬三千七百九十六丈。請動帑興工。從之。是之授河南副總河。駐武陟。請設標下河兵。王大臣議駁。特旨命再議。乃議撥河南撫標及河營兵弁隨工。調用尋疏言鄭州大堤石家

橋迤東一帶大溜南趨。應於迎溜處下埽簽椿。復於婦灣處建
埧一。中牟之拉牌寨黃流逼射。應下護岸埽。加工鑲墊。建挑水
埧二。其穆家樓埧工。坐當頂處。亦應下埽加護。又陽武縣黃河
北岸祥符縣珠水。趙二處埧工。近因南岸新長於灘大溜北
趨。成頂衝勢。應加鑲墊。以資鞏固。部議均如所請。又言小舟河
自辛勾口至河內縣清化鎮水口。二十餘里。輝縣五閘。安陽縣
之萬金渠及恆河閘。昔人建閘開渠。引水灌田。照官三民之
法。原以通漕利民。但日久弊生。守口之夫。違禁賣水。致運河淺
澀。請嚴飭所司稽查。三日放水。濟漕。一日塞口灌田。其盜賣者
嚴治。下部議行五年。命兼管山東黃河埧工尋遷吏部右侍

卽仍畱副總河任。六年擢兵部尙書。轉吏部。仍管副總河事。七年授東河總督兼管運河。八年夏。命署南河總督。九年加太子太保。十一年拜文華殿大學士兼吏部尙書。仍總督江南河道。是年十一月。上念公父母之忠義節操。雖已贈卹。棄旌尙未膺一品封典。特旨予大學士應得封典。以示優眷。十二月丁母憂。詔曰。大學士嵇曾筠之母楊氏。撫孤守節。教子成名。前已特賜旌表。並給一品封典。今疾終官署。可加恩。揚祭一壇。賞銀于兩治喪。河防關係重大。嵇曾筠歷練老成。其母壽登耄耋。署有成效。榮封極品。在人子之顯揚已極。著在任守制。予假三月。河籍治喪。其

子嵇璜亦賞假六月回籍襄事。公尋籲請終制。溫詔允之。且曰嵇曾筠本籍常州距淮安不遠。明歲工程可就。近往來協理。十三年三月。命塋事畢後卽赴工。管理總河印務。高宗御極。特命總理浙江海塘工程。乾隆元年兼浙江巡撫。命照李衛之例改爲浙江鹽政。十月。陛見加太子太傅。二年秋。詔以海塘工程就緒。召入閣。公以痰疾奏請便道回籍調理。賜人蔭一斤。復賜詩有句云。此日黃扉資贊化。昔年絳帳憶談經。又云。料想微疴應早復。丹誠平格享遐齡。十二月薨於里第。遺疏入。上深傷悼。贈少保。加祭一壇。諡文敏。賜祭塋如例。公在官視

國事如家事。冒風雨寒暑走河干。不遑食息其在東河也。疏言祥符縣南岸回回寨對面淤灘直出河心。致河勢南趨。幾逼省城。關係甚重。應由北岸舊河身濬引河一道。引溜直行。俾成東西之勢。並於南岸建挑水埧。逼流入引河。又請於沒縣湯陰內黃等處築草壩二十有六。直隸大名縣張兒庄亦建草壩一首。尾接應以濟漕運。又條奏河功六事。一現有柳園宜勘明立界。飭河員廣種。一印官河官均請令河臣撫臣會同保題陞調。一豫工向撥江南河兵千名。不敷驅策。請仍照千名之數於堡夫內按補足額。一豫省大堤每二里設堡房一。令堡夫居之修墊水溝。巡查鼠穴。今臨河月堤請一律照辦。一祥符縣堤長八十

里止一管河縣丞請增主簿一開封下河北地方請增巡檢二
一自武陟至虞城請照江南汎船例每汎造船五艘運料又言
蘭陽縣管梁耿蔡四水口一帶堤工河勢衝啣請下埽加鑲并
築月堤作重障又言祥符南岸程家寨等處應增築月堤其陳
留縣七八九等堡大堤汎水直射堤根宜培築又言儀封北岸
水勢衝急雷家寺灘崖刷成支河請將舊堤加厚接築土壩跨
斷支河勿令掣溜侵堤其青龍岡一帶請乘勢開引河一道導
水東行則大河之水自暢又言運河五廳額設長夫多寡不同
請酌定以歸一律又奏開黃河北岸荆隆口引河計三千三百
五十丈有奇其在南河也疏言高堰山埽石工最要請發帑增

修爲久遠計。又言沐水源長性猛。請於現在竹絡壩外建石工六百餘丈。其沐河口則大加挑濬。順其入海之路。又言揚州府屬芒稻河工。向係商人損築。多草率。請歸官轄。並設閘官司啓閉。又言河設堡夫挑積土牛。原資修補堤工之用。請飭所司逐堡核查。按月挑積。其河兵於霜降後。亦如法挑積。各列入交代冊。以專責成。又葦蕩營所產薪芻。請立限償還。交工濟用。又奏增築海口月堤及閘座。又奏修清江之龍汪閘。並濬鳳陽廠引河。利漕運。其在浙江也。疏言江海形勢。南坍則北漲。今東南兩塘根俱漲。有護沙應建魚鱗石塘。以期一勞永逸。其海南迤西翁家埭一帶柴草工程。亦加鑲高厚。又請於嚴州所屬之滄河。

兩岸築石壩八十五丈以衛田廬。又言樂清縣海堤缺圯宜修築。又請撥省城義倉穀運溫台等屬平糶。又條陳鹽政四事。前後疏上皆議行。蓋公治水累川引河殺險之法。唯上知公深所請無不立。俞故動能底積。公薨後二年。詔入祀浙省賢良祠。又詔曰。前任河臣靳輔。齊蘇勒。俱建有專祠。稽曾筠勞績可與媲美。其一體祠祀以獎賢勞。所著有防河奏議。師善堂集第三子璜亦由河督大拜。繼公武璜字尙佐。一字鞠庭。晚自號拙修生。而嚴重寡言笑。九歲讀禹責。恍然曰。禹之治水。皆自下而上。蓋下流宜通。則水自順流而下。長老咸驚異之。曰。此子他日必爲名臣。能宜汾洮而障大澤。

者也。雍正七年，奉

特旨大臣子弟一體會試。璜年裁二十以

國子生登進士，入翰林，給假歸娶，尋授編修，南書房行走，遷諭

德。乾隆元年，文敏公由兩浙內召入閣，以病乞解任，璜請假

省親，倍道奔馳，爲馬傷，血染裙裾，到署未浹月，文敏薨，當是時

文敏公年高病久，一切公私事業，雜如麻中，外頗有譏語，非公

到不能料簡帖然也。六年，服闋，入都奏請，停各省采買，極言其

病國病民，病官諸弊，又奏河東總督宜專其職，守遇公事不必

與兩省巡撫會奏，庶免掣肘，推諉之弊，皆從之。七年，遷學士，累

擢副都御史，工部侍郎，充經筵講官。十八年，扈駕木蘭

南進哨，而江南黃水爲災，高堰圯奉命勘驗，督修。二十二年

授江南副總河疏言淮揚運河自邵伯以北者皆歸海邵伯以南者皆歸江多一分人江之路卽少一分歸海之水歸海路近歸江路遠宜開引河改曲爲直令趨海爲便又奏湖河源流分合設壩放淤諸務尤詳核手敕報曰所奏甚合機宜經理下河一帶爾功不小也三十三年遷工部尙書調禮部仍直南書房二十四年以母疾陳情乞養許之先授總河時太夫人年已八十有三早有此請上諭曰爾父久任河工爾趨庭時見聞甚悉長淮一衣帶水儘可迎養不必在家侍奉也璜不得已赴任至是始得請孝養五載而太夫人薨三十一年服闋授禮部尙書旋授河東總督兼

兵部尙書涖任後裁壩夫裁堤柳除墊崖貼坡諸弊偶巡河至
商邱五堡命幫裏戡十丈眾不喻其意俄而節過白露河官皆
慶安瀾酌神張飲公尙欲詣工親勘眾以公積勞咯血勸弗往
公不可行至半途飛騎報大堤堙塌八丈幸有新鑲裏戡藉資
保衛眾始嘆服公之深識遠慮也然亦有神助出意外者公每
巡河輒先屬吏冒風雨或手持舂鍾以行一日宿廟中聞虞城
工險馳往其時天甫曉雨雹交下趨視所下埽岌岌欲崩從者
皆失色或遮勸勿行公立堤上厲聲叱曰埽去則我與俱去兩
雹應聲息堤卒無恙又因防險宿河堤行館夜聞訇磕聲撼臥
榻皆動起視無他黎朋報對岸河塌數十丈公所宿堤下忽漲

起沙難如所塌數人以爲神又勘驗曹縣三堡河河溜漸逼議
下埽而未定某所公夜夢金甲神持劍指溜處曰吾張桓侯也
速下埽吾與趙順平助汝驚起周視形勢如所指下之竟得安
濶乃奏建桓侯廟及順平侯廟於堤岸列祀典論者謂聖朝
百靈效願而要非公之精誠不能感格也十四年以吏部尙
書兼掌院學士充日講起居注宮明年拜文淵閣大學士教習
庶吉士賜居海淀又明年加太子太保上書房總師傳公歷
書

兩朝垂七十年兩爲山陝正主考一爲乙未會試總裁其他殿
試讀卷朝考閱卷及總裁三通四庫國史實錄諸館者不可勝

數

上亦眷公逾常格。五十年舉行千叟宴。命爲漢大臣領班五

十五年庚戌會試重赴瓊林。賜詩矜寵公又與

上同庚八十生辰本在六月謂臣不敢先。君擬改期於

萬壽後

上嘉其知禮。代定八月十九日。遣侍衛明安爲之稱觴。賜

御詩及上方珍玩金幣無算。公慮盛滿難居。累疏乞歸。至再三

上念老成凋謝。不忍其歸。又憐其年力就衰。詔嵇璜高年入

直。遇風雪不妨遲至。卽不入直亦可。先賜紫禁城騎馬再


賜肩輿入殿。公感泣且嘆曰。君父體恤老臣。至於如此。死有

餘榮矣。自後不敢復作乞骸請然。素性恭謹。非體有不適與大風雪。仍徒步入朝如故也。五十九年七月薨於位。

天子駕幸熱河。聞信震悼。贈太子太師。賜諡文恭。命皇八

子奠酒。遣官護喪歸里。海內榮之。公待小人不惡。而嚴與和坤同在政府。一日以楮素乞書。公尋召翰林數人者。飲於堂。童子請曰。墨具矣。公叱之曰。屬有客。安能作書。客曰。吾濟正樂觀公之用筆。以爲法也。遂對客書之。甫及半。童子覆其墨。公起訴讓之。客爲請。乃已。翼日謝和坤曰。徒收公佳紙。蓋公本不願作書。預誠童子覆墨。而翰林數人者皆和坤門下。上故使覩見之言。於和以爲信也。其不憚委曲以全所守如此。

所以謂之其不所漢世為全漢之說也
其意不謂其而前於人皆謂其不主造也



方望溪侍郎事畧 兄舟

望溪先生姓方氏諱苞字靈皋江南桐城人寄籍上元曾祖象
乾廣西副使明末居江甯父仲舒字逸巢以遺逸名與黃岡杜
濬杜畧同里錢澄之族祖文和唱和公生四歲父口授諸經嘗
早起以雞聲隔霧命對卽應曰龍氣成雲偶竊效爲詩父恐耗
有用之心力止之遂絕意不復作家貧甚日嘗不再食兄舟爲
講諸經注疏相與博究羣書更相勛以孝弟弟林早夭公以弟
服未終過時不娶父母趣之時弟喪已七閱月矣公入室而異
寢者旬餘族姻大駭乃勉成婚猶終身病之遊太學李文貞公
見公文嘆曰韓歐復出北宋後無此作矣時公卿爭相汲引公

非先焉。不往萬徵士斯同語。公曰。子於古文信有得矣。然願子勿溺也。唐宋諸家。惟韓愈氏於道粗有明。其餘資學者。以愛玩而已。於世非果有益也。公輟古文之學。壹意窮經。自此始。凡先儒解經之書。公一一詳究。乃知窮理之精。未有如宋五子者也。遂深嗜而力探焉。姜西溟宸英。王崑繩源。嘗與公論行身祈嚮。公曰。學行繼程朱之後。文章在韓歐之間。其庶幾乎康熙三十八年己卯。領鄉試。解額。辛巳。百川卒。執喪過朞。期猶不復寢。父曰。親親有殺。與父在。爲母無別矣。丙戌。成進士。未廷試。聞母疾。遽歸。李文貞馳使留之。不得。夫人蔡氏卒。熊尙書一瀟欲妻以女。其子本公同年生也。公語本曰。某家法亡妻偕娣姒。日夙興。

精五飯酒漿奉卮匱二親左右貴家女能之乎本昨舌而止丁
亥丁父憂公以母老疾酌禮經築室宅西偏奉母三年不入中
門辛卯冬南山集禍作初宗人方孝標故翰林失職游滇中陷
賊而歸怨望者滇游紀聞語多悖逆同邑編修戴名世著南山
集多采其言姓而不名人遂以爲公也集序復列公名會都御
史趙公申喬疏劾南山集子遺錄有大逆語部擬名世極刑公
牽連被逮下刑部獄及訊知語出孝標吏議以孝標已死乃取
其五服宗人將行房誅之刑長繫公以待命公在獄著禮記析
疑及喪禮或問金壇王編修澍聞入獄視公至則解衣般礴諮
經諏史旁若無人同繫者或諷曰君縱忘此地爲圜土身負死

刑奈旁觀姍笑何爰書上同繫者皆恟懼公閱禮經自若或厭
之投其書於地曰命在須臾矣公曰朝聞道夕死可也獄詞五
上

聖祖矜疑李文貞亦力救之遂蒙恩宥癸巳出獄隸漢軍

聖祖殊諭武英殿總管曰戴名世案內方苞學問天下莫不聞
可召人南書房遂命撰湖南洞苗歸化碑文越日命作

黃鐘爲萬事根本論及賦一每奏御

聖祖輒嘉當曰此卽翰林中老輩兼句就之不能過也命以

白衣入直南書房尋移蒙養齋編校樂律歷算書公與徐文定

公承修樂律

上命與諸

皇子遊自誠親王以下皆呼之曰先生時誠親王

爲監修官性嚴承事者多被譙呵公遇事持正王敬之延爲王子師公南面坐移王子坐東嚮始就講當是時李文貞在閣徐文定爲總憲皆夙重公與聞機務公時以所見盡言相告多見諸施行王寅充武英殿總裁癸卯

世宗以覃恩者免公旗籍

詔曰朕以方苞故宥其全宗苞功德不細矣時朱文端來定交謂公曰子乃鄭公孫僑趙樂毅之流也公示以周官餘論十篇之三文端持至上書房手錄之嘆爲當世異人又以周官析疑春秋綱領二書示蔡文勤曰周情孔思不圖二千年後乃有如此

親受其傳指者也。甲辰以堊母假歸。乙巳還朝。召見弱足不任行。命二內侍扶掖至養心殿。顧視嗟嘆久之。有先帝持法朕原情汝老學當知此義之諭。賜芽茶二器。命仍充武英殿總裁。庚戌詔大臣各舉學行之士。當事問公公舉南昌龔纓。欵余華瑞嘉善阿煜。淳安方棨。如應之秋疾作。命諸子曰。昔弟林疾革時。余因異疾醫者令出避野寺。致不獲視。舍殮死。當袒右臂入棺。以自罰。辛卯授左中允。遷侍講。學士時孫文定嘉淦方以刑部侍郎尹順天兼祭酒。挺勁不爲果親王所容。有客自朱邸來授公急奏。令劾之。卽以公代。公拒不可。其人怵以禍。公誓死辭不數。曰。有劾孫公焚臧者。遂下獄。

公謂鄂文端曰。孫侍郎以非罪死。公復何顏坐中書。於是孫公卒得免。王亦不以是有加於公也。癸丑。擢內閣學士。以足疾辭。詔許免。趨直。仍專司書局。有大議。卽家上之。尋教習庶吉士。充一統志總裁。命校訂春秋曰講乙卯九月。高宗嗣位。有意大用公時。

天子大孝。方欲追踐古禮。行三年之喪。詔羣臣詳稽典禮。主大臣令禮部魏尙書廷珍偕公議。魏公公石交也。公因欲復古。人以次變除之制。內外臣工各分等差。爲除服之期。魏公上其議。大臣有不便者。遂格不行。魏公亦以此不安其位。公時領武英殿書局。請於親王就直廬持服。未再期。不敢出。所教習庶吉

士二十七日内齋宿館舍無敢飲酒食肉者他部院未嘗有也
公念受

三朝恩厚起罪廢洊列卿貳當以國土報乃疏陳田文鏡所定
地丁四月完半之害請復舊制又言歲饑當今有司得擅發倉
粟平糶勿拘存七糶三當制又言河以南祥符等五十州縣共
徵米十三萬六千七百石有奇康熙初改令折銀自田文鏡改
徵本色既遠水次兼迫漕期運價日十倍民困不支請仍舊折
徵於衛輝水次官爲採買三疏俱下部議行丙辰命再入南書
房疏請凡遇水旱災五六月卽以實報七月中旬卽核定災傷
分數并乏食人數上聞災大者許動帑金修城浚隍整葺倉廩

官署相度支河橋梁塘堰圩堤溝渠垣堡使任浚築惟老弱不能任士功者乃訃口授粟則爲數無多易周而可久尋命選四書文頒示天下充三禮義疏副總裁又疏陳食貨豐耗之原請禁燒酒禁種煙草飭佐貳官督民樹畜禁粟米出外洋令紳士相度浚築水道丁巳遷禮部右侍郎仍以足疾辭詔免隨班趨走許數日一赴部平決大事公雖不常入部而時奉獨對一切大除授大政事往往咨公多所密陳在廷頗側目公矣公復疏請矯除積習興起人材求皇上勤心以察之依類以求之按實積久以磨礱之信賞必罰以勸懲之其語尤關於主德隆替及君子小人進退消長之所

以然是年秋。命教習庶吉士公嘗飲仿朱子學校貢舉議分詩書易春秋三禮爲三科。而以通鑑通考大學衍義附之。詩書易附以大學衍義。春秋附以通鑑綱目。三禮附以文獻通考。各以疑義試士。朱文端及楊文定深然之。卒以違衆難行而止。至是仍欲發其端。乃請定庶吉士館課及散館則例。畧言本科館選三十有六人。江浙江西湖廣數已三十餘。僅六人耳。豈志識才人之不若哉。以聲律詞章多未習也。請日後籍隸江浙江西湖廣福建者。仍課以詩賦。餘專治本經義疏及通鑑綱目所載政事之體要。散館時試以所專課各二篇。其兼通者亦許自著所長。而不相強。庶東南之士益留心於經濟之實用。而河北五

路及遐方之士亦不至於困聲律之未諳使天下知政事文學
皆人臣所以自效而政事所關尤重疏下諸臣議格不行又疏
言會議時九卿中有異議者宜並列上候聖裁其詹事科道
宜與九卿會議各抒已見得專達又請以湯公斌從祀孔廟熊
公賜履郭公琇入祀賢良祠又請定孔氏家廟祀典補祀先聖
前母施氏皆格於廷議初公在蒙養齋與河督高君共事旣而
高違衆議開毛城埔舉朝爭之不能得臺省二臣竟以是下獄
公言於徐文定文定上言不當以弔罪諫官
上卽日釋之公復具疏力陳河督之愆河督入對
上以疏示之大憾思傾公禮部薦一貲卽入曹履親王董部事

已許之矣。公以故事禮部必用甲乙科。不肯平署。王亦怒。會新拜泰安爲輔臣。召魏尚書廷珍爲總憲。忌者爭相告曰。是皆方侍郎所爲也。以後有疏下。九卿議輒合口。梗之。於是河督言公有門生在河上。嘗以託之。

上稍不及公。而部中又有挺身爲公難者。公自知孤立。以老病請解侍郎任。許之。仍以原銜食俸。教習庶吉士。已未充經史館總裁。眾以

上意未置公也。屬庶常散館。公請補後到者。試忌者劾之。謂公有所私。遂落職。命仍在三禮館修書。而編修吳紱者。公所甥翼以入書局也。至是盡鼠改公之所述力。加排詆間者。駭之。然

上終思公。屢顧左右大臣。言方苞。惟天性過執。自是而非人。其設心固無他也。吏部推祭酒。上沈吟曰。是官應使方苞爲之。方稱職。旁無應者。辛酉。周官義疏成。

上畱覽兼旬

命發刻一無所更。壬戌年七十有五。以衰病求

解書局。

賜侍講銜歸里。杜門謝客。江督尹文端三踵門求見。

以疾辭。又以先世未遷葬。不遑家居。寄食僧舍中。葬乃返。始建宗祠。定祭禮。作祠規。同禁設祭田。以其餘。周子姓。窶難及嫁娶喪葬之不能舉者。明年就醫浙東。作雁蕩天姥之遊。安徽布政使李公學裕未受篆。屏騶從造門。學使尹公會一徒步操几杖。

造門皆執弟子禮。公畏人疑詫。乃掃墓繁昌。避之。已巳秋。儀禮析疑成。公以此經苦隴讀。註疏多膚淺。七十以後。每晨起必端坐誦經文。積日夜思之。凡十稿。乃就。八月十八日卒。壽八十一。有二時。乾隆十四年也。疾革。數舉右手示子孫。申祖管之命。從之。公貌怯瘦。身長而微有豆斑。日照人如電。生平言動必準禮法。事親至孝。父嘗曰。吾體未病。二子已覺之。吾心未動。二子已知之。赴詔獄時。母老疾多悸。乃詭言奉召入都。不得頃刻留。逾年事解。迎養京邸。母夫人尚不知也。所著喪禮。或問足撥人心。昏蔽士友。感而服行者多。終身遇父母兄弟。忌日必廢食。得任子恩。授兄子道永誠子姪。旬遭期功喪。必準古禮。宿外寢居。

家客至必令子弟奉茶侍左右或宴會則行酒獻肴示長幼之節母夫人尤嚴正嘗遵疾

天子賜醫醫曰法當視面按脉乃復命母曰我雖老婦人也可使醫者面乎公曰君命也母閉目命舉幃顏變者久之既而

曰

聖恩良厚繼自今勿使吾疾更

上聞矣公於辭受取與無所

苟金陵王生以金贄介某姻求來學公卽以金贈某姻亡何王生卒因自出金如其數賻之不使某姻知也有富人乞題喪主饋重金嚴拒之其自視常若下於恆人視隸圉臧獲愛親敬長一事一言之善輒反躬自責愧下能行有以過規則誠心德之

與朋友責善亦甚嚴嘗面折人過多人所難受自爲諸生卽名
動京師雖在難時王公皆嚴憚之遇宦達者必以吏疵民瘼政
教得失相責難而時引古賢大節相砥未嘗一及於私李文貞
以直撫入相公問自入國朝以科目躋茲位者凡幾文貞屈
指得五十餘人公曰甫六十年而已得五十餘人其不足重明
矣願公更求其可重者時魏公廷珍在坐退而曰斯人吾未前
見無怪人多不樂聞其言也座師高廷尉初度公方爲諸生壽
以文引老泉上富鄭公書以循致高位而碌碌無所成爲懼觀
者大駭廷尉曰吾正欲諸公問天下之正議也後進有請業者
公必問所治何經所得何說所學誰氏之文蓋有負盛名而舌

撓汗下不有對一詞者公輒愀然不樂公論學一以宋儒爲宗其說經皆推衍程朱之學所尤致力者春秋三禮也論文嚴於義法非闡道翼教有關人倫風化不苟作凡所涉筆皆有六籍之精華寓焉讀其文知其篤於倫理有中心慘阻之誠蓋皆其宅心之實與人之忠隨所觸而流焉者也素不喜班史及柳文條舉所短而詆之人或以爲過而公守其說彌篤嘗謂自南宋以來古文義法不講久矣吳越間遺老尤放恣無一雅潔者古文不可入語錄中語魏晉六朝人藻麗俳語漢賦中板重字法詩歌中舊語南北史佻巧語世以爲知言所著有周官辨周官集註周官析疑春秋通論春秋直解禮記析疑喪禮或問儀禮

析疑春秋比事目錄左傳義法舉要刪定管子荀子史記注補
正離騷正義刪定通志唐宋元經解及望溪文集行於世

兄舟字百川年六七歲讀左傳太史公書遇兵事輒集錄置裕

衣中議其所由勝敗暇則之大澤與羣兒布勒左右爲陣法時

三藩逆亂比邑旱蝗憂之或廢寢食與弟望溪攻時文寄籍上

元爲諸生遂以文名天下北平王源邑子宋潛虛宿松朱書自



負經畧時就先生辨論先生嘿無言退謂望溪曰諸君子口

談最賢非以憂天下也性孤特而內行篤修服勤盡瘁父逸巢

嘗語人曰視於無形聽於無聲此子庶近之嘗東遊登萊觀滄

海北過燕市韓文懿公見其制舉文歎曰此於三百年作者外

自成一家者也。爲亭而行之。遘疾歸。自知不起。卒之夕。強言笑。戒望溪奉二親就寢。曰。命盡矣。恐記吾音容。增悲。桐也。妻子環哭。喻使退。曰。君子以齊終。吾獨宜死。弟手且曰。吾兄弟當其塋。一邱。不得以妻附先。數日。悉焚所論著。僅廣師說一篇存。文懿所文懿曰。雖退之。莫能尙也。望溪治古文。詁諸經。皆先生發其端。卒年三十有七。祀鄉賢。



余出生府丞事畧



余公名甸字田生福建福清人自爲諸生卽以名義爲已任好
面折人於善類操之尤切用此修飭之君子亦不樂與居其趨
勢利者輒聞聲相惡康熙丙戌成進士巡撫張清恪公開鼇峯
書院延公主之每事咨焉郡守周某某將登白簡以下難免疑公
排已後公知江津縣周適爲郡守欲下石焉公不爲動攜一僕
之任每早起坐堂皇民有投牒者據情事輕重卽命之檄召所
訴人不以屬吏片言立決遣訟爲之簡惟曰據案與諸生誦說
文藝所徵賦卽貯庫中纖毫不入私室守廉其實亦加敬焉時
青海用兵年羹堯巡撫四川加正賦通私茶猶不足以餉戰士

多額外急征檄再三至公不應乃遣丙丁持印文告諭自朝至日哺公不出使者譁公立坐堂皇命反接眾相視不敢動公馮怒乃其推曳伏之地投六籤丞簿皆曲跪爲請須臾士民集堂下者數千人耆老數十升堂以自蔽使者告哀曰公何難棄一官但我民自今無恃怙矣望哀赤子無依寬使者法久之乃命釋縛羈候越日使者介眾索原文公曰還報大人我無子閉門待劾原文已閒道付二三執友矣遠近驚駭旬月聲震京師美堯曰此民所戴也斥之傷眾心不去百城玩令會行取遂以公應入爲吏部主事每事必親不假手胥吏出人封緘其室自佩鐫鑰時家宰張公鵬翮久爲督撫人掌諸部號稱剛直少宰湯

公右曾聰明辨察吏不能欺不惟官中無能異同九死廷議多
取決焉及公至屢與龔黼固植不移每會議直前爭辨盈廷愕
然終不能屈也主選一年權要富人子求速化者多爲所格長
言喜得公以有辭而亦陰患其讒閒能其議公怒求退甚力吏
言大喜私語求進者曰少需之此信將去必可得也公聞之條
列文書達部及已駁議而未奏者十餘事曰凡此皆作姦巧法
易爲所蒙必上聞吾乃去長官許若乃探懷中出告歸牒旋丁
父艱旣免喪猶廬墓側不歸集古今法書作隸篆行草編考諸
史與知故盤旋若將終焉陳公滄洲嘗嘆並世無豪傑及趨死
不顧利害之人方望溪以公告曰斯人其次矣其恢直大類吾

子及滄洲督河首薦公爲充甯道清介勤事一如江津上民間
公主訟獄者爭赴焉幾奪廉使之坊久之廉使及巡撫有批政
亦赴懇於君君刺得其情反覆申列必得當乃止滄洲卒齊蘇
勸繼之以工事劾公士民相隨聽勸者數千人齊公巡工至君
所剖父老結綵手炷香稽首於勸前請登岸受萬民瞻拜擁肩
輿至廣原升高座衆者萬餘人四面環拜投香於地高丈許齊
呼還我余公吾民當萬世戶祝河督大驚慙諭之衆皆涕泣曰
吾民愚非得實據不敢退河督許拜疏出矣言罷乃散
世宗聞之立召公入見退語執政曰朕又得一直臣矣擢山
東按察使攜二僕買驢之官人競傳口此三閭大夫也公以地

近聖人居宜崇禮教。輕刑罰。逾年入爲順天府承公。歷官皆盡
華陋規。陳臬時。憐以徒不能白衣食酌。取固人歲饋三之一以
資給之。兼完固園修學宮。書院聚教羣士。委有司公用注籍爲
息者。所中解官出。質讞成回籍。追補公歸築。段湄草堂著書。其
中有觀風整俗。使某摘其集唐詩爲怨望。賴
士矜全獄。白而公卒。年七十有二。公剛方信簡。精於吏治。仕宦
三十年。屢起屢躋。直聲震天下。其文章書法亦冠一時。歿後所
居官地。父老聞君訃。皆羣聚哭奠焉。



李穆堂侍郎事略孫友棠

臨川李公生有異稟少時讀書日可二十本過日不忘以康熙四十八年進士入翰林自編修超五階爲庶子遷侍講學士典雲南浙江鄉試兩典武會試擢內閣學士兼副都御史充辛丑會試副考官榜發下第舉子擁邸舍喧囂爲臺臣所劾免官發永定河效力

世宗皇帝在潛邸雅知公雍正元年召復職署吏部侍郎充經筵講官屢奉獨對豫大議時有密勿重臣禮絕百寮親王亦折節致敬而公平指之重臣言公性剛愎難共事尋以兵部侍郎載漕天津稱旨明年夏授廣西巡撫疏陳練兵事宜一先

定操地次定操期嚴賞罰一廣西多山谷背山而戰宜用一字陣山曲用三才陣夾溪用雙龍陣八面受敵用八門陣四圍合攻用圓陣亦曰風雷靖地陣羊腸鳥道用連環陣均演習如式一馬步兵各佩腰刀然馬上步下宜知用法一土苗所用烏鎗可及一百五十步惟礮足制之五子礮施放尤便利宜增製得旨嘉勉先是康熙五十三年巡撫陳公元龍奏請開捐共捐穀百七十萬八千餘石納捐時每石折銀一兩一錢發州縣買貯止給價三錢不敷購買率以價銀遞相交代公抵任嚴催尚欠四萬餘石疏請寬限一月補足免各州縣罪上以此項係陳元龍經手命往廣西清理嚴諭公毋許瞻

徇公請將筦指之布政使。今任閩撫黃國材等質問。詔許諸
臣將分肥實情供奏。免其科罪。並令國材赴贛。嗣審明督撫司
道府廳共分銀八十二萬四千餘兩。勒限分償有差。諭嘉公
公正而重臣心忌之作。四巡撫論皆痛詆。以爲亂政之魁。四巡
撫者。滇撫楊文定。名時。東撫陳文勤。世倌。川撫蔡尙書。珽。其一
則公也。公署吏部時。因議叙年羹堯子富等捐造營房事。不肯
從。優爲羹堯所嫉。及奉命天津。截漕估變米價。盈餘銀五千
兩。交守道桑成鼎貯庫。公赴廣西成鼎解原銀。至公因具疏送
直隸巡撫李維鈞。會奏維鈞匿不以聞。會羹堯入覲。遂奏公
巧取此項。三年二月。公據實陳明。

上洞悉美堯維鈞等誣捏傾陷狀

諭曰伊等蓄意如此爾若

根基不牢則已墮其術中矣前項既經解粵西朕又了然明白

可卽留充公用尋獻失出經部駁公仍前仍前議具題部臣改

重詔廷臣會議會議應如公指是年奏改賓州鬱林州均爲

直隸州賓轄上林來賓遷江武宣四縣鬱林轄北流博白陸川

興業四縣下部議行又奏言猺獞頑梗劫案纍纍其修仁之十

排臣已捕獲渠魁大河之三曠發兵守隘斷其取獲投到者許

免死爲首八人見諸投案諭獎其辦理得宜擢直隸總督初

蔡尙書珽薦已革知縣黃振國起知河南信陽州巡撫田文鏡

劾振國貪劣不法公由廣西入京陛見奏振國無罪文鏡所

劾之汪誠邵言綸均冤抑文鏡以公與振國爲同年生密劾公祖護公疏辯有旨訓飭當是時

世宗方痛懲廟堂朋黨之習會蔡尙書得罪公會面奏蔡珽爲人麤莽則有之若貪婪不法事臣可保其必無忌公者因譖之目爲死黨而御史謝濟世疏劾文鏡亦及振國等

上以濟世所言振國言綸誠等事與從前李紱所奏一一脗合明係結黨傾陷宜嚴懲乃發濟世軍前效力召公爲工部右侍郎忌者遂交章劾公來五年署廣西巡撫韓良輔奏天河縣囚莫東旺係公批飭責追之犯遷延未發落致尙書糾眾劾去詔公隻身往捕不許攜粵中一吏卒人皆危之及公至罪苗束

身自歸曰。吾不可負李公也。土司羅文剛嘗因設立塘汛事糾眾抗官。至是爲州判程旦所籲控。嚴旨責公撫粵時。彌縫掩飾。甘汝來時爲臬司。亦因循不能整頓。命公與甘公赴廣西擒緝文剛。會雲貴總督鄂爾泰公奏廣西泗城土司不法請飭巡撫提督懲治。

上命韓良輔往雲南與鄂公面議。並命公同往。公旋與鄂公面籌黔粵分界及泗城改流等事。文剛尋緝獲而直隸總督宜兆熊等疏劾知府曾逢聖知縣王游。虧空錢糧。又劾知縣李先生枝私派累民。

上以逢聖游皆公所保薦。先枝曾經

公題陞知州。必有所受。請

託之處。

諭責公營私欺罔遂奪職。

命來京質問議政大臣。

等會議公罪凡二十一款私受李先知請託妄爲保題罪一與

蔡珽固結黨援罪二袒護黃振國邵言綸汪誠密奏被參寃抑

罪三莫東旺一案不早結致劫獄罪四將不應送部引見之天

澤道葉前違旨送部罪五奉旨建造天津營房任意遲延

罪六將不應離任之通永道高鑣等題請離任另補罪七妄薦

廣西庸劣知縣柏宏智罪八所解慶豐司羊毛等項混行咨覆

罪九奏帶之都司岳咨縱兵通礦賊奉旨詢問並不認罪罪

十土目王尙義等爭案各案不早訊結罪十一明知王游虧空

不查參反密奏爲直隸第一賢員勒後任出結交代罪十二擅

增直隸兵米價罪十三順義靜海等四十五州縣虧空擅批豁抵罪十四妄奏曾逢聖操守尙優罪十五收守道桑成鼎銀五千巡撫李維鈞銀千二百兩罪十六被參知縣姜任修發審並不嚴究罪十七上年見田文鏡報豫省糧艘正月出境妄奏偶遇大水僥倖出境今年出境更早又稱誤聽人言罪十八與布政使張适面奉諭旨回奏時俱舛錯罪十九故出死囚楊四罪妄引減等罪二十不早除羅文剛反刻州判程旦浮躁罪二十一律應斬決妻子財產入官時內外諸臣方以全力羅織公必欲置之死而世宗知公深特惡其嘯強欲痛有所摧折仍漚洗而復用之兩

次決囚。命縛公與蔡尙書同至西市。兩手反接。刀置頸間。此時知田文鏡好否。公對曰。臣愚雖死。不知田文鏡好處。乃宣旨赦還。仍置請室。爰書上奉。特旨李紱學問尙好。著免死在八旗志書館效力行走。免妻子財產入官。七年冬。謝濟世在阿爾泰軍前。供出昔年參田文鏡由李紱蔡珽授意。世宗大集廷臣。命公隨人跪階下。親詰責之。天顏甚厲。聲震殿角。近臣皆股栗。公奏對如常。無乞憐語。尋廷臣遵旨。訛公請交刑部治罪。得旨寬免。十三年八月。高宗御極。召見曰。先帝固欲用爾也。卽授戶部侍郎。管理三庫事。乾隆元年。奏請

增派翰詹科道磨勘試卷從之。公揚休山立鬚眉偉然於古今。事宜朝常國故口泊泊如決堤千人皆廢。又絕少溫顏曼辭舉朝皆畏憚之。然愛才如命以識一賢拔一士爲生平大欲之所存。刑迹嫌疑坦然不計。辛丑會試用唐人通榜法名宿網羅殆盡。至以此奪職公終不以爲非會。詔舉鴻博公已薦六人矣。束於例乃取夾袋中姓名廣託九卿有吳江王藻者尙無舉主。浼門不士孫副憲國璽薦之。孫有難色公大怒責其蔽賢孫跪謝允薦乃已。語聞坐妄舉鐫二級補詹事。明年奉命分禹陵母憂歸六年補光祿卿典試江南遷內閣學士得離眊之疾請告歸陞辭。

上問有所欲陳否公以慎終始對賜詩寵行有九嘉臨辭

闕嘉謀實啓予之句家居十年卒年七十有八公憂國如家勇於任事不以撓越爲嫌生平學道宗旨在先立乎其大者陸子之教也嘗因奏對謂朱子道問學之功居多陸氏尊德性之見爲卓


上聽其言有中州巨公自附程朱語公曰陸氏之學誠高明然返之吾心多未安公曰君督金場時邀寵進美餘不知於心安否其人失色去公在九列時同朝者曰大將軍年美堯曰太保隆科多曰桐城常熟二相國乃督直隸游營田之役爲惜賢親王公皆無所附麗而卒困於田督幾死在獄中日讀書飽啖熟

眠故甘撫胡君期恆亦在繫嘆爲鐵漢刑部卽楊某欲試公於
押赴市曹時故問經史疑義公應答如流楊退語人曰李公真
鐵胎人也公嘗言內省不疚生死不足動其心何況禍福又言
得力在二語處境則居易以俟命處事則行法以俟命生平博
聞強識下筆千言釋褐時安溪李相國光地許其與歐曾代興
新城王尙書士禎稱其有萬夫之稟論者謂公能盡集江西記
先正之長學術則文達文安經術則叶江博物則道原原父好
賢下士則充公文章高處逼南豐次亦不失爲道固於命世之
志取荆公剛腸經氣太類楊文節殆不出其鄉而奄有千古云
所行黑堂類稿續稿別稿春秋一是陸子學譜朱子晚年全論

陽明學錄。皆行世。姓李氏。名紱。字巨來。號穆堂。孫友棠。乾隆十年進士。由編修改御史。晉給事中。遷鴻臚太僕少卿。通政司副使。擢光祿卿。除內閣學士。三十八年。授工部侍郎。典鄉試者再。分校順天鄉試。禮部試。督學福建浙江各一會。新昌舉人王錫候。妄作字貫。前載友棠古詩一坐奪職。後以入京祝嘏。賞三品卿銜。嘉慶三年卒。

同治丁丑年
卷十四

三十二



蔡文勤公事畧 子長澤

公。字。世。遠。字。聞。之。姓。蔡。氏。世。居。漳。浦。之。梁。山。學。者。稱。梁。村。先。生。
父。璧。以。拔。貢。爲。羅。源。教。諭。有。學。行。張。清。恪。公。撫。閩。時。延。主。龍。峯。
書。院。並。招。公。入。使。院。共。訂。先。儒。遺。書。公。議。論。慷。慨。自。爲。諸。生。卽。
以。民。物。爲。已。任。及。從。清。恪。遊。吏。疵。民。病。言。無。不。盡。政。行。衆。服。而。
莫。知。其。自。公。康。熙。辛。巳。臺。灣。蠢。動。公。大。會。鄉。人。聯。伍。團。練。助。官。
兵。聲。勢。平。生。好。善。樂。施。與。出。於。天。性。故。人。皆。信。嚮。之。舉。巳。丑。進。
士。出。安。溪。李。文。貞。公。門。選。庶。吉。士。授。編。修。公。故。熟。宋。儒。書。旣。見。
文。貞。志。益。定。以。聖。賢。爲。必。可。學。假。歸。文。貞。出。游。楊。立。雪。圖。贈。行。
謂。吾。道。南。也。未。幾。丁。父。艱。衰。毀。不。勝。喪。癸。巳。冬。服。闋。至。京。師。新。

令翰林科道在假者並休致而公之請假也未久居父喪或謂宜自列於吏部公曰吾聞古者受爵而讓未聞投牒以自申也時文貞承修一禦纂性理精義薦公分校方望溪與焉始望溪與公相見於文貞邸舍文貞引公袂以屬望溪曰是吾閩所謂蔡間之者也遂定交踰歲書成公造望溪謀所處望溪曰天果不廢子之學何患無周行坦步而出以編書復官去牒請一閒耳公遂固請於文貞以歸巡撫陳清端璜復以鰲峯屬公公夙有氣節敦孝弟好語經濟而一本於誠由是閩士慨然感興於正學而知記誦辭章之爲未也家居設族規置大小宗祭田孤老疾月有餼鄉人化焉環所居三百餘家二十年無博戲者

邑令延至學宮講學環聽者恒千百人曾臺寇朱一貴爲亂漳
泉震動總督滿保討之公治鄉兵保境遣滿公書曰昔曹彬將
破江南忽稱疾不視事誠諸將以破城日不妄殺一人虞詡誠
諸子曰吾事君直道行已無虧所悔爲朝歌長時殺賊百餘其
中豈無免者今臺人特被脅爲盜耳願公入臺時普曹彬之仁
以免虞詡之悔臺灣平復遣書勸令選賢能興教化和兵民其
新墾之地弗按籍升科恐擾其樂生之計滿公皆從之人戴其
惠

世宗嗣位特召入都命侍皇子講讀由編修五轉至禮
部百侍郎充經筵講官雍正七年

上以福建宜設觀風整俗使。詔公偕同籍京官會議。合疏以漳泉風俗未醇。於法宜設得。旨允行。公侍皇子。凡進講四書五經及宋五子之書。必近而引之身心。發言處事所宜設誠。而致行者。觀諸史及歷代文士所述。作則於興亡治亂。君子小人消長。心迹異同。反覆陳列。三致意焉。當是時。兼保傳之任者。皆執政大臣。事繁不得朝夕在側。惟公在。上書房。十年晨。人夜歸。無風雨之間。公性淡泊。所得祿賜。半竭之。族姻知舊妻子。僅免寒飢。敝衣粗食。視宴人或甚焉。士有志行及文藝之優。必躬禮先焉。知其賢。則恩隨地而開通之。汲汲如有所負。然望溪每以公事詣圓明園。必宿公池館。公薄暮歸。輒相與步空林。坐

石磯至昏暝。或達夜中所。詎度皆民生之利病。吏治之得失。百
物之息耗。士類之邪正。無一語及身家淺事者。其居外寢。設一
榻。一帷。望溪至。則以讓之。而自臥。後來夾室。方夏秋。蚊虻嚙。盧竟
夕不安枕。而惟悲望溪之不淹留信宿也。公與高安朱文端公
同訂。懋代名臣名儒循吏傳。雍正四年。公列位九卿。以待一皇
子。故延議多不與。八年秋。聞督高公其傳。効公長子長漢違例
私給鼎照。

上以原疏示公公疏言。臣家屬八載在京。長子長漢去冬來京
會試。現在京邸。所給照係本年五月日期。不知何人所爲。但有
臣官銜圖記。非臣族姓。卽戚屬請。敕督撫察治。部議以失察。

族姓家人降二級調用。特命復故職而公疾已不可振矣。公疾病。皇子使人問視。

天子賜醫屢詢公疾增減云何。十二年正月八日薨年五十有

二

上震悼賜白金五百兩治喪贈卹如典禮給全塋。皇子親王郡王咸致賻贈賢公卿及廩庠之士重志節者無知與不知皆儼然若失其所倚十三年九月

高宗御極

諭曰原任侍郎蔡世遠學問素優自雍正元年在

內廷行走勤勞敬慎於經義文辭悉心講究多所裨益可加贈

禮部尙書致祭予諡文勤所著二希堂文集十五卷二希常者

謂功業不敢望諸葛武侯。庶幾范希文道德不敢望朱文公。庶幾真希元也。

高宗在藩邸時。親爲製序。其畧曰。先生之文。溯源於六經。闡發朱程周張之理。而運以韓柳歐蘇之法度。所謂蘊之爲德。行行之爲事業。發之爲文章者。吾於先生見之。抑又有說焉。先生之文。固足繼昌黎之蹤。而抗歐蘇矣。然先儒謂昌黎因文以見道。今先生教人。必先之以格致正誠之功。天人危微之判。而後繼之以文。其自修固可知矣。吾謂先生體道以爲文。非僅因文以見道。請以質之先生。及天下後世。以爲何如也。其推重有如此。乾隆十四年。

御製懷舊詩稱爲聞之蔡先生詩曰先生長齋峯陶淑學者眾
奉命訓吾曹風吟而月弄雖未預懋勤八載寒暑共嘗云三不
朽德功言並重立言亦豈易昌黎語堪誦氣乃欲其盛理乃欲
其洞因以書諸紳未敢妄操縱德功吾何有言則企賅綜嗚呼
於先生吾得學之用六十年二月諭曰本月上丁釋奠禮成
因念臨御六十年以來孜孜勤政悉由典學懋修致致回憶冲
齡就傳時福敏啓蒙蔡世遠教以古文作法從此肆力學業益
進當年久侍講帷敷陳啓沃福敏蔡世遠兩師傳之力爲多今
朕年登八旬開五眷懷舊學允宜增秩三公原贈尙書蔡世遠
可加贈太傅並賜祭一壇以示朕崇禮師儒至意乃命福建巡

撫卽家致祭公所訂古文雅正齧峯學約朱子家禮輯要俱行
世又性理精要應代名臣言行錄合族家規漢魏六朝四唐詩
各若干卷藏於家。次子長雲由廩生保舉優行以知縣用累官
兵部侍郎公之疾也。灑不脫冠帶而養者五十日其婦吳氏刲
股肉以進求愈公疾此其教行於家之驗也。三子觀瀾六子長
炳孫本崇均 恩賜與舉人瀾官至御史



張文敏公事畧

張公名照字得天。號涇南。江蘇華亭縣人。康熙四十八年進士。
選庶吉士。授檢討。五十四年入直南書房。選贊善。侍講。轉侍讀。
雍正元年充福建副考官。選左庶子。三年晉侍讀學士。充日講
起居注官。疏言。聖諭廣訓一書。請頒行各州縣學。俾童蒙誦
起。居注官。疏言。聖諭廣訓一書。請頒行各州縣學。俾童蒙誦
田。賄。房。請。官。爲。存。案。載。入。縣。志。不。得。擅。賣。擅。買。違。者。雖。臣。子。孫
亦。以。盜。賣。官。田。論。疏。入。
上允所請。立册存案。並。敕部旌獎。以彰義舉。尋擢刑部左侍

郎署順天尹。十一年。授左都御史。遷刑部尚書。奏請更正律例。六條。下所司議行。以預條會典書成。得優叙。尋充文穎館總裁。十三年。貴州九股生苗不法。揚威將軍哈元生。副將軍董芳。分道進剿。

上以公爲撫定苗疆大臣。公抵黔。倡分地分兵之議。因施秉爲適中地。遂以其上爲上游。用滇黔兵專屬元生。以其下爲下游。用楚粵兵專屬芳。於是進剿之兵。紛紛撤換。元生芳欲將各村莊盡劃上下界。文移爭辯。日久無功。八月。高宗卽位。命來京。以湖督張廣泗代。詔曰。從前經理苗疆。原係鄂爾泰獨任其事。後來逆苗煽動。張照在京時。

皇考申飭鄂爾泰遂以私意揣度過甚其詞彼時廷議新疆不可棄張照亦預議

皇考深以爲然今張照以爲密奉棄置之諭旨轉告哈元生

殊屬乖謬可諭張廣泗知之嗣廣泗劾公宜意阻撓詔落職

逮問論死特旨原之命直武英殿修書二年授內閣學士

充經筵講官再直南書院四年夏請終養

上慰留之五年授刑部左侍郎疏言律例刊行尙須一年之久

請於舊例輕而新改重者仍待頒到日遵行不必駁改其舊重

新輕者刑部卽引新書改正使一年內薄海內外早被仁恩

特旨允行六年

上以朝會樂章句讀與樂音不相比合。敕莊親王及公釐定

尋合疏言律呂正義一書。編摩未備。請重修正義。後編與前書

並垂萬世。其壇廟朝廷樂章應遵

聖訓。將新舊所定并朱子六經圖及明朱載堉樂書式考定。宮

商字譜備載於篇。使律呂克偕。神人和協。從之。七年擢刑部尙

書。管理樂部。中允于振請釐定文廟樂章。

上命公撰擬進呈。頒發曲阜及各行省學宮。八年命補給

登極詔內。恩廕公直內廷最久。每奉敕作書。皆稱旨。

後墜馬傷右臂。幾折。時方進呈落葉倡和詩。遂用左手書楷。渾

厚蘊藉。

上元之九年十二月丁父憂

上以公父勲義方有訓教子成名

特諭於本籍賜祭一壇

十年正月公奔喪行至江南徐州以哀毀成疾薨於旅次事聞

諭張照才品優長兼暗法律學問充裕詞藻清新侍直內廷

勤愼素著前聞訃奔喪朕切諭其以禮節哀毋致毀瘠今聞在

途溢逝悼憫實深可加贈太子太保吏部尚書賜祭葬如例

予諡文敏論者謂自明及今華亭兩文敏重公文采與公埒而

勲業較遜易名之典在公爲尤稱云後十有四年

上因查閱蘇州署中所藏字蹟見公昔在獄中所題曰雲亭詩

卷詞竟怨望下詔宣示以身後免其道論四十四年

上念公性敏博學尤工書

御製懷舊詩列公玉詞臣中詩有

云書有米之雄而無米之畧復有董之整而無董之弱義之後

一人舍照誰能若卽今觀其蹟宛似成於昨精神貫注深非人

所能學其見重如此四十七年

諭曰昨閣進呈一統志於國

朝松江府人物祇載王伯倫馮緒輩而不及張照意或因照曾

因苗疆獲罪又獄中所題詩詞意感真社朕宣示遂不錄其人

即從前張照獲罪因疑爲鄂爾泰傾陷其獄中詩大都指摘鄂

爾泰者居多蓋鄂爾泰欲置彼於死地朕若聽信其言照豈獲

生全彼不列朕非信讒之主而鄂爾泰又豈能讒照之人迨後

出之囹圄不數年洊擢尙書朕之終始成全原不以一青相掩

何此次一統志轉佚其名耶。張照雖不得謂闇儒。然其文采風流。實海內所共推。公論且在。瑕不掩瑜。其將照出處事蹟併列焉。大哉。王言足爲公定論矣。

國朝文正公集

卷十四

四

莊恪公事畧

康熙五十八年冬。涑水縣知縣甘公。以拘繫侍衛畢里克逮治。部議褫公職。奪畢里克俸。

聖祖仁皇帝特詔畢里克革職。公復原官。於是海內皆頌天子聖明。而涑水令亦以此名聞天下。公由縣令起家。歷中外累官。太子少保。吏部尚書兼兵部尚書。爲時名臣。乾隆四年七月薨於位。

上聞震悼。命大臣往奠茶酒。遣官經紀其喪。賜白金千兩。禮

臣遵旨給全葬。賜祭一次。賜謚曰莊恪。朝野咸歎息焉。

公諱汝來。字耕道。一字遜齋。江西奉新人。性清鯁。強力裕經濟。

才康熙五十二年進士由教習授涑水知縣時邑久旱公至而
雨免民間雜派銀六千餘兩以耗羨充之禁庄田無故增租易
佃者有司例不答旗人公請於上官得以柳木棒示威豪強戢
服畢里克者侍衛之調鷹差官者也卒拜唐阿及家人數十輩
至涑擅据民舍民萬廷荷等被毆幾斃百姓赴愬於公畢里克
等亦相率入縣堂責公勢洶湧公勃然怒曰令爲天子撫百
姓肯令君輩魚肉小民耶遂揮令看管真蒙子於獄牒牒大府
以聞而其黨已以壇拘職官入告及吏兵刑三部會讞公詞氣
不屈眾以強項令目之然非
聖祖如天子仁公禍必無振矣公自京還泊所父老子弟爭奉

羊酒迎都人士作詩歌紀其事公名由是大起調補新安尋攝
雄縣事任新安賑災民割俸予寒諸生故事乘輿至多藉供
億苟歛及拘民船守候公力禁之築白楊淀河堤溉田數千頃
在雄縣罷民間雜派銀寘奸吏於法凡三任邑令百姓爭欲得
公去則尸祝之

世宗御極擢吏部主事更以賢能薦受錫賚分校會試未幾
持擢廣西太平府自此凡四任不出廣西皆著才畧在郡禁絕
屬僚餽送誠流官勿科歛土司在左江巡道任定思明土州與
安南祿州地大牙相錯者由按察使陞巡撫已入爲副都御史
又以主官岑映宸互相仇殺事仍往署撫臣篆與督撫二臣調

度策應映宸束身歸罪遂改土爲流先後擒莫東旺羅文剛等皆兵不血刃及其他修舉廢墜發奸摘伏不可勝舉旋註吏議罷命在咸安宮行走逾年起霸昌道丁內艱結假在任守制未幾調蘇松糧道擢廣東布政使平權量減市稅陳權關藏匿贓例之弊請以沙坦地予民耕種而緩其陞科北上日庫存稅羨充公銀二十餘萬兩公悉疏聞纖毫無所取人爲禮部侍郎纖獻獄大同時雍正十三年也

純皇帝登極毅然復行三年之喪未蒙

皇太后俞允下廷臣集議公昌言曰三年之喪無貴賤一也皇上法堯舜之道行周孔之禮宜將順其美以立萬世彝倫之

極或謂有妨朝祭大典公曰墨綬視事越縹以祭禮固有之何疑焉遂覆奏允行其餘大典禮公皆多所贊襄擢兵部尙書充實錄及二禮館副總裁乾隆三年轉吏部仍兼本部於武職議侍衛推用法於文員令雜職皆闕白堂上官始行銓敘先是公爲文選司時洞悉僧道科蠹弊京師號爲黑地獄至是始釐剔之四年與柏梁乾清宮兩宴典總裁會試特旨晉宮銜以遴選賑濟人員晨入部署忽中疾薨年五十有六公服官二十年中遇摧折皆蒙聖主知旋卽振拔受三朝委任不衰公亦感激圖報強毅能任事肅吏治振文風一

時公明交頌凡稱公居官清正者猶嘖嘖曰此固曩時令涑水之甘公也其丰裁如此公性篤孝父庭訓嚴承之以恭母徐下世不重茵貳味者九年所至多創義學修城堡於家則捐建祠廡指困以助友喪尤畱心文献奏請以鄉先賢吳澄復祀學宮遇名儒故老後人必加存恤又嘗條奏廣東圈築沙坦事宜四則又言沿海居民採捕魚鰕用單桅船不能出海貿易請免其稅又聞粵貧民有用竹笊取魚者有於埠頭養鴨者不肖吏或按笊按埠私征稅銀請通行嚴禁皆從之蓋見義必爲其天性也歿之日囊無十金積至不能庀喪具天子嘉公清節特賻紵金恩禮優渥則公之賢益可知矣

所著有遜齊詩文奏議全集 聖諭廣訓流義周禮簡註宦績
紀畧編輯律例歌諸書雍正丙午公撫廣西之年公父顯祖及
公弟汝逢子禾同舉江西鄉試祖孫父子三世同科尤稱盛事
爲昭代所罕見云



國朝先正事畧卷之十五名臣

平江李元度次青纂

孫文定公事畧

公諱嘉淦字錫公一字懿齋山西太原人祖世蓋國初知崇仁縣設方畧平劇盜數千人境賴以安父天繡義俠聞鄉里伯兄楨淦爲同縣趙氏子所戕論抵矣黃緣且脫罪公父憤欲死公夜入獄刃其仇與仲兄鴻淦一晝夜行三百餘里至會城門啟而入遭貨誦甄者仆焉盡毀其器訟於縣須繫待決已而興縣人喧傳孫氏兄弟殺人捕者至今解之日安有越一宿而能殺人三百里外者乎事竟得釋時公年十八矣家貧日樵采夜歸

讀書康熙五十二年成進士官檢討游朱文端張清恪兩公門研精理學以躬行爲本聞母病乞假於院長不待報徑歸尋丁母憂服闋還官

世宗卽位公上封事三曰親骨肉曰停捐納曰罷西兵

上召諸大臣示之責掌院學士曰爾翰林乃容此狂士學士叩頭謝朱文端在側徐對曰此生誠狂然臣服其膽良久

上大笑曰朕亦不能不服其膽卽召對授國子監司業它日

世宗手指公示九卿曰朕卽位以來孫嘉淦每事直言極諫朕

不惟不怒且嘉悅焉爾等當以爲法雍正二年典江西鄉試三

年提督安徽學政就遷祭酒尋調順天學政奏革一切供應

賜養廉銀歲四千兩。

賜京城官房七十餘間爲試院。每試士。

必與諸生講身心性命之學。纂近思錄輯要授之。曰：此聖學階梯也。歲滿泣祭酒任先。是公官司業時上言：學校之教宜以經術爲先。請令天下學臣選拔諸生貢太學。九卿舉經明行修者任助教。一以經術造之。三年考其成。舉以待用。時方急西事。未行也。至是復申言：經術必可成人才。必可得請廣學舍增諸生餼廩。

世宗韙之。

命戶部歲給銀六千兩。

賜官房三百餘間。別爲

南學。公嚴立課程。五日一會講。一時人材稱盛。至今猶用其法。

馬六年。權順天府尹疏刻古北口監督傳紳私徵關稅論如律。

父憂歸。賜治喪銀千兩。公竭家貲營葬。而以賜金建宗祠。

置祭田。服未闋。以順天府尹召晉工部侍郎。部吏倚奏銷爲

奸利。公頒工程科比。而先以物價咨直省大吏。臨期料復披籍。

而已。吏相弔於家。八年充會試副考官。轉刑部侍郎。兼署吏部

侍郎。公累遷官。皆兼祭酒。如故。前後垂十五六年。會引見教習

官。不稱。旨公持之堅。

上怒曰。爾能保若曹不以貪庸敗乎。公曰。願保。

上擲筆令自盡。狀公持筆欲下。侍臣呵曰。汝敢動。御筆乎。公

悟。捧筆寘。御榻上。免冠頓首曰。

上用筆。臣不敢捉。

上曰爾固猶知有君父耶。

命鎖交刑部議罪。尋議公大不敬。

論斬。

上意已解。諭大學士曰：孫嘉淦大驚然不愛錢，可銀庫行走時，果親王方總部務，意公或怨望，不事事。又聞蜚語謂公沽名收銀，有縮無贏，乃出不意。至庫所見，公方偃僂稱量，與吏卒雜坐，均勞苦覈所納，無纖毫贏縮。王嘆異之。上亦愈重公。命署河東鹽政，奏減鹽政及運司養廉銀增弓兵月餼。

高宗御極，召爲吏部右侍郎，遷左都御史。上三習一弊，疏畧言治亂循環如陰陽之運，坤陰極而陽生，乾陽極而陰妬。故時

當極盛必有陰伏之機。其機藏於至微。人不能覺。及其既著。遂種重而不可反。此其間有三習焉。不可不慎戒也。主德清明。人心悅服。出一言。盈廷稱聖。發一令。四海歸仁。在臣下本非獻諛。然而人君之耳。則熟於此矣。耳與譽化。匪譽則逆。是謂耳習於所聞。則喜諛而惡直。上愈智。則下愈愚。上愈威。則下愈畏。一唱百和。所在皆然。免冠叩頭。應聲卽是在臣工。以爲盡禮。然而人君之目。則熟於此矣。目與媚化。匪媚則觸。是謂目習於所見。則喜柔而惡剛。勤求天下之士。見之多。而以爲無奇也。則高已而卑人。慎辨天下之務。閱之久而以爲無難也。則恃才而易事。質之人。不聞其所短。反之已。不見其所失。於是乎意之所欲信。以

爲不踰令之所行。概以爲無敝矣。是謂心習於所是。則喜從而
惡違。三習旣成。乃生一弊。何爲一弊。喜小人而厭君子是也。語
言奏對。君子誦。小人佞佞。則與耳。習投矣。奔走周旋。君子拙。小
人巧。巧則與目。習投矣。趨事赴功。君子一意孤行。小人多方迎
合。迎合則與心。習又投矣。於是小人不約而自合。君子不逐而
自離。夫至於小人合。君子離。其患何可勝道。而皆由三習爲之。
蔽焉。今欲預除三習。永杜一蔽。不在乎外。惟在乎
皇上之一心。語曰。人非聖人。孰能無過。此淺言也。夫聖人豈無
過哉。惟聖人而後能知過。惟聖人而後能改過。孔子謂五十學
易。可無大過。文王望過而未之見。是故賢人之過。賢人知之。庸

人不知也。聖人之過。聖人知之。賢人不知也。惟爲人所不知。故願。

聖心之自慊之也。反之已真。知其不足。驗之世實。見其未能。故常欲然不敢以自是。此不敢自是之意。流貫於用。人行政之閒。耳目之習。除取舍之則。定夫而後。眾正盈朝。太平可久矣。疏入。上嘉納。宣示焉。乾隆元年。典試江西。尋遷刑部。尙書河南有因盜成姦獄。未竟。本婦以意指同村某某十餘輩。皆不勝拷掠。其服論死。先後大吏意齟齬。具以聞。遣侍郎某往勘。奏實其半。廷議未決。

上以屬公公至。則盡脫之舉。朝大駭。公還奏曰。所以監候者。

以疑待質耳。今諸人一無左驗。何疑之有。而徒以瘐死與枉殺何異。

上然之。竟從其議。二年。

詔公總理國子監事。時

上方加意太學肄業生。凡數千人。公奏仿胡安定遺法。用經義治事。分條教授。於是人知實學興起者尤眾。三年。轉吏部尚書。典順天鄉試。九月。總河朱藻爲總督李衛所劾。命偕尚書訥親往鞫論如律。十月。以尚書總督直隸疏奏刁民王宰謀吞生員馬承宗產。賄太監劉金玉等投獻。貝勒允祐門下。請交刑部究審。允祐交宗人府察議。有旨褒嘉。命優敘。會水災。奏撥山東穀三十萬石。由海運達畿輔。以濟飢。引水溉田。共開渠。

五百八十有奇使溝水通道道水通河河水通淀水害去而水利以興晉州小兒被殺同村紀某衣污豆汁有司誤爲血刑訛誣服最後直定守陳浩來白公而句決之 旨已下公奏雪之又奏直省酒禁太嚴以日用飲食之故使天下騷然非政體也疏入而禁弛又奏給旗人屯田墾治古北口山海關外荒土數萬頃尋晉太子太保五年奏永定河改歸故道各工俱竣上嘉之又奏裁直隸河道總督而責成各道部議從之六年調湖廣總督時江蘇布政使安甯奏言各省賑荒過濫國帑宜節民情易驕宜有以裁抑之 勅以所奏示直省大吏公上言阜上以孔孟之心行堯舜之政今安甯不思仰贊

聖德倡爲經費不足之說使

皇上愛人之心與節用之念相持而未決萬一爲眾口所咻節財之念勝而行仁之意不堅則萬善由此而墮百弊由此而生又不止災民不被其澤已也治國猶治家然急於致富乃至飢寒其子弟而不顧惡赤子之啼號反嗇其乳哺曰吾以治驕無是理也此義利之界安危之幾惟勿以爲迂而垂察焉上優旨各之又疏言治苗之法於各寨中立頭人爲寨長一寨中取頭人信服者爲寨長使約束而統於縣令城步苗崗五設正副長十級甯苗崗四設正副長八每名歲給工食銀十二兩有過則易置之自可令行禁止先是湖南巡撫馮光裕開橫嶺

三洞議者以路險欲棄之。公親履勘。越嶺數十重。有地曰長安。彌望皆沃野。公度不守。且爲盜窟。煽連鎖。而保靖城綏之民。無甯日矣。乃奏設參將領兵鎮守。羣崗肅然。居亡何。調撫福建。以前詆糧道謝濟。世事不實。免。命修順義縣城。工贖罪九年。冬。起宗人府丞。明年遷左都御史。又明年京察。自陳乞休。許之。既歸。結茅城東。在堠山掩閤。習靜。將終老焉。十四年。復以復都御史召直上書房。十五年。遷兵部侍郎。晉工部尙書。明年典會試。賜第東城。十七年。典順天鄉試。九月。以吏部尙書協辦大學士。明年春。自以年老。請解官。專直上書房。不許。其年復典順天試。初。公在翰林。著春秋義行世。久之。瞿然曰。吾學無真得。

奈何安河聖經遂毀之時默坐澄思以斬自信嘗曰朱陸異同何其紛紛也聖人之道克已而已矣當動念時追已從生究已終極卽此便是窮理何知行之不合一乎又以聖人之道在六經贊皇極正人心皆由於此晚歲侍經筵直上書房嘗從容言請皇子方研習經義朱子詩集傳過矯呂氏之說於鄭風悉指爲淫奔微有可議臣不揣昏眊欲有所述請裁於聖意以補前賢之缺憾

上許令曰進講義一篇先成詩義折中若干卷經御筆刪定者十六七次命作易解彖爻甫畢而公病矣上命皇子臨視中使御醫相望於道十八年十二月六日薨年

七十有一

上聞軫悼遣使奠茶酒 賜銀千兩治喪諡文定公久負直聲
屢躋屢起晚年望愈隆中朝略有建自天下人咸曰得非孫公
郭其以副都御史 召也所過鄉民聚觀至傾村堡以出擁過
馬首不得行明年江西衛千總盧魯生僞爲公奏橐累萬言指
斥 乘輿徧劾大學士鄂爾泰張廷王徐本尙書公誦親等傳
播遠近事聞

上震怒下所在窮治於公一無所問公惶恐不自安語人曰
先帝及

今上嘗戒我好名今獨假名我殆生平好名之累未盡有以致

之以是嘆君之明而老臣之負釁已久也自此食不甘寢不瞑
益自務斂密所朝夕獻替者莫得而聞焉公屢奉獨對賞賚
在百寮之右生平以至誠待人自居鄉至立朝不作一欺人語
僚屬有過必先誠論不悛乃劾治之所奏劾必直告無隱有可
原未嘗不爲昭雪也旣卒

上謂近臣曰朝中少一正人矣嘆息久之公居恆以八約自誠
曰事君篤而不顯曰與人共而不驕曰勢避其所爭曰事止於
能去曰功藏於無名曰言刪其無用曰以守獨避人曰以清費
廉取皆生平得力處也子三次孝愉官至直隸按察使

聖訓卷之二十五 聖訓卷之二十五



胡文良公事略 子莊敏公季堂

乾隆三十八年

上下詔求遺書依古暨今耆碩撰著後先並出更 諭河南撫

臣以故禮部侍郎胡煦究心理學所著周易函書獨不在列

命續舉以進五十九年十一月復下 詔曰禮部侍郎胡煦苦

心讀書爲績學之臣所著周易函書已收入四庫從前因其官

止侍郎例不予謚第念曾在上書房行走今其子季堂官刑部

尙書煦已得尙書封可加恩補謚以示眷念耆舊至意尋 賜

謚曰文良於是海內之士咸頌

聖天子褒崇古學發微闡幽光昭文治於無窮也公字滄曉號

胡月云王季堂

卷十五名臣

七

柴弦河南光山人祖母喻殉流寇之難焚樓以死父之祀敦尙節行多隱德公少好學能文章康熙二十三年舉於鄉官教諭五十一年成進士年五十八矣居常究心周易得圖書一貫之怡臚傳後引見澹甯居卽自陳所學

聖祖卽以河洛理數公條對甚悉選庶吉士自後屢召見問卦爻中疑義命畫圖以講

聖祖曰真苦心讀書人也旋以檢討直南書房五十四年分校會試又明年典湖廣鄉試遷洗馬再遷鴻臚少卿擢奉寺卿雍正元年授內閣學士五年授兵部侍郎調戶部充殿試讀卷官教習庶吉士明年協理左副都御史攝刑部右侍郎八年充明

史總裁入直上書房以兵部侍郎知貢舉九年轉禮部左侍郎
六月罷職歸公爲人正直忠厚所建白必以教化爲先務九願
朝廷重農桑緩刑罰先仁義而後功利其請博舉孝弟也曰十
室之邑必有忠信愛親敬長不虛而知彼生員舉監外其有能
竭力奉養無忤於二親者乎稱爲孝子宜也有能公於財和於
室累世不析居者乎稱爲悌弟宜也臣請每州縣歲舉孝子悌
弟各一人○勅下督撫額其門閭免其徭役見長官如生員禮
如此則化行俗美人知自愛矣又請責成州縣而勸課農桑或別
設農官專司勸課之任又言近見督撫於命盜獄隱伏難明者
止用自行招認四字援以定讞夫奸黠之徒有抵死而不伏者

愚懦之夫畏刑而自誣者。然則有罪者幸免。而無辜者有受禍矣。臣請凡遇命盜案。必證確然。然後付法司。閱實實有弗當。旋即駁正。庶得慎刑之意。時方嚴創獲之禁。故事。每歲秋遣廷臣一人往議於盛京。自春徂冬。羈候日久。瘦死者多。公至錄囚百五十人。其疾病者至五十餘人。癈者三人。乃請繼自今。創獲之獄。專歸盛京刑部。及將軍府尹。隨時定讞。俾情輕者得早。子未減。以廣好生之德。得旨俞行。著爲例。攝戶部時。閱漕項。行追案。自數百兩至萬餘兩不等。公言。所追之案。遠者五十年。近者二十四五年。使其人尙存。必以家業蕩然。或旣亡。猶復行追。必且係累其妻孥。遏絕其生計。徒有行追之名。無補實用。臣愚以

爲免之便其他請廣言路裕積儲汰浮糧省冗官平權量多切
於時務人以是覩公之實用也會河南荒公據實以奏時

上已別有所聞

特遣侍郎王國棟往賑切責總督田文鏡文

鏡銜公甚旋奏公嗣子基孟本異姓不當冒官卷中選公坐是
罷歸乾隆元年公入覲

高宗命復原官廕子入監讀書會疾作卒於京師年八十有二
賜金五百兩治喪 賜祭塋如典禮公所爲周易函書列四總
例曰原圖曰原卦曰原爻曰原占凡五十卷又釋經文四十九
卷爲正集外有約圖三卷孔朱辨畢三卷易學須知三卷篝燈
約旨十卷續約旨二卷十法詳考四卷爲別集又約注十八卷

續集十六卷總一百五十八卷自昔言象數者未能若是其詳也。又著有葆璞堂文集子四。其三皆早卒。次季堂生七歲而孤。撫於長嫂甘氏。其後季堂貴疏請。賜封兄嫂天下稱美談焉。季堂字升夫號雲坡。由廕生補順天府通判。調刑部員外郎。遷郎中。乾隆三十一年。知慶陽府。擢冀甯道。遷甘肅按察使。三十六年。調江蘇。署布政使。奏定罪犯聞拏投首之例。又奏凡繼嗣者應專定一人。以息訟端。均得。旨優獎。三十九年。擢刑部右侍郎。兼管順天府尹。四十二年。命往吳化會同江督高晉。讞漕書虞景山之獄。究出唆訟之鍾。至剛治之復。命往山東勘章邱。卒存義諸城。陳靜文二獄。究出唆訟之張元璞。治之途次。

復命往河南勘獄並察出蕪不顯陵訟各情四十三年命
往河南訊山西民張九錫控河南各官派累工料一案察其誣
治之明年擢刑部尙書賜紫禁城騎馬五十五年往濱州按
事命暫署山東巡撫奏賑卹事宜請截存漕米十二萬一千
九百餘石酌濟被災州縣

上報可還朝加太子少保考績優叙五十八年

命往樂陵讞

獄明年

命偕大學士福安康侍郎松筠往吉林察審副都統

秀林劾將軍恆秀等虧廣荷斂一案又

命偕松筠往成安查

勘劣監胡燠等抗糧毆官一案反

命皆稱

旨六十年署兵

部尙書管理戶部三庫事嘉慶三年授直隸總督

賞戴孔雀

國朝文獻卷之三
三
翎疏請清查直屬常平倉穀其因公動用者分限買補以裕民食從之尋偕侍郎特克慎往建昌朝陽二縣鞠獄四年春晉太子大保當是時

仁宗親政公首劾大學士和坤二十罪尋伏誅籍其家人呼什圓計米麥雜糧得萬一千六百餘石詔以八成撥給文安縣

二成撥給大成縣被水村民從公請也會近郊長新店被盜有

詔切責逾月公奏殲獍長新店首盜張標係內黃令陶象炳之力諭嘉公據實陳奏不存邀功之念是月續獲長新店盜夥

并滄州逸盜韓四等得旨賞還翎頂又陳川楚軍務事宜力

主繫扼要隘派兵防守俾匪眾無路可奔又令築堡清野俾無

可掠然後勦撫兼施不至東馳西突。手敕報曰所論極是與。朕近日諭旨字字相同總之能堵方能勦能勦方能撫大端不外此矣。五年十月薨年七十有二。溫旨悼惜贈太子太傅。嘗從羅經波派御前侍衛公豐。卑濟倫帶侍衛十人往奠葬。賜祭葬。賜謚曰莊敏公。承文良公家學居恆無戲豫無疾言遽色。子弟定省或饋食必肅衣冠慎容止僕隸皆敬畏。雖通下士刺無隋容治官事纖悉皆手定。上至神明每有所記問公對如流。前後政令皆畫一。領外台如領部務每晨起理案牘至日晡退食手執卷如諸生撰古今任事錄以自勉。集諸史列傳各之論贊。杜氏通典司馬氏通

鑑故遇大事有斷制尤有知人識不偏体不輕任愛人而知其
所短或試之小事以觀其所忽以是所薦拔皆有声時子鉅
乾隆丁未進士由庶常改部累官清河道麟由任子官湖南鹽
法道

徐兩峰撫軍事略

雍正八年。詔立京師賢良祠。祀開國以來元勳魁輔。褒德酬庸。典至降鉅。凡閣部大臣。并有殊績。奉特旨。皆不得與其時。以巡撫入祀者。得二人。其一爲徐公士林。一爲潘公思渠。兩公皆年末六十。未竟其用。而徐公先潘公十一年。首膺祀典。尤異數云。公字式儒。號兩峰。山東文登人。父農也。公幼聞鄰塾讀書聲。慕之。跪母膝前曰。願送兒入塾中。如所請。遂舉康熙五十二年進士。由教習授內閣中書。雍正二年。遷刑部主事。四年。遷員外郎。五年。授安慶知府。十年。擢江蘇按察使。坐失察私鑄。左遷汀漳道。漳俗械鬪殺人。捕之。輒聚眾據山。或請用兵。公不可。命

壯丁分扼要隘三日度其食且盡遣人深入說以好語曰垂手
出山者免如其言果逐隊出乃伏其仇於旁仇大呼曰爲首者
某也立擒以徇眾驚散自後捕犯無據山者乾隆元年遷河南
布政使丁父憂命署江蘇布政使公以病母八旬且父柩未
葬懇辭許之四年命以布政使護理江蘇巡撫公復奏母病
篤不能暫離請俟母病稍愈自行奏聞是年四月入京

高宗召對問山東直隸麥收若何曰旱且莠問得雨如何曰雖
雨無益問何以用人曰工獻納者雖儉非才昧是非者雖廉無
補土深然之補江蘇布政使五年夏疏言頃見湖廣資送山
東流民經過兩江數日內至三千有奇恃眾逞刁有司受其需

索商民畏其糾擾臣愚以爲有田可耕之災民亟宜資送復業其原無恆產願在外傭值者應聽其使至游惰無業之民請槩停資送庶災民得行振之資刁民無聚眾之擾或謂無籍窮民恐流而爲匪臣未聞不爲匪於本籍獨爲匪於鄰封者也亦未聞眞爲匪者遽回原籍卽能務本力田而不復潛至鄰封也安分則撫綏之犯法則懲創之是在地方吏處置得宜而已

上題其言下九卿議行尋授江蘇巡撫先是湖北巡撫崔公紀以湖廣舊食淮鹽自雍正元年議定價值後遞年加增寔爲民累疏請核減廷議令各督撫詳議各持已見議久未定至是請特簡大臣往會核詔公會同新任鹽政確核定議公言

鹽爲民食所資。貴固累民賤亦累商。今確核成本。每引賤價以五兩三錢餘爲率。貴價以五兩七錢餘爲率。仍請每引酌給餘息二三錢。以紓商力。疏下部議。成本應如所定。至餘息諒已攤入成本內。毋庸酌給。公具疏堅持原議。特旨允行。五年徐海水災。奏賑之。明年春酌借貧民穀麥以資耕種。沛縣災尤重。疏請接賑。又言江蘇祗穀積貯無多。續勸捐十餘萬石。

上嘉之。尋以病請告。

優旨慰留。

遣御醫往視。又疏言淮北

被水二麥無收。臣不敢泥成例。已先飭藩司撥帑賑濟。俟查明成災分數。具題得旨。如此辦理。甚副朕視民如傷之念。六月

病益重。且以母年八十三。不能迎養。寢食難安。懇請給假。得旨。愈允。九月。行至淮安。卒。年五十有八。遺疏入。諭曰。徐士林。學問素裕。忠孝性成。因母老遠離。不受妻孥之養。鞠躬盡瘁。以致沉疴。聞解組之音。疾歸。以圖侍母。臨終之際。無一語及私勸。朕以憂盛危明之心。爲久安長治之計。此等良臣。遽聞溘逝。朕實切切含悲。不能自已。也可入祀京師賢良祠。以爲臣工勸。尋賜祭葬如例。遺疏奏。故父之淮母鞠氏。孝養祖父母。臨病二十餘年。歷久不懈。懇賜表揚。有旨。令地方官題請。旌表。九年。江蘇巡撫陳公大受。奏請入祀蘇州名宦祠。公治獄如神。任刑部時。有二人伐木塞外。木標乙。弊有司。訴結矣。越三月乙。弟

以謀殺控甲甲逃公曰置當場死者之妻孥不問而以三月後局外之人興獄乎甲逃懼累非懼罪也甲聞出獄果虛知安慶時宿松婦田氏事姑孝兄公利其產逼嫁之與羣匪篡焉婦刎於途以墮水告公坐當皇見黑衣女子啾啾如有所懇拘兄公質之則毛髮析灑曰吐實公深媿以鬼道設教而滿庭胥隸皆有見聞不能掩也每守令來謁輒具獄命判試其才且曰深文傷和姑息養奸戒之哉夫律例猶醫書本草也其情事萬端如病者之經絡虛實也不善用藥者殺人不善用律者如之每讞獄定必先摘大略牌示始發繕文明吏不得因緣爲奸性廉儉撫蘇時宴療屬滄浪亭以五簋爲度吳俗不變質長至節天寒

裘秃按察使包括以貂裘假公公披之如忘涕唾交揮家僮耳
語曰此包公衣也公惶然少頃論公事快揮酒加初聽訟飢家
人供角黍且判且啖髭頤盡赤蓋誤殊爲飽筆筋交下不復能
辨晚坐白木榻一燈熒然手批目覽雖除夕元辰勿輟幕下客
憐之治具觴公公猛噉不問是何精膳其平素精神夢寐知愛
民憂國而已故於腹食居處人以是供公以是受泊然無所吝
心也文覺禪師來江南督撫將軍以下負輶矢屈膝公不爲動
會議楚鹽時或勸公讓鹽政主稿公笑曰問心公私耳何嫌之
避時內外大臣噎娼不前而公疏先上乃附紙尾以進公於鄉
會試師門惓惓不忘曰此人生遇合之始也至要路則終身未

曾通一刺

國朝文獻通考卷一百一十三

一

謝梅莊觀察事略

謝公名際世字石霖號梅莊廣西全州人康熙戊子領解元壬辰進士授檢討雍正元年改御史未浹旬露章面奏河南巡撫田文鏡不法狀

世宗不懌曰彼號能臣朕方倚任爾母惑浮言誣奏擲還其疏公伏地不肯起爭益力

上震怒先是文鏡疏劾屬吏黃振國邵言綸汪誠等直隸總督李公紱過河南面斥文鏡有心蹂踐讀書人文鏡密奏紱與振國同年將結黨爲被劾諸員報復既而李果面奏退復連疏糾之

上先入文鏡言將罪李公劾疏亦及振國言綸誠等事

上益疑爲朋黨命九卿科道及刑部訊公辨甚力勵尙書杜

訥今刑訊問指使何人公曰孔孟問何故則曰讀孔孟書自當

忠諫見姦弗擊非忠也奏上議大辟得旨免死令往阿爾泰

軍前效力平郡王福彭公博爾屯伯欽拜皆待以殊禮欽公築

館受經稱弟子而振武營將軍某希要人恠遣官搜其書得古

本大學注劾公毀謗程朱廷議坐諷刺朝政復下獄將刑縛至

市曹諸受學者皆哭送且設祭邸舍中已而將軍王宣旨赦

公歸舍炷香未燼酒尙溫乃揖祭者曰生受可乎諸弟子執之

爵言曰先生真不動心哉何執縛時無懼容也壬戌九年


高宗登極召復原官以母老乞外補授湖南糧道衡陽令李彭
善化令樊德貽巡撫許容心腹也其徵糧浮費皆倍蓰公易服
爲鄉民往納得實乃訪拏李令公後且渴參樊令皆格不行請
巡撫面陳狀時過激巡撫恚甚反列款糾公於是湖南士民揭
帖訟冤有旨交總督孫嘉淦會鞠公解任以岳常道倉德代
時布政使張璨按察使王玠煨煉成獄詔所訪衡陽丁役一節
皆子虛而長沙守張琳原詳稍徵實與劾疏歧適玠擢川藩過
岳州手報璨書於倉公請密易原詳倉公不可慮撓眾忌遂以
書呈總督總曹兩大府督寢其事總曹移牒都察院劉文正統
勳爲總憲上之御史胡定采民謠以聞有旨命侍郎阿里衮

馳。讞。至。則。士。民。數。萬。焚。香。跪。馬。首。稱。寃。盡。得。朋。謀。傾。陷。誣。同。周。
丙。狀。獄。具。坐。者。容。及。藩。臬。守。合。罪。皆。褫。職。督。臣。亦。免。官。公。得。雪。
改。授。鹽。驛。道。新。撫。蔣。公。溥。知。公。賢。而。心。終。嘆。之。密。奏。其。離。經。叛。
道。并。上。所。著。書。

上。覽。奏。曰。朕。不。以。語。言。文。字。罪。人。也。未。幾。以。老。病。休。致。家。居。十。
二。年。卒。年。六。十。有。八。所。著。自。區。區。十。經。史。評。西。北。域。記。纂。言。內。
外。篇。公。直。心。振。天。下。慎。菑。王。聞。其。名。思。一。見。平。菑。王。爲。道。意。公。
曰。曳。裾。王。門。非。義。也。值。朝。會。廷。臣。咸。集。平。菑。王。曰。指。曰。此。謝。侍。
御。也。乃。前。握。手。如。平。生。歡。乾。隆。元。年。詔。開。言。路。公。在。戍。所。爲。

欽。公。草。疏。明。年。春。平。菑。王。入。覲。

上首贊欽疏曰欽拜有古大臣風王以實對
上顧左右曰果不出朕所料也王嘗遣嗣王從學會得獵犬二
擬進奉公曰進大非王事孰與進賢王敬之其初至軍前也與
姚中允三辰陳御史學海偕謁將軍問儀節或告曰一叩首二
子悽然公怡然曰此戍卒見將軍非我見將軍也及見將軍免
禮呼先生賜坐賜茶出二子怡然公夷然曰此將軍待廢官非
將軍待我也曰然則子爲誰曰自有我在



楊文敏公事略

公諱超曾字孟班湖南武陵人楊氏本武陵世族公歷胎前光生有奇稟書過目成誦康熙五十四年進十選庶吉士授編修雍正四年入直南書院典湖北鄉試始公應湖廣鄉試得舉至是湖南北分圉公適銜命舉試所蒞卽當日賓薦地十論榮之尋督陝西學政累遷洗馬右庶子調順天學政晉侍講學士九年擢奉天尹疏言闔屬一切公務均有攤派陋規已嚴飭禁止

上嘉之將所奏宣示命永禁遵行十一年疏言州縣所收加一耗羨除錦縣甯遠二屬外請俱免提解留充地坊官養廉部

議如所請時內務府奏請於錦州添設莊頭百戶將原給民種之退圈地畝改撥公力言民種地立業已久今增莊頭百戶戶給田三千九百畝計需田三千九萬畝有奇民間每戶不過數一畝一經撥給失業者卽有萬戶之多何從安輯且時值春耕清丈動需時日舊戶新莊均不能播種本年賦必兩縣臣已諭民耕種毋妨農業請俟成時議之事竟寢又奏裁金川巡檢改設知縣典史各一下部議行尋定金州新改縣日定海未幾擢總督倉場侍郎十二年授刑部右侍郎充文穎律例八旗通志各總裁乾隆元年授廣西巡撫奏免桂林等屬各雜稅又請自得入泗城鎮安各屬應試之例停止均從之初撫臣金

銑奏請令粵西廢員及外省官生借墾荒報捐後捏報者多。摻取文餘熟田量給工本卽報稱新墾之數田未闢而賦增大。爲民累。雲南布政使陳公宏謀籍隸廣西力陳其弊。部議令公確查。公與總督鄂爾達會奏粵西地瘠民貧捏墾報捐貽累非淺。請將捐墾不實田畝分別減則豁除其實在開墾者補給工本酌令升科得。旨俞允三年疏言苗疆各官養廉不敷用請將桂林平樂潯州三廠稅課盈餘銀酌繁簡增給又言泗城鎮安二府皆解土歸流地廣俗悍請增附各知縣典史各一人均下所司議行十月擢兵部尙書元明史綱目副總裁明年署吏部尙書充經筵講官坐任巡撫時濫舉貪酷知府饒鳴鎬吏議

降調。特旨寬免五年。署兩江總督。九月授吏部尙書。仍權總督事。疏劾南昌知縣沈宏靖貪婪不法狀。又劾江西巡撫其濬與知府董文偉朋比作奸徇情。竊賄狀。詔侍郎阿里衮公會同河督高公斌鞠實。皆論如律。十二月疏。吉。今秋徐海二屬偏災。應納粟米。有一旨改徵折色。已議定。每石七錢五分。內贛榆一縣向係民折官辦。本年折徵。已議定。每銀一兩。準部價溢銀二錢五分。若以完納在前。使急公良民。轉不如未完之戶得沐皇仁。似未平允。請卽將溢銀留抵戶內。本年未完。或明年應完之數。從之。六年疏言。松江太倉沿海土石塘工。計古厭及挖廢民田。不下百餘頃。撫臣許容奏請挖廢零田。仍令業戶領

種定額輸租。臣思此田皆民間恆產。並未給還原值。若以錢糧既經豁免。又必按畝徵租。似非情理之平。且半作溝潭。不成阡陌。將來歲修取土。正無底止。在業戶亦不能長爲已有。請聽耕種免租。得旨。俞行。六月。兼署安徽巡撫。先是乾隆三年。安徽各屬賑災銀米數溢於例。屢經部駁。布政使託庸請以司庫節年盈餘照數支補。有詔命督撫查奏。至是公奏言。此項銀米並無捏報諸弊。以不應著賠之項設法彌補。不可爲平應。卽照數消結。允之。八月。召同理部務。是年秋。上江臨淮鳳臺等二十四州縣。下江上元江甯等二十六州縣。及山陽鹽城等處水災甚重。公於上江撥司庫銀八萬兩。并隣近州縣倉米一萬石。

備賑又動支司庫銀二十萬買米麥以供賑糴下江各屬
見存及動用者約百餘萬又撥司庫銀十餘萬分別賑恤餘銀
散給籽種疏聞手勅報曰料理賑務頗爲得法務令屬員減
知朕視民如傷之意以至誠惻怛之心爲之庶可補救災黎耳
公在兩江增兵額築陂塘浚支河撤冗稅所以惠民者無不至
瀕行復力籌賑恤全活尤多是年十二月父憂歸藉橐喪次致
涇病七年薨遺疏聞優旨議卹賜祭葬如禮謚文敏公性
孝友優於文學尤負經世才泣官能盡力民事在遼東奏罷葺
頭之議俾萬月得安其居在粵西豁加賦虛田凡數萬畝在兩
江免松太廢田額租其利澤及民皆不可以世數計賑災之役

勸帑銀至四十餘萬米穀至百餘萬而
聖諭猶諄諄誠勉惟恐一夫不得其所則尤
所遭之盛爲子載一時也年裁五十
上嚮用方殷遽以毀卒致施澤未書下究朝野惜焉子道秉由
任子官主事博學能世其家

明良一德公

錢文端公事略子汝誠

錢文敏公維城

錢載

公姓錢氏諱陳羣字王敬號香樹浙江嘉興人康熙六十年進士選庶吉士雍正七年以編修典湖北鄉試累遷侍讀學士直南書房十三年提督順天學政改右通政仍留學政任疏言各屬舉報優行請照京察計典例止於歲試時舉行部議從之乾隆元年母憂服闋仍督順天學政公母陳太夫人知書工繪事自號南樓老人微時嘗鬻畫供餽粥公少承母訓有夜紡授經圖嘗奏及之並以圖進

高宗賜題二絕句有嘉禾欲續賢媛傳不愧當年畫狄人之句六年遷詹事七年遷內閣學士刑部左侍郎九年充經筵講官

十年充會試副考官十二年及十五年再點江西鄉試十七年
患瞽疾乞休許之命其子編修汝誠侍行旦賜詩以寬
其意明年公進途中所作詩

上用其會錦春園韻作詩賜之二十三年

上南巡諭在籍食俸並命閱召試諸生卷二十五年

親爲橋梓圖寄賜公序云重五日錢陳羣和賜其子汝誠

詩畫扇以進蓋欲朕賜畫而不敢言陳羣老矣不可使其因此

鬱鬱於懷促成是幅並疊舊韻賜之二十六年入都恭祝

皇太后七小萬壽命預香山九老會賞刑部尚書銜諭

曰今年恭逢

皇太后七旬大慶在籍諸臣來京叩祝具見惓忱明年朕恭奉
安輿時巡南服諸臣甫及旋里卽當出境迎鑾僕僕道途於杯
下高年諸多未便可諭諸臣曾經赴闕者明春無庸出境迎接
如沈德潛卽於蘇州錢陳群卽於嘉興餘均視此爲例剛朕體
恤至意二十七年駕過當州公偕沈公德潛來迎御製詩
各書一通賜之有句云二老江浙之大老新從九老會中回
三十年
上南巡公復偕沈公迎駕賜詩曰二仙仍此侯河濱三載
相睽意更親郭泰李膺一煙舫沈期錢起兩詩人是年公壽八
十命加太子太傅賜幼子汝器舉人汝誠適扈蹕諭至

家省視明年公進呈母夫人畫冊每幅有其父綸光題句

士題詩十二章歸之有子昂題句仲姬畫頗有今人似昔人之句海內榮之三十六年春

上東巡 駐蹕平原公進所書登岱祝釐頌及賡韻詩冊至

賜七律五章八月公進謝 恩詩

上疊前韻答之是冬入京恭祝

皇太后八旬萬壽 賜紫禁城騎馬 賜杖入朝並 賜人漫

初汝誠以戶部侍郎告養歸至是隨公入廟

上命汝誠侍杖扶掖出入內庭再預香山九老會圖形禁中公

和 御製香山九老詩有句云鹿馴岩畔當童扶

上賞其超逸

親爲圖

賜公南歸後

賜詩以寵其行明年

公抵家疏謝

上時駐蹕香山

賜詩等有香山適接還鄉信卽景猶思扶鹿

人之句三十九年薨於家年八十有九

詔曰在箱刑部尙書

銜錢陳羣老成誰謹學問深酌優辦九下二十餘年爲東南指

紳領袖補儒臣老輩中能以老文結恩遇備商摧者沈德潛故後

惟錢陳羣一人而已今聞溘逝深爲悼情可晉贈大傳入祀賢

良祠並

賞藩庫銀千兩治喪尋

賜祭葬

子諡文端四十

四年

御製懷舊詩列公五詞臣中詩有云少年因塲屋賢母

受之經故學有淵源於詩尤得粹益紀實以公遇事持大體爲

編俺時嘗充陝西宣諭化導使和其職久在刑部能持法然
高宗尤賞公詩文嘗樂與考論今古稱爲故人公天才驚敏深
於詩多不經入道語書法亦蒼老每扈從輿歌帳殿前未移晷
上有作輒寄示公 命和往來至千餘首公旣和韻必親繕冊
以進朋必有跋體或兼行草屢蒙 獎贊凡 國家大體畢武
功成公輒進雅頌數十章 聖書褒美 賞賚不可勝數 邇
鑾者三祝 釐者二每人對 聖心先怡公亦頌不忘規民隱
必告初公子汝誠典壬午江南鄉試 上先諭總督尹文端公招公遊攝山仲父子歡會
百龍立就歸田後

高宗六旬萬壽念公若雜北行 命沈文懿往嘉興互相勸止
公進竹如意

上批劄云未頒僧紹之賜先致公遠之貢文而有節把玩良怡
今賜卿木蘭所獲鹿服食延年以俟清悟其恩禮周摯如此
當是時沈文懿在吳公在攜李天下以為齊名雖
上亦稱之曰二老然沈年雖高於公為後進受知
高祖公則受知

聖祖

世宗贊 國家文明之治先沈二十餘年故被 恩眷尤篤公
晚年望益崇性益和易誘接後進人人滿所懷以去吟誦詩章

音節抑揚要眇說先朝故事厯厯首尾如披史傳構宅雙溪之
因春秋佳口輒借故人野叟遊行桑麻間見者以爲神仙文
薨後四年公亦薨於是上自九九重下洎朝士韋在識與不識
莫不太息歎以爲東南者舊盡矣公父綸光有潛德嘗曝麥
於庭有老蒼頭竊取去稚子見之以竊告賄公曰渠視我家物
如已物偶取飼鷄鷺耳何云竊也戒勿泄蒼頭聞之感泣自陳
贈公好言慰之其長者多此類子汝誠乾隆十二年進士以編
修入直南書房十六年典河南鄉試累擢內閣學士二十四年
遷兵部左侍郎調刑部典試江南二十六年兼管順天府尹調
戶部左侍郎充經筵講明年再典江南鄉試尋命會勘順

天府屬及宜化永平遵化地定租額三十年疏請終養許之
歸侍文端公九年服闋授刑部左侍郎命仍在南直房行走
四十四年卒同時有兩錢公均以文學知名兼工書品爲文端
公所推重

錢公維城字幼安號稼軒江蘇武進人十歲能詩十一能騷賦
乾隆十年以一甲一名進士賜及第由修撰累官刑部左侍
郎疊司文枋入直南書房奉贈尙書賜祭葬予謚諡文敏書
法蘇文忠畫得元人筆意時以爲天授

高宗深重之屢賜詩題識文端公嘗云稼軒自幼出筆蒼潤
秀骨天成通籍後尤得力於東山也所著曰茶山集又孟細工

詩通音律適崔觀察龍見著有浣青詩草鳴秋合籟

錢公載字坤一號擇石又號瓠尊秀水人乾隆元年以副貢薦
舉鴻詞科再薦經學未遇十七年成進士選庶吉士由編修累
官禮部左侍郎學殖淵懋品行修潔詩精於杜韓蘇黃脫去畦
町自成一家工書善水墨其畫得法於南樓老人而閒出新意
尤工蘭竹供奉南齋時屢邀賓賞年七十告歸卒年八十有
七著有擇石齋文集

沈子太光祿事略

公緯起元字子人江蘇太倉州人父以士賢生通經術隱居教授著書數萬言。初祀鄉賢祠。公少爲諸生。敦厲廉恥。嚴義利之辨。居親喪。悉依古禮。不御酒肉。不內寢。康熙六十年。進士選庶吉士。以父病乞歸。父服除。改吏部。知外郎。時嚴六部缺主之禁。不自首者死。直隸學政缺。王事發。公爭曰。此與六部缺主不同。學政衡文。缺主不能爲弊。宜減死爲流。世宗嘉其有識。召見。命往福建。以知府用。總督尚文良令權福州府。移興化。當是時。世宗聞閩中倉穀多。虧遺四大臣。率謁選府縣官六十餘人往。

按有司被劾者什五受代者爭爲煩苛較升合公獨持平宏大體興化屬仙遊令受代不肯收碎米公怒曰穀以備賑碎米獨不可食耶令謝過乃已糧道李玉錢聞而嘆曰近日閩省唯建甯興化爲光天化日矣建寧姜太守亦良吏其屬官多賴以全者也莆田黃陳兩姓因訟互毆有南北黨之目土官恐釀亂將悉捕治之公責兩人而釋其餘報曰罪在主者餘不足問詔以閩人不善官音令督撫教之學習興化土音尤詒屈讀書了不可辦公建正音書院擇閩人通官音杏爲之師上官採其法頒行諸府在官禁屬察餽獻府倉壞出私錢興造一不以擾民巡撫檄令攝海關吏白故事司關者至必以名紙謁巡撫家奴

公大駭。叱止之一切驗放。皆南面指揮諸奴惕息。司關向無養廉。關役歲輸金三千。以給公。請於巡撫革之。並革洋船陋規數千金。巡撫有家奴守關。以浮收故。格二十餘船不行。公聞立督收。稅如額放。船行。白巡撫斥家奴。由是人皆奉法。初高文良奏開南洋報可。已復禁內地商久留外國。出洋者必感其結狀。立往返期限。逾者連坐。公曰。出洋者生死疾病。無常數。貨物利蝕。無常期。此豈戚里所能料乎。且公不聽開洋。則已。今聽之。商人造船集貨。費不貲。忽以結狀嫌之。是明利之而陰虐之也。商何望焉。文良曰。君意云何。曰。但令商自具狀。過三年不歸者。不聽回籍。以此牒部足矣。文良喜從之。部例洋船水手多寡視梁

頭大小商若納稅大輒報小及出口般不德行泉防同知馳白
督撫議增水手眾商籲君來驗放且請聯舟互濟免增水手同
知欲候督撫令下持不可公夜詣同知曰水手額工部所頒督
撫不能增文移往返駁詰需時日南風將起眾商情急必生變
君其危哉同知不得已許諾眾已恟恟集其門矣初督撫得同
知啓皆愕眙及聞船已放則大喜而海口商民變詛爲祝懽舞
者萬人會吏文靖奉使至閩以循良第一薦攝臺澎府臺田賦
最重然率多隱占民不甚困時丈量法行古者不得匿文良謂
公曰吾欲使臺田悉視同安下則起賦但恐不及故額致部駁
李何公曰某籌之熟矣宜令著籍田且仍舊額而文出者視同

安起科侯隱占既清更減舊額重者均於新額之上則賦不虧而民不病文良以爲然會有生番之擾公議設寨山口斷其出入南路獲安先是國安民有冤獄按察使潘體豐不能察獄成總督命公覆訊直其冤潘銜之中以他事鐫四秋遂告歸高宗卽位召授江西驛鹽道在官絕滴臥餽遺臨行以千金爲贐卻之擢河南按察使屬吏報監梟四十餘拒捕傷人獲者過半法皆斬訊之自四五人外皆饑民請於巡撫雅爾圖公斬三人戍二人餘杖遣而已巡撫令府州縣各設書院屬公總其事公以教士當先實行鎮鄉先正陳確庵敬怠日程自大梁書院始進諸生示以省身克己之學覈其程而定差等焉又立章善

坊令詣州縣舉孝子悌弟義夫貞婦書其名公採訪事實著章善錄板行一時風動有兄弟爭訟累年忽大悔讓財產友愛終其身七年遷直隸布政使大旱公議賑總督高斌欲遲至仲冬公曰饑民朝不謀夕豈能久待請先普賑一月再查戶口分別加賑高愠曰必如此君自奏之公出語清河道方觀承曰普賑萬不可緩時之安危民之生死於此決矣于其圖之方人言於高卒從公請時有縣令倡言賑戶不賑口公怒曰一戶數口止賑一二足且殺七八人矣檄州縣有犯此者罪之月部尙書海望奏清理直隸旗地有司違限奉旨飭責高恐令劾數州縣以應命公不可曰旗地非旦夕可清州縣方賑災何暇了此

獨効起元可也。乃止九年。內轉光祿卿。命稽察宗學十三年。

移疾歸。歷主鍾山。濟南。揚州。太倉。諸書院。公長身廣額。白鬚偉然。待後進。慊慊如不及。而視權貴。蔑如性清儉。口不言生產。尤不以得失動其心。初署臺灣府。到官。曰。生番越獄。前守劉某曰。獄是未交。責在我。公曰。印已受。是我責也。爭以失察告。大府喜其讓。遂兩免之。晚歲杜門。日誦先儒書。病中手鈔明道先生語錄。臨終語友人曰。年來日夕檢點身心。仰不愧。俯不作。或庶幾馬卒年七十有九。著周易孔義集說二十卷。謂十翼爲夫子手著。學易者必當以孔傳爲主。因取高忠憲孔義之名。別加纂集。於古今說易諸書。無所偏主。惟合於孔傳者。取之。至河圖洛書。

先天後天方圓諸圖則皆陳邵之易非夫子所本有也去之又著諸傳叶音考學古錄敬亭詩文集共若干傳

尹元孚侍郎事略

公諱會一字元孚別

健餘先世自山西洪洞遷直隸遂爲博

野人父公弼早世母李太夫人以節孝旌門公少孤負太夫人
目授論語卽知孔子之言不可違既長篤信程朱謂治法不本
於三代皆苟道也故自服官後日取漢唐以來代不數見之人
以自律雖功顯名立而深愧不能有所建樹以土負

聖主特達之知生平坦白純粹遇事必行其心之所安事母尤
篤者侍罔授經邠州假館迎母侍養凡七年不忍一日離也在
官每夕必以所措施詳告太夫人意或未愜則跽而請罪不命
之起不敢起官中祿賜出入壹稟於母非請命妻子不得取尺

布。錙。金。日。用。外。多。布。之。治。所。爲。濟。物。利。人。之。事。用。此。仁。聲。義。聞。播。流。海。內。上。自。

天。子。下。至。公。卿。士。民。重。公。者。莫。不。知。太。夫。人。之。義。方。焉。公。登。雍。

正。癸。卯。進。士。由。吏。部。主。事。遷。員。外。郎。丙。午。典。廣。西。鄉。試。丁。未。分。

校。禮。部。試。尋。出。知。襄。陽。府。有。患。政。漢。水。暴。漲。壞。護。城。石。堤。公。督。

修。自。萬。山。至。長。門。凡。十。里。分。植。巡。功。民。忘。其。勞。每。遇。水。旱。災。太。

夫。人。必。跣。禱。烈。日。甚。雨。中。家。眾。恐。致。疾。羅。跣。挽。掖。終。不。起。常。應。

時。而。得。所。求。公。嘗。攝。荆。州。府。會。石。首。饑。災。民。洶。洶。以。浮。言。相。煽。

動。公。單。騎。慰。諭。之。立。賑。其。眾。而。置。信。亂。者。於。法。事。遂。定。雍。正。九。

年。刑。州。都。統。將。兵。西。征。取。道。漢。江。節。造。浮。橋。吏。民。惶。急。公。奉。母。

命。謁。誠。修。禮。以。請。卒。改。令。以。船。濟。時。又。調。綠。旗。兵。會。集。襄。陽。俱。
具。威。辦。軍。憲。而。民。不。擾。未。幾。調。揚。州。其。治。如。襄。陽。於。是。襄。郡。及。
樊。城。宜。城。並。建。賢。母。祠。不。可。抑。止。就。遷。兩。淮。鹽。運。使。尋。擢。鹽。政。
導。商。民。節。儉。以。身。先。之。尤。屏。絕。餽。送。大。夫。人。通。文。史。憫。民。俗。怙。
侈。縱。逸。作。女。訓。質。言。十。二。章。以。劾。之。陋。俗。丕。變。公。入。覲。命。
巡。撫。廣。東。自。陳。母。老。不。能。遠。行。遂。調。撫。河。南。中。州。自。北。宋。以。來。
理。學。傳。最。盛。明。道。伊。川。康。節。後。歷。金。元。明。代。不。乏。人。國。朝。湯。
文。正。張。清。恪。耿。逸。庵。尤。爲。傑。出。公。慨。然。以。振。興。絕。業。爲。任。增。訂。
洛。學。編。示。學。者。命。州。縣。皆。分。四。鄉。立。社。學。簡。有。齒。德。者。爲。之。長。
每。朔。望。長。吏。集。諸。生。講。論。德。義。書。其。孝。友。睦。婣。任。恤。與。其。放。逸。

奇表爲患於鄉里者而加勸懲焉。逾年政教大行。乾隆四年。開歸諸郡大水。公上章自劾。列賑恤之宜。皆報可。公約法十六條。兼用北宋富文忠趙清獻救災事宜。而令離鄉求食者有司隨在廩給。開以作業。俟改歲東作。資送還鄉。則古法所未備也。太夫人率公規畫。至廢寢食。以是災民無一出河南境者。又以其暇。布周官溝樹畜牧比伍保受之法。以勸農而靖民。嘗奏報勸諭鄉農種榆柳棗梨二百萬株。又以俸糈所入爲揚州兩營。及河南撫標三營。舉本各二千金。曰。凡卒伍必使衣食得自贍。乃可以法繩也。其他完城濬河。建橋梁。設津渡。修學校。立書院。創蜡祠。表前賢遺蹟。賜高年布帛。寒者衣之。疾者藥之。公皆奉

母命出私財將事其在鄉則族人皆授以田使自耕以食而執其契立義倉學拯危掖困不可殫述故人皆感服信從從顧尙書琮久任督撫再舉公自伐高相國斌以宗程朱志相得總督直隸時嘗以公事過傅野登堂拜母孝德益上聞自河南內召授副都御史太夫人老疾不能就養京師未數月公卽疏請終養得旨俞行省數十年中大臣所未有也八年冬高宗特賜太夫人御製五言律詩一章堂額一楹聯一時爭傳謂前古邀此異數者亦罕云公歸養五年築健餘堂以奉太夫人立共學社招生徒講明義理之學學者翕然宗之太夫人者終服未闋

天子豫虛工部侍郎待之及赴

闕未踰旬

特命督學江南

十二年秋八月鄉試諸生既入棘

闈質明公操几席杖屨徒步

造謁方望溪先生於清涼山下及

見北面再拜曰曩在京師母

命依門牆先生固執不宜使眾駭

遠今里居無嫌且身未及門

心爲弟子久矣蒙授喪禮或問吾

母之終寢處食飲言語得無

大悖成身之德庸有旣乎時先生

治儀禮因以相屬欲共成一

書作而曰某未暇及此也往者巡

撫河南會凶機未遑教治居

臺四涉月而聞母病今使事畢歸

厠九卿與廷議非忘身忘家

不足以答

主知若不能自樹立徒附經術以垂名抑微矣必

衰老或以不職罷歸然後可卒先

生之業越日又走謁從者一

人望溪畏邦人疑詭乃掃墓繁昌入九華山以避之未幾有
旨復堂江南學政逾歲七月按試松江遘疾卒於宮是月特晉
吏部侍郎而公不及知矣公始入臺即奏人主一言天下屬耳
目焉今方甄別年老不勝任之員而饒州守張鐘又以年老命
改部司旬日間前後頓殊恐羣下無所法守

上嘉納之其在河南奏睢州湯文正公宜從祀孔廟視學江南
首謁東林道南祠舉舊典答諸生再所元試畢士旅見皆然頌
以學以昌程朱之學聞隱士是鏡廬墓三年親訪諸舜山薦舉
立礪士行旣道疾日知不起草遺疏言任賢納諫始終一意以
立誠爲本旬日中無一語及家事卒之日晨興盥漱扶杖至東

齊郡守入見。子嘉銓侍。尙爲辨人心道心之分。汗出濡衣。請解衣少偃息。不可移時。危坐而逝。年五十有八。

上聞悼惜。

賜一品葬祭。人祀鄉賢。所歷治地。皆以名宦請祀。

而人兼祀。道南祠以配前哲。公爲學務在力行於古今人。


學術純駁。審持之。而未嘗攻斥曰。吾惡學者之好爲謾罵也。通籍二十餘年。功業在天下。而自視粥粥若無能。每爲望溪言。謂胸中所蘊蓄。尙未見其端倪也。太夫人以女子而能先天下之憂。每閭邸報至。

聖制惇大。必三拜稽首以慶。臣下有讜論訐謨。必再拜稽首。偉哉淵平公。母子宅心若此。則所見於行事。抑又其淺焉者矣。公。

所述君鑑臣鑑士鑑女鑑凡十六卷增訂洛學編五卷北學編
三卷小學纂註六卷近思錄集解十卷撫豫條教四卷詩文集
二十三卷從宜錄一卷讀書筆記及語錄十七卷講習錄二卷
呂語擇粹四卷尹民家譜八卷賢母年譜一卷

（The main body of the page contains several columns of extremely faint, illegible text, likely bleed-through from the reverse side of the leaf. The text is arranged in vertical columns, typical of traditional Chinese manuscript format. There are approximately 10-12 columns visible, though the characters are too light to transcribe accurately.)





國朝先正事略卷之十六 名臣

平江李元度文集

陳文恭公事略 曾孫繼昌

陳公宏謀字汝谷號榕門。先世居湖廣。明末避亂廣西。遂爲臨桂人。爲諸生。卽以經世爲己任。聞有邸報至。必借觀之。自題書室。謂必爲世上不可少之人。爲世人不能做之事。庶非虛生。識者知爲公輔器矣。雍正元年鄉試領解額。是年成進士。選庶吉士。尋授檢討。四年授吏部郎中。七年遷御史。監生舊有考職例。多屬人代作。

世宗知其弊。勅令自首。而州縣吏藉訪查滋擾。公請止。禁將。

國朝文獻卷之二
來寬既往

上召見徵詰再三公申論甚晰乃允公奏

上以是知公

特命典試山西還朝

詔以御史銜知楊州府

得便宜奏事丁父憂上官畱之固辭不許遷江南驛鹽道仍帶

御史銜攝安徽布政使尋丁母憂

命畱任因乞假歸葬十一

年擢雲南布政使先是廣西巡撫金鋐奉請令廢員懇田報部

以額稅抵銀得官報懇二十餘萬畝至是公奏言報捐者止就

各屬搜有餘熟田量給工本卽作新墾田不增而賦日益民甚

病之請罷前例

上下督臣尹繼善公會撫臣勘虛實乾隆元年公恐撫臣護前

失再疏言報總百無一失。又粵地磽薄三年耕必以兩年息地。力計三四畝始抵膏腴一畝之利。若聽其自墾。民且流亡。請盡數豁除。不煩再勘。惟民之願。自墾者聽之。時撫臣內遷。彤部侍郎具疏辯。

上命督臣楊公超會新撫楊公錫。紱秉公確勘。公劾鉅欺公累民。極論其非是。

高宗以公粵人。屢陳粵事。恐啟鄉紳挾其有司之漸。交部議降二級用。十一月督撫會奏。指墾田畝多不實。請分別減豁。撫臣以下降黜有差。公授天津道。五年遷江蘇按察使。明年授江西布政使。甫到官。擢甘肅巡撫。未行。調江西。八年調陝西。十一年

仍調回江西任。尋調湖北入

覲。時大學士兼川陝總督慶復

方征贍對。陳奏軍事多隱蔽。懼

公發之。乃劾公任陝撫時自作

聰明愛憎任情等罪。部議落職。

詔從寬。畱任未幾。慶以誣罔

賜死。公復調陝西巡撫。權陝甘總督十五年。授兵部侍郎。仍畱

巡撫任。其冬入

覲。會河決陽武。調河南巡撫。往來河堤塞決。

口。十七年調福建。十九年復調陝西。明年調甘肅。再調湖南。疏

劾布政使楊灝。侵扣穀價。

上嘉其不瞻徇。論灝罪如律。二十一年又調陝西。尋調江蘇。入

覲。

上詢及各省水災。公奏皆因上游爲眾水所匯。而下游無所歸。

宿法當通盤籌辦

上難之。命由河南赴江蘇。沿途查勘。賜詩一章。十二月遷兩

廣總督。公疏辭。諭不必迴避。頒行。條奏江南河工未盡事宜。

五則下。欽差大臣裘公曰。修等議行二十三年。以總督銜仍

管江蘇巡撫。加太子太保。明年坐督粵。時諸增撥鹽商帑本。

諭責其市恩沾民。下部議奪職。詔留任。又以捕蝗不力。奪總

督銜。仍畱巡撫任。二十六年。

上南巡。賜御製詩。尋以失察。許墅關胥議革任。詔原之。調

撫湖南。二十八年。遷兵部尚書。加太子太保。充經筵講官。公外

任三十餘年。歷行省十有二。歷任二十有一。所到處無間。久暫

必究心於人心風俗之得失及利害之當興革者分條鉤考次第舉行凡各屬村莊河道皆繪圖懸壁環復審視寢饋以之每有興作人多以爲難成卒就理或當更代卽以聞於朝責成受代者其察吏甚嚴然所劾必擇其尤不肖者一二入他吏卒懷懷就法惟恐及己蓋公之學以不欺爲本與人言政輒引之於學以爲仕卽學也盡吾心焉而已故所施各得其理人咸安之在揚州值水災公奏請飢民所過處官給口糧護送回鄉里得補入賑冊報可造獄舍置囚以益囚糧先是鹽使者令佳商於稅額外歲輸銀助國用自雍正元年始積數十萬率以空數報部及部檄移取始行追徵然實陰虧正課公奏何之在雲南

時方用師猥夷運糧苦道遠公改爲短運遞運法民便之增銅
廠工本除抽課外聽民得自賣礦銅民爭趨之更鑿新礦銅日
盛遂罷購洋銅之令立義學七百餘所刻孝經小學及所輯綱
鑑大學衍義諸書令苗民得入義學教之書俾通文告其後邊
人及苗民多能讀書取科第公之教也書天津常乘小舟谷訪
水利得放淤之法凡汎水盛漲多挾沙而行導之從堤左入堤
右出如是者數四沙淤土高滄景諸州悉成沃壤公喜曰老河
兵真吾師也按察江蘇設弭盜之法重誣良之令嚴禁淹親樞
及火葬者在江西創飢告糴於楚設廠賑粥發帑修城垣築堰
埭以工代賑嗣在秦粵遇歉歲皆盡心荒政江西南門外羅絲

港爲贛水所趨善衝矣。建石堤捍之左。蠡朱磯當眾水之衝。時
泛溢爲災。亦築堤百丈禦水患。江西居民族大者多立宗祠。置
公田。然頗好訟。費皆出諸公田。公倣呂氏鄉約。令各與賢者爲
族正。平其鬭爭。導以禮法。在陝西尤以農桑爲先務。陝本古蠶
桑地。近世漸廢。棄布帛。悉資東南。公募江浙善蠶織者導之。令
民植桑。養蠶。不能自織者賣絲於官。久之利漸著。西安華州織
練充賦貢。又勸種山薯充民食。尤喜民種樹。鑿井在河南種隄。
柳無萬數。在陝鑿井二萬八千八百有奇。造水車教民。屏水之
法。旱歲得資灌漑。陝無水路。惟商州龍駒寨通漢江。灘險僅存
小舟。公疏鑿遂成。康莊又修治文武成康及周公太公陵墓。卽

以陵外餘地召租支用河南歸德地窪下與宿遷爲鄰故有池溝以通下流久之淤塞公加疏濬歸德賴之旣至福建值米貴內地仰食臺灣而商船載米有額例公請弛禁以使民在湖南禁洞庭濱湖民壅水爲田以寬湖流使水不爲患會歲大熟江南災奏運倉穀二十萬石濟之仍買民穀還倉在西安聞甘肅軍需少錢請撥局錢二百萬貫以濟餉

上嘉其得大臣任事體初撫江蘇時吏治利弊公率之以勸立期限以清吏牘獎廉懲墨剔潛弊戒奢華宴會服御皆有條約禁婦女游觀治僧道之不法者其治南河大要因其故道開通淤淺俾入海迅疾其支河督民各開小溝以達於幹河時其蓄

洩徐海諸州多棄地遇雨輒溢河既濬水有所歸令民以開溝之上築圩圍悉成腴田中設涵洞爲旱潦備其窪地令改種蘆葦蠲其賦其在蘇州疏排六塘河之丁家溝展寬邵伯之金灣壩又議開徐六涇白茆口以洩太湖築崇明土塘以禦海閒各屬城河以通渠皆利民之大者又疏言蘇州向設普濟育嬰廣仁錫類等堂收養殘獨老病及遺嬰近來公費不敷設將通州崇明濱海淤灘除附近民業者聽升科餘撥入堂充公用又崇明界有新漲之玉心河兩地民互爭請併撥入以息爭競高宗手勅曰不但一舉而數善備汝亦因此得各也及在吏部巨細無不詳密屬僚白事當機立斷無畱難二十九年

上特設協辦大學士以命公漢大學士之有協辦自公始尋
賜紫禁城騎馬恩充國史玉牒三通館副總裁疏言凡與提
鎮同城之道員請一律加兵備銜互相鈴轄從之三十二年策
拜東閣大學士兼工部尚書公在
士前所陳奏雖子弟莫能聞故不得而述也三十四年以疾請
告
上慰留再三三十六年春病甚允致仕加太子太傅食俸如故
賜御用冠服命公孫刑部主事蘭森侍公歸詔所過處地
方官在二十里以內者皆出境護送御製詩寵行有句云皇
西天未相望遠視爾平安歸里人會

上南巡公由潞河南下迎

駕武清

慰問良久復

賜詩六

月三日薨於宛州之韓莊年七十有七

上聞哀悼

詔入祀賢良祠

賜祭葬謚文恭公早歲刻苦自

勵能文章內行修飭及入仕益講求經世學待人以誠每見屬

吏如老嫗訓兒諄諄絮語不憚舌敝慕古人以人事君之義奏

見大名道陳法荆南道屠嘉正等皆人望京察自陳舉通政使

雷鉉巡撫潘思榘白代

詔求經明行修之士再舉陳法及孫

景烈世以公爲知人所至尤加意書院厚諸生餼延名師導以

正學時至而面命之發明孔孟之旨以反身實踐爲歸他若社

倉育嬰養濟諸堂必計及久遠不以虛文塞責公嘗言是非審

之於己毀譽聽之於人得失安之於數三者缺一不可又曰學
問須看勝我者境遇須看不如我者又曰生平無他嗜好每處
一地臨一事卽就其地其事悉心講求以求有益不自覺其勞
也張文和嘗薦公自代謂能以民心爲己心亦視官事如家事
此可以觀公之所學矣所著有養正遺規教女遺規以訓於家
昌字蓮史道光壬午癸未鄉會廷試皆第一門賜及第由修撰
官至江西布政使



尹文端公事略 子文恪公慶桂

公諱尹繼善姓章往氏字元長晚自號望山滿州錢黃旗人世居遼東父尹泰公罷祭酒家居

世宗在潛邸時祭長白山召與語悅之問有子仕子曰第五子尹繼善舉順天鄉試曰當令見我及公試禮部將謁 雍正會聖祖崩

世宗嗣服乃止雍正元年成進士引見上喜曰汝卽尹泰子耶果大器也選庶吉士授編修尋遷侍講而召祭酒公爲工部侍郎累遷東閣大學士怡賢親王請公爲記室

上詔之。天寒。衣羊裘。王憐其貧。因賜青狐一襲。奏署戶部郎中。
當是時。廣東總督孔毓珣與巡撫楊文乾不相中。肇高廉道王
士俊者。楊所薦也。伺楊入覲。劾王下獄。公承命往鞫。得其情。
土深嘉之。卽命署按察使。明年授內閣侍讀學士。協理江南
河務。署江蘇巡撫。江蘇漕政抗弊。公奏衛丁州縣費各有濡嗣。
後請米一石收費六分。先給官丁。使無不足。然後一裁以法。又
奏平糶盈餘。非公家之利。應有縣庫社穀。聽民樂輸。不得隨漕
勒徵。又奏撤水師營。而增沙船巡海。皆從之。七年。署河道總督。
疏請增設巡道。駐崇明。兼轄大倉通州。又言江蘇按察使駐江
甯。距巡撫治所遠。請移駐蘇州。蘇松道責在巡撫。應移駐上海。

均下部尋行九年。將兩江總督奏請析淮安府屬之山陽縣及揚州府屬之江都縣各分爲二。增知縣曲史各官。詔如所請。定縣名曰阜甯曰甘泉。十年。奏改徐州直隸州爲府。附郭置縣。曰銅山。增設府縣以下官。改邳州爲屬州。其所屬之睢甯宿遷二縣歸徐州府轄。又請分壽州置一縣。曰鳳臺。均下部議行。十一年。調雲貴廣西總督時思茅。士弁刁興國等。茲事。公調總兵楊國華董芳等。協剿賊潰遁。我軍遣謀入賊寨。舉火夾攻。斬賊酋三。賊黨百餘。生擒六十有九。復奏報。由東西兩路出兵進剿。攸樂思茅。東路兵分三支。四路兵分三支。攻破賊棚十五寨。降夷民八十餘寨。餘黨分路圍剿。務在廓清。但攸思一帶非元臨。

內地可比非兵不足示威窮兵又無以善後所期恩威並濟揅

縱得宜庶邊陲可永靖疏入

上手詔曰勦撫名雖二事恩威用豈兩端當撫者不妨明示優

容當勦者亦宜顯施斬馘俾知順則利而逆則害方期近者悅

而遠者來今此目前攻心之師卽寓將來善後之策是乃仁術

非閑詐謀詎止緩靖意思將見信孚莽緬也織之十二年奏貴

州新闢苗疆事宜入則從之又奏雲南濬土黃河工竣計七百

四十餘里得一旨嘉獎尋詔廣西省歸兩廣總督轄十三年

奏貴州頑苗聚眾倡亂已調兵進勦收復新舊貢平二城監餘

慶縣獲賊曾羅萬象等復合兩廣湖南兵分途督勦破逆巢數

十斬首于餘生擒賊酋阿九清等其領遠都勾黎平等屬俱解
嚴。詔罷徵熱河保定浙江兵乾隆元年設貴州總督以公專
督雲南。二年奏豁雲南軍丁銀萬二千二百兩有奇二允之尋
入覲以父老乞留京。命爲刑部尙書兼管兵部事充經筵講
官。議政處行走。三年丁父憂。四年夏晉太子少保教習庶吉士
五年授川陝總督。會郭羅克番滋事公檄諭番目擒獻逆首番
眾懾服。七年丙戹歸。八年春署兩江總督協理河務。賜御詩。
命馳驛赴任。逾年實授。公白皙少鬚眉豐頤大口聲清揚遠聞。
著體紅痕如硃砂鮮目秀而慈長寸許。釋褐五年卽在封疆年
裁三十餘遇事鏡燭犀剖八面瑩澈嘗一月閒兼攝將軍提督。

巡撫河漕鹽政上下兩江學政等官九印彪列傳書填委而公
判決快然無留牘猶與諸生論文課詩聞者駭然其督南河也
上命開天然壩公不可力言天然壩與毛城舖及高郵三埧均
宜仍舊疏凡數千言適浙督李衛入覲過清江傳旨嚴飭且
云衛已奏明黃水小開固無妨公覆奏李衛不問河身之淺深
而但問河水之大小非知河者也倘河淺壩開直流太過則湖
水之弱不敵黃水之強方草奏時幕中客皆爲公危有治裝求
去者公不爲動疏入
世宗喜曰卿有定見朕復何憂撤御衣冠賜之其調雲貴入
覲也江南災河東總督田文鏡欲夸所屬之豐請漕東粟助賑

按察使唐綏祖密奏東省亦災。栗宜畱
上問公。公奏如綏祖言。

上曰如卿言山東誠災。但綏祖文鏡所薦不宜立異同。公曰臣
聞古有申公憲以報私恩者。臣爲田文鏡計。但有感愧無怨尤。
時唐禍幾不測。以公解得免。而公初不知唐也。一三年疏言上
江鳳潁泗三屬頻遭水患。見在汀州次第開濬。而田間水道圩
麗實與水利相表裏。宜陸續興修於水利善後之圖。多所裨益。
手詔曰此誠務本之圖也。其實力爲之。明年春。陞見。御製
詩。賜之。尋坐徇疵河督周學健當奪職。待旨畱。九月調
兩廣總督。未行。授戶部尙書。兼都統。協辦大學士。充軍機大臣。

國朝分五十二卷
總裁國史

命署川陝總督嗣以四川設總督

命公專督陝

甘時大學士傳大忠公經略金川。

詔公與內大臣傳爾丹尙

書舒赫德達勒黨阿參贊軍務晉太子太保十五年疏請修文

武成康周公太公陵墓下部議之會西藏羅卜藏扎什不靖川

督策楞統兵入藏

勅公仍管川陝總督事十六年復調兩江

明年以上江頻被水請疏濬宿泗虹靈壁等州縣支河人詔俞

所請湖此羅田奸民馬朝桂聚眾於天堂寨圖不軌畧連江南

公檄鎮將梭捕並親往擒獲明柱家屬黨羽甚眾得人旨嘉獎

十八年署陝甘總督明年授南河總督疏言銅沛睢邳宿虹河

道多紆曲淤成大灘日淤日積宜於曲處挑直開浚引河導溜

歸中央。借水刷沙。省兩岸提掃費。並免偏溜偏超。詔如議行。
八月。署兩江總督。兼署江蘇巡撫。請於兩湖江西各撥米十萬。
石運江蘇平糶。許之。二十一年。授兩江總督。命紫禁城騎馬。
明年。

上南巡。賜詩有幕府山邊開幕府。風規得似茂宏無之句。尋
與侍郎夢齡等會奏淮揚徐海支幹各河暨高寶各河工竣下
部優叙。二十七年。

上南巡復。賜以詩。命爲御前大臣。二十九年。拜文華殿大
學士。仍畱總督任。三十年春。車駕復南巡。賜御詩如故時。
公二七十矣。賜額曰韋平介祉。九月。召入閣兼管兵部事。

務充經筵講官國史館總裁。上書房總師傳教習庶吉士三十一年典會試。先一年而降旨異日也。三十四年兼掌翰林院。三十六年。

上東巡。命留京辦事。四月薨。優詔加太保入祀賢良祀。

賞庫金五千兩治喪。派皇八子前往奠醊。賜祭葬。謚文端公。

毅而能擾。機牙四應。

上深知之。凡盤錯事。他大臣能了者。不命公。既命公。則皆棋危。柁險。萬口噤聲。人方慮公無下手處。而公紆徐料量。如置器平地。靡不貼妥。又如東風吹枯。頃刻變色。凡一督雲貴。三督陝甘。四督兩江。而在江尤久。前後三十餘年。民相與父。馴子伏。每聞。

公來老幼奔呼相賀公亦視江南如故鄉渡黃河輒心開人閑
時吏民泣送公不覺懷陰傷懷過村橋野寺必流連小憩慰勞
送者在官存所興除必集監司以下屬曰我意如此諸君必駭
我我解說則再駭之使萬無可駭而後行勿以總督語有所瞻
徇也以故公所行鮮有敗事所理大獄雍正間江蘇積欠四百
餘萬乾隆間盧魯生偽稟及各郡叛逆邪教等案皆株連無數
公部居別白不妄戮一人先是十六年
天子南巡總督黃公廷桂旰食厲色供張辦及公三次迎鑾
熙熙然民不知役供張亦辦人以是服公之敏也公清談亓雲
尤長奏對

世宗嘗諭曰汝知督撫中有當學者乎。李衛鄂爾泰田文鏡是也。公曰李衛臣學其勇不學其粗田文鏡臣學其勤不學其刻。鄂爾泰太局好宜學處多然臣亦不學其懷也好學工詩汲引人才如不及母徐氏側室也以公貴封一品夫人。公側室張氏以女爲皇八子妃亦封一品夫人子六慶柱官至大學士慶霖官都統四十四年御製懷舊詩列公五督臣中。

慶柱字樹齋由任子授不外郎充軍機章京尋擢內閣學士遷理藩院侍郎兼副都統乾隆二十六年充軍機大臣逾年授伊犁參贊大臣尋調塔爾巴哈臺參贊大臣四十年夏哈薩克巴市克自稱經阿布勒畢斯將伊授爲呵哈拉克齊偕阿布勒畢

斯之子博普前來貢馬慶桂以巴布克並未與博普同來不河深信駿飭以聞諭嘉其有識且曰伊係尹繼善之子能如此朕又得一任事大臣矣嗣後宜益加勉以副朕眷愛之至意四十二年授吏部左侍郎四十五年調烏里雅蘇臺將軍遷都統明年以病來京調理又明年授盛京將軍尋調吉林前後奏獲私挖漢犯七百餘名獲銀二百兩上嘉之四十九年調福州將軍入覲擢工部尙書仍直軍機旋調兵部兼都統充經筵講官命往濟甯勘事五十年署黑龍江將軍會陝甘總督福康安奉命赴阿克蘇一帶安輯回眾詔以公熟悉邊情命以欽差大臣馳往甘肅暫署總督印務

復授塔爾巴哈臺參贊大臣五十一年召補兵部尙書明年
偕侍郎汪承霈往湖北漢川縣讞獄尋署盛京吉林及烏里雅
蘇臺將軍五十七年秋郭爾喀平

上以慶柱在軍機處夙夜宣勞命列十五功臣內圖形紫光

間親爲製贊五十八年授荊州將軍明年調都統會河督蘭
第錫奏高家堰一帶風損石工段落較多請築壩厚水俾腳跟
顯露以便勘估興修

上命往勘奏止須按股折補毋庸厚水查驗

上是之嘉慶元年

仁宗壽

太上皇帝駕幸熱河

命留京辦事三年

命大

學士劉墉

往山東齊河勘獄四年調刑部尚書協辦大學士軍機大臣尋

授內閣大臣國史館正總裁如太子太保三月晉文淵閣大學

上總理刑部

賞海澱寓國九月奉安

裕陵

命同大學士董誥恭點

高宗純皇帝神主晉太子太傅管理吏部及理藩院事務六年

管戶部三庫事務

賞黑狐端罩七年冬

上以川陝楚教匪平定特沛

恩綸賞騎都尉世職並雙眼花

翎九年十一月年屆七旬

製詩

賜之有名重三朝三相

國勲隆一代一賢臣之句并

賜額曰濟美延禧十一年授領

侍衛內大臣明年

實錄告成

賞紫纁仍管戶部三庫事十

四年晉太子太師充崇文門正監督十七年晉太保明年以老

乞休

允致仕

賞食全俸十九年壽晉八旬

予諡賚二十

一年六月薨

優詔悼恤

賞陀羅經被派奕紹帶領侍衛十

人前往奠醊尋

賜祭葬諡文恪其子同德孫培其皆官至侍

郎

劉文正公事略子文清公

劉公純勳字誕清號爾鈍山東諸城人父際康熙乙丑進士由
長沙令遷知甯羌州歲大飢假廳倉粟以活州民而自鬻產代
民輸納見山多樹榭宜蠶乃募里中善蠶者載繭種往教民蠶
織州民利之號曰劉公紬公以雍正二年進士由編修入直南
書房累遷左庶子典湖北河南鄉試十三年入直上書房擢詹
事乾隆元年擢內閣學士署刑部侍郎尋命隨大學士稽公
會筠赴浙江學習海塘工程二年授刑部左侍郎仍畱浙江疏
言新任督撫提鎮往往奏帶人員備委用大吏雖不乏真知
第先寄耳目於數人隨付腹心以要缺流弊實多除河工軍前

效力外請。概停奏。帶以杜偏袒。鑽營之習。從之。三年春還朝。疏劾丁憂御史毛之玉。赴浙謁總督藩司。受餽遺。

上嘉公直之。王嚴議。明年母憂歸。六年夏。特命補刑部侍郎。

九月。服闋來京。擢左都御史。疏言。大學士張廷三。歷事

三朝。遭逢極盛。然而晚節當慎。責備恆多。竊聞輿論動云。張姚二姓。占卻半部揔紳。查張氏登仕版者。有張廷路等十九人。姚氏與張氏世姻。仕宦者有姚孔鋌等十人。雖二姓本桐城巨族。其得官皆由科目。薦舉襲膺。議敘。然稍抑其遷除之路。使之戒滿引嫌。卽所以保全而造就之也。請自今年內除。特旨擢用外。概停陞轉。又言。尙書公訥親。年未強仕。綜理吏戶兩部典

宿衛贊中樞兼以出納王言時蒙召對屬官既奔走恐後同僚亦爭避其鋒部中議覆事件或輾轉敷詰或過目不畱出一言而勢在必行定一橐而限逾積目殆非懷謙集益推賢讓能之道請加訓示俾知省改其所司事務或量行裁減免曠廢之虞兩疏入高宗手諭曰朕思張廷王訥親若果擅作威福劉統勲必不敢爲此奏今既有此奏則二臣並無聲勢可以箝制察案可知此國家之祥瑞也朕心轉以爲喜夫任大責重原不能免人指摘卽伊等辦事亦豈能竟無差謬聞過則喜正宜深加警惕所謂有則改之無則加勉若有幾微芥蒂於胸中則非大臣之度矣

著將此二指發出諭衆知之尋命勘往海塘十一年春署漕
運總督秋還京十二年典順天鄉試十三年命同大學士高
公斌查辦山東賑務並勘河道奏德州哨馬營有滾水壩分消
運河盛漲而壩身過高宜改令平聊城縣運河東岸有減水閘
引河宜挑濬東平縣之戴村壩爲汶水分入大清河關鍵其過
汶入運之石壩過高宜令稍低並將壩西水道疏通沂州府沂
河西岸之江楓口所建滾水壩二宜加倍以衛蘭山郯城等屬
田廬報可十四年遷工部尙書兼掌翰林院十五年命赴廣
東鞫獄調刑部十六年典會試明年坐查驗通倉不實奪職留
任尋命爲軍機大臣十八年以讞擬錯謬部議革職詔原

之未幾。借尙書策楞公往勘江南河工。合疏言虧缺二料之由。總在奉前扯後。工員率取入己。土官漫無稽查。以一廳論之。每年冬。河臣核減錢糧。並不追補。輒介罰爲辨料之用。次年核言。仍復如是。惟指工段稍彌。此弊在本廳。本任者也。其調任陞任。仍屬河員者。所欠錢糧。復帶至新任。稟請別廳交料。同官輒報收料若干。用在某工完結。此弊在虛報虛收者也。其陞任他處。如平越知府施廷熾。調任已久。所欠核減帑項數千。尙待補苴。此弊在陞任官也。至降黜之員。河臣查明欠項。僅咨追而不參。奏致歷年虧欠至九萬兩之多。此弊在離任官也。茲查出外河同知陳克濟。虧帑二萬五千有奇。海防同知王德宣。虧帑萬八

百有奇。本年高郵二閘被衝。聞未衝之前。有料尙可堵塞。而通
勢周寃並無物料。致束手任其衝決。河臣高斌祇以僨事。撤回。
應請澈底查辦。詔罷斌職。留工效力。其浸帑各員。視職逮追。
仍銷押漫日示警。九月。疏劾銅浦廳同知李煊。河營守備張賓
等。平日侵蝕貽誤。今奉清查。自知獲戾必重。適值水漲。遂任其
衝決。口門百四十丈。不加搶護。有旨卽行正法。十月。公駐銅
山。率領河員於漫口附近舊河內勘定引河二道。南三百餘丈。
此五百餘丈。十二月十二日。張家馬路堤工合龍。黃河復故道。
策公奏二門漫口亦於是日合龍。溫詔褒敘。尋條奏稽查河
工四事。詔如所議行。尋命清查江南河丁未結之案。公疏

言水利工程陸續題銷或丈尺數目不符或水方土方各異屢經部駁不許銷算一案不銷遂致全秦稽遲而外省輟轉行查至延二十餘年之久官吏更易若再往返駁詰徒滋案牘茲查出來銷銀百一十一萬三千五百兩有奇請限十月內確核題銷工部於覆到日應銷者卽準銷結案應減者卽核減著追從之十九年晉太子太傅命協辦陝甘總督事務賜孔雀翎十一月疏言西路軍營戰馬約需六萬匹派兵遞送廷議分五大站臣於分站之中寓遞更之法第一站安馬十分每分五千百匹二三四五等站各千五百匹每起官兵按站換馬不必回空卽留爲後起更換之用官兵既可按程長驅而各站馬行五

日卽得休息二日

詔如議速行二十年

命查勘巴里坤哈

密駐兵事宜九月逆酋阿睦爾撒納叛擄伊犁定西將軍永常

自木壘退師巴里坤公請棄巴里坤退守哈密

嚴旨責公附

和永常自相恐怖搖惑衆聽貽誤軍機且置辦理伊犁軍務大

臣班第等於不問

命與永常均革職逮治子壻亦革職與諸

子並逮交刑部並籍其家十月

諭曰劉統勳輕信浮言張皇

乖謬咎無可追但念伊所司者糧餉馬駝至軍行進止革係將

軍之事設令模稜之人纖默自縛轉可不至獲罪是其言雖刺

謬其心尙可原也其從寬發軍營效力贖罪伊子俱釋旗劉壻

著在編修上行走二十一年授刑部尙書給還家產尋命勘

銅山縣孫家集漫工疏言孫家集向無堤工例於秋汛後補築水衝溝渠今兩年未築致成渠分溜詔解總河富勒赫任以公暫署十一月漫工合龍

上嘉其妥速二十二年典會試四月赴徐州督修近城石壩會雲南巡撫郭一裕慫恿總督恆文購金製爐致闔省喧傳乃訐恆文抑勒短價各款命公往會鞠得實恆文賜自盡一裕發軍臺效力十一月山西布政使蔣洲侵帑勒派彌補築甬道楊龍文逢迎不法公奉旨鞠實論如律尋營太子太保明年遷吏部尙書賜紫禁城騎馬先是徐州黃河北岸無堤議者以爲畱洩漫水給事中海明疏請補築公往勘以爲可行乃置

亂石壩洩漲衛田

上嘉允之二十四年拜協辦大學士會西安將軍都賁寇扣兵餉事發公往勘得實論如律又山西同知普喜訐將軍保德及同知呼世圖侵帑公奉命與巡撫塔永肅會鞫保德呼世圖共侵帑萬八千兩有奇保德又私伐官木受銀千五百兩

上以保德身為將軍貪黷敗檢卽行正法明年江西學政謝溶生劾巡撫阿思哈受屬吏餽送命赴江西會鞫得阿思哈因生女受司道金錫綾緞及令贛南道董榕代購什物短發價值各情擬絞如律二十六年再典會試拜東閣大學士兼管禮部尋遷兵部八月偕協揆兆文襄公查勘河南楊橋漫工開引河

九百三十六丈十一月合龍有

詔優敘明年三月

高宗南巡以高寶河湖入江之路未暢詔公偕兆公往勘合
疏言金灣壩地居上游滾壩僅寬十五丈未能暢達請將新挑
引河展寬使有建瓴之勢鹽河北閘爲鹽運要津應自中間迤
南改建石把三十丈將閘下土堤接築加長并挑引渠以順水
勢其西灣滾壩照東灣一體落低并於西灣河頭酌濬寬深得
旨所議甚合朕意應如是行夏直隸景州水 命查勘德州運
河疏言自臨清迤北惟藉四女寺哨馬營兩壩宣洩但兩壩支
河俱會老黃河故道入海衰延三百餘里居民於於難樵植河
身易致淤塞請將德州州判移駐兩支河交匯之邊陵鎮專司

河捕從之二十八年充上書房總師傳兼管刑部教習庶吉士。三十三年命往江南酌定清口疏濬事宜時公年七十。御書贊元介景額賜之。明年復勘濬運河尋兼管吏部三十六年復典會試三十八年十一月五鼓入朝升輿至東華門外輿微側呼之不應啟帷則已隕矣鼻垂玉筋長尺餘。

上聞卽遣御前大臣尙書公福隆安齎藥馳視已無及。諭曰大學士劉統勲老成練達品行端方服官五十餘年實爲國家得力大臣可晉贈太傳入祀賢良祠賞內庫銀二千兩治喪朕卽日親臨奠醊伊子西安按察使劉墉著馳驛來京守制等賜祭塋特賜諡曰文正喪歸命沿途文武官在二十里以

丙者均詣。隨前而奠。并遣官護送。明年四月。諭曰。大學士舒赫德。于敏中。各賞古今圖書集成一部。故大學士劉統勳。原欲一體賞給。不意先逝。伊子劉墉克世。其業亦著。恩賞一部。四十四年。御製懷舊詩。列五閣臣中有遇事既神敏。秉性復剛勁。得古大臣風。終身不失正之句。是年。賜其孫鑲之舉人。公強直厲清節。洞燭幾先事之可否。微發其端。至一二十年後。始服其精識。士賢不肯亦洞見其將來。初公論劾重臣。直聲震朝野。其後張文和公果以謝恩失禮被嚴譴。訥公以大學士視師金川。坐僨事伏法。公言。苦著蔡矣。公少直南書房。每日鷄鳴入上已遣中使捧御製詩文。藁至。命公錄於冊上。公對燭書。

之多者千餘言。比日射觚棱已寫訖。恭進蓋十餘年如一日也。六旬後入夜。秉燭危坐。至漏三下。窗外偶有聲響。悉開之。及薨。上臨其喪。見室無長物。寒氣襲人。

上大勳回蹕哭至乾清門。流涕謂樞臣曰。朕失一股肱矣。公之出視楊橋漫工也。屬吏以芻蕘不給爲辭。月餘尙無端緒。公忽微行。見大小車載芻蕘凡數百輛。皆弛裝因臥有泣者。公問之。父老皆言奉示運糶。科赴工縣丞某索賄乃收。貧不能具賄。遂地置河干。欲歸不能。公旋邸卽令巡撫縛縣丞至。數其罪將斬之。巡撫力請罪乃杖而荷校。以徇新芻數百車。一夕收立盡。歡聲若雷。逾月工遂竟。木果木之變。

高宗方幸熱河馳傳

召公比入對

上曰金川軍覆溫福已死緩事當奈何公頓首曰臣料阿桂必能自了此事

上曰朕正欲專任阿桂特召卿決之卿意與否朕事必濟矣西疆甫定戶部奏天下州縣府庫多空闕

高宗震怒欲盡罷州縣之不職者而以筆帖式等官代之召

公對論以此事且曰朕思之三日矣汝意云何公默不言

上變色詰責公徐曰聖聰思至三日臣昏耄誠不敢遽對容

退而熟審之翼日入對頓首言曰州縣治百姓者也當使身爲

百姓者爲之語未竟

上霽顏曰。然事遂寢。當公進說時。同列皆灑斲變色。而公進趨。凝然若無事。其能斷大事。力回天聽。多類此。所著曰劉文正公集。子壻字崇如。號石庵。乾隆十六年進士。由編修累官體仁閣大學士。加太子太保。諡文清。公父子俱爲賢宰相。高宗賜翰。稱爲海岱高門第。清德重望。均不欲以詞章自見。而文清兼以書法重於時。著有石庵詩集。文清少躋館閣。通掌故。中年敷歷。封圻外。嫺政術。及維正揆席天下。呼爲小諸城。所學貫串經史百家。詩邁鍊清雄。題跋尤古雅。其不以詩文名者。爲書名所掩耳。公實語。莫照齊尚書曰。子他日爲予作傳。當云以貴公子爲名。翰林書名滿天下。而自問則小就。不可大成。不能

年八十五不知所終。時公未登八秩也。迨嘉慶甲子。公年八十五矣。臘月二十三日。偕直南書房。呼照齋至。告以雍正至乾隆初南齋舊事。復理前作傳語。且曰。昨已屬瑛。夢禪。鐫印。記曰。洞門童子。以當息壤。今爲期迫矣。盍展限耶。旣行。復還坐。縱談良久。曰。吾去矣。毋戀。越一日。晨興。飲啖如常。日映端坐而逝。烏虜。若文正文清父子。非所謂生有自來。死有所歸者哉。錄之後。官至吏部尙書。

王文肅公事略

子念孫

孫文簡公引之

乾隆二十一年夏吏部尚書臣安國言臣父卜葬於大長縣西有年矣。墨食不協。迺有後艱。願得歸。遷兆域以展私。

皇帝曰。明年春將南巡江淮。汝其從事。可。爾盡盍待諸公拜稽。

首出。公體素羸。病咯血。越四月疾大作。疏請解職。

上知不能視事。命從容就道。於是朝之御士或惜公之去。而

願公之過有喜也。明今春正月病革。遣疏入。

上震悼。賜內庫白金。庀喪具。賜祭塋如制。閣臣考謚典以

聞。應法。子謚曰文肅三十年。

高宗南巡。賜公子念孫爲舉人公姓王氏。諱安國。字書城。號

春圖江蘇高郵人也父曾祿拔貢生所精理學公生時母夫人夢得古鼎之瑞七歲受書即能求訓詁大義雍正二年會試第一
一 廷試以一甲第二人 賜及第授誦修

憲皇帝臨軒親策曰爲端人正士公之入四漢府始奉 命纂修一統志兼入旗志書十年典福生鄉試一榜成進士者四十八人大學上蔡文恭新其一也十一年遷司業十二年遷侍講提督廣東肇高等處學政在道除侍讀學士抵任擢在僉都御史仍留學政任公之入詞館也嘗語人曰初謁座主朱高安公公教之曰學人通籍後惟留得本來面目爲難退而自省面癢亦由此立志堅定數舉以勵學徒其教國子也嚴月課柳營競道

諸生講濂洛關閩之學。不汨沽論文藝。其督學政也。粵東山海
遼遠。初分兩學政。以寬考校之期。公所部。自肇慶以西。達瓊儋
皆濱海地。文風視南海諸郡縣少劣。公教上以立品爲先。接諸
生。嚴毅有不可犯之色。而提命諄諄若父兄。闢學舍。拔士之秀
者。如千人。餽其中。親爲受業。有司以非禮挫折諸生者。公執持
不少屈。其有敗羣而害於鄉者。繩以重法。無所貸。由是人知學
政之任。以整齊風教。扶樹人材爲大。地方吏亦知所嚴憚云。乾
隆二年。疏言。丁憂官多赴省。會易服。謁大吏。讌會餽遺。恬不知
怪。請嚴禁。從之。四年。遷左副都御史。擢刑部侍郎。五年。晉左都
御史。公總率臺剛。以激揚爲已任。會與撫王瑬。以某教官督葺

刻公故吏也。知其人皆老，不可用以實聞。

上嘉公不避嫌怨，命以原銜管廣東巡撫事。公曰：「吾効其人，

而得其位，是所謂蹊田奪牛也。具劄力辭，不許。乃之任。陛辭，

曰：「御製詩寵其行，聞有老親，復拜豐貂文綺之賜。粵東交，

武俾吏皆公所稔，悉問公至。多望風引去。公與約宥往咎。許自，

新解絃更張。治其骹骸無狀者，他皆不問。嶺南物產素豐，海船

往來，貨賈瑰麗，風俗侈靡。政治多不飭。公極意整肅，墜廢華舉，

倉儲溢羨，自制府以下，月給白粳若干。公曰：「非制也。叱勿受。比

數年有發其事者，監司皆坐重辟。人益服公操積案塵委，公爲

之決疑牘，省留獄。歲久不雨，禱於神，不應。有盜案，心疑其誣，一

初得實乃大雨。值可一察。吏勿苛嘗曰。人才實難。且官屢易。則吏滋爲好。易者安。必假於云者乎。莫若勸戒。俾自勵。江西應撥廣東漕米十萬石。沂灘越嶺輓運爲艱。公請改撥湖南。一水可達。官民交便之。會丁父艱。貧不能辦裝。廣州將軍策稜公奏。公孤介廉潔。歸葬無吝。與護巡撫託庸等助貲回籍。報聞。舟至

南昌。內召爲兵部尙書。又調禮部。皆未拜。十一年。服闋。乃入朝。授禮部尙書。得公故湛深經術。嫻掌故。議禮必斟酌。古今折衷。聖籍期於正人心。明典制。以副贊。休明雖進。俗侃侃弗顧也。五體曰。朝廷達於鄉遂。士大夫莫能偏覩。詳考民間吉凶婚姻。各徇其俗。公長容臺。承詔修大清通禮。又奉命充會典。

總裁官會典與通禮相表裏公一手編集所撰欲上擬周官每會典進呈附以禮悉奉

聖裁改定凡十年而告成十五年充經筵講官二十年晉吏部尚書明年兼管工部事銓政本有成憲無可出入而豪吏舉疑似者因緣上下其手或瞰人所不知輒以牟利公釐眾弊杜請謁雖親愛不敢以私于自巡撫人爲尙書起居服御猶寒素自公退食搗禿管點竄丹黃矻矻著述專以經學訓子孫不雜世事中年喪偶勞無姬侍門館間然薨年六十有四子一念孫念孫字懷祖學者稱石厓先生生數歲卽能讀尙書文肅公口授諸經皆成誦都下有神童之目八歲屬文偶作史論斷制有

識由是文肅教之以忠恕。正。直。立。身。之。道。且。延。戴。君。東。原。爲。之。師。十。四。歲。扶。視。南。歸。學。與。行。老。成。所。不。逮。也。服。闋。補。州。學。生。以。大。臣。子。迎。纂。戲。文。冊。賜。舉。人。乾。隆。四。十。年。成。進。士。選。庶。吉。士。乞。假。歸。謝。絕。人。事。居。湖。濱。與。李。君。情。賈。君。田。祖。汪。君。中。劉。君。台。拱。程。君。瑤。田。以。古。學。相。勵。凡。四。年。入。都。改。工。部。主。事。遂。究。心。治。河。之。道。洞。澈。古。今。利。弊。爲。導。河。議。二。篇。上。篇。導。河。北。流。下。篇。建。倉。通。運。累。遷。郎。中。擢。御。史。晉。給。事。中。掌。吏。科。卽。任。官。十。餘。年。凡。錢。局。諸。差。及。京。察。外。任。俸。滿。保。送。知。府。皆。力。辭。職。者。嘉。異。之。嘉。慶。四。年。仁。宗。親。政。之。始。先。生。疏。劾。宰。輔。某。是。時。不。乏。彈。章。惟。先。生。疏。援。

据經義最爲得體特蒙

嘉納海內爭傳誦焉是年春

命巡

淮安漕秋又巡濟甯漕盡

次陋規道路所經有閘吏治民瘼者

皆奏之蒙採納施行尋授

永定河道積民一清六年夏大雨彌

月水漲溢奪職逮問尋奉

諭曰水漫過蘆溝橋面不但人力

難施亦非意想所及王念孫可加恩發河工效力七年督辦河

閒漫工

賞六品服暫署永定河道八年

諭曰王念孫於水

利講求有素可賞主事銜

留直隸周應通省有閘涉水利事宜

悉心紀載交直隸總督彙

奏辦理乃上書總督顏公檢臚陳畿

輔水利顏公據以入告會河南衛家樓河決

命隨費尙書治

查勘且籌新漕又

命馳赴台莊隨同尙書古綸治河務尋奉

旨署山東運河道。九年實授。在任數年。查工剔弊。節帑數十萬。
十五年調永定河道。召詢河務甚悉。甫旋任。東河卽請啟蘇
家山間。引黃水入微山湖。以利漕運。召入都。決其是非。先生
奏引黃入湖。不能不少淤。原非良策。然暫行無害。並陳運河情
形。皆詔許之。是年永定河水復漲。溢先生自引罪。得旨以
六品休致。時年六十有七。道光五年。詔曰。王念孫年登耄耋。
重赴鹿鳴筵宴。洵屬藝林嘉瑞。可賞給四品銜。以光盛典。是時
年八十二矣。十二年正月。子引之官禮部尙書。以先生病奏請
給假蒙
宣宗皇帝召見。垂問。明年九十歲。宣善爲調養。且諭以服人

蒲之法。越數日卒。先生初從東原戴氏受聲音文字訓詁。遂通爾雅說文。皆有撰述矣。繼見邵學士晉涵爲爾雅疏。段進士王裁爲說文注。先生遂不復爲撰。廣雅疏證二十三卷。凡漢以前倉雅古訓。皆搜括而通證之。謂訓詁之旨。本於聲音。就古音以求古義。引伸觸類。擴充於爾雅說文之外。無所不達。然聲音文字部分之嚴。則一絲不亂。此蓋藉張揖之書。以納諸說。實多損所未及。知者而亦爲惠氏定字。戴氏東原所未及。古音自顧氏汪氏戴氏皆有考。正金壇段氏分十七部爲益精。段氏之分支之脂爲三部也。發前人所未發。先生昔亦同見及此。因段書先出。遂輟作。然先生所分乃二十一部。按之羣經楚詞。斬然不紊。

更有爲顧段諸家所未及者尤精於校讐凡經史子書晉唐宋
以來古義之晦誤寫校之妄改皆一一正之著讀書雜誌八十
二卷分逸周書戰國策管子荀子晏子春秋墨子淮南子史記
漢書漢隸拾遺凡十種一字之徵博及萬卷其精核如此先生
性方正居官廉直不受請託畢生以著述自娛善善惡惡出於
至誠喜怒必形於色教子勿以朱子小學諸書長以經義長子
引之能傳其學

引之字伯由登嘉慶四年進士出朱文正阮文達兩公門廷
試以一甲第三人賜及第授編修累官禮部尙書所泣皆能
張其職父憂歸服闋署工部尙書薨於位賜祭塋予諡文

簡初伯申年二十一歲應順天鄉試下第歸急究心爾雅說文音學五書以求聲音文字訓詁之學越四年復入都以所見質疑於石臞先生先生喜曰乃今可以傳吾學矣遂語以古韻二十一部之分合說文諧聲之義例爾雅方言及漢代經師詁訓之本原且曰詁訓之旨存乎聲音字之聲同聲近者經傳往往假借學者以聲求義破其假借之字而讀本字則渙然冰釋如因假借之字而強爲之解則結籜爲病矣故毛公詩傳多易假借之字而訓以本字已開改讀之先至康成箋詩注禮屢云某讀爲某而假借之例大明後人或病康成紕字者不知古字之多假借也又曰說經者期得經意而已前人傳注不皆合於經

則擇其合者從之其皆不合鄭以亡意述經意而參之他經證以成訓雖別爲之說亦不可必專守一家則爲何邵公之墨守而已故其治經也諸說並列則求其是字有假借則改其讀蓋熟於漢學之門戶而不於漢學之藩籬也伯申推廣庭訓遂成經義述開十五卷經傳釋詞十卷精博過於惠戴二家凡前人誤解者獨能旁引曲喻以得其本原之所在使人頓解心折歎爲確不可易而又百思不能到使古聖賢見之必曰吾言固如是沿誤數千年而今乃得明矣此誠不可不開之奧窔阮又達謂恨不能起毛鄭孔諸儒而其證此快論者也高邠王民自又肅公以清正立朝以經義教子孫至石隴伯申三世相承

而其緒益振論者謂本朝經術獨絕千古而王氏一家之學自長洲惠氏父子孫外蓋解見其四云

汪文端公事略 于承霈

汪公由敦字師孝號謹堂安徽休甯人雍正二年進士選庶吉士授編修尋丁父憂以纂修明史奉 旨任館守制十年充日講官知起居注累遷贊善侍講轉侍讀授四譯館少卿乾隆元年典試山東尋 命直上書房擢內閣學士左遷侍讀學士五年復原官六年遷禮部左侍郎調兵部七年充會試副考官九年調戶部右侍郎充經筵講官晉工部尚書典順天鄉試調刑部教習庶吉士兼署左都御史充軍機大臣十四年金川奏凱加太子少保充平定金川方略副總裁署協辦大學士事會大學士張公廷丁致仕將歸乞。

國朝文忠公集卷之二十一
上一言爲配享

太廟券謝恩不親至傳旨令明白迴奏公張公門下士也是日承旨因免冠叩首奏張廷玉蒙聖恩曲加體恤乞終始矜全若發明諭旨則廷玉罪將無可追事獲已次日張公早入朝諭責公密通信息顧私恩不顧公義解協辦內閣任雷尙書效力自贖明年恩予開復命同大學士傅文忠與督方恪敏會勘永定河南岸建壩事宜旋同莊親王等釐定皇朝禮器圖會四川學政朱荃匿喪納賄事發公曾保荃吏議奪職詔以公爲人勤慎宜問亦優降授兵部侍郎是歲與順天鄉試恩賞其長子廕生承沆以主事用明年調戶部右

侍郎

命同大學士高公斌查勘天津等處河工又明年晉工

部尙書十九年同蔣公溥等修盤山新志加太子太博兼管刑部尙書事二十年充平定準噶爾方略總裁調刑部二十一年調工部明年授吏部尙書二十三年薨於位

上聞震悼

親臨賜奠

諭稱承老成端恪敏慎安詳學問深

醇文辭雅正

加贈太子太師入祀賢良祀

賞內庫銀二千

兩準入城於

賜卹治喪

御製詩悼之有贊治常資理論文

每契視之句尋

諭賜祭葬

予諡文端公篤於內行記誦尤

而內文章典重有體倬而

內廷幾三十年以恭謹上結生

知未嘗一日離左右

國朝先王事

卷之十六

名臣

三

世宗皇帝初設軍機處以張文和專任之乾隆初文和以公長於文學特薦人以代其勞乾隆十二三年開金川用兵前後所下廷諭皆公筆也初惟大學士訥親一人承旨既出令公在直廬撰擬訥公惟恐不得當惟令再撰有屢易而仍用初稿者一稟甫削又傳一旨旨以易亦如之公頗以爲苦然不敢較也時傳文忠在旁竊不平迨平金川歸首揆席則自陳不能多識恐有遺忘乞令軍機諸大臣同進見遂沿爲例然秉筆之任卒推公其後滿司官欲藉爲見才地文忠稍假借之令其代擬公見滿司官如此而漢文猶必已出嫌於攬持乃亦聽司員代擬日久遂爲章京之專職矣

高宗天才敏捷日課數詩皆用丹筆作草令內監持出付公及
劉文正用素楮楷繕之謂之詩片繼公者則劉文正也公好過
借後進陽湖趙君翼客公所最久經進之作多令趙屬草筆削
處服公精審屢被旨嘉獎廷臣推服之公曰此門下趙某作
耳其不沒人善若此

上以公老於文學尋常牌記之作每命公屬草公令趙君草
剗而加潤色焉及進呈經御筆剛改徃徃出意義然後知
聖學尤不可及也公薨後

上以公書法秀潤命詞臣排次摹勒上石曰時晴齋法帖公
子承需承灝以御賜祭墓故詣闕謝趙君言於傳文忠遂得

負見

詔各賞舉人文忠奏言承濡書法似其父復

命賞主

事於是在廷咸頌

聖天子垂念舊臣推恩逾格有泣者其後裘文達錢文敏王文

莊諸公殉其子皆引此例得授內閣中書三十四年

御製

懷舊詩列公五詞臣中在尙書張文敏公之次五十二年承濡

官侍郎時進敬公詩文集

上賜詩以當序言

承濡字春農號時齋乾隆二十五年以主事人直軍機處洊升

員外郎即中三十五年授平越知府以親老改邵武府時母年

近八旬奏懇畱京供職復補戶部郎中仍直軍機處四十五年

記名以三四品京堂用遂擢左副都御史。越二年遷刑部右侍郎。調工部時甘肅冒張案發。部議西監一款。省費取巧。應禁。母許應試。及由別途出身承需。奏人數甚多。乞開其自新之路。令加足京監費。許其考試出身。得旨俞允。四十八年上校射。承需連發中的。賞花翎。調戶部右侍郎。五十四年坐監臨順天鄉試。失察代債等弊。降二秩。用五十五年署通政使。尋補順天府尹。擢左都副御史。嘉慶四年授刑部右侍郎。調工部。五年晉左都御史。賞紫禁城騎馬。遷兵部尚書。兼管順天府尹事。六年永定河水溢。撫卹災民散賑五十餘日。所全活無算。得旨獎敘。尋改左都御史。署兵部侍郎。被劾。以二品冠服。

致仕。十六年六月薨。

詔視尙書例議卹。

賜祭葬如禮。

潘敏惠公事略

乾隆十有七年二月既望巡撫福建副都御史潘公薨於位。天子眷念封疆勞績。優旨照江南巡撫徐士林例入祀京師賢良祠。遺疏請將封典。賙贈之處。恩賞一品封。並照一品例賜卹。尋賜祭葬如典禮。特賜諡曰敏惠。自後聖駕南巡。屢遣大臣卽家致祭。飾終之典。斯徐公爲尤渥云。公諱思桀。字潔方。號補堂。江蘇陽湖人。雍正二年進士。選庶吉士。授刑部主事。遷員外郎。充己酉順天鄉試。庚戌會試。同考官。遷郎中。出知廣東南雄府。考最。擢海南兵備道。乾隆二年調糧驛道。四年遷按察使。七年遷浙江布政使。十一年擢安徽巡撫。調

福建居五年卒年五十有八與徐公同壽未竟厥施

上以故尤悼惜焉公性敏決明法律練習吏事力持大體而汲

汲以宣

朝廷德意經國澤民爲務其在西曹讞獄常至夜分

飢則探懷餅瀹水而食每隨尙書人奏事

世宗嘉之在南雄大水將敗城公禱神危橋俎未徹而橋圯露

宿埤堤閒督吏卒縛筏救溺者在瓊深入五指山安輯黎衆劾

鎮將郡守之殘黎人者洎乘輿卽疏陳廣東有狼黎獠三種

狼人世居高州府茂名縣地今附民籍多讀書應試獠人亦輸

賦入版籍設獠童義學惟黎人散居瓊州府屬以不識字往往

爲士人所欺請於儋崖等七州縣照獠童例設義學訓課能通

文義孫許應試部義從之所理冤獄尤多會久旱奸民數百爲
羣入市強取米公時方疾強起坐堂皇立捕數十人至痛杖荷
校以徇。藩浙時疏報循嚴等屬水災壞田廬漂人畜無算已申
達督撫動帑撫卹。諭曰此等事正地方官切已要務毋濫毋
遺以期實惠及民公乃出臨錢塘江收流棺瘞浮尸躬親督賑
尋疏陳給發籽粒並加賑狀。
高宗手勅曰今歲浙省災巡撫常安有諱隨之意頗汝在耳是
秋蕭山民匍匐渡江公曰民飢當哺開則亂民也嚴懲之自是
迄麥登無一譁者。又疏陳常平倉出陳易新諸弊請因時酌辦
又請禁考職吏員干謁地方官違者照違制律治罪部議均如

所請其撫徽也。當河決淮淝之後。鳳。潁。泗。皆災。公前後請庫廩百萬有奇。親行督賑。冒風渡洪澤湖。舟幾覆。不爲動。歸。秦。調劑災區三事。曰。勸課農桑。曰。疏濬溝洫。曰。稽核流移。略言鳳。潁等處民情窳惰。不知耰鋤培壅之法。宜令州縣官隨地並勸。卽以地方民情之勤惰。定有司之考成。至各屬地分三等。一爲岡地。最言一爲湖地。稍低。一爲灣地。最下。灣地被水。非人力可施。湖地外仰中窪。下游濬渠疏洩。卽可涸出。栽種岡地。水雖不及。而坡塘未築。輒苦旱乾。如壽州之安豐塘。懷遠之郭陂塘。鳳陽之六塘。均宜及時修築。臣愚之上。賑濟。勤督百餘萬金。若平時酌動數百金。陸續修濬。民間減一分荒歉。卽多一分收成。朝廷亦

省。一。分。帑。項。縱。遇。偏。災。亦。可。以。工。代。賑。一。舉。兩。得。又。鳳。嶺。民。風。
樂。於。轉。徙。秋。收。後。二。麥。已。種。輒。携。家。外。出。春。熟。方。歸。一。遇。災。歉。
地。方。官。勘。給。賑。票。輒。留。一。二。人。在。家。領。賑。餘。悉。潛。往。鄰。境。希。圖。
資。給。行。糧。至。有。一。家。領。三。糧。者。本。業。拋。荒。人。無。固。志。此。後。應。查。
明。實。係。災。民。方。許。資。送。其。結。黨。滋。擾。者。罪。之。疏。上。手。勅。報。曰。
此。乃。固。本。之。務。歷。來。安。徽。巡。撫。無。有。言。及。此。者。朕。甚。嘉。焉。勉。力。
妥。爲。之。以。俟。三。年。之。成。也。九。月。調。撫。福。建。朝。京。師。六。蒙。召。對。
閩。地。民。情。器。穢。相。尙。以。鬪。訟。盜。匪。數。起。公。廉。得。其。主。名。髮。櫛。而。
草。薶。之。清。釐。錢。糧。責。令。推。收。承。納。使。糧。歸。於。田。民。欠。不。至。無。著。
其。屯。田。寺。田。之。詭。寄。飛。灑。者。皆。確。查。禁。杜。不。復。派。累。里。中。畫。見。

官屬夜披案牘。旱則步禱。潦則按卹。又以農隙巡視海防。驗戰艦。朔望入書院。與諸生講說經義。歲以爲常。勞積疾作。不支止也。公爲政。以水利爲農田之本。嘗奏請大治餘杭之南湖。會稽之鑑湖。上虞之夏蓋湖。餘姚之汝仇湖。慈溪之慈湖。以及皖北之安豐郭陂等塘。澮澗茨茨沙等河。修復舊隄。閘禁奸民之墾。佔貽害者。繪圖鳩工。皆以遷擢中輟。居平常以爲憾。惟修築甯德之東湖。墾良田萬畝。及福州城外之西湖。築隄千三百丈。建閘二。溉田數千頃。又親勘福清之卽官港。法海埔。招墾海灘。淤地。法海得地千三百餘畝。卽官港得地八百餘畝。疏聞。手勅。曰。勸課耕農。務民之本也。勉之。公起寒素。幼從師讀書。嘗

自市薪米通籍後洗手奉公終身非其賓客食不重肉衣必數
澣紉丁卯以皖撫監臨江南鄉試卽二十五年前賓興地有司
進供給視舊減過半鄉人榮公而彌佩其清節也爲人厚重寡
言笑臨大事能斷恤吏民若一體治公務若營其家愛土育才
惟恐不及於世閒嗜好泊如也故墓復之文賓哭於館吏哭於
次士哭於塾民哭於途卒哭於伍舍以公中年奄逝未完其用
世之志爲天下惜也平生治經九遠於易能探荀虞之旨嘗謂
後世知有漢學者賴李鼎祚集解存耳自建節鉞卽不携眷屬
之官公餘日閱注疏及徐氏經解出人一童抱畢牘自隨有得
卽疏之嘗謂學者云學必求有用凡見綿方與厯竿水利農政

國朝夕正學名
何一不當留心若詞章撰著抑末耳。故自去翰林益講求經濟。
實學所著周易淺釋四卷皆卽卦變之說以求象而卽象以明
理。每卦皆註明自某卦來謂之時來嘗曰。彖多言象而變在其
中。爻多言變而象在其中。不明時來不知卦之來處。不求爻變。
不知卦之去處。爻無所不包。舊說概講入身心政治。上遺却
許多道理。不若就淺處言之。而深處亦可通也。公點勘四十二
家易解竭事生之力以成此書。力疾厲草尙闕乾坤二卦故所
說爲六十一卦云又著有鼇峯講義四卷。

彭芝庭尙書事略

公諱芭，豐字翰文，鄉舉時芝生庭中，因自號芝庭。江蘇長洲人。祖定求，康熙丙辰會試，廷試俱第一，官侍講。學者稱南畝先生。語在儒林傳。父正乾，考授州同知。公幼承家學，年十六補諸生。雍正五年會試第一，廷試卷列第三。世宗親拔第一，授修撰，大學士張文和奏彭某科名與乃祖同。上喜，即召入南書房，元日講官，知起居注。七年充河南副考官，入闈病作，移病於外，氣垂絕，恍見二童子自雲中下，持采旗導還鄉。至文星閣，一老人持藥飲之，遂蘇。文星閣者，南畝先生講學地也。及至京，命遣醫診視，賜葠藥。九年春。

世宗手書楹聯賜之。尋遷中允。乾隆三年擢侍講。累遷左僉都御史。提督浙江學政。積三遷至刑部侍郎。領學政如故。父憂歸。服除。補吏部。再督浙江學政。就改兵部。官滿還朝。乞終母養。母終。逾年起署吏部侍郎。明年補左侍郎。遂遷左都御史。二十八年。晉兵部尚書。充經筵講官。越三年。左調。復爲兵部右侍郎。又二年。致仕歸。歸九年。純皇帝東巡。公朝行在。復故階。先後立朝垂四十年。國家有試士之典。未嘗不在列。凡校順天鄉試一校。禮部試一主。直省鄉試七。督學政二。經歷滇南中州江右山左浙東西所至皆稱得士。公少逮事南昀先生。受儒家言。自入翰林。刻苦如諸生。鮮

食寡欲。畏遠權勢。簡交游。涖官以謹慎。見稱不好激言。暗行而介。然時有所不爲。所奏進經史講義。皆切於治。一其主試江西也。還過江南之宿州。宿方被水。有司賦不以時。飢民號訴滿道。上公入奏其事。章下督臣察治之。學臣有諸事大吏以屬官門生。自居者。公又抗疏言之。上偉其論。其督浙江學也。還言利病四事。其一曰。餘姚南湖之水。發源天目。注茗溪。下灌杭嘉湖三府。今淤塞侵占者多。古稱西湖之水。溉田萬頃。今淺狹不稱舊聞。會稽上虞慈溪諸水利多未修復。旱潦無備。非宜。其二曰。浙中收漕。每石私加五六升。及一二升不等。宜禁其一日。浙省官水陸往來。非奉便馳驛者。

皆例外自發驛傳多者役及千夫少亦不下六七百人騷擾實甚宜與限制其一曰溫台諸府產鹽地例設巡鹽兵兵利賞輒按戶搜索或將數家食鹽併少報多誣民私販大不便章下所司皆議行其後二十餘年浙中督撫相繼得罪死州縣漕弊雜發益熟不可問其所以使然者漸矣公可謂識微者歟在刑部入閤月閱讞牘敬慎詳審有疑輒商諸僚屬秋審論情實以公言核改緩決者十餘人在兵部奏武職銓補遲速不均宜量與疏通奏奉使馳驛官有廩給口糧而夫役俱向驛站借雇虛開多索濫應之漸宜停例支改一馬三夫

上皆可其奏會同部蔣侍郎櫟與史侍郎奕昂有隙蔣訐史於

上前且謂史嘗於眾中詆公引公爲

上問公公對未聞

上疑有私降公侍郎逾年遂有休致之

旨先是公乞養歸爲

奉母故闢園亭莳花竹

上賜額曰慈竹春暉至是再歸林壑益幽邃花竹益茂公擁萬

卷日暇其中每春秋佳日出遊石湖寒山士女擁觀塞路嘗入

京視

高宗萬壽又明年恭祝

皇太后萬一與香山九老會

賜杖圖形禁中兩次迎鑾俱

蒙溫諭賜宴命開召試諸生卷最後諭來京與明年

國朝先王事錄卷之六名臣

三


千叟之宴主紫陽書院十五年所成就人才甚眾四十九年六月無疾而終年八十有四遺疏上會曹尚書亦卒

上謂延臣曰彭啟豐曹秀先皆不得與千一宴也惜哉公平主天真自然不知人世百機械事意有不可或時面折人然事過輒忘無少藏積以故賢士大夫多樂與之遊與劉文正嵇文恭交尤篤前後居喪皆盡礼終喪始復寢所居十泉街仍世通華子孫列官內外而門館蕭闌簾閣拘几一燈諷卷如老諸生婚嫁徭役糧稅如平人家嘗語人曰吾爲秀才過徐達夫門時方及第立斗標心豔之及宦成歸再過之徐氏已易主矣後之視吾猶吾之視徐也得。不。惧。哉。公。直。內。廷。時。

敕和

御製詩百

數十首。及告養歸。復發詩百六十餘首。命和畢。交巡撫奏進。所著詩古文集三十卷。具有家法。其碑版文尤推重。於世子紹謙舉人。官曹州同知。紹觀進士官侍讀學士。紹升字尺木。進士。語在儒林傳。



楊勤懇公事略

國家漕東南之粟上輸神倉聯鉅艦以載凡六千九百六十有九艘各有運丁丁所僱募舵工水手之屬不下數萬人艘入運河沿河左右待募牽纜之夫亦不下數萬人眾事繁於是名直省並設衛所員弁領運以糾偷情察奸慝而必以文武威風知大體可敬信之大臣總其事乾隆二十二年清江楊勤懇公以前禮部尙書奉特旨轉兵部尙書授漕運總督公既視事語訪利病爬羅剔抉興之革之與眾同欲慮運河阻滯時與河臣協謀疏濬以時蓄洩俾通達無窒上嘉獎焉而公淡泊甯靜撫卹疲困運官不敢有私求在任十

二年。凡糧艘所過。安靜不擾。沿河居民往來行旅。皆帖然。二十三年十月薨於位。年六十有八。

上聞震悼。賜祭葬如禮。特命予諡。凡飾終之典。罔不具鳴。

呼公之忠誠結主知。

聖天子之知人善任。使可謂盛矣。公諱錫紱。字方來。號蘭畹。江。

西清江人也。父英王。以名諸生授經講學。鄉里宗之。公幼卽端。

重。若成人。稍長。肆力於學。務求實用。雍正五年進士。初任吏部。

主事。累遷郎中。轉御史。出爲廣東肇羅道。乾隆二年遷廣西布。

政使。六年就遷巡撫。九年人爲禮部侍郎。明年又出爲湖南巡。

撫。十三年父憂去任。十五年起。彤部侍郎。仍撫湖南。十七年丁。

母憂十九年冬起左都御史明年署吏部尙書二十一年仍署
湖南巡撫五月授禮部尙書其年冬又出署山東巡撫明年春
遂總督漕運事二十三年晉太子少師二十八年加太子太保
公少篤陪宋儒書及在官試其所學學日以顯故所至皆有實
政初仕吏部時明習條例老吏不能欺高安朱文端公深器之
其出而治外也清心寡欲正己率屬汲汲以興水利廣積貯散
學校宏教化爲事在肇羅道任歲巡視瀕海田修築園基終公
任無水患任廣西布政使條奏二事言革職佐雜官宜免追編
俸州縣官不得以土產獻上官及遷巡撫屢平土苗之變並勦
捕黔省逆苗而審知猺獞苗民愚而嗜利其黠者動以挖窖書

符煽惑聚眾嚴飭所屬勤緝捕絕其根株更令力行保甲法凡
逆苗田產入官卽令苗民承種收其租以資積貯借給貧苗既
勦且撫苗民咸化之屬吏或以人浸饋者諱其名曰長生果公
怒卻之以入告

上曰是真不愧四知者矣湖南民健訟多習邪教公嚴懲禁之
又以湖南產穀之鄉鄰省皆賴接濟畜積尤宜加厚其湍額倉
殺或調支協撥卽飭所司隨時買補而長沙岳州常德澧州諸
境濱臨洞庭沿湖田廬全資堤垸護衛例於年歲秋冬督民修
築然多視爲故事豪家蠹胥也攬侵扣工力不均公嚴飭有司
辦治而輕舟減從時巡視之祭其勤惰予勸懲堤工旣堅且厚

彌望。屹立。民以無虞。公凡三蒞湖南。父老歡迎。加慈。父母在山。成時二十一州縣被水。公奏請損貸有差。減常平米糶價一之。一以魚臺土城低窪。請移置高處。絕後患。其政績之大者如此。其細者不勝書也。公歟。歷中外三十餘年。凡所陳奏。悉協大體。而尤關國計民生者。在湖南。日以各省水利久廢。愚民不知。遂慮數畝之塘。往往培土爲田。一遇旱乾。卽他膏腴都成棄壤。請飭各省督撫。凡有陂塘處所。嚴禁改墾。上詔行之。又以湖南每歲採木有司。至苗地。凡所有木。輒籍記之。而賤價勒買。運至江南。私賣其贏餘。請自後商木。憑牙行採買。不得官爲交易。其在苗地者。州縣官爲審問。聽民願賣者買。

之運過辰閏按驗乃行著爲例。其在漕運最久敷陳亦最多。上皆允行。是以漕政肅清旌丁感公德建生祠河上公旣薨繼公任漕政者。

上皆以遵公約束。

命之所訂漕運全書雲門黃公署漕督時。

表上焉。嗚呼。公可謂不負所學者矣。公爲人寬宏樂易待人。怒而自守。極嚴聲色。貨利無所好。而以人才爲性命。偏長薄藝。靡不記錄。尤加意敦崇正學之士。獎勸如不及。居家孝友。情睦化其宗族鄉黨。教子弟第一以礼法論者。謂近世名臣推朱文端楊文定蔡文勤若公者。實三公之匹亞也。所著自漕運全書外有。四書講義。節婦傳。四知堂文集。行於世。

國朝先正事略卷之十七 名臣

平江李元度次青纂

梁文莊公事略 子同書

乾隆二十有八年相國 塘梁公以微疾薨於位遺疏未及上。
高宗震悼 命皇五子臨其喪。 贈太保。人祀賢良祠。 賜內
庫白金千兩。庀喪具。公子啟書守遵義。乞改京秩侍養。已調戶
部郎中。未卽至。

上念卹次乏人 命內務府派司官經理其事。部察卹典具奏。
諭葬祭如例。 予謚文荒。入祠加祭一壇。啟殯日奉 恩。旨所
過沿途二十里內官弁並赴舟次弔奠遣人護送。公起自出閤。

受

兩朝不世之知遇。回翔館閣。出入禁闥。洊厯卿宰。以至延登受

策。恩禮哀榮。冠絕寮案。初公直上書房。得侍

高宗皇帝。帝監誠和兩親王。講讀以舊學。受知自言嘗爲

高宗作擘窠大字。適

憲皇帝駕至。諸臣鵲立以俟

憲皇帝。命竟其書墨。漬袍袖。又命

高宗曳之。今藏此衣三十年矣。他時服以就木。庶存効志。君

恩也。至是如所言。公諱詩正。字養仲。號薌林。先世自新里遷錢

塘。父文濂。歲貢生。選諸暨訓導。不就。公生五歲。始能言。幼擅文

譽與兄啟心有二難之目。年三十始舉鄉試。又五年以二甲三名。賜進士及第。授編修。時雍正八年庚戌也。未散館。出典山東鄉試。十一年分校會試。明年充日講起居注官。上書房行走。遷侍讀。又明年晉侍講學士。母憂歸。詔賞藩庫銀五百兩治喪。乾隆元年。諭曰。向來翰林官丁憂。有在京修書之例。梁詩正著來京。在書房行走。詔以素服入直。照現任學士例。給俸。兼直懋勤殿。與顧侍講成天恭校。御製樂善堂全集。賜第南城三年。補侍讀學士。充日講起居注官。仍兼上書房行走。十月。典順天武鄉試。晉內閣學士。充經筵講官。四年。遷刑部侍郎。尋調戶部。兄啟心成進士。與館選五年。夏。公父年七十。恩

給二品封。賜御製五言詩并御書傳經介祉四字。賜之。

六年條奏變通二款一八旗生齒日繁若不使自爲養而常欲官養之雖目前尚可支持而數百年後旗戶十倍於今勢必不給宜令閒散人丁於黑龍江甯古塔等處分置邊屯使世官耕牧之利以時講武且可充實駐防一綠旗增設兵丁較康熙年間餉額多至五六百萬向來各營多空額自雍正元年徹底清查盡除此弊是近來兵額但依舊制亦較前有虛實之別況各省要地多滿兵駐防與各標營聲勢聯絡其增設之額可減者宜酌減不必遽行裁汰但遇有開除請卽停止募補疏入

聖嘉納焉

命兼署吏部右侍郎七年兼

御書館行走八年

正月

上御重華宮。

召諸臣

賜宴聯句。

勅公書以勒石。七月

駕入盛京。謁

祖陵。

上升殿大宴。

手賜卮酒。時與者不過數人。入山海關。

上登澄海樓觀海。獨

召張尙書照暨公聯句。九年

賜清勤

堂額。

車駕幸翰林院。賦詩

賞賁公受

賜與尙書將。十一

月

命選唐宋詩。酹十年夏。擢戶部尙書。十三年春。扈

駕東

巡。謁

孔林。登泰岱。

上以山徑險仄。

諭公不必隨上。沿嶺派侍衛分駐。有交辦事。

國朝臣事錄卷之十七 名臣

年

遞傳上下尋

命閱會試迴避卷調兵部尙書明年金川報捷。

加太子少師暫管日部尙書事。

賜御書宣贊樞衡額尋兼掌

院學士協辦大學士偕汪公由散纂西清古鑑十五年授吏部尙書協辦閣務如故教習庶吉士御史歐堪善奏公徇庇營私各款。

上召公及軍機大臣掌院學士吏部堂官及堪善等親訊於

勤政殿事白不復置議會四川學政朱荃匿喪事聞。

上召問秦對不稱旨罷掌院學士旋賞公次子舉人散書

廕生觀政工部公經歷四部遞長六官所至能舉其職其佐司

寇也曹司有通曉律例者虛已咨詢獄無疑義及筦中樞

上以經略與大將軍向無區別。命公博考前典參酌今制自

禡牙啟行。至凱旋告廟。條上儀注。載入會典。及掌銓衡。振淹滯。

抑躁進。杜請託。吏胥莫敢抗弊。在農部最久。清釐錢法。稽核奏。

銷精於心。計者不及也。十六年。扈蹕南巡。時父年八十。特

晉一品封典。給假留侍一月。公奉太公迎駕吳江。賜貂緞。

及御製七言律詩。御書湖山養福四大字。賜公父台階。

愛日四大字。賜公。命閱召試諸生。卷歲除。賜白金五

百兩。十七年。陳情乞養。御書身依東壁圖書府。家在西湖山

水間。一聯慰之。再請。溫詔俞允。御製詩寵行。有翻祝歸朝

晚卿家。慶倍深之句。又賜公父如意人。縐貂緞等物。且諭。

日二三年後南巡君臣復得相見矣。

聖情肫篤不啻家人父子焉。家居二年。命與沈宗伯德潛合

修西湖志。纂二十二年。六飛重幸江浙。公赴淮陰迎駕。

賜在藉食俸。會汪尙書由散。假歸省墓。命公代攝其事。賜

御製詩。又賜萊衣畫永額。命閱上下江召試卷。尋令歸侍

養。寄御製詩百八十餘首。命和進之。明年丁憂。時公兄啟

心以毀卒。百日後。特詔以工部尙書召用。請假數月畢葬事。

許之。明年調署兵部。賞紫禁城騎馬。命工部侍郎三和於

澄懷園度地建屋。俾就近直宿如初。八月興順天鄉試。二十四

年教習庶吉士。服闋。授兵部尙書。署掌院學士。二十六年遷吏

部尙書。協辦大學士兼掌院如故。充經筵講官。恭遇

皇太后七旬慶典。撰擬御製表文。恭上

徽號冊寶。典禮隆重。公與協辦大學士兆惠公主之周旋。磐折

從容。中慶奉。懃旨賞賚有加。明年典順天鄉試。二十八年。策

拜東閣大學士。仍兼吏部尙書。掌院學士。賜第內城。加太子

太傅。十一月薨。年六十有七。公天性孝友。事二親。色養備至。自

通籍。以至爰立。不傍門戶。不務巧捷。以樸誠結。主知扈從。

巡幸。常在屬車豹尾間。大制作威。出公手。總裁國史文。類續

文獻通考。各館體例。多其所定。巨製鴻裁。折服羣產。屢閱殿

試朝考。散館召試卷。必公必慎。文章近南豐。詩骨蒼秀。有矢音

集五卷書學柳誠懸繼參文趙晚師顏李凡三變奉命編秘
毀珠林石渠寶笈益得縱觀天府收儲經進時獨蒙睿賞
屢勒堅珉性儉素衣必數潮自奉啻於寒士貲郎過吏不敢因
緣造請每下直雙扉書掩門庭闐然嘗署所居爲味初齋示不
忘舊也吏部內閣翰林掌院皆京僚極清要地公兼領數年王
尙書際華戲謂曰公可謂三清居士矣表尙書曰修笑曰兼以
上書房甫書房則五清也其爲同官所欽慕如此四十四年
高宗御製懷舊詩列公五詞臣首予二長同書字山舟出嗣伯
兄乾隆十七年由舉人特賜一體殿試選庶吉士累遷侍講
以文章書法名世引疾歸嘉慶十二年重赴鹿鳴宴賞侍講

學士銜九十三年卒散書官至工部右侍郎

國朝先正事畧

卷之十七

六



雷翠庭副憲事略

公諱鋁字貫一。一字翠庭。福建甯化人。少有志於聖賢。見蔡文勤世遠所著學約。篤好之。遂從文勤學。舉鄉試。入都。不投公。卿一刺。以陸平湖不敢見。魏蔚州爲法。方望溪侍郎嘗與文勤太息。生才之難。計數生平朋好。如楊賓實。陳滄洲。後生中尙未見堅然可信其幾及者。况在古人。文勤曰。吾門雷生。乃後起之賓實也。公乃出見望溪。於文勤所。文勤卽命受學於望溪。望溪固辭。而答以儕輩之稱。者凡四三年。其後察公品峻而意誠。始受之。不辭。朱文端軾聞公名。不可得見。乃就公於文勤寓舍。與講易。時人兩賢之。而孫文定嘉淦亦禮先於公。舉爲國子監學正。

雍正癸丑開性理試。主者欲得公公。謝不往。是年成進士。選庶
吉士。以大父母春秋高。請急歸省。乾隆六年丙辰。詔起公於
家侍。皇子寧。賜第內城。特旨授編修。丁巳。充會試同考
官。以御試前列。受賜。充日講起居注官。遷左諭德。兼翰林
院修撰。同官余棟。以國卹入都有旨。留侍。皇子讀。余辭
不許。公言。余某父喪未葬。不宜在。皇子左右。聞輔臣咎其辭
爲好名。使在廷皆避好名之嫌。不求盡子道。非細故也。余得歸
終制。始公。父就養京師。將以察公守官之志行。又念文勤歿未
知所學於望溪者何如也。於其歸望溪。爲文贈之。亡何父卒。公
以憂歸。服闋。補原官。遷右庶子。再遷少詹事。擢通政使。當是時。

上以言事者外沽而名實自規便利屢下詔訓勅公謂二者雖諫臣不肖然朝廷樂聞讜言但當論其言之是非不必疑其計利并不必疑其好名言果可用采而納之諫臣之所得者名政事之所資者實也昔孔子稱舜曰隱惡揚善則知當舜之時言者亦不能有善而無惡也惟舜隱且揚之故書曰明四目達四聰又曰嘉言罔攸伏願皇上以舜爲法任老成遠譖佞簡遊幸屏玩好得

旨嘉獎十

二年

上將南巡公講

勅諸大吏省徭役散樸素以便民時

上已有

旨宜諭矣以公言忠弗拂也尋乞假省母假滿

命

國朝三才集事

卷之二十一 名臣

八

以原官督浙江學政。調江蘇。改左副都御史。仍調浙江。教士敦
實行。去功利。衡文取雅正。一革舊習。刻陸清獻及張楊園先生
年譜。以風示學者。公爲政甚嚴。而州縣吏亦無敢踰法虐士有
勑屬捏報劣生者。其人已擢守道。公特劾之。因疏言。舉報優劣
當責成府縣官。定以處分。又言。太學貢士。宜先老成通經學者。
會秋大飢。有司以例不敢請公。密言狀。特旨賑之。民困以蘇。
以母年八十。乞歸侍養。四年。旣葬。未終喪。而公卒。年六十有四。
乾隆二十五年十月也。公平居雍雍。以和不見喜愠之色。至臨
大節。則嶄然不可奪。在朝。遇重臣。無加禮。退接故交。如布衣。
時造次。必於禮法。而簡重安舒。見者氣爲之斂。初入仕籍。大臣

爭相引重。公岌然中立。無少依附。獨以忠懇結主。知每進經

史。講義必詳。晰義利開設端委。以根極於治要。

上嘉納焉。二十三年。

高宗南巡。御書堂額爲太夫人壽。兼

賜文綺。豐貂蓋。公純

孝。

上知之故。體恤尤至。而公臨沒。具遺表。亦言臣爲子之事。粗具而爲臣之志。未伸。此臣目終難瞑者也。公之學以躬行爲主。以仁爲歸。以敬義爲堂戶。其生平出處。張弛語默。按之無不合於道者。至小事皆可爲法。爲文章。簡要冲夷。有古作者風。居嘗謂國家根本在人才。故開一藝片善。必加搜討。所交多岩穴奇士。

其奉使出京布衣李鑑朱燉送別舟次鑑號豸青山人家世勲
舊爲太傅索額圖介壻隱於盤山閉關絕人事與燉俱守道自
重不妄見人惟公能得之在蘇善陳黃中在浙江每有造訪或
邑人未曉名姓相視驚訝不測公何以知之也生平學宗程朱
而於象山陽明辨之甚力嘗謂孔子性相近之言實萬世言性
之宗旨孟子所謂性善正相近之實除相近者善之相近也以
萬物爲一體者堯舜之仁也今人乍見孺子入井而怵惕惻隱
可謂不與堯舜之仁相近乎故曰性善也擴而充之人皆可以
爲堯舜也必待擴充之力者氣質有不同也孟子言性與孔子
無二旨也又曰道心卽性也人心之正者道心爲之主卽性宰

乎氣也。人心之偏者，道心之有蔽，卽性泊於氣而失焉者也。非道心爲一心，人心又爲一心也。如飲食男女之欲，人心也。而道存焉，知道存卽道心也。知其爲道而肆焉，則危者愈危，微者愈微矣。故必道心爲主，而人心聽命也。所著經筵堂集自耻錄讀書偶記校士偶存聞見偶錄共若干卷。

同治辛丑年工部局名
卷之十七

陳文肅公事略

公諱大受字占咸號可齋湖南祁陽人父綵好施與屢出粟賑饑夢神授緋衣兒遂生公兒時行仆市中逸馬羣至止焉人以爲異性沈敏強記初授內則卽退習其儀旣長家益貧躬耕山麓同舍漁者每夜出捕魚公爲候門讀書不輟雍正七年以拔貢舉順天鄉試十一年成進士選庶吉士乾隆元年授編修二年

上御乾清宮親試翰詹諸臣日午御座以待公章最先成奏焉

上喜列第一遷侍讀累擢左庶子侍讀學士晉少詹事三年遷

內閣學士典試浙江四年授吏部右侍郎充經筵講官三禮館副總裁尋授安徽巡撫初視事剖決疑案老吏駭其精敏廬鳳穎等府素稱盜藪地方吏多諱匿或事主隱忍不報致蠹役表裏爲奸公抵任後勒限嚴褻一月中獲盜五十人得首緝美會淮南北洊饑發倉穀賑之穀且盡乃令於麥熟地買麥又分糴於江廣且發且儲六年壽甯水無麥乃食民以所買糴者時連歲饑民多竊米麥以食有司以盜論公哀其情奏原六十餘人高阜斜坡不宜稻麥前總督郝公王麟攜閩產早稻一種曰命菜性宜燥無煩浸灌公教民試種有秋因遣購數十石分給各屬化無用之田爲有用事聞手勅報曰諸凡如此畱心甚

慰朕懷虞山陳進士祖范邃經學公廷主敬敷書院且疏薦得
旨加司業銜異數也是年調撫江蘇常鎮太水災公糶倉穀疏
溝渠築汙岸修廬舍殮餓殍請緩今年徵水退恐遺蝗種乃募
民先冬掘之官爲收買疏入
上嘉獎傳諭直隸總督高公斌照所奏辦理七年淮海徐下田
積水不可以麥民有草食者公按口各假二月糧
上命截江廣漕米七萬石賑之句容之黃堰壩灌田八千畝郭
西塘灌數百頃歲久盡淤乃貸社穀俾民以工就食水利復而
民不飢秋河決古溝再決石林高寶興泰徐州罹其患公疏聞
上命截漕米協濟銀穀至數百萬乃多備空船候米至則分載

之舳舻數百里。一日而徧。先是丹陽運河口。藉潮水灌輸。淤沙每需疏濬。至是公奏定六年大修。每年小修。其後。

高宗南巡。

御製反李白丁都護歌。有豈無疏濬方。天工在人。

補輪年大小修。來往通商賈之句。蓋嘉公奏定歲修法。利於漕。

運也。十年奉。

恩旨。普蠲明年天下錢糧。公疏陳江蘇蠲糧三。

事。一核準漕項。科則曉諭周知。一築造地丁耗羨。同漕項并完。

一酌定業戶減租分數。通飭遵行。得旨嘉獎。時戶部議禁商。

國公。以謂商人貯米得少利。卽散貯。不過一歲。民且利焉。請弛。

禁。便。又言城上核減。意在節用。用省而工惡。再修且倍之。城郭。

爲千百年計。不宜求節省目前。

上皆黷之。十一年加太子少保。時淮海徐屬被水災者十七。公行縣至海沐。見食蒿實者。取嘗之。苦澀甚。乃趣散粟。借以種蘇。揚俗尙侈靡。公力禁習。尙爲一變。蠲牛稅及漁鰕稅。以惠貧民。廣置義學。割俸欲助廣仁育嬰普濟三堂置產。以經久遠。九月。調福建巡撫。疏言近海商民例許往暹羅造船飯米。但內渡時。若有船無米者。應倍稅示罰。部議從之。故事。巡臺御史出巡南北路。派所屬縣輪備夫輿廚傳犒賞之用。又濫准詞訟。致奸民挂名胥役。生事厲民。公奏劾之。勅自乾隆五年以後。巡臺御史均交部嚴議。又疏言臺屬番民生業艱難。向漢民重息稱貸。子女出產。每被盤折。請撥臺穀六萬石分貯諸彰淡水等屬。照

鳳山例接濟其不願借者聽

上報可。聞人與番雜處。土音非譯不通。有奸民殺人賄通事移坐番罪。公疑之。再鞫。竟得白。十月授兵部尚書。十三年春。

上東巡。公覲行。在召問東土饑饉情事。公以所見對。卽命

於行營前議賑事。還朝。典會試。轉吏部尚書。協辦大學士。充軍

機大臣。經筵講官。教習庶吉士。兼直上諭處。時金川用兵。

上憂勤方略。軍書如織。雖深夜必達。覽公日數被召對。夜

宿直廬。凡樞密軍事。皆與焉。出入見星。以爲常。歸則積帙數寸。

刻燭披覽。無畱牘。十四年金川平。晉太子太保。加軍功三級。

賜御書熙績良謨額。秋署隸總督。積勞成疾。

上數遣醫存問。

賜葭藥十五年春授兩廣總督。

陞辭請

訓。

上曰汝直樞廷兩載萬幾之事皆所目擊。即朕訓也。何贅辭惟

中外一心足矣。尋

命協理粵海關務。兩粵去京師遠。吏媮民

隳。公以猛易之舉。劾不法吏。無虛月。風俗丕變。初總督碩色與

巡撫岳濬在粵東互相牴牾。至是調雲貴督撫。公疏言雲貴極

邊重任。二臣恐不能和衷。請切加訓飭。

上韙其言。十六年請裁廣東肇高學政。從之。疏言海康遂溪等

縣堤遇圯。場應搶修。刻不容緩。若必待詳估。事已無及。不若令

民隨時自修。遇重工另奏。官辦報聞。八月以病乞解任。溫詔

國朝先正事略卷十七名臣

何

慰留未幾薨年五十遺疏人

諭稱其才品優長精明勤慎

命入祀賢良祠以獎賢勞予三代封誥廕一子賜祭二壇諡
文肅公器宇端嚴每正視眉目皆上起豐髯有威朝廷倚爲
重臣清節見推海內微時極貧父母生母皆不及養故雖貴愈
自刻苦儉約如布衣時事長兄盡恭能曲承其意與人既合則
不愛其力而於親故尤甚性坦夷無城府不爲矯激之行亦不
典忍隨俗嘗及方侍郎之門望溪集中多與公往還尺牘所言
皆吏疵民瘼深以湯文正期公謂足繼其武公嘗言厯事多而
利害明則受病卽在此望溪嘆爲名論謂可爲庸庸者之藥石
云子輝祖由任子累官廣西湖北河南巡撫擢浙閩總督兼管

浙江巡撫事坐籍沒王直望任所貲財以銀易金且隱匿玉器
迎問 賜自盡

舒文襄公事略

乾隆四十二年正月

孝聖憲皇后崩四月

純皇帝奉梓宮安葬

泰東陵大學士舒公扈蹕行十九日抵良格莊道疾命御醫

診治越二日薨

上震悼諭稱公老成端重練達有為宣力中外四十餘年實為國家得力大臣命賞陀羅經被遣侍衛

十餘人奠爵特贈太保賜祀賢祠車駕還京復親

臨奠

御製詩輓之尋

賜祭葬

予謚文肅持長子舒常

國朝正事

卷十七名臣

以參贊大臣征金川事歲畱鎮西蜀及是命馳驛回京治喪
哀榮之備朝列所希有也公諱舒赫德字伯容別字明亭姓蜀
穆魯氏滿洲正白旗人祖諱徐元夢卽文定公也父諱席格中
副榜宮員外郎公由筆帖衣授內閣中書入直南書房隨閣臣
預機務遷內閣侍讀晉御史乾隆二年擢侍讀學士明年由副
都御史擢兵部侍郎勅辦步軍統領四年
上以盛京爲國家根本地游民聚處日繁非便命公偕將軍
暨五部侍地議奏請禁海口毋許山東游民私渡先來者編戶
籍歸有司約束同例民人墾荒地十年乃陞科而旗人限以三
年輕重失序讀史其例從之十三年遷都統兼署兵部侍郎

命爲軍機大臣擢兵部尙書調戶部管三庫事務命同大學

士經略傳公征金川參贊軍務明年春金川納款加大子太保

御書均式宜蘇四字賜之命由川人滇勘視金沙江形勢等

桐運又命歸途校閱湖南北營伍又明年命視浙江海塘

上程十六年從幸江浙十七年河決馬路口

上命公同劉公統勲策樞公往治之堵決口卹災黎月餘工竟

上嘉之先是準噶爾有綽羅斯都爾伯特和碩特土爾扈特名

曰四衛拉特其輝特部附於都爾伯特厥後土爾扈特竄入俄

羅斯乃以輝特補之傳至噶爾丹跳跟犯塞

聖祖三臨朔漠平定之噶爾丹策凌當雍止中遣使經界其地

國朝元正事略卷之六十七名臣

始奉約束及喇嘛達爾扎戕其酋自立所屬散亂而輝特台吉
阿睦爾撒納爲達瓦齊畫計假哈薩克兵襲喇嘛達爾扎殺之
達瓦齊自立爲汗阿睦爾撒納遂率所屬及都爾伯特台吉策
凌敏關求內附且籲借兵以定準噶爾地

上先命公廉之得其狀而返至是命公馳往經理公以阿睦

爾撒納新附難信請弗與兵而移其妻子就食歸化城

上以請與不與是疑其貳也移妻子是以爲質也軍營兵力未

齊兩部降衆不下數萬疑而有變事將不可問所辦非是落公

職以閒散在參贊上行走十七年哈達哈帥師進發公奉命

留烏里雅蘇臺偕侍郎兆惠公籌備糧餉駝馬事宜是歲伊犁

平分準噶爾地令四衛拉特各台官駐將軍於伊犁統兵鎮撫之而召各汗入京師赴宴阿睦爾撒納既不得爲總汗且以將入京疑懼因煽其衆中道叛走時其妻子尙在烏里雅蘇臺公聞信偕兆公馳往收送京師二十一年噶爾喀台吉青衣雜卜類臺站中梗會察哈爾兵數百方以送羊至公留之分布各站軍報乃通又以所獲馬數百羊萬餘冒險阻運赴軍前比至額爾齊斯河哈公兵已絕糧四日矣未幾詔公入覲授都統任參贊大臣明年春同將軍成衮札布等進兵回部適所收之準噶爾夷人沙位斯等叛副都統鄂實陣亡公坐是復削籍以兵丁効力贖罪尋與兆公取阿克蘇下烏什得旨命公駐

阿克蘇經理回人屯種而兆公等以是冬進取葉爾羌賊度官軍深入無繼悉眾困我師阿克蘇烏什均一日數驚回人玉素富者自其祖時內附封公爵久居哈密者也時隨征在阿克蘇公廉其可信屬以安輯烏什回人而自駐阿克蘇鎮之眾心大定會

上先遣滿洲蒙古兵四千爲協防伊犁之用公檄令速赴阿克蘇十一月兵至者二千有奇公率以先道險遠馬獎往往步行三十三年正月將抵葉爾羌回曾大小卓木逆戰公督兵奮擊凡八晝夜賊敗遁乃與兆公軍合事聞按副都統尋按吏部侍郎晉二部尙書及都統明年回部平予雲騎尉世職繒象紫

光緒

上親製贊。又明年。

命公駢回城定設官授祿賦稅土田之制。

二十六年還朝調刑部尙書兼都統如故并管三庫事二十七

上南巡命留京總理事務後以爲常尋充經筵講官兼管工部

尙書加太子太保管戶部事二十八年命偕袁公日修赴閩

察辦海關陋規還署步軍統領充國史總裁三十一年春暫署

陝甘總督還朝兼署戶部尙書三十三年因緬甸不靖命以

參贊大臣往雲南坐陳奏錯謬奪職以副都統銜赴烏什總理

回疆事務三十六年夏土爾扈特來歸初土爾扈特汗阿玉奇

國朝正王喜慶子名臣

元

投人俄羅斯居額濟勒河以阿玉奇曾孫握巴錫以俄羅斯蔑
佛教又苦征調遂挈所部以來眾十餘萬羣言洶洶謂有詭計
上慮伊犁將軍伊勒圖一人不能經理命公往相度公力白
其無他

上嘉之額濟勒距伊犁萬有餘里渥巴錫行八閱月始抵伊犁
界飢疲疾疫道殣相望公隨宜借置全活者眾先令渥巴錫及
其台吉人覲而分居部落於齊爾吉爾哈朗諸地又請借給駝
馬牛羊數萬俾其孳息又撥地給籽種命屯兵教之耕植於是
土爾扈特部咸安其生自以爲歸天朝晚也已而俄羅斯邊
吏使使問故公面折之其人悚息去詔授公伊犁將軍尋授

戶部尙書領侍衛內大臣二十七年拜武英殿大學士兼刑部
尙書國史四庫等館總裁官又總理吏部兼管戶部三庫仍充
經筵講官掌翰林院事兼日講起居注官會山東討張賊王倫
以邪教倡亂詔公出視師至則破臨清盡殲逆黨倫自燔死
凡六日賊平降旨褒敘授御前大臣四十一年定西將軍
阿桂公平金川

上以公進籌帷幄有功依平定準噶爾回部故事圖前後功臣
各五十人公列第四公子舒常第十論者謂自古雲臺凌煙未
有一人再圖象者至父子並列尤曠古所無當是時
太子稽古右文徵天下秘書條爲四庫藏弄文淵閣命公領

閣事世以是益榮之公夙夜在公不事家人產宅心誠泣事敏
盤根錯節世人望而氣沮公獨紆回籌畫宏濟艱難而在準回
二部久厥功尤偉其領閣部也甄綜庶政必躬必親使百執事
震動恪恭不稍卽叢脞生平孝友敦篤美行不勝書書其關於
軍國之大者薨年六十有八舒常後官至尙書

劉文定公事略 子躍雲

國朝兩舉博學鴻詞科得人最盛康熙己未中選者五十人。聖祖親拔海鹽彭公孫適爲第一乾隆丙辰中選者十五人補試得四人。高宗親拔武進劉公綸爲第一彭公中進士官中書應召試授編修歷官侍郎劉公由廩生應詔授編修以文章學問應期發聞受。土知遇未三十年遂參大政又八年而真拜又二年而薨其發跡爲尤奇而其相業亦獨著公字春涵號繩庵少雋穎六歲能綴文稍長學爲古文辭不怵世非旣入翰林益踔厲自力乾隆

五年遷侍講充日講起居注官。與陝西鄉試進士。常少卿由左
右通政太僕卿三遷至大理卿。授內閣學士。十二年命修詞
林典故。從幸太蘭。卽獵。所奏秋郊大獵哨鹿賦二篇。
上嘉其才。由是滋欲嚮用。公十三年與武會試。明年以署兵部
侍郎入直南書房。歷充續文獻通考。乃國史方略詩經各館
副總裁。再遷禮工二部侍郎。直軍機處。出入帷帳。列於近臣。流
民出塞耕。上默特地貝子某。不按原議年限。欲盡毆民。遷而歸
其地。
土命出按公議。緩其期。俾民輸作。受傭不奪。不爭旗民輯和。十
六年父
除補戶部侍郎兼順天尹。故事順天府公讀治

中、不署名皆寬放。自廢公請以錢穀屬治中獄訟屬通判先署牘而呈尹以可否之。王師西征準噶爾將發役軍供侍壹切辦治事竟無一人譁於道者。充經筵講官卽其部爲左侍郎會浙江按察使富勒渾劾奏巡撫鄂樂舜授意布政使同德勒派商銀。詔公往浙與總督尹文端會訊覆奏鄂樂舜受銀屬實論絞候同德末知情富勒渾誣劾論杖流。

上以富勒渾所參重款已實不應議罪責公等失富部議落職得旨畱任尋擢左都御史二十五年典順天鄉試。命偕侍郎伊祿順赴西路勘將軍嵩阿禮剋兵糧勒餽送等款得實論如律還遷兵部尙書教習庶吉士。賜紫禁城騎馬二十八年。

以戶部尙書協辦大學士加太子太保兼署刑部尙書三十年

母憂歸甫徐喪

詔以吏部尙書起公仍贊閣務充經筵講官

公爬疏抉剔綜覆名實奏定考試書吏法規條畫然三十四年

典禮部試明年典順天鄉試當是時天下皆望公爲鉅人長德

天子亦習知公忠勤可倚任三十六年二月策拜文淵閣大學

士兼工部尙書充

國史館總裁明年典禮部試三十八年春

公疾猶強起視事

上命公少休遣太醫就視使者存問載道賜人蔭和劑以進

六月薨於賜第年六十有三

高宗方罷蹕熱河優旨悼恤稱公品行端醇學問博雅詔

皇十二子臨其喪。賻以千金。贈太子太傅。入祀賢良祠。賜
祭葬如典禮。謚文定。公性至孝。親喪三年不御酒肉。號而行。日
踴數十里。營高燥以葬。手樹積表之。少游尹文端幕府。得其指
授。通籍後。汪文端尤重其度。在政府十載。與劉文正相得甚有
處。南劉北劉之稱。器量凝重。不見有喜愠色。出入殿門。進止有恒
處。上前所聞語。久益無所遺。亦未嘗一出口也。自工部侍郎歸
買宅。僅數楹。自後二十年。未嘗益一椽半。篋衣履極圻敝。不改
作。而盛服以朝。日吾不敢褻朝章也。食於廚者數百指。室無儲
餘。王侍郎昶爲樞。暫時嘗以要事。繕疏。稟夜半詣公公起。幾爇

操筆點定時。仲冬寒甚。公呼三子具酒脯而廚傳已空。僅得白
棗十數枚。侑酒。其清儉類此。居永定。賜園每退朝。寂不聞聲。
同人覘之。則方飯脫粟。已手一編兀坐。器具插路。蕭然如布衣。
時屢與鄉會。談其他考校。以十數所等第士。皆有名於時。嘗言
衡文始難。在取繼難。在去較量。分寸每至夜分。或勸節勞。公曰。
文之佳。兄弟也。一去取閒於我。甚易。獨不爲士子計乎。公嘉博
雅。應詞科。時年裁二十有六。廷試賦題爲五六天地之中。合
諸徵士。不解所出。多瞠目縮手。公獨揮翰如飛。張文和公故親
公。卷對衆。郎吟始共。解沈君歸愚亦在試。出語人曰。吾輩
頭顱如許。乃不如一少年。愧死矣。公爲文章浸淫六朝。而根抵

漢魏千變萬珍。涵於一源。於詩獨喜高青邱。謂能入唐人門。閉
所著繩庵內外集。二二四卷。次子躍雲。字青垣。乾隆丙戌。一甲
三名進士。授編修。官至禮部侍郎。年七十。告歸。公父子相繼服
官於朝。至七十年之久。家無一畝之宮半頃之田。可以見其家
法矣。孫逢祿。字甲甫。嘉慶甲戌進士。官主事。推衍經學。著書數
百卷。尤精於春秋毛詩聲韻之學。著有劉禮部集。

國朝先正集

卷一

二四

國朝先正集卷一

國朝先正集卷一

秦文恭公事略

太子太保尚書秦公以經術篤行知名海內起家詞館位正卿所著五體通考體大思精囊括禹有能竟朱子未竟之志爲門類七十有五爲卷二百六十有二殫思三十有八年藁三四易而後定自言平生精力盡於是書乾隆二十九年四月以疾請解任溫旨不許八月復具疏乞回籍調治詔允所請仍懸缺以待公既受命買舟南下疾遽革以九月九日薨於滄州訃聞

天子愴惻賜白金千兩凡喪具命有司議卹諭祭葬如制諡曰文恭明年車駕南巡至無錫幸寄暢園御製詩有

養疴旋里人何在撫景愀然自此閒之句寄暢園者公家別業也。上追念舊臣形於翰墨如此益可以見公之爲人矣公諱蕙田字樹峰號味經宋學士觀二十六世孫世居無錫雍正初析置金匱縣遂爲金匱人祖孫齡順治乙未進士官左諭德父易然府學生本生父道然康熙己丑進士官編修改給事中。公以乾隆元年賜進士第三人及第授編修入直南書房七年入直上書房尋遷侍講進右庶子改右通政擢內閣學士遷禮部右侍郎十二年丁本生父憂十三年奉旨奉蕙田服制將滿可仍以禮部侍郎用逾年調刑部侍郎兼理國子監算學充經筵

謫官三十二年。擢工部尙書兼理樂部。明年調刑部尙書。仍兼
管工部事。尋加太子太保。二十五年。治二十八年。兩典會試。公
至性過人。方未遇時。本生父以藩志事牽連訟繫十餘年。別趨
車南北。炎雨酸風。與吏卒雜馳。公隨侍膝下。百方營護。既還籍
朝廷赦書屢下。給諫公猶不得援例寬釋。公伏闕陳情。乞以身
贖其略。云臣本生父某身罹重罪。已荷天恩。曲宥祇固催追
銀兩。力不能完。仍行圈禁。迄今九載。年已八十。衰朽不堪。本年
五六月內。侵染暑溼。虐厲時作。寒熱交攻。奄奄一息。幾至殞斃。
羈所臣雖備員禁近。而還顧臣父老病拘幽。旣無完解之期。更
無久存之望。方寸昏迷。不能自主。誠不忍昧心竊祿。內慙名教。

伏惟

皇上矜慎庶獄有一綫可原者槩予寬釋當此聖明孝治之朝更逢薄海祝網之日惟有願懇鴻慈格外鑒宥丐臣父八旬垂死之年得終老牖下臣願革去職銜効力行走以贖父罪疏入天語嘉歎遂有寬釋之詔其未完銀並豁免由是給諫公優游林下者又十年時與桐城方恪牧公並稱二孝蓋恪敏每歲徒步省其父於戍所也公既得請感泣誓以身許國上亦鑒公忠孝有意大用公矣公任學上時陳科舉學校六則在禮部奉命校閱禮書時方修會典天子以聖人之德制作禮樂百度聿新公職業攸司考先益精

博在工部疏言工程難易不同司員每意存趨避請用刑部掣
發均派例從之在刑部執法平允尤爲
上所倚重同僚或持異議公援引律例必申其說乃已遇僚屬
嚙笑不苟其賢者薦達之不遺餘力衆莫不慚其嚴而服其公
也公歿後部臣讞獄偶失旨
上輒舉公名歎息不置以是知公之盡心職守矣公立朝三十
年治事勤敬剛介自守不曲意徇物公退杜門著書不異爲諸
生時後進有通介嗜古者延攬恐後蓋天性然也少從給諫公
京師何義門王翦林徐壇長諸先生咸折輩行與交中歲居里
門與蔡學正宸錫吳王事大年吳學士尊彝爲讀經會於禮經

之文如郊祀明堂宗廟禘嘗饗宴朝會冠昏賓祭宮室衣服器用等類隨舉一義輒集百家之說而諦審之間難辨答筆之箋釋於是者十餘年及佐秩宗考古今禮制因革以爲禮自秦火後漢儒抱殘守缺厘存什一朱子嘗有志編次朝廷公卿大夫士民禮盡漢晉以下諸儒之說考訂辨正以爲當代之典而所撰儀禮經傳通解體例未備喪祭禮又續自勉齋黃氏信齋楊氏未爲完書廼本崑山徐氏讀禮通考義例按吉凶軍賓嘉之目取向所考定者增輯排纂有五禮通考之作方恪敏公見而好之與同參訂先經後史分門辨類以樂律附於吉禮宗廟割度之後以天文推步句股割圓立觀象授流題統之以古今郡

邑山川地名立體國經野題統之並載入嘉禮中凡先儒聚訟之說一一疏通解駁上探古人制作之原下不違當代之法可以坐言起行自恪敏外與參校者爲德州盧雅兩元和宋慤庭青浦王述庵嘉定錢曉徵王西莊休甯戴東原皆當世通儒也乾隆初江陰楊文定公領國子監事薦公篤志經術可佐教成均旣而直內廷課皇子講讀益以經術爲後學宗嘗言儒者舍經以談道非道也離經以求學非學也故以窮經爲主而不居講學之名所著味經窩文集說經之文居其大半少喜談易謂易者象也先儒詳於言理略於言象爰撰周易象義日箋若干卷又調詩三百篇古人皆被之管絃漢魏以降始失其傳

然天籟之發今猶古也因欲以今曲歌古詩庶協詩樂合一之旨又奏詩刊正韻書

上命公與武進劉文定公任其事公建議古韻二百六部今併爲一百七韻如元與魂痕當析爲二般韻宜併入真韻不當入文韻上聲拯韻去聲證韻宜分出各自爲韻又考定四聲表兼采崑山顧氏婺源江氏之說欲通古音於等韻時公已遭疾猶往復辨論不休也公之著述其大者如此他若河渠律算下及醫方堪輿星命家言皆析流窮源有體有用梁文莊嘗云樹峰如鷹隼橫空飛而食肉其爲時賢推服如此卒年六十有三長子泰鈞乾隆甲戌進士官編修

蔡文恭公事略

公諱新字次明號葛山福建漳浦人贈尚書太傅文勤公世遠從子也。幼秉家學言動必以禮法。乾隆元年進士選庶吉士授編修。九年充江西副考官。十年入直上書房考御史第一辭。改侍講。十一年督學河南任滿仍直上書房。十七年典江西鄉試擢侍講學士日講起居注官。未幾遷內閣學士再晉工部右侍郎調刑部。十八年乞假省母。上許之。賜其母貂皮大緞。假滿仍供職。遂陳請終養時太夫人年未八十且非獨子格於例而。上俞其請異數也。是年冬里居。命爲上書房總師傅疏辭乞

齒養。諭之曰：並非令汝卽來供職，原待後日之至也。二十五年祝。

高宗五旬萬壽入都，御書旌其母。明年春，駕幸江浙，公朝行在。諭曰：卿母年逾八旬，宜早歸。二十九年丁母憂，喪葬皆行古禮。三十一年補刑部侍郎、視學直隸。逾年除工部尙書，兼署刑部。三十四年攝兵部尙書，兼領國子監。公所居官房火，陳請賠修，特旨免。三十八年調禮部尙書，充四庫館總裁，賜紫禁城騎馬。賞澄懷園官房。四十一年再攝兵部尙書。是期公年七十。御書武庫耆英及冠服諸珍以賜。四十四年四十五年兩典順天鄉試，轉吏部尙書，協辦大學士。四十六年乞

假修墓得

旨俞允

賜以詩四十八年

上以公究心洛閩諸書爲根柢之學錄寄

御製君子小人論

雲上於天解濮議辨令閱覆還朝觀熱河

行在

上賜以詩有年老君臣似友朋之句六月拜文華殿大學士兼

吏部尙書

賜額曰黃扉宿彥四十九年典會試前後充殿試

讀卷官凡七次

賜公長子本淑主事賚元狐端罕五十年正

月與干貝宴

賜如意壽杖諸珍物二月

上臨雍講學公以大學士兼管國子監坐講天行健君子以自

強不息二句

賜茶及文綺先是御製三老五更說糾蔡邕

獨斷父事兄事班固白虎通老更名一人之謬至是御製臨

國朝統正事畧卷十二

新建辟雍詩中有云蔡新或備伯兄行註曰若今羣臣中孰可
當三老五更之席者獨大學士蔡新長予四歲或可居兄事之
列然恐其局趣勿敢當舉王導對晉元帝之語耳三月公乞致
仕疏再上詔曰大學士蔡新老成端謹品學兼優茲以衰疾
奏請解職情詞懇切覽奏深眷於懷第念其年近八旬閩籍距
京路遠不忍重拂其意勉從所請以原官致仕晉加太子太師
親製詩章以寵其行仍於朕巡幸熱河啟鑾送駕後始行馳驛
回籍五月賜御書金筵如意諸珍物三次製詩送行有不
忍言畱合令歸及歸言別又依依之句公抵閩疏謝復賜御
製詩其後屢寄御製文命公閱諭之曰在朝竟無可與言

古。友。者。故。寄。卿。閱。不。可。阿。好。徒。贊。頌。也。五。十。五。年。詣。闕。祝。釐。

賜。宴。同。樂。園。賜。詩。有。曰。八。旬。幸。我。猶。身。健。九。望。憐。卿。會。膝。前。

賞。人。漫。一。斤。命。沿。途。有。地。治。者。備。安。輿。護。歸。次。年。復。寄。示。

詩。文。賞。御。製。珪。珣。說。摺。圭。說。墨。刻。二。卷。御。製。反。蘇。軾。超。然。

臺。記。說。一。篇。諭。以。發。看。近。作。詩。文。以。驗。學。詣。不。必。和。韻。可。也。

自。時。厥。後。凡。遇。審。製。必。寄。示。公。內。府。書。籍。石。刻。及。畫。卷。文。

房。諸。珍。品。在。廷。臣。所。得。邀。賞。者。靡。不。便。蕃。賜。賚。焉。五。十。七。年。

王。子。鄉。試。公。重。赴。鹿。鳴。宴。有。旨。賞。賚。六。十。年。恭。遇。

高。宗。皇。帝。御。極。周。甲。慶。期。諭。公。年。近。九。十。不。必。前。來。公。奏。庚。

申。歲。爲。

上九旬萬壽屆時詣闕再祝奉

手勅字字出於至誠我石臣

共勉之者

天恩得符所願實佳話也嘉慶元年公壽九十御書綠野恒

春額並壽佛如意蟒緞諸珍物賜之諭樞臣向公齋摺家

人間近狀賜本俊內閣中書以端節伊邇賞紗扇香錠節

物用示眷注是年發和詩章凡三四往覆至臘盡又寄示

新作數種四年間

高宗哀詔具劄奏慰奉御批具見忱悃公北上至福州巡撫

汪志伊奏蔡新奉

太上皇帝遺詔卽由漳浦啟行抵省頗覺委頓步履尤難勸其

暫歸安養俟秋涼時護送入都 溫詔止其行尋 賜本俊一

體殿試以主事用是年十二月公薨於里第年九十有三訃聞

仁宗諭曰原任大學士蔡新久任綸扉恪恭奉職而在上書房

行走最久朕及昆弟俱經授讀懋著愼勤可晉贈大傳著巡

撫汪志伊往代朕奠酒其子四人及孫行達著汪志伊遴送二

人引見尋 賜祭葬 予諡文恭六年孫行達 賜一體殿試

選庶吉士八年入祀鄉賢祠公之學以求仁爲宗以孟子不動

心爲指歸嘗苦此心難治因集先儒言操心養心存心求放心

之法彙爲一冊曰事心錄終身體味之其端和恭謹蓋得諸文

勤公之教爲多直上書房四十一年其培養啟迪於根本之地

者至深且久。諸皇子孫曾對公之容。莫不肅然。藹然。敬信。悅服。公亦知無不言。而純樸和易。使人意融。進呈經解。本末燦然。於敬肆欺慊及盈虛消息所由來。治亂安危所由判。莫不悚切言之。不徒守經師舊談也。家居遇巡尉執禮。必恭。或問之。公曰。欲使鄉人知位至宰相。亦必敬父母官。知父母官當敬庶常存。不敢之心。而犯法者。或鮮。卽此一端。可想其行已之恭矣。著

右緝齋詩文集

曹文恪公事略

李恭毅公湖

彭文勤公元瑞

曹公秀先字冰持號地山江西新建人生之夕贈公夢遊廬山
開先寺陟秀峯頂採紫芝以歸故令開先秀峯以爲名小字紫
芝有異稟讀書日數行下七歲學爲文日可構時藝十餘首十
二歲患目疾失明贈公憂甚有道人詣門以手摩之曰可治約
翼日持藥來已而竟不至目忽明十三歲巡撫王公企靖課士
拔公第一手題繡虎鴻文字贈之明年補弟子員逾冠充拔貢
一中副榜入都受知於高安朱文端公及臨川李侍郎舉雍正
十年順天鄉試十三年考取內閣中書詔開博學鴻詞科臨
川以公名列薦乾隆元年成進士出高安之門選庶吉士遂未

與詞科試尋授編修。恭纂

世宗實錄兼經史館校勘六年丁父憂服闋補原官充山東副
考官十年改御史尋請假歸十七年補原官明年近畿蝗公疏
講御製祭文頒發有蝗郡縣膽黃祭告并稽古典舉行此祭
飭有司籌款捕蝗勿假手胥吏。手勅曰蝗蝻害稼惟當賞力
撲滅。此人事所當盡。至於祈神報賽禮亦宜之。若欲假文詩以
期感格如唐韓愈之祭鱷魚其鱷魚之遠徙與否矣亦無可稽。
未必非好事者附會其說。朕非有泰山北斗之文筆似此好名
無實之舉深所弗取。所請不必行。餘著議奏。十九年遷給事中
二十一年丁母憂二十五年補給事中巡視南城二十七年擢

鴻臚少卿明年遷光祿少卿尋遷通政司參議三十年擢祭酒。典試浙江尋督江蘇學政三十年。年擢內閣學士三十三年遷工部右侍郎。留學政任三十四年。命赴浙江讞獄還朝充經筵講官。明年調戶部右侍郎尋調吏部右侍郎典試江南。又明年扈駕東巡遣往南皮祭尹吉甫墓。請御製詩表其墓。許之。卽命公恭和尋命祭告東嶽及少昊金天氏諸陵。監闕里是年典會試。恭值

皇太后八旬萬壽夫人劉氏係六十以上齊眉命婦。賜大紅緞二端。同時受賜者惟家宰程公景伊之夫人金氏。大宗伯蔡公新之夫人何氏海內榮之。三十八年充四庫館副總裁。三

十九年進所輯山莊正雅集御製詩賜之卽以爲序且

命公恭和所進表文命刊列卷首是年典順天鄉試晉禮部

尙書賜紫禁城騎馬四十二年命充上書房總師傅侍

皇八子講席賜寓澄懷園四十四年夏扈蹕熱河疏請建

承德府學并頒發書籍從之四十五年典會試得汪如洋爲選

首廷對復第一公前後典文衡皆得士校閱必詳盡人服其公

明四十九年七月薨於位年七十有七詔曰禮部尙書曹秀

先學問優長奉職勤謹可贈太子太傅應得卹典下所司議奏

尋賜祭葬子諡文格得旨祀鄉賢祠公以文學受主知

沈默厚重蒞部務謹守成憲刑更張待屬僚務存大體每人

對知無不言恭遇 國慶 武成 巡幸諸大典所進詩文冊

皆稱 旨尤工書法

上嘗召問平日究心字學因進所刻敬恩堂移晴堂書課蒙賞
御臨黃庭堅尺牘二幅以公籍江西故也典試江南以省墓公
假歸建冠山家廟構義學一區倣范文正義庄故事置義田千
畝面奏請 賜祠額 御書秩宗衍緒四字 賜之其後公子
師曾宮侍郎時疏請將義田官爲經理以期經久 優詔允行
所著有賜書堂稿依光集使是集地山初稿等書師曾由任子
官至兵部侍郎同時同郡以勲業文章並著者曰李恭毅公湖
彭文勤公元瑞

李公名湖字又川南昌人乾隆四年進士由郎中出守遷通永道有異政爲總督方恪敏公所賞拔累遷貴州巡撫四十五年調撫廣東以清嚴爲政粵東素多盜番禺之沙灣茭塘地近海綿亘百餘里尤稱盜藪每出洋肆劫或散布內地劫仕商莫敢遇問公密訪各盜姓名居址及出入途徑甚悉偵各盜首以七月望前歸家設祀祿飭文武吏分布兵役旬日閒擒誅盜首二百有奇疏聞。

璽書嘉獎乃條上安輯事宜請移設督捕同知於坑頭村立石募村專營扼要堵緝酌添水師戰艇其各村民艇今沙茭巡檢編號給印照禁民閒私造洋船均下所司議行自是海盜肅然。

粵東百餘年來論大吏之賢以公爲首耆老婦孺日之而如新
蓋實力爲民除害故入於民者至深且久也以積勞成疾卒於
位殮時面目手足皆作黃金色見者異之遺疏上優詔賜卹
贈尙書銜賜祭葬予諡恭毅所著曰李恭毅公遺藁

彭公元瑞字掌仍一字輯五號芸楣南昌人乾隆二十二年進
士由編修入直南書房官至工部尙書協辦大學士二贈太子
太保子諡文勤公天才敏贈與紀文達公同有才人之目早
直西清疊司文枋所作應奉文字婉麗清新衆獎賚不次而
恭厥


高宗御製全韵詩乃集千字文爲之又撰乾清宮前燈詞駢

語尤奇麗

上賜以貂裘端硯中外榮之雖爲和坤所蔽而恩眷始終不

替尤可想其風節云著有恩餘堂彙所選宋人四六藝林爭傳

誦焉子邦疇官侍讀學士





國朝先正事略卷之十八 名臣

平江李元度次青纂

傳文忠公事略

公諱傳恆號春和姓富察氏滿洲廂黃旗人曾祖哈什屯官內大臣祖米思翰戶部尙書父李榮保察哈爾總管公其第十一子也乾隆五年授侍衛歷遷內務府大臣八年擢戶部右侍郎軍機處行走十一年授內大臣十一年晉本部尙書議政處行走十三年授領侍衛內大臣加太子太保協辦大學士充經筵講官時大兵征大金川逆酋莎羅奔經略訥親總督張廣泗等久無功九月命暫管川陝總督經略軍務尋晉保和殿大學

士

賜詩寵行並

賜花翎二十藍翎五十銀十萬兩備犒賞

軍前諸將奏章許沿途開看

上御瀛臺賜食再

賜詩十月公啟行

上親詣

堂子行告祭禮

遣皇子及大學士來保等送至良鄉祝公飯

十二月諭奉曰

經略大學士傳恆自奏命以來公忠體國紀律

嚴明途次衝風冒寒諮詢軍機常至徹夜無眠今日披覽來奏

甫入川境馬匹遲誤滅從星發竟至步行具見心堅金石可從

優議叙部議加太子太傅

特命加太保公疏辭不允初小金

川土舍良爾吉奪其兄澤旺卽烝于嫂阿扣莎羅奔之侵沃日

也。良爾吉。寘從之。後詐降爲賊。謀張廣泗。惑于漢奸王秋。言使良爾吉領蠻兵。我師舉動。賊輒知之。是月。公使副將馬良柱誘良爾吉來迎。至邦噶山。聲其罪。斬之。阿扣王秋並伏誅。事聞。諭曰。前張廣泗方言良爾吉不可輕動。卽軍前諸臣皆明知其罪。而疑畏莫敢先發。今傳恆甫至軍營。卽誅。兩年逋寇。如檻豚。罔豕以快人心。而警番衆。非謀猷明斷。識力兼定。不及此。其耶以前口所賜雙眼孔雀翎。爲此番酬庸之典。如仍執意謙讓。是不遵朕旨也。尋奏言。臣抵卡撒軍營。見所云左右山梁。不過兩坡相對。地非甚廣。賊所守各礮。亦不甚大。不知何以用兵二年。不能進取。蓋從前之誤。在于專攻礮卡。賊險礮林立。大兵至守。

益嚴母論攻其有備克取爲難卽數日克一碉亦數年不能拔事今當奇正兼施因機制勝或以奇兵出其後或以徧師另取征賊出則直挫其鋒不出則專搗其穴又各路尅期齊進腹背皆兵寢食無暇自必內潰而酋可擒矣疏入 俞旨報聞公率總兵哈攀龍哈尙德等攻右山梁下巴郎平碉及色爾力石碉連克之

上以金川水土惡劣馳

賜公人參三觔並及諸將帥有差十

四年正月

命班師

召公還朝

諭曰金川用兵本欲禁遏

克暴綏輯窮番并非利其人民土地而從前訥親張廣泗措置乖方屢經貽誤是以特命經略大學士傅恆視師傅恆自奉命

以至抵營忠誠勞勩超出等倫辦事則鉅細周祥鋤奸則番蠻
懾服整頓營伍則紀律嚴明鼓勵戎行則士氣踴躍旦中宵督
戰不避風雪大著聲威誠克仰副委任朕思最爾窮番何足當
我王師經略大學士傅恆乃中朝第一宣力大臣顧因荒微小
醜久稽于外即使擒渠掃穴亦不足以償勞此旨到日可卽馳
驛還朝尋詔封一等忠勇公賞寶石頂四團龍補服公請
從卡賊一路直攻噶拉依又言旦夕攻克賊巢一簣之虧誠可
惜堅請進兵并懇辭公爵繳還原旨俱不允論曰經略大
學士忠勇公傅恆卽卽進勦番酋忠誠奮發志期殄寇執奏再
三朕揆勢度理以允降班師休兵息民爲經國遠計彼匈奴未

滅何以家爲者乃驃姚貳師輩武人銳往立功之概大學士輔
弼元臣抒誠贊化名耀旗常豈與兜鍪闔帥爭一日之績耶
示以詩三章有句云功成萬骨枯何益壯志何須效貳師又云
上將有心期利執大軍無物不包蒙又云晉國勤勞予厘念速
歸黃閣贊元功是月逆酋遣頭目至卡撤稟訴乞降公令曰莎
羅奔郎卡親縛來營者當待以不死逆酋復遣頭目至丹壩乞
降總統提督岳公鐘琪入賊巢挈酋目等由勒烏圍噶拉依至
經略軍二月四日莎羅奔郎卡除道營門外設壇翼日率衆降
公升帳受之莎羅奔等焚香作樂泥首請罪誓遵六事無犯鄰
封歸土司侵地獻馬爾邦兇酋資送內地人納軍械供徭役公

傳旨赦其罪莎羅奔等獻佛像一尊白金萬兩公卻不受奏
至諭曰莎羅奔郎卡俯首就降獻捷班師此皆
上蒼孚佑

宗社貽休有以懃相朕躬

皇太后懿訓詳明有以啟迪朕志荷茲福庇感慶實深經略

大學士忠勇公傅恆丹忠壯志勇略宏猷足以懷柔異類迭奏
膚功卽諸葛之七縱威靈汾陽之單騎見虜何以加茲實爲國
家嘉祥上瑞前已晉爵封公所賜四團龍補褂著祇受服用再
照元勲揚古利額駙之例加賜豹尾槍二桿親軍二名優示寵
章將來數十年贊化調元懋襄郅治實嘉賴焉其傳諭諸王滿

漢文武大臣並宣示中外知之 御製詩有單騎汾陽休比擬
都因忠赤格蒼天之句嗣公疏辭四團龍服 諭曰經略大學
士忠勇公傅恆因朕賞四團龍補服具摺奏謝并請于朝賀大
典之曰遵旨服用其尋常仍服公品級補服此固出自謙冲本
意然朕此番獎賞實出至公且具深意不可不明晰宣示蓋論
平定金川之功自不可與楊古利開國之功並論但彼當開創
四征之始今屬無事之時以博恆之忠誠智勇令與同時同事
亦可信其易地皆然也夫軍旅之事國家不能保其必無大臣
身係安危爲社稷所倚賴如張廣泗不過封疆外吏其人亦不
足論至訥親爵位旣崇又任用有年朕之加恩超越儕輩近年

命以視師實寄以心膂如朕親行不意辜恩貽悞一至于此爲
大臣者若惟是偷安自逸任意乖張國家其何賴焉朕旣用自
愧更因以滋懼是以明正典刑不肯曲宥而大學士忠勇公傅
恆見朕縈懷西顧欣然請行自奉命西征冒涉風霜均勞士卒
登陟岩阻晨夕辛勤裁決軍務嘗至達旦至則申明紀律誅賊
腹心雪夜督師攻碉毀卡必期焚巢掃穴一舉蕩平賊番震懾
稽顙歸命迨承朕旨納降班師星馳就道諮詢庶務仍係丙夜
辦理奏覆此所謂誠貫金石信格豕魚是以時未七旬兵不血
刃而番酋洗心革面永矢歸誠從此邊繳牧甯而中外大臣咸
知所取法股肱一體休戚相關緩急足資倚任實我大清萬年

無疆之慶國家酬庸盛典原非朕所得私。令茲豐沛殊恩昭示風勸。亦爲朝廷遠大之計。不定爲金川平定一時一事而然。在。大學士忠勇公傅恆。實應欽承無愧。朕于賞罰大典。悉有權衡。天下臣民宜所共悉。所賜朝帽頂及四團龍補服。并于朝賀典禮之時。時常服用。不必懇辭。三月公凱旋。命皇長子率諸王大臣等郊勞。既至。上御殿受賀。行飲至禮。賜御詩有兩階干羽。欽虞典六律宮商。奏采薇之句。尋勅照勲臣額亦都佟國維例。建宗祠祀公。會祖哈什屯祖米思翰父李榮保。春秋官爲致祭。追諡李榮保公曰莊恪。賜第東安門內。賜詩落成。二十八年夏。溽。噶爾。

平定公西路興師之舉人心狙于久安在廷諸臣惟大學上
傳恆與朕協心贊畫斷在必行著加恩再授一等公爵以爲力
矯積習爲國家任事者勸公疏辭諭曰大學士公傳恆以加
賞公爵具摺奏辭情辭懇摯及召見又復面陳再四至于泣下
觀其不自滿假信出至誠將來可以永承恩遇朕心轉爲嘉慰
俯允所請用成厥志所有平定金川及準噶爾兩次功績著併
於見封忠勇公勅內仍從優加等議叙圖功臣百人像于
光閣公冠首御製贊曰世胄元臣與國休戚早年金川亦建
殊績定策西師惟汝予同鄼侯不戰宜居首功三十二年命
經略雲南軍務御製詩賜之三十四年二月公啟行命閣

臣頌 勅命于 太和殿

上賜公及出征將士食及席 賜御製詩三月抵雲南四月至

勝越

上親書詩扇以賜初

上以賊踞老官屯之險 勅造舟并奪賊船順流直擣副將軍

阿里衮等奏邊外難通舟且沿江無辦工所

上特遣大臣往勘所言與阿里衮同公至軍詢之撫夷李景朝

上司線官猛等知蠻墓近地有山曰翁古多木旁有地曰野牛

壩野人所居地涼爽無瘴野人樂受值執役甚恭乃令蒲洲綠

營兵并從行奴僕更番運料至江岸七月工竣狀聞 諭曰所

辦甚是。他人斷不能似此。滿洲兵與綠營兵既同隸行閒。原不應區分彼此。前此領兵大臣惟體恤滿洲而役奔走服役專派綠營。豈一視同仁之道。今傳恆于運送船料。令滿洲兵輪流分擡。實爲公允。自非公出體國與朕同心之大臣。豈能酌理揆情。若此。凡領兵者皆當奉以爲法。至于造船一事。水陸并進。實征緬最要機宜。乃朕屢次詢問。而阿理袞並以該處崖險澗窄。斷難行船爲詞。卽朕特派之傅顯佐三泰等。亦以沿江實無造船處所覆奏。傳恆至永昌遣人往勘。則人地皆宜。同此沿邊僻壤。非自今日始通。何以前此並無一人見及。可見事無難易。人果專心致力。未有不成者。無如諸人皆預存畏難之見耳。由今日

觀之。向所謂斷難籌辦者。然乎否乎。其宣諭中外知之。

上尋賊造舟行紀其事。會猛拱大頭目脫猛烏猛及達羅頭目脫猛穀來降。請備船濟師。公令齊檄諭各土司。八月師發騰越。渡戛鳩江。據西岸。遂抵允帽。九月脫猛烏猛以夷目賀洛及擺夷四十戶來降。請爲偵探。猛拱後土司渾覺亦率頭目降。貢馴象四。

上賜詩二章。獎之。十月公取道猛供破猛養寨。獲腊泥拉賽誅之。設臺站。留兵七百駐之。遂至南董干。攻南準寨。獲頭目二十。五師次暮臘。猛養頭目扎達布棄猛拔營逸。哈坎大兵長驅至新街。賊遁。公夾攻于東西岸。射殺賊目一。斬級五百餘。獲肅一。

船一寨三糧械無算。兩岸奪寨三斬級五十。公以所獲緬素進上賦詩誌其事。十一月進圍老宮屯克毛西寨。會懜駁遣頭目乞降。公以其地氣候惡劣。疏請允降。諭曰。緬甸僻在炎荒中。朝以化外置之。乃歷任總督。自張允隨廢弛邊備。嗣是愛必達吳達善等因循致滋邊釁。而劉藻辦理莽匪事。退回普洱。輒畏懼自戕。緬匪遂賜張無忌。此歷來貽誤情形也。至命楊應琚前往調度。垂方致賊匪入關騷擾。及再命明瑞前往。仍令以總督經理邊情。並未遽欲興師遠涉。而所統八旗勁旅一萬二千。又分其半與額爾登額。由旱塔取道合勦。迨明瑞轉戰至小猛育。爲時甚久。屢促額爾登額移兵往援。抗延不赴。明瑞等猶沿途

接仗期。殿全師。竟以策應不前。捐軀以殉。其士遂至難于中輟。然猶冀緬會悔罪。輸誠。非必欲勞師動衆。爲犁庭掃穴計也。詎待一載逆會。猶頑梗怙終。我國家當全盛之時。豈可任小醜跳梁。不示懲創。况滇省緣營。恒怯積習。久爲賊所輕。是以調遣勁旅。水陸夾攻。又因大學士傅恆。屢請前往督辦。遂命爲經略。此朕不得已用兵之苦心也。傅恆于七月自騰越進兵。視前此師期。早較兩月。賊匪未及預防。因得由戛鳩一路。統兵直進。收取猛拱。猛養。越險濟軍。備嘗勞瘁。及至新街會兵。策勵將士。無不賈勇爭先。連奪賊砦。殲賊五百餘。并殪其頭目。獲取舟航。器械。賊皆望風披靡。匪如此。疆誠宜力實。從來大臣所罕覩者。及進次。

右官屯克毛西寨。後悉力圍其大寨。勢可計日而取。但水土惡劣。官兵多生疾病。將士等不用之于戰陣。而徒令其嘗試毒癘。心實不忍。是以半月前。卽迭傳諭旨。決計撤兵。今緬酋憐駁。奉有蒲葉書。遣老官屯大頭目諾爾哈齊詣軍門。籲降。傅恆等移檄。使受約束。賊眾甫經創。輒諒不遽萌。故智也。至傅恆請罪。一招將此次出兵。引爲一人之罪。則殊未喻朕意。此次出兵。非好大喜功。而傅恆承命經略。職分應爾。設以爲辦理非是。朕當首任其過。昔

皇祖于吳三桂一事。諭廷臣集議。主撤藩者。惟米思翰明珠數人。後逆藩抗命。眾皆歸罪。議撤者。

皇祖諭曰朕自少時卽以三藩勢熾日熾不可不撤豈因三桂反叛委過于六大哉。聖言足爲萬世法守傳恆此事卽可援

以爲例前于傳恆收復猛拱時雖賜三眼孔雀翎以示褒寵傳恆懇俟成功後再用今既未經攻克賊巢前所賜翎卽著檄回于伊請罪之意適足相當想王大臣亦當允服也十二月緬甸懣駁遣其大頭目十四人獻方物于軍三十五年二月班師三月還至京七月公薨。諭曰大學士一等忠勇公傳恆才識超倫公忠體國自早齡侍直禁近親閱其器宇非常存膺委任旋以金川建績錫爵酬庸擢冠綸屏綜理庶務西旅之役獨能與朕同志贊成大勲及崇爵再加堅讓不受尤足嘉焉昨歲進勦

緬甸堅決請行朕以廷臣更無足當斯寄者因授爲經略統勁
旅專征自夏鳩濟師以後身先士卒收復猛拱迨會帥蠻暮襲
擊新街賊皆潰竄遂進攻老官屯時已身染沈疴猶力疾督軍
晝夜兼攻克期可卜逆酋畏懼乞降而朕亦因其地水土惡劣
先期降旨撤兵并遣醫馳驛往視詎自復命以後病勢益加漸
成不起每朝夕遣使存問復聞數日親臨視疾軫念彌殷今聞
溘逝深爲震悼似此鞠躬盡瘁允宜入祀賢良祠並賞內帑銀
五千兩治喪著戶部侍郎英廉經理其事朕仍親往奠醑翼日
上親臨其第酌酒御製詩有平生忠勇家聲繼汝子吾兒在
教培之句又命喪儀視宗室鎮國公例賜祭塋有加禮諡

文忠十一月諭曰大學士忠勇公傳恒曩者金川奏績時以

其祖父世篤忠貞流光鍾慶曾諭令建立宗祠自其曾祖哈什

屯以下官爲春秋致祭傳恒可一體入祠三十六年

上巡畿輔駐蹕天津行宮公前歲復命處也追憶成詩三十

九年

上以蹕途所經賜奠其塞御詩有句云無忘昭陵雖有

例那教賜奠痛文皇四十四年

上賦懷舊詩以公在論扉二十三年曰侍帷幄蓋誠素著年末

五十鞠躬盡瘁以喪甚傷惜之詩詩有云嗟我社稷臣所期甯

在近老少長于余騎箕惜且恨公子四長福靈安多羅額駙乾

隆二十一年。公請派往軍營效力。授三等侍衛。尋從定邊將軍兆惠勦賊葉爾羌。擢二等侍衛。準噶爾大功告成。

上以福靈安非披堅執銳之歲。卽能奪勇行陣。擢頭等侍衛。給雲騎尉世職。授副都統。署永北鎮總兵。尋赴本邦軍營守龍陵。會緬匪犯猛卯。檄副將哈國興馳援。賊退遮罕事聞。

上嘉之。六月。卒于任。十優詔賜卹。賜祭墓。次子福隆安和碩。

額駙封一等忠勇公。官兵部尙書。又次子福康安。官大學士雲貴總督。一等嘉勇公。晉封忠銳嘉勇貝子。贈郡王諡文襄配享太廟。自有傳。又次子福長安。官工部尙書。封一等侯。福隆安子豐偉。濟襲一等忠勇公。官都統。

時世相傳一詩曰民今官時時

歲時節與夫八千歲長安官正時世相傳一詩曰民今官時時

歲時節與夫八千歲長安官正時世相傳一詩曰民今官時時

歲時節與夫八千歲長安官正時世相傳一詩曰民今官時時

歲時節與夫八千歲長安官正時世相傳一詩曰民今官時時

歲時節與夫八千歲長安官正時世相傳一詩曰民今官時時

歲時節與夫八千歲長安官正時世相傳一詩曰民今官時時

歲時節與夫八千歲長安官正時世相傳一詩曰民今官時時

歲時節與夫八千歲長安官正時世相傳一詩曰民今官時時

歲時節與夫八千歲長安官正時世相傳一詩曰民今官時時

阿文成公事略

公諱阿桂字廣廷號雲巖姓章佳氏本籍滿洲正藍旗。賜入
正白旗。父阿克敦官協辦大學士刑部尚書諡文勤公生而流
靜端重好讀書雍正十三年選拔貢生乾隆元年舉副榜以任
子恩授大理寺正三年舉鄉試補兵部主事遷員外郎八年擢
郎中直軍機處左遷員外郎十三年小金川土司郎卡侵擾鄰
境大學士公訥親督師進討兵部尚書班第繼往奏請以公參
軍事明年訥公得罪提督岳公鍾琪并劾公逮部治罪時文勤
公方爲協辦大學士上念其年老無次子得釋明年起吏部員外郎遷郎中十七年

出爲江西按察使

召補內閣侍讀學士遷內閣學士先是準

噶爾有四衛拉特

王師累征之未能滅至是厄魯特噶爾丹

策凌死于策妄多爾濟那木札爾襲位其庶兄喇嘛達爾扎執

而篡之而大策零敦多卜之孫達瓦齊復因阿睦爾撒納計篡

奪其位所屬昂吉策凌伍巴什等率其家屬斂嘉峪關乞降

上以侮亡攻昧兵有常經先後遣將軍永常等督兵撫勦適何

睦爾撒納與瓦達齊有隙自叛其汗亦來求款達瓦齊孤立無

助爲回人擒獻

上督阿睦爾撒納至熱河十行在封親王使往王故地已而復

召之中途叛走時準噶爾逸賊率眾北走將入俄羅斯

上命公赴烏里雅蘇臺與靖邊副將軍蒙古親王成衮札布隨
機搜討成衮札布係額駙超勇親王策楞之子爲諸蒙古盟長
上最所倚重者也。成公遇事奮勉會文勤公薨奔喪回京
七月。命仍以內閣學士同成公辦理軍務。閏月授參贊大臣。
十二月授副都統。二十二年。因成公赴巴理坤。命公代其任。
二十三年補工部侍郎。領率倫兵五千駙塔爾巴哈臺。是年準
噶爾平。命與副將軍富德追捕準夷餘賊。初回僧大小和卓
木爲準噶爾所拘。及將軍兆惠定伊犁使還回部。至是兆公遣
使定其貢賦回會執而留之。又戕我參贊大臣。詔公同富公
進兵。令勦回眾。迎拒于阿爾楚爾。時賊眾甚盛。公親率銳卒繞

出其右衝擊之賊敗潰二十四年回部各城以次克捷明年還伊犁伊犁自土爾扈特部竄入俄羅斯後伏莽者尙眾上念西域旣平地方萬餘里若不分駐官軍伏戎必再出擾且恐爲俄羅斯兼并乃命各軍營大臣等籌議皆謂地遼遠難駐守公獨上言守邊以駐兵爲先駐兵以軍食爲要臣查伊犁海努克等處永上沃衍且有河可引灌注若開墾屯田則兵食可漸充因條上屯田方略一請增派回人屯田一請官兵駐防協同墾種一請建置城郭一請預備馬駝上嘉其勇往任事卽如所議行公酌留馬匹分設臺站以通文報行來又請將現在沿邊運出糧米俱赴伊犁先供兵丁口食

又請查各省軍流入犯內有能工匠技藝者悉發伊犁供用。上皆善之。派近臣協同辨理。于是在阿克蘇置辦農器。是秋豐稔。兵食倍足。乃奏請于烏魯木齊等處派同知知縣收放軍糧。俱允行。詔平定西城諸功臣五十人圖像紫光閣。公諸第七。御製贊云。阿克敦子性頗健敏。力請從戎。宜哉。惟允身不勝衣。心可干城。楚材繼出。爲國之棟。蓋以元耶律文正王爲比也。二十六年。授內大臣。補工部尙書。議政處行走。復授都統。二十七年。奏新疆約束章程五則。皆得旨允行。乃選工陶埴。建城二曰綏定。曰安遠。規制一如內地。而哈薩克越境遊牧者悉驅逐之。數千里來行晏然。詔給騎都尉世職。並令還京供職。

詢方略而以明瑞代之及至京授軍機大臣賜紫禁城騎馬

尋

命往歸化城勘獄又查勘霸州交安等處水利所奏皆稱

旨充經筵講官升隸正白旗任都統晉太子太保二十九年金

川郎卡復與鄰封戕殺事聞

上以公舊在四川軍臺熟悉情形因

命署總督相機籌辦公

覆奏綽斯甲布等九土司與郎卡互相攻擊正如鼠鬪穴中本

外番常有之事不必忌于辦理

上以爲然

召授工部尙書三十年烏什回人賴穆黑圖拉作

亂命公馳往伊犁

諭以嚴防要隘俟其自斃于是明公軍

其北公軍其南築長圍困之旦絕其汲道賊恟懼九月其眾擒

賴穆拉以獻。公與明公誅首惡而貸其餘。奏入。

上責其寬縱。交部議處。而令永貴爲伊犁將軍。公駐劄雅爾。三十一年補伊犁將軍。是時緬酋惜駿以兵逼脅內地土司總督劉藻。楊應琚不能辦。因命明公率兵進剿。三十三年明公軍

至。猛畜糧盡。戰歿。于是大學士傅公請自督軍。

上乃授爲經略。而以協辦大學士果毅公阿里衮及公爲副將。軍授公兵部尙書兼總督。雲貴十月抵永昌。時果毅公已先赴戛鳩。公往會于騰越州。三十四年春以公專任副將軍。令明德代爲總督。四月經略至軍。議分三路進。經略出萬仞關。由大金江西路。從猛拱。暮魯至老官屯。西岸果毅公率舟師由水路下。

老官屯公由銅壁關抵蠻暮伐木造舟七月出關九月舟師遂出江而經略亦至公逆知賊必迎拒也先以兵伏江澚之甘立寨居時賊果從猛戛拒戰寨兵出擊沈其三舟我舟師喜噪寨兵應之賊大潰殲其頭目舟師遂出江抵西岸合攻老官屯緬兵守禦堅甚時官兵自副將軍以下多病瘴經略亦病奏聞上命撤兵而惜駿亦以甘立寨之敗大懼乞降遣大頭目十四人請議事公遣副都統明亮等議責此後永不得擾邊境還內地官民之在緬境者越六年一貢其頭目惶恐遵約束遂撤兵歸永昌三十五年三月命赴騰越以待緬人入貢是時明德降巡撫代以章寶使守備蘇爾相往緬責其入貢遲慢惜駿留

之公上言偏師不可深入宜休息數年爲大舉計

上以連年用兵糧馬不無竭蹶豈可以拘留蘇爾相故遽議大

舉降

旨切責

命以內大臣管副將軍事明年以溫福爲定

邊副將軍奪公職留軍臺效力初阿爾泰之總督四川也議合

綽斯甲布等九土司環攻金川有能得其地者卽以畀之而諸

土司散漫不相通謁又有陰與金川通者久而無功時郎卡已

死子索諾木與小金川土司僧格桑侵佔鄂什沃日之地阿爾

泰因循失措有旨命溫公移師討之溫公以公兩使四川熟

邊事請偕以行十二月至金川軍臺攻巴郎拉克之遂授四川

提督與溫公分道進攻三十七年阿爾泰罷命侍郎桂林代

并領其眾正月使副將薛琮率三千人從開道進攻會天甫雪賊兵斷後路兵潰散琮死之阿爾泰因劾桂公

上令尙書福隆安來讞其獄

命公爲內大臣統南路官兵南

路山勢嶄絕軍次達河之翁古爾壘山尤險峻而溪南布勒山頂有賊壘與達河相犄角攻五閱月弗能下十一月溪水落乃

派健卒夜渡溪攀援上布勒躍入其卡出不意盡殲其眾而北

岸官兵直攻翁古爾壘賊方出拒布勒官兵復以飛礮擊賊賊

遂驚潰南北岸官兵夾攻直至美諾之南山僧格桑奔占古而

溫公西路兵亦至小金川遂平捷聞

上命以定邊左副將軍出南路戶部侍郎豐昇額亦爲副將軍

出北路與將軍溫公分兵三路進攻金川。溫公由西路之空喀，
豐公由北路之凱立莫，而公攻喇穆山梁。以三十八年正月朔，
半夜冒大雪進發，連奪當功噶爾拉各碉。其餘攻之未下。是月，
授禮部尙書。晉太子少保。而索諾木誘小金川降番掩襲空喀，
後路斷。登春糧道時，溫公在木果木，兵潰陣亡。小金川復爲賊，
有美諾等相繼被陷。公救之不及，乃派兵凡西南後路小金川，
降番皆收其軍械，毀其碉寨。悉調來營，以絕其響應。時賊已得，
志將斷當功噶爾拉後路。每夜從高擊下，而副都統奎林、副將，
劉輝祖、參將劉倬皆悉力拒戰。每日夜十數合，殺賊頗衆。賊計，
不得逞而所得木果木官軍米糧財帛甚多，莫有戰志。于是水。

撤兵

上亦命公整師出另籌進剿遂授公定邊將軍七月由當功噶爾拉退駐達河躬斷後是時

上添派勁旋五千命以國初愛星阿所佩定西將軍印授

公公仍統西路兵南路屬明亮北路屬豐伸額皆爲定邊副將軍而舒常以參贊大臣至金川河西日傍山攻擊牽綴公由南路至鄂克什軍營議先復小金川集諸將問計番人木塔爾謂中南兩路皆去年進攻地賊必力守惟北山直藏噶山雖峻而山之西南卽美諾山之西北卽占古若派兵先攻中路之礪卡以殺其勢而別派勇幹大臣上北山直下美諾則已出中路賊

勢必望風潰。卽可以得美諾。公然之遂定計。以十月十一日。由中南兩路進兵。賊方悉力堅拒。而派登北山之兵。已入其顛。頃之。從山西下中南兩路之賊。知將襲美諾。各驚散去。于是復美諾。收占古。凡七日。而小金川全復。奏入。賜詩褒嘉。三十九年正月十日。五更。冒大雪。由當功噶爾拉進兵。抵喇穆。二月克羅博。瓦山梁。晉太子太保。六月克色湖。普山梁。七月克達爾圖布等處。八月克該布達。什諾等處。賊僧僧格桑死于金川。番人獻其尸。是時明公及舒公在山西。駐兵日久。尙無進取之計。公指畫形勢。遣海蘭察率兵往助之。由是宜喜之兵亦逾山而東。盡克各碉。與南出兵相望。豐昇額駐札凱立。渠者初亦阨險。

不得進。公復遣兵往助豐公。于是北路官兵亦逾險下至于河濱。九月克默格爾山梁。十一月克過格魯古了口。十二月克口爾八當等寨。奏入。賞帶雙眼花翎。授御前大臣。四十年正月克康薩爾等處。二月克堪布卓各碉。四月克田索得楞山梁。五月克下巴水通等山梁。六月克遜克爾宗山梁。七月克章喝等處。八月克勒烏圍勒烏圍者在刮爾厓北與索諾木官寨。互爲犄角者也。寨堅甚。官軍用大礮毀其碉牆。賊更穴地死守。至是乃盡克之。而索諾木之母先往河西將收集餘眾合力抗拒。公遣精兵閒道追勦。于是其母子音信斷絕。遑遑不知所出。公使降番往諭之。其母遂偕赴軍。公居以別帳。俾作書招索諾

木時官兵合圍官寨晝夜用大礮轟摧索諾木窮迫既縛其丹
書乃于四十一年二月率其妻妹及各頭人至營降金州悉平
上遣近臣齎詔至營封公爲誠謀英勇公協辦大學士戶部
尙書賜寶石頂四團龍服先是軍營屢次報捷
上知大功必成賜公扇且畫蘭于上題以同心之言其臭如
蘭復製詩以賜蓋兩金川之平定實廟算早決其機也
是安置降番于各寨請設副將同知駐其地定以四月班師
上飭禮兵二部議行郊勞禮築臺良鄉之黃新莊駕幸噶臺
公等戎服入行抱見禮一如兆惠公自回部凱旋故事又次日
賜宴瀛臺紫光閣賜紫韁及四開襖袍仍授軍機大臣又繪

功臣五十人像于紫光閣公居第一

上復賜贊八月公六十生辰賜崇勲耆慶匾額及御製

詩篇如意等物爲壽先是公在金川緬酋遣人來議入貢事總

督械至京師下獄至是部臣請以索諾木母子弟兄及其頭目

正法

上命撤緬使赴西市觀行刑旦告之故緬使驚仰欲絕因命

械至雲南令歸諭緬酋以震動之明年正月遂遣公於雲南臨

邊示以禍福緬酋乃歸蘇爾相又十餘年而新立酋長孟頽遣

使具表恭祝八旬

聖壽願此後十年一貢南徼永甯亦公先聲有以警之也拜武

英殿大學士兼管吏部事四十四年河決儀封蘭陽 命公行

視公謝以不諳河務

上曰如卿豈有不能者乃馳至儀封與督撫及河臣詢訪河狀
集料聚夫晝夜堵塞每下椿埽公皆親自臨之次年三月工竣
四十五年兼翰林院掌院學士日講起居注官十二月 命勘
浙江海塘工程奏請修魚鱗石塘與柴塘並建以資永久四十
六年 命勘巡撫王曾望獄事畢順道勘高堰河工是時蘭州
逆回蘇四十二作亂

上命大學士和坤督勦失利乃 令公督師四月至蘭州賊聚
數千據華林山死守公四面設圍絕其水道賊旋抗拒皆殲戮

之遂獲賊首解京師伏法事畢復勘河堤工時河復決青龍岡
留公督辦而令公子侍衛阿彌達祭告河源明年六月合龍九
月浙撫陳輝祖與藩司盛桂互訐公往讞其獄四十八年復勘
河南蘭陽十二堡堤工回京管理戶部刑部事四十九年甘肅
同民張阿渾作亂破隆德靜寧圍伏羌總督李侍堯尾追不及
上遣海蘭察福康安帥師往剿復命公督之至則敗賊于底
店進圍石峯堡阿渾等窮蹙乞降械送京師詔予輕車都尉
八月命督河南睢州堤工五十年舉千叟宣奉卮上壽頌
班入宴賜詩以寵之六月命閱視黃淮清口情形回京
賜調元錫瑞額五十年再勘清口堤工八月公壽七十復

賜平格延祺額及

御製對聯九月按浙江平陽重征獄回

總理兵部事務五十二年七月再勘睢州堤工五十七年西藏

郭爾喀平

上命圖福安康等十五功臣像于紫光閣以公參贊幃幄列第

二五十九年

睿皇帝正位東宮六十年冬

上以御宇周甲將行內禪之禮而隆儀盛事古所罕見公敬謹

酌定儀注嘉慶元年元旦公仰承一京命於太和殿上捧冊

授寶及初四日再舉千叟宴公進觴上壽如前視履老祚周

旋申禮百寮及外藩貢使皆驚喜相告謂重臣耆德實國家土

瑞也。八月公八十生辰。又

賜介眉三錫匾額及對聯。御製

詩如意等物。十一月公疾

上遣醫診視。

賜薄藥。

至二年八月薨。計開奉

太上皇帝

勅旨。大學士公阿桂老成練達。自平定西郵時。卽

隨同出師。旋經理新疆事務。懋著勤勞。嗣勦辦兩金川。畀以將

軍。垂寄堅持定見。克藏膚功。特封一等誠謀英勇公。賞四團龍

補服。黃帶紫韁。紅寶石帽頂。雙眼花翎。圖形紫光閣。以旌殊勩。

績。自簡任綸扉。綜理部務。贊襄樞要。二十餘年。及石峯堡回匪

滋事。統兵勦平。復加賞輕車都尉。正資倚畀。頃聞患病。劇卽

特派皇三孫貝勒綿億。由熱河馳任看視。並賞賜陀羅經被。茲

聞溘逝深爲悼惜仍著綿億帶同取秩大臣侍衛前往醴奠可

晉贈太保入祀賢良祠九月

上親臨奠輓並

賜祭墓謚文成配享

太廟公器識宏遠沈毅遇大事必籌其始終得失計出萬全雖
在萬乘前不輕爲然諾乾隆中庫帑充盈一詔以名糧改實額
增兵六萬公時方奉使具疏力言其耗費謂百年後當知之美
人朝先五鼓起坐直房侍旦不假寐進止皆有常處或
上輦經直房侍者下戶簾公從室內起立垂手候鹵簿過始復
坐議政持平舉大體尤不肯輕重其法以探
上意曰

國朝先正事

卷之十八 名臣

三

上聖人也。儻意不在是。偶行之後。以爲此法安得平耶。在軍府。獨坐帳中。秉燭竟夜。或拍案大呼。割然長嘯。則次日必有奇謀。尤善知人。自大帥迄偏裨。每與一二語。卽知其性情才具。隨所宜任之。又能均勞苦。別等次。從不以喜怒加人。故皆得其死力。將校中。封公侯。出爲將軍。都統。提鎮者。甚眾。及任宰執。領尚書事。得廉慤勤幹之士。輒以陳于朝。二十年來。總督巡撫公所密薦者。爲多。自少留心史事。凡古今治亂成敗之迹。皆能默識其所以然。遇寮屬。皆教以修身植節。勉成大器。而于佻巧營求者。必痛絕之。蓋文勤公以重望著。朝端一時名卿。互老法家。拂土咸與訂道義。交公時。聞緒論。以古大臣自期。嘗燕居待文勤。

公忽顧問曰。朝廷一旦用汝爲刑官。治獄宜何如。公謝未習。曰。固也。姑言其意。公曰。行法必當其罪。罪一分與一分。法罪十分與十分。法無死輕重。文勤大怒曰。是予將敗我家。遽索杖。公惶恐叩頭謝。文勤曰。噫。如汝言。天下無全人矣。罪十分治之五。六已不能堪。而可盡耶。且一分之罪。尙足問耶。公後掌刑部數。爲諸曹郎述之。其論謀可知矣。子阿迪斯襲一等公。官戶部侍郎。古北口提督。次阿彌達。官至工部侍郎。孫那彥成。由編修累官大學士。別有傳。

國朝先正事畧

卷十八

行

三

此以資補大前
下惟無之
此以資補大前
下惟無之

此以資補大前
下惟無之
此以資補大前
下惟無之

胡恪靖公事略

胡公寶璵字泰舒江蘇清浦人父賡雲進士官教授公生有異稟雍正元年舉於鄉有同試禮部者託公齎文入都奴愆於期公撫然曰吾義不濁試也袖筆出乾隆二年試授內閣中書軍機處行走首輔鄂文端公深器之六年秋大學士查郎阿公侍郎阿里衮公奉命相度奉天三省地形請以公偕行時適扈駕木蘭卽由此徧歷諸部至盛京過吉林渡松花江轉至黑龍江再轉至甯古塔周歷諸邊及春而還其行二萬二千里披榛棘觸豺虎橫穿側出于冰天雪海中覽形勝辨其土宜自以爲陬域外之大觀也遷內閣侍讀會舉御史查公以陽城馬周薦

御試第一遂授福建道御史轉給事中再遷順天府丞公在臺垣五載嘗疏言直隸旱災蒙恩旨先後運米五十萬石備賑請勸令土著之民靜候賑濟其各處流民願歸耕者資遣回籍俾畧種春麥不致田畝久荒又言河南營伍已特遣大臣查閱第恐不肖營弁或乘機借端苛派或此後坐扣月糧請飭督撫提鎮嚴查禁杜又言山東江南被水各州縣宜乘水涸時設法疏導引流赴壑以便春耕皆得旨允行十三年王師征金川命大學士傅文忠公爲經略詔公從行日馳三百餘里曰或不再食言瘴癘得達大營時賊方張礮樓接天矢石夾兩耳下公畫策削秦助合機宜凱旋

天子親斟金卮。賜公酒。海內榮之。擢順天尹。累遷宗人府丞。左副都御史。十六年。扈蹕南巡。有偃師奸民傅毓俊。以私憾控張天重謀逆。逮係百餘人。命公往鞫。乘傳七日而至。集案牘視之。比夜分。曰。吾已得其實矣。一訊而伏。止誅毓俊一人。餘皆省釋。中州人以為神明。明年。遷兵部右侍郎兼府尹如故。遂授山西巡撫。尋調湖南。自湖南而江西。而河南。再撫江西。復調河南。凡四省六任焉。在山西。撫饑民。理冤獄。黜貪吏。除奸豪。整備關隘。力行教養之政。在湖南。民貧。俗傲。苗獠困兵役之擾。公整飭之。疏定鄰桂銅鉛各廠。委員協辦更替之法。在江西。奏嚴查鄱陽湖編保甲。以靖積盜。又奏勘明廣信所屬銅塘山。無可

懇之地無可用之材無可煎之礦請永行封禁又奏定豐城隄工歲修經久策時江浙歲饑江西尙中熟而市僧居奇爲利迺宣禁以通商販鄰省賴焉及二十二年撫河南適大水開陳汝許及河北之彰衛懷同時被勞者六十餘州縣

天子軫念災黎發帑金截漕米名二百萬以賑之公率屬吏計口而賑不遺一夫葺廬舍招流亡貸牛種至冬隨地留養所全活以數千萬計復奉命開濬水道工賑並舉民飽食趨事所開支幹河凡六十有七計二千五百餘里皆因自然之勢層注而下分入江南淮諸水匯于淮以歸洪澤湖迺會其源流計其深廣爲圖說以獻詔曰像省災區積困已久朕特用胡寶

豫爲巡撫實能不辭勞瘁仰體朕痾瘵在抱之意而又能盡心
調劑以蘇窮黎甚可嘉也其交部優叙尋加太子少傅
上以公遵 旨治河不惜工不愛帑不勞民上源下游以次就
治 御製申州治河碑文刊石以垂永久自是連歲大稔二十
五年冬復移江西次年七月河決楊橋沁洛丹衛同時並漲被
水者五十餘州縣 詔大學士劉公統動協辦大學士兆公惠
侍郎裘公曰修河督高公斌其治之役 召公撫河南時決口
數百丈未合將開引河築壩東水需募薪之屬數千百萬日役
數萬人以次徵發受傭者皆立與直民不知擾災黎周卹備至
無一流亡者水落田出民借種以播菽麥次年皆大熟二十七

年

上南巡公迎

駕德州

御製詩

賜之未幾以疾請告

賜

人漫一片

遣太醫馳驛往視尋疏陳民田道路開濬溝渠與

河道相表裏每一州縣開溝數十道至百數十道不等分戶承

挑備旱潦并定歲修章程

聖書嘉獎

命直隸總督方觀承

率所屬仿行焉公在河南最久習知其地利民俗盡心經畫故

民樂而安之二十八年正月薨于位事聞

贈太子太保兵部

尚書謚恪靖

賜祭葬如禮公性清約精敏既貴不改儒素尤

善騎能日行三四百里某太史以善騎夸公約入

朝各策馬

去某狂奔盡氣入內閣不見公方竊喜自負而公自內出已批

勅數行矣。嘗被命祭告南嶽。請假便道還松江。太守蔡長溪驚曰。吾官此數年矣。不知郡中有此措紳。訪之則已。徒步登舟。至里門。所居破屋數椽。門不能容車。猶然蓬蒿也。太守歎息去。先是教授公官宣城。居正學書院。院有王文成公祠。生公之夕。夢文成手一金軸曰。五十年後。煩送吾鄉。乾隆十六年。大子南巡。駐會稽。命公齎金軸致祭。文成讀祝堂下。始爽然前夢之徵云。

Blank area with a vertical line.

Text block, heavily faded and obscured by ink smudges.

Text block, heavily faded and obscured by ink smudges.

方恪敏公事略子朝襲公維甸

方公觀承，字宜曰，號間亭。安徽桐城人。居江甯祖登，工部主事。父式濟，進士官中書。百坐宗人孝標累，謫戍黑龍江。公少時，僑寓清涼山寺。有僧中州知爲非常人，厚待之。公與兄觀永歲往來塞內外，營菽水之奉。或曰一食，或徒步日行百餘里。於其間勵志氣，勤問學。具知南北阨塞及民情工俗所宜設施。平郡王福彭知公深。雍正十一年，王授定邊大將軍，征準噶爾，奏公爲記室，以布衣召見。賜中書銜。十三年，歸補內閣中書。乾隆元年，舉鴻詞科，以平郡王監試，避嫌不赴。尋入軍機處，累遷吏部郎中。七年，授直隸清河道，遷按察使。九年，命隨大學士納

親履勘河道并海塘工。遷布政使十一年。署山東巡撫。奏稽查漕弊嚴緝盜匪二事。論實力行之可也。十二年。疏言義倉之

便與社倉略同。但社倉例惟借種義倉則借與賑兼行而爲益尤在猝然之賑大要設倉宜在鄉不宜在城積穀宜在民不宜在官其捐輸及典守年久者請照社倉例議叙。報聞。二月。回直隸。明年擢浙江巡撫。時海塘引河改由中小鹽安流其北大鹽以北沙漲如平地。公沿塘查勘自仁和縣之觀音堂起至海甯縣之淡水嶺止。丈出地三十五萬四千八百餘畝。民竈五千七百五十戶。凡認墾者皆編列字號。分年陞科。歲徵雜糧十萬石。小民咸資生業。論曰墾田乃務本之圖。所宜畱心勸相者也。

定海普陀山遠在大洋。居民進香男女。偏處一船。往山寺經旬。始返。既于風化有閑。而閑汎稽察禁物。因婦女在船。易至疏漏。奸民乘機夾帶。公飭屬查禁。

上趨之。復請纂輯兩浙海塘通志。又請申嚴雜糧私運出洋之禁。皆從之。擢直隸總督。兼理河道。疏請就永定河之北大堤。改移下口。庶水由地中暢下。無阻。明年。

高宗親閱永定河堤。

諭公以下口宜暢。

御製詩示之。并

賜人蔘三斤。加太子少保。六月。永定河南岸淤溝奪溜。乃堵築。偏歸引河。復故道。先是喀喇沁土默特等處種地人民漸多。有旨查禁。廷議照署督陳大受所請。按三年五年之限。交地回籍。

若原係民墾不能卽回者按畝交租俟一二年後給還原主十六年土默特貝子欲不問年限概行驅逐公奏言此等貧民無家可歸卽使甘受驅逐而數萬男女概入內地亦難安置應請行之以漸詔遣侍郎劉公綸等往勘如議行又疏言上年增建冰窖減水壩貼近永定河下口近因水大全河于此掣溜冰窖以上河身吸刷深通較冰窖以下河身驟低至五六尺其水仍出金門而壩臺並未衝刷至三十里外卽已澄清徑出坦坡埧汪爾淀一帶並無淤墊之虞請于坦坡埧尾東北斜穿三角淀開引河歸入葉淀由鳳河轉輸入大清河疏下廷議令詳查再議公持前議益堅謂地勢人事天時皆順敢以必應改移請

詔尙書舒赫德公總督顧琮公會勘如公議是歲黃河水自陽武灌入長垣東明衝開月堤有旨命公勘公疏言長垣東明其地南高北下河南陽武等縣之瀝水北注長垣向賴太行古堤捍衛嗣因堤被水齧堤西瀝水匯至致被衝塌今宜爲瀝水籌去路請開引河導入舊河使容納東注卽將所起土自堤西村起另築新堤則堤外有河以疏瀝水河內有堤以防漫溢事半而功倍詔如所議行尋疏陳濬泊蒲城縣之奇村河可溉稻田數千頃商船亦得通行得旨嘉獎十八年奏設義倉告成計倉千餘貯穀二十八萬五千三百餘石酌規條並繪圖以進溫詔嘉獎諭以實力行之尋疏言永定下口形勢變遷

靡常請于北岸六工尾開堤放水作爲下口至五道口東南導歸沙家淀仍由鳳河入大清河。廷議以甫自南岸冰窖改移下日何又有此請令據實復奏公持前議益堅。特旨允行。二十一年加太子太保署陝甘總督赴哈密及巴里坤籌辦軍餉馬匹疏陳共備馬二萬八千匹駝四千四百有奇又言哈密貯茶三萬封運往軍營仍撥五萬封補貯哈密舊存糧十萬石亦隨撥隨補先後撥餉金三十萬兩請再撥四十萬備用。諭以妥速爲要二十一年回直隸任明年八月上以糧艘遲緩命卽在天津交兌俾及早回南免誤明年漕運。特諭稱公肆應裕如令悉心妥辦公奏天津北倉可貯糧

三十萬石添設蓆囤可貯十數萬石臣飭辦葦蓆二萬片應用
事竣仍可變價歸款費無多至交兌之船悉令泊北倉以南起
剝之船悉泊北倉以北北倉東岸釘椿立界每二里泊船一起
同時起米不相妨礙西岸留爲河道令空船行走仍令各船並
進毋拘銜尾常例以期迅速抵津得旨嘉允永定河淤灘地
公請于堤內外共留十文爲種柳取土之用餘撥給守堤貧民
領種從之二十四年四月

上以北運河水勢微弱命將先到糧艘截留四十萬石貯天
津北倉將來水長續到之船令其直抵通倉公疏請就先到各
幫內每艘令酌剝若干卽得輕便各按應剝之數截留北倉餘

仍抵通交納以剝爲截則應截者一律均勻。諭獎其妥協如

議行二十七年奏請寓賑于工凡河渠堤埝及各處之減河壘

道等概加修策計三十二州縣土方銀米皆歸確實得。旨俞

行四月同劉公統勲會勘山東四女寺哨馬營減水引河語在

劉公傳先是易州城北有安國河公奏允開渠灌田鑿子渠建

大小閘以時啟閉渠成。賜名安河二十八年。

上以天津等屬積水未涸責公不能設法疏消模稜玩愒部議

奪職。命畱任御史吉夢熊等遂劾公玩視民瘼及召役派車

船勒索賄放事。諭曰方觀承在值年久每存息事甯人之見

事務旣繁爰值災歉措置自無不竭。盛言者動以爲歸過之地

置身局外。坐言易而起行難。使易地以處。未必能如觀承之勉力支持也。尋疏言直隸水道溝洫。自大興宛平。東至撫甯。西至易涿。西南至望都。東南至阜城。又運河自武清至吳橋。共二十二州縣。疊道開渠。一律完竣。諭曰。溝渠卽河道之派絡也。應聯爲一氣。方得宣洩之宜。三十年。

高宗南巡。公迎駕。賜詩褒美。四月條舉木棉事。十六則繪圖說以進。御題詩十六章。並令將公所作詩書于每幅之末。尋疏請樂城柏鄉內邱定興安肅望都等縣。改建縣城。定泊河灘淤地。向給貧民租種。嗣因胥役豪強影射。兼并公查明撤回。請歸留養局爲養贍貧民之用。八月籌辦居庸關城及開溝壘。

道十月奏永定河葺地已成高灘請改種禾納租均如所請三十三年薨于位年七十有一。優詔賜卹諡恪敏。賜祭葬如創公明于用人一見與語卽能知才所堪任寄以事無不當及公歿而爲督撫有名若周元理李湖等凡十餘人皆夙所拔于守令丞尉中者也直隸爲天下總匯之區繁劇不易治。乘與歲有臨幸往來供張又值大軍征伊犁緬甸師屢過境公儲備精密未嘗少缺乏而民無擾累自爲清河道至總督皆掌治河公洞澈地勢相時決機前後數十疏從之輒利。純皇。每稱善謂非執成法者所可幾也公以政在養民故尤盡心于農田水利及溝洫倉儲諸務所行以工代賑及周官溝

樹之法得諸望溪先生之緒論爲多嘗值旱蝗

上責公督捕不力或勸劾一二州縣以自解公不可曰我之不

職州縣何辜焉磁州有逆民爲亂公奏誅三人絞七人

上疑公寬縱廷寄切責者數公執不易詔九卿軍機大臣會

議乃知公所定之當

上益以賢公素勤孝工詩及書嘗偕秦文恭蕙田緝五禮通考
又屬戴東原震撰河渠書百三卷著有述本堂詩宜田彙稿問
亭集及雜記直隸事凡數十卷公得子遲撫浙時購一姬將納
之見所攜詩冊有相知名問之其大父作也公曰吾少與其祖
以詩相知納其女孫可乎遂還其家助貲嫁之及六十一歲乃

生子維甸。

純皇帝嘗抱至膝前解所佩金絲荷囊。賜之四十一年。

上巡幸山東。維甸以貢生在良鄉迎駕。諭曰。原任總督方

觀承。宣力畿輔二十餘年。勤勞懋著。一子維甸。年已及歲。著照

襲行簡例。授爲內閣中書。一體會試。四十二年入直隸名宦祠。

四十四年。御製懷舊詩。列入五督臣中。五十一年。命人祀

賢良祠。

維甸字南耦。號葆巖。由中書置軍機處。乾隆四十六年進士。授吏部主事。四十九年。隨福文襄公赴石峯堡軍營。累遷郎中。五十二年。隨福公赴臺灣軍營。嘗戴花綳。遷御史。五十四年進

試廣西晉給事中遷光祿少卿五十六年隨福公征廓爾陽轉
大常少卿賞三品卿銜擢光祿卿五十九年命偕尙書蘇
凌阿往山東勘獄轉太常卿充順天副考官明年授長蘆鹽政
坐事奪職吏議發軍臺特旨寬免賞員外郎仍直軍機處
嘉慶四年分校會試遷郎中晉內閣侍讀學士隨尙書那文毅
公辦軍務五年授山東按察使遣河南布政使時川楚教匪未
靖公督兵六千防界

上嘉之八月調陝西布政使就遷巡撫時軍務將竟于擒捕零
匪及籌撤鄉勇各事宜不遺餘力十一年甯陝新兵叛公派兵
堵剿請令總兵楊公芳回陝疏入

上體之。命偕提督楊公遇春進由督剿。會有詔遣繼勇候德公來視師。賊勢將趨石泉。公遣將擊走之。命回行省治糧餉。軍械及彈壓地方事宜。未幾德公疏請將叛兵蒲大芳等二百餘人暫歸原伍。

上責其寬縱。命公嚴訊叛兵定議。尋疏陳善後六事從之。三年奏酌改陝省鹽務事宜。下部議行。十四年擢閩浙總督。公以母老未能迎養。奏懇于半年後更代得旨。方維甸之母年逾八十。平素母子相依。朕所素悉。伊盧及日久遠離。私心負疚。自屬人子至情。目下可速赴新任。俟明年二三月來京。陛見彼時順道先往江甯省母。到京後再將其母近狀據實奏明。候朕

降旨尋遵。旨赴廈門。按治臺灣。械鬪獄獲犯林聰等百餘人。分別定議。奏海盜朱瀆經官兵繳弊。其弟朱渥悔罪投誠。呈繳船礮有眾三千餘人。請分別遣散安插。又奏臺灣屯務廢弛。請通行查勘。體卹番丁資調遣。又請申明班兵舊制。並籌議章程十則。又奏臺灣各營汎地酌議歸併。以便操防。又疏陳約束械鬪章程。請設約長族長責令管束本莊本族。嚴禁隸役黨護把持。皆下所司議行。六月奏請。 旨見得。 旨七月十七日。爲方維甸之母吳氏生辰。方維甸可先赴江甯爲伊母稱祝。並賞如意緞疋諸珍物。九月至熱河入覲。奏請終養。優詔許開缺回籍養親。且曰。朕以孝治天下。不忍拂人子至情也。會浙撫

蔣公收銚奏監政奇玖家人僣混狀

命赴浙察勘明年四月

特旨召為軍機大臣卽補尙書用資倚畀且曰伊母向在京師久住于北方風土素習若奉母來京于散直之餘朝夕侍奉實為公私兩得卽遇巡幸亦不令其隨往朕于方維甸母子之間所以體念之者無所不至維甸當仰體朕用人不得已之苦衷也但伊母見在身體不知究竟若何若果精神委頓萬難遠行仍許據實陳奏公尋奏母病情形得旨見在天氣漸熱方維甸母子不能暫離若令其長途跋涉心殊不忍可在籍安心侍養不必來京并賜其母香珠摺扇等物十八年丁母憂詔賜祭命江甯將軍貝肇前注奠輟並傳旨慰諭方維甸令

其節哀守禮再圖爲國宣勞時林清謀逆 文成等據滑縣奉
特旨方維甸本應俟其終制後再行簡用 因直隸及東三省
交界處有匪徒滋事其令墨經從戎署直隸總督在任守制將
來來京召見仍準素服俾得兼盡孝思公營葬畢卽遵 旨啟
程疏請馳赴軍營勦賊會那文毅公奏捷云已圍攻渦城指日
可收復

上不欲使公抱奪情之戚

溫旨令轉程回籍守制再候簡用

三十年六月薨于里第

諭稱其忠誠盡職清慎著名

贈文

子大保

命江甯將軍穆克登布往奠其子舉人候補中書方

傳穆

賞進士許一體殿試尋

賜祭葬

予諡勤襄所著曰

國朝正事錄

卷八 名臣

三

心蘭室稿傳穆尋選庶吉士由編修官沅州知府遷兵備道女
若薇工琴善畫精篆刻適江刺史元炳著有間雲閣詩鈔

莊容可尚書事略

高宗御極之四年

詔以廷試進士對策撰擬頌聯獻諛非體

且敢請話弊

命大臣

集議制策當取通達治體以漢鼂錯董

仲舒唐劉蕡宋蘇軾爲式于是番禺莊公哀然爲舉首比引見

風度端凝

天顏喜甚

賜及第授修撰入直南書房越三年公第有信成

進士引見公適以起居注官侍直

上顧問公遂得選庶吉士其冬兄弟同請告歸省海內榮之還

朝遷右中允進侍講遷侍講學士擢光祿卿父憂歸卽家授內

閣學士服闋人朝遷兵部右侍郎督江蘇學政十五年轉戶部

國朝先王事畧

卷十八

名臣

三

右侍郎。召還京尋典江南鄉試。再視學江蘇。十六年授江蘇巡撫。二十一年丁母憂。扶櫬南行。特命給假百日。治喪于伏汎。前至淮安署南河總督。先是公督學政時。浙江人于文彬偵公出獻所著文武記太公望傳等逆書。公以爲病狂不究。至是文彬挾其書至山東。呈衍聖公孔昭煥。轉告巡撫楊應琚。以聞。公自請治罪。命罰學政養廉銀十倍。至是坐朱明主使僇。命乃張穀孫賄謀聯號嚴凝裕鬪蟋蟀等案。均擅批罰贖。未奏聞。逮繫法司。論如律。詔貫罪。令護喪回籍。後赴軍臺自效。方詣謫所。中途卽授湖北巡撫。歲餘仍調江蘇。巡撫未行。復調浙江。巡撫莅事四載。復調江蘇。仍兼管浙江塘工賑務。加太子少

保二十九年擢刑部尙書暫留巡撫任三十一年協辦大學士
仍留辦巡撫事是年冬入都未幾坐前劾同知段成功縱役擾
民復以因病被朦入告

上責其避怨市恩逮繫半載有餘復授福建巡撫三十二年七
月薨于官舍年五十有五公以文學侍從之臣荷主知出庸
節鎮誓以清勤自勵初在江蘇淮陽諸郡水公案勘撫卹得
旨截留百二十萬石出帑銀五百萬兩備賑民乃得蘇歲乙亥
大江南北復災公上疏自言奉職無狀數干天和并陳諸揀荒
策

上皆允行費帑千餘萬躬親散放胥役不得侵漁明年夏大疫

公捐俸錢令有司察民病者予藥死者予槨并檄管內推其法行之又疏言太倉鎮洋沿海田廬全賴海隄保障雍正十年築土塘二萬四千七百餘丈時因經費不充僅于沿邊頂衝處修築餘多未辦迺因東北風潮損傷隄岸居民自請挑築請酌借庫銀萬六千兩交紳士自募夫役接築土塘九千四百七十餘丈務令訖前告竣所借銀按畝扣輸二年即可完款得旨俞行及撫浙江浙西三都以風雨蟲傷米價騰踊而江南亦歉收商販不至公奏撥庫銀三十六萬兩遣官往湖廣採買有旨截湖南漕米十五萬石并碾倉穀十萬石運浙平糶自東徂春米之來自楚者舳舻相望歲雖儉而民不飢矣錢塘江入海

之處有三。鹽曰南大鹽。曰中小鹽。曰北大鹽。乙丑以後水行中。鹽者十餘年。己卯歲改趨北大鹽。公承詔底海甯閘柴石塘。登尖山渡江。歷勘以加築。土墾添建坦水。爲請既而水勢直齧塘根。以預備得無患。又奏復海塘兵弁。專司負薪運土。甃石省民。大無算。海甯之老鹽倉。向以土活沙浮。祇立柴塘。壬午歲聖駕南巡。議改石塘。命大學士劉公統勲。高公晉與公先行。察勘果以活沙不能立椿。

上復親臨指示形勢。今修柴塘。增坦水。加薪償公承。命鳩工庀材。又用前人竹絡法。編竹爲護。實以巨石。鱗次櫛比。以衛塘根。其秋風潮大作。石塘間有崩裂。而柴塘獨無恙。公之力也。時

秋林水漲公親往嘉湖二郡祭勘知水歸太湖之道多淤而太湖下流亦多壅閼因請浚烏程長興境內七十二澚并遣官至江南按行三江故道疏入尋奉移撫江蘇之命公遂親往尋脈絡得其要領建議大修三江水利疏略云大湖北受荆溪百瀆南受天日諸山之水爲吳中巨浸而分疏之大幹則以三江爲要三江者吳淞江婁江東江也東江自宋已湮明永樂間荆開黃浦寬廣足當三江一今亦謂之東江三江分流經之吳江震澤吳元和崑山新陽青浦華亭上海太倉鎮洋嘉定十二州縣港浦縱橫湖蕩參錯其出水之口不特寶帶橋一處如吳江之十六港十七橋吳縣之鮎魚口大關口爲湖水運河入江

湖。淑浦。邇因小民貪利。徧植菱蘆。圍築魚蕩。亦多侵占。劉河。古婁江也。今河大非昔比。往往艤舟待湖。崑山外壕。爲婁江正道。淺狹特甚。蘇州婁門外。江面僅寬四五丈。偶遇秋霖。上游輶淹。漫若及早治之事。半而功則倍法。當于運河以西。凡大湖出水之口。皆爲清壘。占塞其運河。以東三江故道。惟黃浦見尙深通。其吳淞江。自龐山湖以下。婁江自婁門以下。均宜浚治。寬深其植蘆。插斷及旨占之區。盡數剷除。此後仍嚴爲之禁。卽以濬河之工。加倍培圩岸。庶渾潮不入。清水日強。而海口之淤。亦將不挑。而自去請先動帑興工。仍于各州縣分年按畝徵還。則民力紓。

而工可速集疏入。詔可。工始于癸未十二月至甲申三月告成。凡用白金二十二萬有奇。公再撫蘇。有旨仍兼理浙江海塘。先後增築魚鱗石塘二百七十丈。其松江大倉沿海土塘居什之八九。公請如浙塘法。編竹簾實石護塘根。以禦海潮。公之盡心于水利。海塘其大者如此。其撫福建也。預戒族人居晉江者勿造謁。有至者遣閹人謝之曰。其任封疆義當遊嫌。俟去宜時再相見。汨公薨。晉江族人始來會哭。咸稱公之公正爲不可及云。公諱有恭。字容可。號菴圃。先世由晉江往粵。遂爲番禺人。生而穎異。工書法。出入顏趙間。在禁林。經進詩文。數被獎異。及車駕省方。公以方岳大臣扈從。輒命庚和御詩。壬午丙戌。

兩次南巡。賜御製五七言律詩各一

上幸嘉興之煙雨樓。

特召公至行營。用石鼎體聯句詩成書。

以勒石。羣臣莫及焉。公由祠館躋九列。皆

聖明特擢。不由薦。

剡夷南重鎮。膺委任者十餘年。入領尙書。遂參大政。中間兩遭顛蹶。賴

天子仁相。終保全之。重建旌節。天不假年。未臻中壽。然海內士大夫識與不識。問公名。靡不頃嚮。謂斜目得人之盛。爲嶺表所希有也。一子曰。士斌。

沈文毅公事略

公諱德潛字確士號歸愚江蘇長洲人乾隆丙辰舉博德鴻詞科未過戊午舉於鄉年八十六矣己未成進士選庶吉士壬戌授編修

高宗嘗于南邦黎獻集中見公詩賞之諭大學士張文和公

曰沈德潛係老名士有詩名命和消夏十詠及落葉諸詩俱

稱旨以後賡和遂不可勝紀累遷中允左庶子侍讀學士甲

子典試湖北明年晉詹事嘗召對論歷代詩源流升降且云

張鵬翀才捷于爾而風格不及丙寅授內閣學士請假歸塋有

旨不必開缺命給三代封誥賜五律一章題云沈德潛爲

同治七年正月十八日名臣

聖

父請封陳親遺訓聲淚俱下此所謂終身之慕乎詩有云奚用

悲歎落因知遂顯揚又

賜詩寵行有云我愛德潛德醇風抱

古初錢侍郎陳羣和云

帝愛德潛德我羨歸愚歸

上嘉賞焉丁卯四月

命直上書房六月還朝

賜詩有曰朋

友重然諾況在君臣間兒輩麤知書相期道孔顏尋以公年老

命天明始入上書房亭午即出且曰以身教不專以言教也尋

擢禮部侍郎明年充會試副考官以年力就衰

命原銜食俸

仍直上書房已巳請告薦齊召南白代

許之

賜御畫人蔭

緞帛及詩壇耆碩額命校往

御製詩果方行

諭有所著作

許寄京呈覽且曰朕于德濟可謂以詩始以詩終矣賜詩有
云清時在寒士吳下老詩翁又云近稿經商榷相知見始終
陛辭面諭云爾歸享林泉之樂與鄉鄰講說孝弟忠信便是
爾之報國又云我五十壽時一定來京拜祝君臣之誼等於父
子家人最後復用陛辭韻賜詩四律首章云高尙特教還
故里清標終惜去朝班三章云笑予結習多難遣嘉爾臨文不
忘箴皆異數也庚午公遊黃山天台謁禹陵奉賜詩有云爲
語餘年須愛護來春吳會共論文蓋預訂南巡其約也明年
公主紫陽書院二月迎駕清江浦溫諭詢吳民勞苦不
賜緞帛薄貂論在籍食俸賜詩有云玉皇案吏今煙客天

子門生更故人別後詩裁經細檢當前民瘼聽頻陳尋扈跸西
湖。賜道存風雅額。幸金山時又。賜和山居雜興十章又
賜題紫陽書院詩公進恭和。御製詩一百四章是冬以祝
皇太后萬壽入都。召見。賜坐明日。召入南書房。命題
韓滉七才子圖又題。御書無逸篇後又題。御書古蘇梅
賜貂裘及德藝清標額公進詩集求。賜序。賜序略曰。德潛之詩遠
上欣然許之。子小除夕坤甯宮手書以賜。序略曰。德潛之詩遠
陶鑄乎李杜而近伯仲乎高王矣。乃獨取義於昌黎歸愚之云
者。則所謂去華就實君子之道也。昌黎因文見道始有是語而
歸愚叟乃能深契于此識夷守約。儼藁就澹是則李杜高王所

未言而有台于夫子。教人學詩之義也。夫非常之人。然後有非常之遇。德潛受非常之知。而其詩亦今世之非常者。故以非常之例序之。異日者江國行春。靈巖駐蹕。思欲清問民艱。服谷新什。將訪歸愚。叟於愚公溪谷間矣。高王蓋指青邱漁洋。謂公詩有過之無不及也。王申正月。

上召賦雪獅聯句詩小江

重華宮

賜詩

命和又

賜御

書鶴性松身堂額及藏佛一尊冠服六種蓋爲公八十稱壽也

翼日陳謝

上與論人臣體用。公奏體用兼備。如外宋韓范諸臣。可以維持宗社。有體無用。猶不失爲正人。特不堪重寄耳。若無體而妄談。

國朝正三朝

卷十八

名臣

四

作用必僨事。

上然之南歸。

賜詩送行及途費銀二百兩蓋進西湖志纂。

上題三絕句代序丁丑二月。

上南巡加公禮部尙書銜。

諭稱爲蓬瀛人瑞疊前韻賜之。

有句云星垣帝友豈無友吳下詩人尙有人每召對問民疾。

苦並問高年有學問者還有幾人公以司業顧棟高進士方彜。

如對。

上詳詢履歷識之尋出。

御詩百六十餘章命和辛巳入都。

祝。

皇太后七旬萬壽進歷朝聖母圖冊賜杖入朝命與九老。

在位九人在籍九人武臣九人皆年七十以上公爲在籍
文臣之首 賜遊香山並圖形內府

懿旨賞賚有差公進所選

國朝詩乞序申錄錢諫益錢名世

諸作

十賜序責其失當

命儒臣精校去留重錢板行世而待公如

初尋

諭明年南巡迎送不必出蘇州界壬午二月偕錢尙書

陳羣迎

駕常州

賜額曰九袞詩仙又詩二律其一與錢尙

書同

賜並稱爲大老公連和

御詩十八章

恩賚稱疊明

年

上和公攝山詩十二章

御書長卷以

賜乙酉二月公偕錢

國朝詩乞序

名臣

點

尙書迎 駕武進 詔加太子太傅食正一品俸孫賜舉人一

體應禮部試尋 賜人滌緞匹 御製詩二律其一與錢尙書

同 賜其一有云 吳中今古老人科比似徵明定若何書畫雖

輸詩勝彼功名已過壽如他蓋公會進呈文待詔像

上題七言律 命南書房詞臣屬和故 賜詩以比公也戊子

己丑均有 詔存問 賜人漢庚寅九月薨年九十有七乾隆

三十四年也 優詔悼恤 贈太子太師入祀賢良祠 賜祭

賜祭諡文愨 御製詰悼之有云壽縱未能臻百歲詩當不朽

照千秋可謂恩禮始終矣公鄉試十七次不第晚達受殊眷榮

悴一節不干進不希風旨下直蕭然純良息綿如訓蒙與其所

秦進諸詩陳善納忠往往能繼古澗酌卷阿之作者其于間閤
息耗四方水旱歸本辰居責成牧守補救之實壹見于詩反覆
盡意不苟爲虛美世徒見

上遇公之樂而不知公之所以被

上知者固有在矣

上每巡江南望見公

天顏先喜前後受

賜詩至四十餘首

歷校御製詩時有更易

上皆虛己從之實

福字及書籍法帖諸尙方珍物不可殫數

海外諸國爭走重

金購詩集日本臣高彝寄書于餘言溯詩學

源流詆錢牧齋持論不公而以公所論爲中正贈詩四章願附

國朝正事

卷十八

名臣

四

弟子列公拒之。蓋泣文衡山不以書畫予遠夷意也。四十二年
東台縣已故舉人徐述夔所著一柱樓集詩詞悖逆被訐告集
有公所作述夔傳下廷議追奪階銜祠諡四十四年。御製懷
舊詩列公五詞臣中仍以錢沈並稱東南二老云。

裴文達公事略

司○空○之○職○掌○邦○土○居○四○民○時○地○利○使○修○利○堤○防○通○達○溝○瀆○別○五○
土○之○信○而○物○其○所○生○之○宜○厥○任○綦○重○朝○廷○命○官○又○深○知○其○藎○
蓄○又○愿○試○有○功○然○後○畀○以○宅○揆○熙○載○之○任○新○建○裴○公○敷○愿○六○官○
咸○稱○職○尤○善○于○治○水○
天○子○重○公○材○數○任○之○公○竭○智○慮○告○成○功○最○後○晉○工○部○尚○書○竟○薨○
於○此○位○可○謂○能○舉○其○職○者○矣○乾○隆○二○十○二○年○五○月○詔○曰○朕○此○
次○南○巡○親○蒞○河○工○相○度○險○要○特○派○侍○郎○夢○麟○總○河○白○鐘○山○疏○濬○
荆○山○橋○一○帶○總○河○張○師○載○巡○撫○高○晉○會○辦○徐○州○黃○河○兩○岸○堤○工○
其○徐○州○護○城○石○工○則○委○之○副○都○御○史○德○爾○敏○下○河○諸○工○則○委○之○

副總河嵇璜。凡以爲積歲災民籌捍禦之策也。近聞山東之金鄉。魚臺。上江之宿虹。靈璧。河南之永城。夏邑等州縣皆有積水。慢溢其受病實非一朝一夕之故。若不及時籌辦。將何所底止。此朕南巡未了之事也。其令侍郎裘曰修馳驛前往山東河南。上江現在積水各州縣往來周視。寬以日時。熟察情形。通盤籌畫。果歸實用。毋惜多費。帑金用副朕痼瘼一體之意。公銜。命自山東查勘至河南。自河南至上江。疏請將靈璧之斗溝。拖尾河。沱河。虹縣之荀家溝。岳家河。潼河。一律疏濬。至董家溝。在宿遷境內。安河界桃源。泗宿三州縣間。皆已淤淺。其金鎖鎮田家集。劉李埂。陡門等處。上下八十里。爲入洪澤湖咽喉。皆宜逐段

開濬必此處較上游深通而後濰河等水可以順流直下惟下
游之下復有下游洪澤一湖以清口爲出路前已奉 旨將草
壩拆卸以暢其流仰見 聖明燭照于數千里外但每歲須應
期開放庶不至壅闕于一時有 旨嘉其明瞭得要領 命與
夢麟等無分彼此所見既確卽一力擔承務期歲前歲事公復
由潁毫一路至河南疏言潁毫一帶必東面及東南面去路無
阻然後中州諸水可得而治宜先開幹河繼開支河繼開溝洫
其東面之幹河在商邱爲豐樂河在夏邑爲响河在永城爲巴
河東南面之幹河以大沙河爲最卽古潁水次則開封之賈魯
河卽古汴水均官一律挑濬此外如永城之漕溝夏邑之毛家

河小引溝。觀音閣引河。白河三岔。河虞城之惠民溝。商邱之北。沙河大澗溝。鹿邑之清水河。汝甯之洪河。汝河宜徧加疏濬。一律通流。由引河以達支河。由支河以達幹河。其不能歸河者。于田間多作溝渠導引。或窪地聽爲澤藪。庶不至漫溢得。旨如議速行。公復至山東查勘。疏言。館陶臨清等州縣。潰河兩岸民。埵向係民築。民修。請照直隸永定河工例。每夫日給升米。責成地方官。督令修補。從之。又言。山東水道疏濬。兗州爲要。曹州次之。臣前已奏開伊家河。今復將原估十丈河頭。再展寬數丈。使微山湖水建瓴而下。則濟甯魚臺滕嶧。以及江南之豐沛二縣。地畝可普行涸出。至水消後。再有當泊者。就兗州言之。魚臺縣。

有舊運河界微山湖西面上接濟甯之牛頭河金鄉之涑河柳林河應一律挑濬。又泗河自濟甯姚安莊以下河身愈狹白馬河中段之董家口與泗河相接應將二河之尾段挑濬至府河爲泗水分支宜將涵洞改建水閘其楊家壩亦改建石閘又濟甯之興文鎮舊有河形宜挑濬以洩沈河盛漲就曹州言之則應分二道西南之太行堤畔舊有順堤河今多淤墊宜疏濬東北則現于八里廟增建滾壩當沙趙二河之衝于地勢最爲扼要又沂水流入江南之駱馬湖見多淤塞應一併疏通以除水患。諭曰朕正慮及沂州府每被水災覽奏有疏通駱馬湖詔宜相度速辦又奏山東運河情形言南旺舊制係三分南行七

分北上。今則北少南多。應于分水口兩岸接長南壩。收短北壩。俾順勢北行。再將何家壩減低二尺。放入北運。于糧艘回空後。嚴閉南閘。使南運河下段堤岸畢出。凡不能興工之處。皆可興修。庶明歲漕運無悞。諭曰。恐爾等分身不及。今又遣劉統勲前往。專司運河工程。此奏可與之酌辦也。公復至上江。請將亳州之兩河口。及三道河。淝河。宋陽河。太和之茨河。明河。霍邱之高塘河。宿州之澮河。商邱之大沙河。一律修濬。旋至河南疏陳白幹河外。共開支河三十餘處。如商邱之兩沙河。虞城之苑家堤。遂平之石洋河。上蔡之柳堰河。泥河。小茅河。新蔡之三岔河。各相機疏築。從此中州可永無水患。疏入。

上皆嘉獎二十三年夏工竣得

旨優叙

御製詩美之二十

六年秋河決楊橋

命赴河南勘辦尋

命大學士劉公統勳

兆惠公駐楊橋督工

公躬自履勘塞決口

二百餘丈又言沁水

出五龍山性甚悍急

沿河堤埵皆民辦

此次工大費鉅請借帑

興工以紓民力得

旨嘉允十二月工竣

予優叙御製中州

治河碑序及公勞績

二十八年二月

命馳驛來京督辦直隸

水道溝渠事務

賜御製詩公濬蘆溝中州疏金門求賢二壩

築攔水埵濬鳳河淤

兼治北運河築南倉橫堤以衛民居改疊

道以俟西流九月工竣請假回籍迎養

詔以滌河久未疏濬

命歸途便道勘辦

公奏宜厚蓄清水以刷淤泥遇應開黃腫聞

五月

名臣

學

則堵南股河頭應開西流閘則堵北股河頭使水匯入離河力
足衝刷庶無淤積之患至南北二河口宜築壩堵截俾兩河清
水全歸離河遇水漲時仍啟壩分洩于蓄洩乃爲合宜
上嘉納焉三十一年命公往勘江南淮徐支河其毗連山東
河南者命一體閱視三十六年復命勘滄州一帶運河情
形七月有詔濬河利漕命公往來調度查勘專司其事明
年復詔督辦永定河北運河等處工程上言治河不外疏
築二字而築不如疏其理甚明直省之弊在近水居民與水爭
地列兩河淀泊本以儲水乃水退一尺則佔耕一尺既報墾科
卽呈請築堤致堤埝直矗波心橫決益甚請勅所司于一切

浞泊毋許報墾陞科。並不得橫加堤埵。俾水有所歸。則患自息矣。

上是其言降

勅嚴禁。此公治水大略也。當是時

高宗軫念河防。不惜捐千萬帑金。以捍民患。亦惟公竭忠殫力。足以仰副

聖心云。公諱曰修。字叔度。一字漫士。世居新建之雙港。父思補

康熙丁丑進士。由建德令行取。累官給事中。祀名宦。公其第五

子也。乾隆元年。以廩生薦。博學鴻詞舉。順天鄉試。四年成進士。

與館選八年。御試高等。超擢侍讀學士。轉少詹事。晉詹事選

內閣學士。一任兵部右侍郎。再任吏部右侍郎。三任戶部左右

侍郎一任工部左侍郎兩任倉場侍郎三尹順天厯禮刑工二部尙書中閒坐胡中藻逆詩事罷官尋授中允遷侍講逾月復故後坐捕蝗不力降官未幾仍復故一入軍機三侍經筵一直南書房一典湖北鄉試兩典江南鄉試兩典浙江鄉試一充會試總裁又充會典四庫書總裁奉勅撰熱河志大學志西清古鑑秘殿珠林石渠寶笈及錢錄等書公貌清癯眉有濃翠顧盼閒精神淵映居恆喜賓客工諧謔搜奇語怪無倦色而遇事神解超捷每厯一曹受一職手文書默然數日後判決如流二十

一年王師征伊犁公面奏軍務機宜

天子大悅卽賜御衣冠命乘傳赴巴里坤治事會逆酋莽

里克遣弟某詭稱押送諸番探信卡倫公與哈密總兵祖雲龍
縛昇總督發其奸哈密兵少有赴巴里坤種地者七百人公請
暫留爲衛而發麥以飼之。

上皆獎許公聰強機警受大任舉重若輕

天子愛其敏倘若股肱凡有事于四方與大學士劉公統勲先

後奔走前命未復後命踵至雖侍內廷綜六部而英蕩

款關足跡常半天下二十三年命在工次訛邳州某牧短發

車價事明年命往太倉訛王閭冒家主事又明年命往蘭

州訛縣丞崔琇擅動驛馬事二十九年命往福建訛總督楊

廷璋受陋規事三十七年命往盛京查旗地事而奉命勘

水利前後至八次兩次丁憂回籍均于未服闋時奉特召入京視事其眷倚若此公讞獄無苛嚴亦無縱捨衡文得士心遇事善于應變而立意一歸慈厚自盛京歸奏免八旗生息銀長司寇時奏免盜竄者死勘災楊橋時奏災區急宜賑恤請不拘成例一面查點一面散給庶無坐轉溝壑之虞又言粥廠爲利最溥有司恐聚衆生事往往阻格不行不知各縣均設粥廠則彼境之人不入此境又于一縣中分四鄉散給自不至于擁擠上立予施行公所位皆有名績他人得其一皆足自名而其尤關國計民瘼者則治水爲最著也三十八年五月公病墮上日遣御醫診視請解職弗許賜詩慰問加太子太傅公感

涕恭和二詩。手書進謝。越二日薨。年六十有二。

上聞軫悼。派散秩大臣率侍衛十員往奠。賜祭。賜葬諡。

文達子行簡。恩賞內閣中書。命一體會試。喪歸公。卿士大。

夫素車塞路。外省河堤老兵戍卒。皆泣歎有失聲者。公本以文。

學受知。澤公儒雅提唱宏獎。道滁州攜歐陽文忠像。御題。

得允所請。凡扈從侍宴及慶典大禮。所進賡頌紀頌之作。皆。

稱。八旨書法近宋臣張卽之。

上以內府張書華嚴經殘本。命公補書。人莫能辨。平居不言。

人過。惟以人命最重。果報不爽。爲勸戒。見失意者。卽惻惻不安。

必曲折使得其所。在戶部是久。所入隨手施與。嘗典衣度歲。人。

不知也。方勘豫災時，予麟卒。太夫人書訓曰：窮黎皆赤子，勿以爾予傷墮公事。公爲節慟，聞者誦之。公彌留時，語左右曰：吾爲燕子磯水神君輩江行所次，苟酹卮酒，弗敢辭。有老姬曰：昔太夫人禱磯邊神祠，始有身。公之去，求可知也。子麟庚辰進士官編修師國子監生，皆前卒。行簡官至兵部侍郎，直隸總督。行簡字敬之，乾隆四十三年，以中書直軍機處，擢內閣士讀四十九年，隨大學士阿文成公赴甘肅勦石峰堡逆回，旋赴河南察治河工。明年出知甯武府，調平陽。五十五年，請改京職，便養。優詔以知府服俸任員外郎，仍直軍機處。嘉慶四年，由郎中遷內閣侍讀學士。六年，以太僕少卿奉命赴陝西犒軍，時教匪

未靖經略額勒登保公駐略陽公疏言川陝兵虛扼衝嚴守使
陝匪不入川川匪不入陝然後偪使東竄經略以大兵蹙之可
計曰梟縛又言自寶雞至褒城棧道兵卡宜復設且于要害設
大營隔賊走路兼通大軍糧運而其時經略引嫌請止舉劾
下功罪公奏請五路帶兵大臣所統將士皆聽舉劾移書川督
勒保公陳廉頗相下之義兩帥大和途次鳳縣晉本寺卿賞
花翎授河南布政使調江甯母憂歸八年授福建布政使調直
隸先是天下大政事賑貸轉輸供億皆以州縣爲經由數匯錢
穀出入多未釐正

高宗禪受禮成

特旨盡免廢負而地方大吏鉤稽傳領束於

成格不能盡豁除或借以爲頒擾之具公以謂非清帑無以塞
僥倖。滌煩苛遂一以清帑爲首務。福建布政司冊目十有一公
割分于自千五百有奇。支解者毫黍皆見。吏不能欺得銀若干
萬。直隸民逋議分年帶徵。官逋議分年罰繳。又得若干萬。坐是
兩行省積弊一清。尋命加兵部侍郎署直隸總督。坐永定河
決。降二秩留任。九月自天津赴永定河督工。途次得疾不起。
優旨照總督例。賜卹。賜祭。諡恭勤子元善。賜舉人官
內閣中書。

梁文定公事略

公諱國治字階平號瑤峰一號豐山浙江會稽人父文標嘗刑部司獄恤囚有陰德嘗曰彼自麗于法耳何爲殃若之累遷刑部主事公生負異稟年十四補第子貴冠其籍十九舉乾隆六年鄉試明年考取內閣中書十三年戊辰以一甲一名賜進士及第授修撰十九年遷司業二十一年典試廣東復命奏對稱旨命往廣東以道員用明年補惠潮嘉兵備道二十六
年恭祝

皇太后萬壽至京以卓異引見特旨署都察院左副都御史公以魏科清望出試吏事至是超擢卿貳聞者翕然明年主江

西鄉試旋視學安徽擢吏部主侍郎三十年調江蘇學政提唱羣雅監別茂異大江南北士翕然宗之尋坐署廣東糧道時失察折色事落職就勘明年事白授山西冀甯道三十二年授湖南按察使明年授江甯布政使又明年擢湖北巡撫兼署湖廣總督及荊州將軍時官兵征緬甸振旅過境公躬勞拊且鎮之序行無譁奏定施南府屬宜恩來鳳咸豐利川學增額有差三十六年調撫湖南公以經術飭吏治清風惠政不燒以孚嘗捐俸修唐鐵佛寺池產青蓮花時以爲瑞三十八年特召直軍機處署禮吏侍郎時朱文正公致書公曰君以封疆大吏入贊樞密願以清吏源培民脈端士氣三言爲獻公深然之明年

命直南書房補戶部侍郎有是召對扈從無閒昕夕充經筵
講官賜紫禁城騎馬第宅冠服之容便蕃有加四十二年與
順天鄉試擢戶部尚書四十七年加太子少傅明年協辦大學
士歲庚子甲辰再以扈駕南巡賜休沐上家鄉卹榮焉五
十年春與子嬰宴於乾清宮夏拜東閣大學士兼戶部尚書
公以文學受知在帝左右敬慎縝密不以寵利居功粹然儒者在昔有宋由大魁
入政府者九人有明一代十有七人而我高宗朝六十年中實邁其三公以經世才際
文德武功之盛雍容大雅密勿論思時日爲讀書與宰相其天

性學養尤足稱其遭遇云公體素清臞五十一年仲冬疾作
上遣醫官暨侍衛傳旨存問越月十三日薨于位

高宗軫悼加贈太子太保命皇子往奠賚白金千兩治

喪賜諡文定公始終承眷惟其端亮勤恪信之者深也公性
孝友十歲喪母哀毀如成人十七丁外艱塋祭盡禮顛沛中不
廢所學兄國泰早卒與公同月日生故終身不稱觴事嫂馮甚
謹官侍郎時以已官貤封焉性好學愛才所至名士如歸公退
論文見之者如對山林高逸篤故人誼貧賤交終身不忘晚秉
樞要從游益廣渾穆中涇渭秩然清儉不名一錢俸入輒隨手
盡三黨皆德之詩文典瞻書法得唐人風致著有敬思堂文集

薨年六十有四子五人

國朝正統二年

卷八 名臣

三



國朝先正事略卷之十九 名臣

平江李元度次青纂

朱文正公事略

朱文正公諱珪字石君號南厓先世居蕭山祖登俊官長陽知縣父文炳官藍屋知縣始遷籍爲大興人公祖與高安朱文端公同爲湖北令相友善清名亦相埒公父受經于高安故公自十一歲卽傳高安之學年十七舉乾隆十二年鄉試與叔兄筠同榜名震都下次年成進士選庶吉士習國書尋授編脩累遷侍讀學士二十四年主河南鄉試奉使祭告南嶽明年充會試同考官秋授福建糧道毀和合諸淫祠民大驚服二十八年

國朝先正事畧卷之十九

擢按察使兼署布政使閩人裘自位假平臺濟功營武職獄連數十人公誅正犯一人諸受欺者皆不坐有告家譜妄逆者讞之僅戮一撰譜者屍二十九年父憂歸三十二年補湖北按察使時緬甸用兵公司驛務無誤無擾有亂民聚衆公鞠之不少縱然脅從者皆得免明年調山西又明年就遷布政使秋奏立保固城工法令後任隨時修護如潰在三十年內與原築官分賠下部議行三十六年權巡撫事奏撥歸化綏遠二城各十餘萬石搭放兵糧以省采買而免紅朽奏免土默特蒙古私墾之罪以所墾牧地三千一百餘頃許附近貧苦兵民認耕納租歲六千餘兩增官兵公費奏太僕寺牧地苦寒宜改徵折色以備

民除弊。皆下部議行。三十八年。勘歸化城水災。奏撫恤之。明年。按察使黃樸疏劾公。終日讀書于地。方事無整頓。又明年。入覲。授侍講學士。四十一年。命上書房行走。侍仁宗皇帝學。時初置文淵閣。官特命公直閣事。主福建。己亥鄉試。四十五年。督福建學政。將行。上五箴于仁宗。藩邸曰。養心曰。敬身曰。勤業曰。虛己曰。致誠。上力行之。及親政。亦常置座右。四十九年。扈蹕南巡。授內閣學士。閱江浙召試卷。五十一年。授禮部侍郎。主試江南。督浙江學政。五十四年。置蕭山祭田百畝。冬還朝。充經筵講官。明年。經筵進講。諸皇子侍班聽講。

高宗顧謂

仁宗曰汝師傅所講甚善春總裁會試秋授安徽巡撫命馳
驛賑水災乃攜僕五人與村民同渡賑宿泗碭山靈璧五河可
貽民以糧借懷遠鳳臺壽民以糧及種築決堤六十餘丈民乃
安復請展春賑手自散給五十七年奏鳳潁水災恩賞糧種
免民欠萬五千兩祁門縣築城成輕騎往驗之至新嶺有欲中
傷歛縣令者屬掌亭人以饘餲進公恬然飽之五十九年調撫
廣東尋兩廣總督授左都御史兵部尙書皆留巡撫任映詰開
國入貢呈土物卻之嘉慶元年授兩廣總督兼署巡撫六月有
旨內召曰將用爲大學上也俄以督魁倫奏粵東艇匪駛至閩

浙乃公總督任內不能緝補之咎寢前命仍授安徽巡撫無會
鳳陽等屬水災疏請賑恤親給之官吏莫敢侵時楚豫多邪教
流言皖屬多跽伏者公曰疑而索之是激之變也乃親詣界上
籌防禦徧蒞驛亭等屬聚長老教誡張文告簡而明民大感化
明年授兵部尚書調吏部皆留巡撫任宿靈壁水合肥定遠巢
來安全極旱皆親賑之民忘其災明年蒙亳復水賑卹如之會
高宗純皇帝上賓
仁宗馳驛召公公哭且奔先上奏曰聞
太上皇帝龍馭上昇膽裂呼天角崩投地欽惟
大行皇帝十全功德五福考終傳器極心于昭在上我

皇上純孝超倫報天罔極竊聞定欲躬行三年之喪此舉邁千古而欽萬世然而天子之孝不以毀形滅性爲尚以繼志述事爲大親政伊始遠聽近瞻默運乾綱霽施渙號陽剛之氣如日重光惻怛之仁無幽不浹思修身嚴誠欺之介于觀人辨義利之防君心正而四維張朝廷清而九牧肅身先節儉崇獎清廉自然盜賊不足平財用不足阜惟願我皇上無忘堯舜白任之心臣敢不勉行仁義事君之道也

上嘉納之及至京哭臨上執公手哭失聲旋命直南書房管戶部三庫自是國家大政事有所咨詢皆造膝日陳不草一疏不沽直不市恩不開

白軍機大臣公第在外城遠且隘

賜第西華門

紫禁城騎

馬加太子少保充

實錄總裁典已未會試調戶部尙書時

土禁浮收漕米之弊外省以運丁貧仰資州縣州縣取民不得

不浮于是安徽有加增銀江蘇有加耗米之請部議將擬行矣

公思之不寐綜其數較原徵加倍乃決計駁曰小民未見清漕

之益先受加賦之害不可行並令曹司以後凡事近加賦皆議

駁以體

皇上損上益下之意長蘆鹽政奏鹽價一斤加錢二文公駁曰

前因東蘆錢價過賤以三加價又免積欠二百六十萬兩餘欠

展三年商力自寬且今錢價漸貴應無庸議廣東布政司奏陞

濱海沙地賦公馭曰海沙淤地。珊漲靡常。故照下則田減半賦。之。今。視。上。中。田。增。賦。是。與。沿。海。民。計。微。利。非。政。體。且。民。苦。加。賦。將。別。有。漲。地。亦。不。敢。報。墾。不。可。行。後。倉。場。衙。門。請。預。納。錢。糧。四。五。十。倍。準。作。義。監。生。公。馭。曰。國。家。政。供。有。常。經。而。民。實。官。體。要。于。名。不。正。于。實。有。傷。斷。不。可。行。凡。馭。議。皆。親。屬。稿。奏。

上皆避之。嘉慶五年兼署吏部尚書坐輿夫毆傷禁門兵免太。子太保解三庫事。彭文勤墮馬西華門內公呼其輿入門昇之。復坐違例。鑄三級留任六年。陪祀祈谷壇未膳誤行墜甬道下。傷左跗。賜醫。賜食。駱驛于道遣內監質。殊諭至第視疾。且詢事。三月小愈。卽趨。朝。七。年。秋。扈。撰。灤。陽。宜。制。以。戶。

部尙書拜協辦大學上仍加太子少保八年兼掌院學士春夏
皆爲留京辦事大臣九年春駕幸翰林院先期晉公太子太
傅及幸院賜宴聯句御書天祿儲才額摹刻院堂以墨蹟
賜公第公在翰林二十四科前輩資最深且掌院事瀛洲典
故盛且榮焉十年正月宣制拜體仁閣大學士管理工部事
上以是命爲遵先帝遺詔也命詣
俗陵謝明年春公感疾
上命遊覽西山諸勝以散其懷時公年七十有六矣九月公休
上曰待卿八十當爲壽壽命戶部尙書戴公衢亨賞賜詩

十韻及玉鳩杖。諭大寒閒二三日。人直。且俟日出後。至南書房候。召對。每入對。則預定召對後期。十一月庚午。寒甚。乾清宮。召對畢。降階。忽痰壅。歸第。賜御醫視疾。賜假兩月。十八日。二月乙亥。力疾作芻獻詩。

上將親臨公第。丁丑復。命戴公來問疾。夜逾半。公薨。

上震悼。泣諭羣臣降。制曰。大學士朱珪。持躬正直。砥節清廉。

經述淹通。器宇醇厚。凡所陳奏。均得大體。服官五十餘年。依然寒素。家延敦睦。動循禮法。洵不愧爲端人正士。昇倚方殷。遽聞溘逝。深爲痛悼。初六日。朕親臨。賜奠。已賜陀羅經被。可令慶郡王。冰璘帶領侍衛十員。先往奠醊。給內帑銀二千五百兩。治喪。

晉贈太傅入祀賢良祠己卯

上親臨奠三爵哭不止回

宮降

制曰乾隆朝惟故大學士

劉統勲蒙

皇考鑒其品節

賜諡文正易名之典特隆顧統勲于署總督

任內曾經獲咎褫職復蒙

恩錄用至朱珪立朝五十餘年

歷中外從未稍踰尤絕無瑕玷猶憶伊官翰林時

皇考簡爲朕師傅其所陳說無非唐虞三代之言不特非法不

道卽少涉時趨之論亦從不出諸口啓沃良多揆諸諡法實足

當正字而無愧首卽賜諡文正毋庸內閣擬請也又曰本日朕

親臨奠醊見其門庭界隘清寒之况不異儒素晷念遺風愴懷

劉統勲在任事蒙

未已可再令皇二子前往代朕賜奠俟殯送時派慶郡王永璘前往祖奠日送以示朕眷懷舊學至意復撰抒痛詩十二韻命南書房翰林黃鉞于殯前焚之于辰命禮部尙書承恩侯恭阿孩諭祭公第明年御製碑文刻石阡門上巳日上謁西陵蹕路距公墓數里上遠眺松楸追懷愴惻命大臣詣墓賜奠高宗實錄成以公總修八載賜祭一壇長子錫經服闋後以京卿用公在翰林時國家有大典禮撰進雅頌詩冊文跋高宗必嘉賞之以爲能見其大頌不忘規或陳坐隅或命讀于聖孫寫爲副

聖製詩時或寄示。命和公官督撫時。仁宗皇帝在書房常預手札積一百三十九函裝六卷歸朝繳進。上亦書數年懷公詩數十首爲一冊題曰兼葭遠目曰山海遙思以示公公改云臣之無陋何足以當非常眷注惟有此心不敢就耳欺于大學義利之辨通鑑治亂之由天命呼吸可通民情憂樂無閒反覆敷陳不以爲迂闊而遠于事情也公所著知不足齋詩文集。

上命以刻本進。賜題律詩四章于卷首公端凝純粹胸中無城府于經術無所不通取士務以經策較四書文銳意求樸學。


才士黃景仁張脆蛟死深恫惜焉通人寒士必揚其名于朝典
試事不受外僚贈遺承宣數省平餘銀鉅萬悉不取撫安徽裁
蕪湖南開陋規閩省洋商陋規事發欽使蒞治惟公未受一
錢公官于外匡岸廉峻申朝大官絕無所授管部事持大端不
親細務情操亮節海內仰之撫院時門人汪庶子學金來請益
留而月歸公田何所聞而來何所見而去汪曰一談一笑無非
天理某所見乃大進矣其感人如此尤篤孝友父歿兄跪而以
身蔽受之慟母氏早世事庶母幾如母事諸兄悲愉如一體執
兄喪略血幾至毀事寡嫂盡敬撫兄子如已子三郤故交靡不
周卹嘗曰吾三十九歲收坐忽腹間自暖由脊上貫子頂甘液

自號下注。由是流轉至老不絕。乃知朱子注參同契非妄言也。
予四十餘卽獨居。迄無妾媵。御製示痛詩有云。半生惟獨宿。
一世不貪錢。其知之者深矣。有兄三日堂曰垣。曰筠。筠字竹君。
與公齊名。另有傳。

國朝先王事蹟

卷之十九

丁



傳襲烈公事略

公諱傳清姓富察氏滿洲鑲黃旗人追贈一等公李榮保次子也。由藍翎侍衛擢副都統。雍正五年授天津總兵。九年命以副都統充駐藏大臣。先是西藏郡王頗羅鼐有子二長珠爾默特策布登次珠爾默特那木札勒。

上獎頗羅鼐勞績令自保一子襲爵。頗羅鼐以次子對。十二年頗羅鼐卒。詔珠爾默特那木札勒襲郡王。又慮其年幼未必能洽服眾心。諭公逐處目心訪查。凡有未治之處即行指示。惟期地方安靜不生事端。公疏言。准葛爾夷使目下進藏熬茶各隘應增兵防範。并密飭各寺廟喇嘛知之。疏入。廷議酌調。

數千于緊要處防守。母涉張皇。恐伊等聞而生懼。十三年春。熬茶事竣。命馳驛來京。補天津總兵。擢古北口提督。十四年調固原提督。十月駐藏。副都統紀山奏珠爾默特那木札勒性情乖戾。與達賴喇嘛有隙。請將達賴喇嘛移駐秦甯。

上訓飭之。詔公以都統銜由固原馳驛赴藏。與紀山遇事等

商。十二月紀山復奏珠爾默特那木札勒告其兄珠爾默特策

布登聚兵攻取果彌奈事。詔公沿途細訪。勿墮其術中。尋

命侍郎拉布登往代紀山。公途中覆奏言珠爾默特策布登構兵事。恐未確。或係珠爾默特那木札勒謀。處兄地捏詞。詐召族臣抵藏時。察看情形辦理。得旨珠爾默特那木札勒乖戾詭

詢留之終必生事或乘伊與兄構兵以取戰爲名相機擒戮或
俟明年章嘉呼圖克圖赴藏熬茶時以兵護送乘閒殲除二者
孰爲利便其熟籌具奏十五年五月公抵藏偕拉布登公合疏
言珠爾默特策布登暴死珠爾默特那木札勒擅調兵甲運礮
赴隆海諭曰此時當靜以俟之待其自起自止俟回藏後將
如何舉動之處再取進止九月疏劾珠爾默特那木札勒往後
藏時誣構卜倫第巴等籍沒其產又逐其兒子戮辱頗羅鼐售
人殆盡見帶兵二千餘在距前藏三百餘里之達木地方駐牧
諭以道途遙遠可暫聽之十月奏逆跡漸著宜相機擒治
上命副都統班第赴藏並密諭川督策楞備兵援剿時珠爾

默特那木札勒陰通準噶爾絕我郵置軍書不達者旬日公與
拉公決計翦除是月十三日召珠爾默特那木札勒至通司岡
公署登樓數其罪手刃之逆黨羅卜藏札什等糾眾圍樓縱火
施鎗礮達賴喇嘛遣救不得入公被創自盡拉公亦遇害十一
月策海馳疏聞

上以公等爲國捐軀深用憫惜不覺涕零又諭曰珠爾默特
那木札勒反形已露若不先誅戮傳清等亦必遭其荼毒則傳
清拉布敦之先幾籌畫殲厥渠魁實堪嘉閱非若漢霍光之誘
致樓蘭而斬之也夫臨陣捐軀尙迫于勢所不得不然如傳清
拉布敦揆幾審勢決計定謀其心較苦而其功爲尤大其名昭

一等伯並入祀賢良昭忠二祠春秋致祭傳清并入伊家祠從祀伊等子孫各予一等子爵世襲罔替並將二臣爲國捐軀之大節明白宣示使天下共知其不得已之苦心否則好事喜功者將借二臣爲口實而事外無知之人又有議其擅開邊釁而仍邀國家厚恩者朕豈肯令是非倒置若此乎十六年春命立祠通司岡樞至京

上親臨奠醑

賞白金萬兩治喪

賜祭

賜葬

賜諡褒烈

御製詩紀其事未幾達賴喇嘛使番劄公爵班替達等會逆黨以聞我將軍策楞班第等至藏奏殊逆僭立名號勾結準噶爾求發兵爲聲援設非二臣決意除害則貽禍藏地將不可言

列明正事

卷之十

名臣

上

詔特建雙心祠列入祀典爲實心爲國者勸白是永禁唐古特
及準夷往來之使而西藏遂不封汗王貝子以四噶布倫分其
權而德于達賴喇嘛駐藏大臣增兵千有五百戍藏而國事
仍不盡與聞云

拉壯果公事略

公諱拉布敦。姓棟鄂氏。滿洲正黃旗人。父錫勒達官。尚書。康熙五十五年。公由閒散襲輕車都尉。雍正七年。赴北路軍營。隨靖邊大將。追傳爾丹。勦準噶爾。于和通呼爾哈納爾。公與賊連戰數晝夜。斬獲甚衆。十年。隨額駙策凌。敗賊于額爾德尼昭。授世管佐領。十三年。查驗軍營。超勇人員。賞戴孔雀翎。十二年。奉命率兵。越阿爾古山偵探。乾隆元年。補參領。六年。授副都統。八年。授北路軍營參贊。大臣九年。授定邊左副將軍。疏言偵德布爾吉。推河有厄爾特宰桑。額勤慎等十餘戶。駐牧布延圖河源。有烏梁海。得木齊札木禪等十餘戶。駐牧布爾吉。推河在阿爾

台山梁外布延圖河源在阿爾台山梁內均距卡倫不遠現密
劄坐卡侍衛等嚴防詔軍機大臣等議尋議伊等或因避雪而
來但日久未免生事準噶爾夷使哈柳現在京應諭以各字定
界毋任意遊牧令還告台吉噶爾丹策凌即撤回從之十年疏
言烏梁海得木齊烏爾巴齊等避雪駐牧黃列書魯克距卡倫
甚近託爾和烏蘭及布延圖哈瑪爾沙海卡倫外皆有準噶爾
人嚴飭坐卡侍衛小心防範報聞十一年還京補副都統十
二年署占北口提督十三年四月駐藏副都統傅清期滿命
公往代十月諭曰據拉布敦奏西藏新襲郡王珠爾默特那
木札勒等言稱準夷現在內亂已嚴飭各卡緊密防守如有準

夷來到。剏送至藏等語。藏地關係緊要。駐藏大臣凡事最宜查取確實。權其輕重。相機辦理。毋得稍滋事端。藏內不可容留準夷一人。十四年。還京。授工部左侍郎。仍兼副都統。並署漢軍都統。十二月。命仍赴藏辦事。傅公亦復往。十五年九月。擢左都御史。時。珠爾默特那木札勒謀叛。公與傅公決計剪除。十月十三日。召至通司。同公署數其罪。而誅之。逆黨羅卜藏札什糾眾肆逆。公及傅公遂同遇害。事聞。上軫悼。諭獎其奮不顧身。忠誠卓越。心甚苦而功甚大。照一等伯人祀賢長昭忠二祠。恩授一等子爵。世襲罔替。初籍隸鑲紅旗。至是。命入正黃旗。十六年。命立祠通司岡樞。至京。

上親臨奠醑

賞治喪銀萬兩仍

賜祭葬如例諡壯果並

特建雙忠祠祀之嗣子隆保襲職

班義烈公事略

公諱班第。姓博爾濟吉特氏。蒙古鑲黃旗人。由官學生授中書
遷內閣侍讀。晉內閣侍讀學士。雍正二年擢內閣學士。五年遷
理藩院侍郎。坐事左遷學士。九年賜孔雀翎。十一年軍機處
行走。乾隆元年授兵部侍郎。充經筵講官。四年擢湖廣總督。湖
南鎮草示。紂苗人不法。偕巡撫馮光裕等籌勦。閱兩月事竣。
優詔獎敘。五年丁母憂。六年仍直軍機處。七年授兵部尚書兼
議政大臣。管理藩院事。十一年署山西巡撫。尋召還。十三年
授內大臣。赴金川軍營。辦理糧餉。加太子少保。六月赴軍前督
攻昔嶺。一路尋署四川巡撫。八月復赴軍前。坐事降侍郎。十四

年以副都統由四川赴青海辦事十五年調赴西藏辦事未至
西藏郡王珠爾默特那木札勒謀叛駐藏都統傅清左都御史
杲布敦設計誅之旋爲逆黨羅卜藏札什所害十二月公抵藏
羅卜藏札什等伏誅十年論防準噶爾窺藏十七年召

四京補都統兼管理藩院事仍充軍機大臣十八年署兩廣總
督緝獲增城東莞奸民王克臣等竄之法明年召回京授兵
部尙書赴北路軍營署定邊左副將軍當是時樂噶爾內亂杜
爾伯特台吉策楞輝特臺吉阿睦爾振納和碩台吉班珠爾等
相繼降具陳準噶爾臺吉達瓦齊昏暴狀詔定于明歲進剿
諭公籌辦軍務十月奏擒烏梁海宰桑車根赤倫等收人口千

次遣兵擒瑪木特等盡收其屬。諭曰：班第自抵軍營以來，

男果斷調遣合宜。其子世襲子爵，授領侍衛內大臣，仍賞白

十兩。十二月，授定北將軍入都。陛見，面陳軍務。二十年，正

兩路出師，公以定北將軍出北路。阿睦爾撒納副之。額駙科

沁親王色騰布都王成袞雅布內大臣瑪木特爲參贊永常

爲定西將軍出西路。薩賴爾副之。都王班珠爾貝勒扎拉豐阿

丙大臣鄂容安爲參贊兩副將軍各領前鋒三千先進將軍參

贊總之。兩路軍各二萬五千馬七萬匹。西路出巴里坤北路出

烏里雅蘇台各攜兩月糧約會于博羅塔拉河時兩副將軍皆

準夷衆帥建其舊纛先進各部落望風崩角其同族人台吉噶

國朝先正事畧卷之十九 名臣

左

爾藏多爾濟及舊回會和卓木先後迎降。于是所至臺吉宰桑或數百戶或千餘戶攜酏酪獻羊馬駱驛道左。師行數千里無抗顏行者。瀚海舊少雨。至是則大雷雨。以五月朔長驅至博羅塔拉河。距伊犁三百餘里。兩軍皆會。而是時達瓦齊在伊犁。日縱酒爲樂。不設備。比聞大軍至。急遣親信兩宰桑出令箭徵兵。而自率親兵萬人走保伊犁西北百八十里之裕登山。即淖爲營。我軍獲其調軍者。具悉國中解體狀。士氣信奮。爭渡伊犁河。長驅追襲。將及格登山。夜遣降夷阿玉錫等率二十餘騎往覘道路。阿玉錫卽乘夜建大軍之纛。大呼入其營。萬眾瓦解。達瓦齊以二千人宵遁。餘皆不戰降。黎明我二十餘騎遂收其眾人。

于。還。大。勢。達。瓦。齊。踰。冰。嶺。南。走。回。置。僅。存。百。餘。騎。以。烏。什。城。阿。
奇。伯。克。霍。吉。斯。爲。己。所。善。也。投。之。而。霍。吉。斯。已。承。我。將。軍。檄。卽。
執。之。以。獻。并。獲。前。青。海。叛。賊。羅。卜。藏。丹。津。獻。俘。京。師。
上。御。午。門。受。之。皆。赦。其。死。詔。獎。公。功。封。一。等。誠。勇。公。賜。寶。
石。頂。四。團。龍。服。金。黃。絛。朝。珠。而。開。睦。爾。撒。納。亦。晉。封。雙。親。王。食。
雙。親。王。俸。餘。陞。賞。有。差。于。是。天。山。南。北。二。路。皆。不。血。刃。而。定。初。
四。衛。拉。之。分。部。也。綽。羅。斯。治。伊。犁。和。碩。特。治。烏。魯。木。齊。都。爾。伯。
特。治。額。爾。齊。斯。土。爾。扈。特。治。雅。爾。土。爾。扈。特。北。去。輝。特。治。之。部。
名。有。汗。井。有。君。臣。之。分。也。自。綽。羅。斯。渾。台。吉。汗。強。盛。伊。犁。始。爲。
四。部。盟。長。抗。衡。中。國。者。數。世。

上擬俟事定仍累建而分其力。而阿睦爾撒納至未鑒必欲爲四部總台吉專制西域。特欲出自朝命則無後患。乃目昵子額駙科爾沁親王使與公爲難。阿睦爾撒納輒隱以總汗自處。擅調兵不服。賜衣翎頂不用副將軍印。自用渾台吉菊形篆印。移檄各部諱其降。自言統領蒙古滿漢兵來平此地。又陰使哈薩克布魯特流言。非己總四部邊不得安。與其黨曉夜聚謀。意叵測。將軍參贊先後密以聞。有詔令阿睦爾撒納九月至熱河行飲至禮。同四部台吉受封。而阿逆前與額駙約期七月下旬俟命。額駙歸不敢奏。至斯無信。而入覲期迫。公乃趣之行。令喀爾喀親王額林沁多爾濟與之俱旋奉旨。以阿睦爾

撒納逆形已著。宜乘其未發。誅之。如已入朝。可追及。則追誅之。
時阿逆已就道。且有哈薩克貢使隨行。公恐哈薩克驚疑。遂不
敢發。阿逆中途遷延。及八月中旬。尙無信疑。事且中變。十九日。
行至烏隆古河。距其舊游牧不遠。乃詭言暫歸治裝。以副將軍
印交額林沁使先行。從閒道北逸。使迎其望於扎布堪河。明
上已密諭烏里雅蘇台大臣阿蘭泰。并其弟班珠爾。收之不半。
日而賊使果至。得不遠。阿逆既叛。賊四出煽亂。伊犁諸喇嘛宰
桑爭劫掠軍台。蠶起應之時。大兵已撤。僅留兵五百駐伊犁。歸
路斷。又陁魯特與賊不合者。賊皆先以計遣入朝。所留皆其黨。
羽公與鄂容安等力戰。走二百里。至烏蘭庫圖。勒被圍。力不支。

遂各自盡

上初聞公等陷賊信

命傅諭公等以兵少力弱爲賊所困非

失守封疆可比宜相機脫出或忍死以待大兵不必遽以身殉

及聞公等引決自裁狀

上大軫悼卽以公子巴祿襲誠勇公爵二十一年三月大軍復

定伊犁將軍兆惠富德等窮追至哈隆克道黨次第就縛阿逆

竄死俄羅斯七月詔曰班第鄂容安靈輓將次到京前已降

旨親臨奠奠並令三品以上大臣齊集用昭優卹其令人祀昭

忠祠尋賜祭墓如禮諡義烈明年特建雙忠祠祀之御

製詩紀其事二十六年命圖形紫光閣御筆親爲製贊

鄂剛烈公事略

公諱鄂容安字休如號虛亭滿洲廂藍旗人大學士鄂文端公
長子也。雍正十一年進士選庶吉士軍機處行走。乾隆元年授
編修。入直南書房。遷侍講。轉侍讀。擢詹事府。時文端公承
旨奏辭再三。諭曰。朕用人。悉秉至公。古云。非喬木之謂。有世臣之
謂。蓋大臣子弟。果能立志向上。斯不愧世。臣可爲國家宣力。朕
觀鄂容安及張廷玉之子張若靄。朱軾之子朱必堦。皆能遵守
家訓。祇受國恩。況容安若靄向蒙

皇考命在軍機處行走。原欲造就成人。此次擢用。乃朕量材加
恩。卽寓裁成之道。秋八月。命入上書房。隨福敏行走。七年以

與聞副都御史仲永檀密奏留中事。免官八年。命仍直上書房。授祭酒。十年署兵部侍郎。襲三等伯爵。十二年授兵部左侍郎。十三年充會試副考官。兼翰林院掌院學士。管理國子監。十月授河南巡撫。十二月以辦送金川兵差妥協。賞戴孔雀翎。

十四年疏陳文武各屬官優劣。

上嘉之。河臣顧琮公在署總漕。

諭公就近料理豫省河務。豫

省有伏牛山。居嵩山南界。連秦楚二省。袤延八百餘里。山深箐

密。公于查閱營伍之便。周歷查勘。爾買井不時巡察。以防伏匪。

又豫省各關。其近秦省者。陝州有硤石關。靈寶有函谷關。閿鄉

有大谷關。沁楚省者。浙川有荆子關。信陽有平靖關。桐柏有聳

耜口俱通商大道公恐奸宄潛藏餘行保甲嚴禁諭獎其諸
事認真時衛輝參將阮玉堂因鞭責兵丁過甚致譁噪公以玉
堂失職應題參但兵丁誼開遽參營弁恐啟驕悍之漸奏請嚴
拏兵丁定擬後解主堂任。

上是之尋賜所襲爵號曰襄勤開歸陳三府地勢窪下多水
患非開濬溝渠不足資宜洩公愿乞諸郡幹河如賈魯河大沙
河渦河俱各深通惟惠濟一河上流尚須開濬其各支河內應
開濬者開封則有鄭州之金水河七星河中牟之灤河祥符之
城東乾河南陽儀封之周家河尉氏之乾河陳州則有太康之
燕城河西華商水之洧河睢甯之東西蔡河枯河古黃河頂城

之蔡河。况河。歸德則有甯陵之舊沙河。考城商邱之沙河。睢州
之橫河。桃河。司家河。姬家之大城河。鹿邑之清水河。黑河。皆爲
承受溝洫。貫注幹河之要道。公酌量工程。難易。或分年帶挑。或
借給口糧。用民力籌辦。並于各屬挑濬處。每歲終核勘。情爲舉
劾。使工員咸知慎重。疏聞。諭曰。如此舊心。方副委任。勉之。十
月。

上巡幸河南。公奏紳民感沐。

皇仁願捐銀五十八萬七千餘

兩。充公用。

諭曰。朕巡幸方岳。一應費用。皆準開銷正項。會何

藉于輸將。鄂容安此奏。其錯謬著傳。

旨嚴飭其紳民樂輸之

項。俱着令給還。先是湖廣總督永興與布政使嚴瑞龍疏。刻湖

北巡撫唐綬祖婪贓累萬奉旨削職逮問。永興尋丁憂回京。諭新督阿里衮嚴審。至是阿公參奏瑞龍收受平餘等款。命公赴楚會審。四月合疏參永興于進京時私受賄賂。詔奪永興職。交部治罪。五月訖明綬祖並無婪贓情事。惟縱容鑪頭私買銅鉛添鑄。瑞龍收受平餘四千八百兩。人已屬實。上命給還綬祖家產。來京候旨錄用。並敕部另擬永興等罪。公尋疏言。河北鎮屬九營。暨臣標左右二營。公費不敷。查南陽等十縣官租積谷。不過二萬餘石。銀不及四千兩。各州縣民食既有常平義社等倉。原不藉此接濟。請撥歸各營。疏下軍機大臣議行。八月調山東巡撫。時濟南府屬夏秋被水。糧價抗而沿海。

之登萊青三府地僻山險轉運尤難公奏請照乾隆十三年例暫弛海禁招商前往奉天經運以資接濟商船出入照例稽察從之十七年疏言運河全隄自白兗莊至德州千有餘里素稱卑溥每年伏秋雨汎兼風雨浸汕又漕船往來不撓施犁日漸殘塌臣與河臣顧琮會籌應及時估修計需銀十五萬三千餘兩又單隄何無堡房應照黃河例每二里建堡房二需銀二千一十八兩得旨允行十月調江西巡撫時上猶縣逆犯何亞四就獲公親往勘地勢奏請移駐千把總及巡檢縣丞等官用資彈壓從之十八年擢兩江總督十一月命同侍郎嵇公璜等查勘高家堰堤工并籌辦下河疏濬事宜十九年奏言江南

地廣事繁胥役最工作弊臣查得淮安等府屬有藉賑弊混得
贓分肥者。蘇州等府屬有收漕舞弊焚賊者。徐州府屬有辦差
工料滋弊者。除將各犯嚴懲外。如本官於中染指及知情故縱
者嚴加治罪。卽失察亦分別懲警。至胥役原有經制名數。乃江
浙胥役非冒缺頂補。卽永遠充辦。一役在冊外有無。名白役至
十數名之多。因公訛詐。大爲吏治民生之累。現飭各屬藉查嚴
禁。湏補朋充。俾易約束。得旨嘉獎。四月加太子少傅。八月
上以杜爾伯特台吉策楞輝特台吉阿睦爾撒納先後來降。
詔以公年力壯盛。勇敢有爲。一切緊要機宜。均能曉暢。著速赴
行在面聆指授軍行事宜。十二月授西路參贊大臣。偕總督劉

公統勲等辦糧馬二十年正月定邊右副將軍薩喇勒哨探兵由西路進剿。命公同進且。詔公於進兵時凡準回部落內有與漢唐史傳相合可援據者一一詢之士人細爲記載以資採輯。五月大軍定伊犁直抵達瓦齊所居之格登達瓦齊遁公偕喀爾喀郡王青衮雜卜等收其遊牧獲達瓦齊之叔及其孥並喇嘛六千人。六月達瓦齊就擒。公同班第公駐守伊犁時阿睦爾撒納爲定邊左副將軍蓄異志謀據伊犁公與班公密疏効之。命趣阿睦爾撒納赴覲。熱河尋命公與薩喇勒以兵至塔爾巴噶台相機擒勦。會阿逆山道叛逆黨應之台站又不與班公被陷力戰自盡。都統策楞公以狀聞。

上軫悼卽令其次子鄂津襲襄勤伯爵二十一年柩至京。

上親臨奠醑。

詔祀昭忠祠。

賜祭葬如例謚剛烈。

特建雙

忠祠。

御製詩旌之並。

命賊逆黨阿巴噶斯克什木耳于柩

前致祭二十六年。

命圖形紫光閣。

上親製贊公好學嗜義與雷公鉉同直上書房每欲雷指其闕。雷曰聲色貨利一無所染果決有擔當可爲君信但每見相國公如春風風人君尙未至此耳公深然之自兩江召赴西陲以八日夜馳抵京師旣入對還至兵部不歸家母夫人就見之一慟而別及其賜謚也閣臣以公由詞館起家擬文烈文剛以進。

上抹二文字取剛烈二字合之蓋
聖主深知其忠義果決故不拘常例如此

明果烈公事略 弟奎林

公諱明瑞字筠亭姓富察氏滿洲鑲黃旗人一等承恩公富文子也由官學生襲世爵授二等侍衛乾隆二十一年命以副都統銜赴西路軍中時阿睦爾撒納叛亂哈隆克公隨定邊將軍達勒黨阿追之再戰皆捷授副都統二十三年夏追擊推素隆集寨逃入八十餘戶降之殲其拒戰者收駝馬軍器得旨嘉獎遷戶部右侍郎明年授參贊大臣御前侍衛詔以公領兵奮勇加號承恩毅勇公五月隨將軍兆惠勦逆回霍集占于葉爾羌賞雲騎尉世職八月逆酋大小和卓木遁公率銳卒九百追及之賊眾六千餘負嵎固守公奮擊大敗之賊恃其

馬力復來拒戰陣斬二百餘級生擒及傷竄者無算。賞戴雙眼花翎其一等承恩毅勇公世襲罔替二十六年伊犁回部平。詔圖形紫光閣。御製贊曰椒室懿親年少志雄謂可造就俾學從戎獨出獨入既忠且壯屢建宏勲。予所望遂擢都統轉左侍郎授領侍衛內大臣二十七年授伊犁將軍明年敘功給騎都尉世職三十年二月烏什小伯克賴黑木圖拉等聚衆五百餘人乘夜焚掠據城爲變公派副都統觀音保往援旋聞駐烏什之副都統素誠自戕公卽統兵進時參贊納世通先帶兵至烏什之鄂托巴什及觀公至納世通派令守隘毋進勅復兵。張止公進兵公不可仍統兵進奏人。

上嘉之抵烏什賊衆二千出犯公及觀公擊敗之奪礮台七殺
賊二百餘黨員割入城城堅山險公設長圍困之有旨命查
勘素城狂縱激變納世通凌辱回衆及副都統介塔哈掩飭兵
敗狀詔尙書阿柱赴烏什傳旨將納世通弁搭哈正法賊
困守既久謀夜襲大營公偵知之嚴備以待賊至掩擊之賴黑
木圖拉中箭死賊復推其父爲阿奇木悉衆死守公簡巴圖魯
兵六百人中夜攜雲梯潛往薄其城先登東北隅賊未覺挺刃
交下守倖賊驚竄官兵循城北至東南毀其堞天明收軍仍逼
城築壘斷其樵汲賊糧盡內潰縛獻首逆四十二人遂克烏什
城詔責公未將所獲犯嚴訊起釁緣由及素誠激變罪狀遽

行正法。命奪職。留任。尋與阿公奏回部事宜。八則拘如所請。行三十二年。緬甸。茲擾。總督楊應詒。措置乖方。獲罪。三月。詔以公總督雲貴。兼兵部尙書。議政大臣。經理軍務。發滿洲兵三千。及鎮蜀兵二萬餘。大舉征緬。十月。授將軍。仍管總督事。議分兩路進兵。公由本弗。而良攻東路。參贊額爾登額。由猛密。老官屯。攻北路。約會王阿瓦。以九月二十四日出師。連旬雨潦。又負糧。以牛不能速。至平市。易湮糧。以行。十一月二日。始出宛頂。越八日。整隊至木邦。守賊望風先遁。留參贊珠魯訥。按察使楊正英。以兵五千守之。公自率兵萬二千。結浮橋渡錫箔江。遂進攻。蠻結賊衆二萬。立十六棚環濬深溝。列象陣。以待領隊大臣觀。

音保等壁兵先據山之左臂賊來爭不得上翼日兩軍相持未
決而顧賊柵甚堅其法立互木爲柵而聚兵其中我鎗礮僅及
其柵而賊從柵隙擊我兵輒中此賊長技也總兵哈國興請分
三路登山俯而薄之軍士皆奮時出邊已逾月始與賊遇一呼
直逼其柵有黥兵王連者先躍入十餘人繼之縱橫抉盪賊恒
亂不知所爲多被殲遂破一柵乘勢復攻得其三而十二柵之
賊皆宵遁當鏖戰時公分兵爲十二隊首先陷陣目受傷仍策
馬指揮不少挫我兵以一當百羣象皆返奔蓋賊自新街交綏
以來從未經此大創已駭喙不敢復抗矣捷聞諭曰明瑞秉
性純誠親冒矢石雖日受鎗傷猶鼓勇直前摧堅陷銳允宜特

沛恩施用示優異。現在所襲之公，係承恩世爵，可特授一等誠
嘉毅勇公，賞給黃帶、紅寶石頂，四團龍補服，以彰殊績。所有原
襲承恩公著伊弟奎林承襲。十二月，師次革竜地，近天生橋。賊
子山頂立柵拒守。公令副都統達興阿領兵二千由大路進，佯
爲奪渡之勢。目督兵從間道繞至上游，乘霧渡河，進據山梁。賊
驚潰，殲賊二十餘。軍聲大振，進至象孔，迷失道而軍糧已罄。集
諸將議進止，無敢言退者。公念糧旣斷，勢不能復進。又慮猛密
路之師或已先入于法，不當退。聞猛密有糧，且其地近猛密，冀
可得此路之恩，乃定計就糧。猛密探我兵不向阿瓦，又獲我
盡，卽悉眾追及我于章子坦。我軍且戰且行也。

每日先以一軍拒敵。卽以一軍退至數里外。成列待軍至。則成列者復迎戰。公及觀公哈公等更番殿後。步步爲營。每日行不二十里。自象孔至小猛育。二千餘里。凡六十日。而後至。至則從逆士司皆遁。果得糴米二萬餘石。濟軍時已深入二千餘里。會歲除。而北路猛密之師無消息。三十三年春。乃取道大山。土司向木邦以歸。盡焚猛籠餘糧。人攜數升以自給。將至大山。又有蠻化之捷。先是賊之綴我也。每夕駐營。猶相距十餘里。至是我兵營蠻化山巔。賊卽營于山半。公謂諸將曰。賊輕我甚矣。不決一死戰。將益肆毒于我。無噍類也。賊久識我軍號。每晨輿我三吹波倫。卽起行。賊亦起而追我。明日復吹波倫。三則我軍盡出。

營。伏。箚。以。待。詔。旦。賊。聞。波。倫。聲。果。蟻。附。而。上。我。軍。萬。眾。突。出。鎗。礮。聲。如。雷。賊。惶。遽。不。及。戰。輒。反。走。趾。頂。相。籍。我。兵。乘。勢。反。擊。死。者。四。千。有。奇。自。是。每。夜。遙。屯。二。十。里。外。不。敢。逼。公。休。兵。蠻。化。數。日。取。所。得。牛。馬。犒。士。而。賊。之。先。一。日。過。者。已。柵。于。要。路。我。軍。主。攻。之。不。能。拔。得。波。竜。人。引。出。閒。道。循。桂。家。銀。廠。舊。址。而。出。會。賊。于。正。月。十。八。日。已。潰。我。木。邦。之。師。戕。珠。魯。訥。執。楊。重。英。于。是。木。邦。之。賊。亦。至。額。爾。登。額。之。進。猛。密。也。道。聞。老。官。屯。有。賊。欲。先。取。之。既。至。攻。柵。不。能。克。頓。兵。月。餘。

上。以。公。久。絕。屯。報。趣。額。爾。登。額。援。之。于。是。老。官。屯。之。賊。亦。至。公。抵。猛。有。賊。已。集。四。五。萬。我。軍。尙。分。七。營。距。宛。頂。糧。台。二。百。

里而額爾登額之援不至公乃令軍士乘夜出而自與諸領隊大臣及巴圖魯侍衛數十人率親兵數百斷後及晨血戰萬賊中無不一當百已而領隊大臣孔拉豐阿中鎗死巴圖魯侍衛皆散觀公發數矢連殲賊尙餘一矢欲復射忽策馬向草深處以其鏃刺喉死公負數創亦慮落賊手力疾行距戰所以二十里氣童屬乃從容下馬手自割辦髮授家丁使歸報而縊于樹下家丁以不葉憐其月去時二月十日也事聞

上震悼 特旨照班第例從優議卹 御製詩輓之四月樞至京。

上親臨賜奠尋 賜祭葬諡果烈入祀昭忠福並于京師特建

專祠曰旌勇春秋致祭

御書折衝抒盡四字額其祠公天性

忠勇得人心。草子坦之役。賊日增。我兵日少。孤軍轉戰兩閱月。未嘗一敗。每晨起。即躬自督戰。且戰且撤。及歸營。率以昏時。勺水猶未入。日糧久絕。僅馱牛炙一臠。猶與戰士共之。所將皆飢疲剝殘之卒。體恤倍至。有傷病者。不忍棄。令士練昇以行。故雖極困。僅無怨言。其死也。非不能自拔歸。蓋以阿瓦未平。懼無以返命。

上亦有全師速出之

旨。而道梗不得達。展轉徬徨。決計以身

殉。而又不忍將士之相隨死也。結隊徐行。全師至小猛育。距宛原不過二百里。度皆得自達。然後以身死賊中。嗚呼烈矣。方軍

勢曰。蹙時公戰益力。嘗語諸將曰。賊已知我方竭。然必死。者正欲賊知我。國家威令嚴明。將士用命。雖困極無。力則賊知所畏。而後來者易于接辦。此其謀國之深。尤非忼慨。赴死所能及矣。然公之死。緬人不知也。閱月餘。威猶震。屢遣使。達貝葉書乞降。

上命拒之。明年經略傳公至。益恟懼。求和乃班師。而額爾登額。以罪重置極典。四十四年。

高宗御製懷舊詩。列公五功臣。中子惠倫襲一等公爵。

弟奎林年十七。卽以勲貴子弟。從征準噶。爾彎弓躍馬。刻苦自。奉閒讀書。能小詩。人不覺其爲戚畹也。性剛果。尙廉節。豁達英。

邁尤遠于權勢。與季父忠勇公弗善也。其他直涕唾視之。每酒
後論當世人才。罕所當意。所慕惟王保保。王保保者。元擴廓帖
木兒。明太祖所稱奇男子者也。征緬甸。金川。俱在行間。身經百
戰。被創不動。有疾。不介意。騎馬飲酒。自若。待將領嚴。而于士卒
甚恕。遇移營。取一褥坐營門內。視各士卒。帳房行李畢。至然後
卽安。否則不先入幕也。每日肉一盤。菽乳湯一盂。與下同甘苦。
故皆樂爲用。金川之役。將軍溫公兵潰于木果木。而阿公達烏
之軍不動。由公守隘口。與賊日夜數十接殺。傷過當。故也。身無
長物。尤不問衆計。不憲佛法。惡番僧。尤甚。捕盜賊及奸党。有殺
無赦。而必不溫及無享田侍衛積功至都統。金川平。圖象紫光。

閼襲承恩公出爲伊犁將軍。破參贊海祿劾削公爵。久之授台灣提督。西番科爾喀犯邊。命以參贊大臣往西川薨。于行次上惜之。祭塋有典。祀子二。其一出爲果烈公。後

國朝文正公集卷之六
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

國朝文正公集卷之六
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

阿襄壯公事略 子誠武公豐仲客

公諱阿里衮字松崖姓鈕祜祿氏滿洲鑲黃旗人父育德官至
領侍衛內大臣謚愨敬公由二等侍衛授總管內務府大臣乾隆
四年授副都統尋授兵部侍郎五年偕僉都御史朱必堦往
山東勘災調戶部侍郎六年侍郎榮詩正疏請令入旗人丁分
置邊屯。命同大學士查郎阿往奉天等處相度定議尋疏言
甯古塔黑龍江所屬之吉林烏喇齊齊哈爾一帶乎疇沃壤五
穀皆宜江繞于外河貫于中。山水取資不盡實堪屯種奏入經
議政王大臣議以拉林阿爾楚哈最爲膏腴地請先移駐滿兵
千名屯墾種地將來者有成效由近及遠漸次舉行。詔如所

請八年湖南巡撫許容劾糧道謝濟世狂縱各款總督孫嘉淦請革濟世職御史胡定以許容挾私誣陷奏

上命公會鞠得容鍛鍊冤誣及嘉淦瞻徇扶同狀詔濟世復

職容等論罪有差卽命署湖南巡撫尋調山西十二年調撫

山東明年秋仍調山西蒲州民與陝西朝邑民爭黃河雞心灘

地互控詔偕陝撫陳宏謀會勘以十之六給晉民十之四給

秦民耕種

上從之十五年擢湖廣總督先是總督永因布政使嚴瑞龍疏

劾巡撫唐綏祖巧詐營私累商肥橐各款

上命公及豫撫鄂容安會鞠尋奏綏祖無贓款惟縱容鑪頭私

買銅鉛添鑄屬實部議奪職有 詔永興瑞龍宜反坐緩祖來
京候 旨公尋調兩廣總督東莞縣民王亮臣等糾黨散剽謀
不軌公馳赴增城捕匪二百七十餘人寘證法得 旨獎叙未
幾以母憂回京九月補戶部侍郎兼管工部十九年授步軍統
領二十年署刑部尙書授都統尋授戶部尙書二十一年夏
命以領隊大臣赴西路軍營定西將軍達勒黨阿者公從兄也
時方率師至雅爾拉賊衆迎拒公至領兵進擊陣斬百七十餘
人生擒十一人追至里努喇復遇賊二千奮擊敗之殲賊三百
四十有奇擒其宰桑南孔布等
上嘉之尋 詔回京二十二年 命爲領隊大臣辦巴里坤事

務魯達勒黨阿獲罪、詔以公襲果殺公爵尋坐逆首阿睦爾
撒納乘間逃竄降補戶部侍郎兼副都統九月沙拉斯嗎唬斯
等遊牧復叛掠台吉公帶兵二百偕都統滿福進勦獲男婦二
百餘口二十三年正月我兵進勦路擒嗎唬斯等四月自魯克
察赴巴里坤時將軍兆惠領兵薄葉爾羌城以四百餘人渡黑
水進擊小印卓木霍集占率賊衆二萬圍之道遠馬之堅壁固
守者三閱月先是

上命選馬三千餘匹濟軍以公爲參贊大臣自哈密進發擢兵
部尙書兼都統二十二年正月副將軍富德統兵部呼爾璜遇
賊騎五千轉戰五日夜會公解馬亦至乘夜分途斫陣賊大潰

斬馘千餘。餘悉負創遁。送會大和車木中鎗。走我兵。復進。屬追賊將軍兆惠。遂全師而出。有旨嘉獎。賞雲騎尉世職。七月。逆首霍集占逃。阿爾楚爾公及參贊大臣明瑞、阿桂二公進擊賊。大潰。盡奪其家屬輜重。逆回二千餘乞降。復踰嶺追勦。逸賊九月。命以參贊大臣留葉爾羌辦事。賜戴雙眼花翎。二十五年夏。召回京。賜紫禁城騎馬。公行次雅木北爾。聞賊掠台站圍城堡。卽回。哈什哈爾帥師力戰。大敗之。擒伯克邁喇木等。諭嘉其應機立辦。迅速可嘉。其子豐伸額授三等侍衛。次子倭盛額授藍翎侍衛。十月。擢公領侍衛內大臣。命圖形紫光閣。上親爲製贊。二十六年。署禮部尙書。充經筵講官。明年授御前

大臣又明年署陝西巡撫。加太子太保。二十九年。授戶部尚書。協辦大學士兼管理部事。三十三年。授參贊大臣。往雲南軍營。尋署雲南總督。授副將軍。駐永昌。疏言沿邊夷民俱日復業。請于今冬借給銀兩購買籽糧牛具。普行耕種。秋成後照時價交米還項。其不敷兵糧在各土司地方採買。藉省輓輸費。得旨嘉獎。三十四年九月。借經略大學士傅公台疏言。猛公土司。澤覺等來降。且願爲嚮道。進攻阿瓦。獻象身半隻等物。並採買旱。臣運送軍前。

上嘉之。是月師次蠻暮。十月至新街時。傅公偕副將軍阿公領兵新街東。月有賊三千餘。紿西餘。扼河以拒。公據曼鳩江西岸。

派官兵七百餘人進剿伏賊百餘藏寨中我兵奮勇衝入賊遁
又一寨賊藏四百人我官一擁而進賊棄壘逃奔餘賊亦並奔
遁我軍奪寨三寨賊五十餘人諭曰初次接仗即如此獲勝
覽奏甚欣慰十二月以疾薨于軍事聞

天子震悼詔嘉公久侍禁廷敗慙中外公誠恪慎官力有年
命入祀賢良祠賜祭葬如興禮子諡襄壯三十五年

上以公先世額亦都遏必隆並以崇勲建立家祠德曆祀典

特詔以公祀祠而其父領侍衛內大臣音德着一併入祠用彰
勲蓋四十四年御製懷舊詩列五功臣中公子四人長豐仲
額田侍衛襲果毅公爵乾隆三十四年擢領侍衛內大臣管理

三庫尋署兵部尙書授御前大臣兼都統總管內務府大臣三十七年金川用兵時溫福爲將軍詔與阿桂並爲參贊大臣五月以巨礮擊傾東瑪賊巢力戰遂克東瑪上嘉之六月攻破固卜濟山梁盡獲其礮卡七月攻克色爾渠大礮及卡房百餘十一月克明郭宗沿途礮卡敗賊于二雅山十二月克嘉巴山焚念經樓擒僧格桑之父澤旺詔以豐伸額爲副將軍與溫公阿公議分三路進兵遂駐軍宜善三十八年夏進太子少保六月木果木師潰仍扼駐宜善不動十一月阿公收復小金川始奉命移兵丹堪三十九年冬攻克凱立葉山梁賜元狐冠及貂衲尋攻格魯克古了口奪賊礮五十

寨三百遂通丹垣四十年夏克榮噶爾木城及勒吉爾博山梁
進攻遜克爾宗圍將台分三路並進賊不能交連取石調十二
敗賊奔籌盡殲之詔曰豐仲額乃巴圖魯額亦都之孫能繼
其祖其果毅公爵即係額亦都所傳襲著于果毅字下再加繼
勇二字以示優獎七月偕海蘭察等攻章噶塵戰克之八月與
阿公四面分攻克勒烏圍官寨及轉經樓喇嘛寺四十一年正
月克瑪爾古當噶山梁遂進圍噶拉依賊策捷聞詔再賞
等子爵暫令公弟布延達賴承襲是月調戶部尙書賞戴双
眼花孔雀翎二月金川平賜緞四十端白金四千兩四月凱旋
上行郊勞禮賜御用鞍轡馬一匹命圖象紫光閣親爲

製贊尋命管崇文門稅務署左都御史兼署理藩院尙書十月授步軍統領兼官太常寺樂部四十二年兼管理部事務十月薨。

高宗軫悼賞陀羅經被派散秩大臣帶領侍衛十人往奠茶酒贈太子太保。賜祭葬諡誠武。

陸郎夫中丞事略

公諱燿字朗夫一字青來江蘇吳江人自幼貧苦承庭訓六歲受孝經論語以古賢自期乾隆十七年舉順天鄉試老受中書入直軍機處由戶部郎中出知登州府調濟南專遷運河道按察使權布政使事母病乞養歸終喪

天子命視運河授山東布政使擢朝南巡撫才一年薨公性淡泊不慕榮利惟于仁民利物之事朝夕宣究多識前言往行故事理通達無盤錯之難凡處事必衷諸道不意爲異同所見既審莫可搖奪爲郎官時公卿藉以決疑議其守濟南也上書徐中丞請截留南糧爲積貯計任河道時上書總河姚公請疏泉

源修月河任提刑時以徒犯罪輕請免解司以省苦累又與幕客約應駁之案以十日爲期不以遲延累州縣干議署承宣時以流外壅積請停分發又以虧空多請定程羨舍穀數

上皆聽之歲甲午在運河任壽張逆匪王倫作亂拒濟甯州二百里人情洶洶有欲閉城者公不可曰寇未至先閉城門是示之怯也且何忍拒吾民使散逸被賊害且脅誘耶乃募鄉兵拒守而身坐城闔任稽察民大安賊知濟甯有備不敢南向已而王師奏捷一城雞犬不驚咸重公鎮定有方略云先是公直樞垣至日晡猶不退猝有急務立辦傳文忠公深器公屢薦之上亦知公深凡巡幸必令扈從所奏察虧空事宜及救荒策

均蒙嘉獎初選大理府改登州升西甯道改調運河皆以母

老蒙

聖恩體恤及爲藩司會巡撫國泰年少跳踉嗜酒好聲伎而喜
怒失當黷貨至亡算公規之弗聽反積怒事輒齟齬青州同知
員缺公稟補王某國不聽改補汪某公不下委劄巡撫白給之
公曰山東竟可無布政使矣遂以母病乞假不許乃自爲奏上
之得報可初無不爲公危也及巡撫敗
上益稱公去就明決而後任藩司于某竟與國同抵罪焉母病
痰疾必得公侍側乃少安旣得請而故宅無可居乃僑居禾中
夜不解衣聞母聲息卽起扶掖之積六年遭喪旣塋起督運河

提工。公博稽詳驗成備考六卷。遂由藩司拜南撫之命。湖南
鹽務有歲餽。公至峻郤之時。鹽價奇昂。遂勒減其半。社倉捐谷。
未輸者六萬二千餘石。計贍谷已足。請停止催收。見屬吏有親
老。猶赴補者。惻然閔之。奏請申明定例。凡親年七十以上者。雖
有次丁。俱許終養。一時中外官歸養者千餘人。嶽麓城南兩書
院肄業者多。經費苦不足。請將積存息銀三千兩。交商生息。爲
膏火資。其初蒞長沙也。夢吟七言長句。記一聯云。能開衡嶽千
重雲。但飲湘江一杯水。會總督特昇額。公以閩兵來長沙。公迎
謁畢。還署。總督來候。公方午食。見所食皆菽乳菜韭。訝之。公曰。
天久不雨。地方官戒殺清齋爲祈雨耳。總督素豪侈。聞言瞿然。

嘗其奴曰吾此來傳舍酒肉如山何不以祈雨告耶既歸寓乃
畫撤之人樣總督之知過而益歎公之清德其感人者速也公
卒于乾隆五十年六月二十三日年六十有三遺疏上

上深悼惜既而事有與公涉者

論及之猶太息不置公奏社


谷免徵事在臨終前一月得


白永行


批劄回秦方伯承恩

啟告樞前慰公泉下愛民之心時公劾二十餘日矣生平篤內
行辱宗黨不立講學名而造至必于儒者冠昏喪祭世俗所習
常而戾于禮者槩戾勿用所輯切問齋又鈔分學術風俗教家
服官選舉財賦荒政保甲兵制刑法時憲河防十二事皆近時
急務多經世之文其自著曰河防要覽甘薯錄切問齋古文身

夫詩集若干卷。敕祀鄉賢。湖南祀公名宦。有專祠。公歿後。桐城張侍郎若淳。曾疏請將甘肅錄飭交江浙大吏。令民間學。棟爲備荒之用。







國朝先正事略卷之二十 名臣

平江李元度次青纂

王蘭泉侍郎事略

公姓王氏諱昶字德甫號述庵學者稱蘭泉先先江蘇青浦人父士毅年四十五無子禱於靈隱寺夢人贈以蘭遂生公少穎異博學善屬文家貧作固窮賦以見志乾隆十八年進士歸選班二十二年

高宗南巡召試第一賜內閣中書協辦侍讀入直軍機處史文靖蔣文肅梁文莊皆待以國士洊升刊部主事員外郎卽中三十三年以言兩淮鹽運提引事不密罷職時緬甸未靖文

成公阿桂以定邊右副將軍總督雲貴奏請以公佐軍事遂至騰越出銅壁關擊賊江中勝之緬酋乞命阿公屬公草檄允其降班師旋永昌既而緬甸貢表久未至復從阿公如騰越三十
六年四川小金川土司澤旺之子僧格桑不靖金川應襲土司索諾木應之詔尙書溫福代阿公移師四川勦辦奉旨授吏部主事從溫公西路軍進討溫公屬公作檄斥僧格桑罪遂克斑斕山進攻日耳寨阿公奉詔由北路進兵兼督南路公復從阿公軍攻克美美卡以皮船渡水克小金川僧格桑遁澤旺降檻送京師進討大金川阿公奏公無兄弟母年七十餘明大義勛以殫心軍事今從軍五年矣得旨遷員外卽三十八

年至當噶山山脊絕險官兵營壘與賊錯處雨雪甚夏溫公兵
濱木果木阿公亦退兵至翁古爾壘時警報絡繹詔旨壘至
公力疾叱馭懸屋日行數百里夜治章奏軍書於礮火矢石中
無誤無畏冬大兵復進據美美卡攻大板昭小金川平擺郎中
復從討大金川克勒烏圍刮耳崖四十一年三路兵合攻益急
索諾木等率眾投罪僧格桑先病死以其首獻公草露布告捷
於是兩金川悉平公在軍中前後九年凡加軍功十三級紀錄
八次凱旋至民鄉駕幸黃新莊郊勞用戎服行禮賜茶
賜宴紫花閣賞資優渥奉旨王昶久在軍中懋著勞績可
授鴻臚寺卿賞戴花翎在軍機處行走時難人由科甲起家

賜花翎者惟大學士于公敏中及公而已尋擢通政司副使四十二年擢大理卿四十四年乞假歸營葬冬授左副都御史四十五年扈駕南巡恭和御詩七次回鑾次嘉興授江西

按察使抵任檄府縣力行保甲禁族祠訟鬪之習坐堂皇六十餘日決獄百餘案丁母憂哀毀盡禮服闋補直隸按察使調陝西奏命盜逃犯宜於定案時速行通緝從之逆回田五倡亂奉命備兵長武時賊勢張兵少公試礮巡城籍丁壯繕守具民以無恐京外大兵皆過長武用車馬以萬計公飛書草檄立辨之泊班師迄無一誤河南亂民秦國棟等戕官奉命緝捕獲之五十一年遷雲南布政使雲南銅政繁公盡發故籍著銅政全

書五十卷。永補救訓。刻之。衡五十二年。調江西布政使。明年擢
刑部右侍郎。五十八年。以病乞休。

上鑑其老。允之。諭以歲暮寒。俟春融歸。明年歸。名所居曰春。

融堂。嘉慶元年。以

禪受大典。至京。與千叟宴。四年

純皇帝升遐。復至京。謁

梓宮。蒙

召見。

勅建言。公密封以

進。不。畱。草。夏。歸。青。浦。

以分償滇銅。鬻田宅入宮。居廟廡。朋舊贈

遣以刻所著書。五年。重遊泮宮。十一年六月六日。病亟。口授謝

恩表。自定喪禮。初七日。雞鳴。公曰。時至矣。遂薨。年八十有三。公

之扈

駕巡山東江浙也。古帝王聖賢名臣陵墓祠廟。嘗分遣

致祭乾隆己卯庚辰壬午分校順天鄉試辛巳癸未分校會試
壬子主順天鄉試皆以經術取士士之出門下爲小門生及從
游受業者二千餘人在京師與朱笥河五主駉壇有南王北朱
之目又嘗主婁東敷文兩書院欽定通鑑輯覽同文志一統
志續三通等書皆奉勅與纂修焉又奉勅刪定三藏經咒
徧譯佛典深於禪理者不及也前後奉使勘輶高郵州假印重
徵江陵縣偷減堤工等七案研求虛實無枉縱公之學無所不
通早歲沈文慤選其詩與王鳳階鳴盛吳企晉泰來錢竹汀大
所趙升之文哲曹來殷仁虎黃芳亭文蓮爲吳中七子名傳海
外晚宗杜韓蘇陸侍讌賡歌皆稱旨詞擬姜夔張炎古文力

宗昌黎眉山碑版之文。照四裔。積金石文字數千通。書五萬卷。所至。朋舊文。讌提唱。風雅後進。執經請業。舟車錯互。戶外履恆滿。士藉品藻。以成名。致通顯者。不可勝數。公治經。與惠氏棟同深。漢儒之學。詩禮宗毛。鄭易學荀。虞言性道。尊朱子。旁及河津餘姚諸家。不區門戶。始入京師。會秦文恭纂五禮通考。卽以吉禮屬公。生平重倫紀。尚名節。在軍中。和平簡易。自科爾沁王以干。皆親重之。爲司寇時。與阿文成爲舊識。他非所契。嘗訓子曰。易言比匪之傷。非匪人之能傷。比者。自重其傷也。少與王鳳階錢竹汀同學。同年至。是同歸老相與講求。問學跌宕湖山。尤快事焉。自來文學與武功文章。與政事判然兩途。至於漢宋互異。

朱陸殊科。治樸學者。以詞賦爲虛華。論性天者。譏訓故爲繁碎。分茅設菹。莫能相通。而得其一。皆足以名世。惟公遠於經健於文。富於詩詞。精於考證。達於政事。韜略研窮於性理。又北至興桓。西南出滇。蜀外所過。名山大川。皆是開拓心。習增長識力。淳沅。迤演。不名一家。可謂通儒也已。所著春融堂詩文詞集六十八卷。金石萃編百六十卷。青蒲詩傳三十二卷。詞二卷。湖海詩傳四十六卷。湖海文傳七十五卷。國朝詞綜四十八卷。明詞綜十二卷。征緬紀聞三卷。蜀徼紀聞四卷。滇行日錄三卷。屬車雜誌二卷。滇詔紀程。適秦日錄。商洛行程記。豫章行程記。雪鴻再錄。使楚叢談。臺懷隨筆。各一卷。青浦縣志。太倉州志。蒲褐山

房詩話如千卷皆行世。餘若天下書院志。朝聞錄等書未刻者。
尙書院種。



紀文達公事略

乾隆三十有八年。純皇帝特開四庫全書館。以河間紀公爲總纂官。公質徹儒籍。旁通百家。凡六經傳注得失。諸史異同。子集支分。派別以及詞曲醫卜之類。罔不扶輿提綱。源源竟委。每進一書。仿劉向曾鞏例作提要冠諸簡首。止輒覽而善之。又奉詔撰簡明白錄。存書存目多至萬餘種。皆公一手所訂評。臨稿審識。力在王仲寶阮孝緒之上。藏諸七閣。袞然且觀真本。朝大手筆也。公諱昀。字曉嵐。一字春帆。晚號石雲。世爲河間獻縣著姓。祖天申有善行。歲饑出粟數萬石。

活人無算。父客舒官姚安知府。先是郡爲九河入海故道。天雨則汪洋成巨浸。中倏輒有火光。公大父夢火光入樓中。而公生。光遂隱。人以其爲公實神物化身也。少奇穎。讀書目數行。于夜坐暗室。目閃閃如電光。不燭能見物。比知識漸開。光亦歛矣。乾隆丁卯年二十四。領順天鄉試解額。初闈中擬朱文正首卷。以公二場表儷語冠時。乃定公第一。而文正亞之。時阿文勤劉文正與試事。榜發皆以得人賀。二公復命遂以二人姓名。上文公與文正皆早受特達之知。職此故也。明年文正中第。公遲至甲戌成進士。選庶吉士。授編修。已卯典試山西。庚辰分校禮部試。辛巳京察記名。以道府用。壬午分校順天鄉試提督。

福建學政。癸未遷侍讀。父憂歸。服闋補侍講。充日講起居注官。
晉右庶子。戊子授貴州都勻知府。旋以四品服畱任。擢侍讀學
士。坐泄漏遲。使盧見曾事謫。戊鳥魯。木齊辛卯。召還。授編修。
癸巳。擢侍讀。總纂四庫全書。與內廷翰林一體宴賚。同事者爲
陸副憲錫熊。陸侍郎費坤。而公實綜其成。結書局。凡十有三年。
體例皆其所定。丙申。擢侍讀學士。直文淵閣。知起居注。己亥。擢
詹事。晉內閣學士。壬寅。授兵部侍郎。仍兼直閣事。改任不開缺。
異數也。甲辰。充會試副考官。乙巳。晉左都御史。丙午。除禮部尙
書。充經筵講官。戊申。賜紫禁城騎馬。典武會試。自後爲總憲。
者五。長禮部者三。壬子。以畿輔水災。奏請截閘。南漕數萬石。設

粥廠十賑饑民得旨六月開賑後增五廠自季夏至明年四

月全活無算嘉慶元年丙辰典會試調兵部尚書己未典武會

試癸亥六月壽八十

上遣官賫上方珍物賜之命教習庶吉士是年奏婦女猝

遭強暴捆縛受污不屈見戕者例不旌表臣謂捍刃捐生其志

與抗節被殺者無異如忠臣烈士誓不從賊雖縛使跪拜可謂

之屈膝賊廷哉請勅下所司議與未被污者略示區別子

旌表下部議行乙丑正月復調禮部拜協辦大學士加太子少

保管國子監事二月十四日薨於位年八十有二有詔祀的

學問淹通由翰林洊歷正卿擢襄綸閣服官五十餘載辦理四

庫全書始終其事十有餘年。最爲出力。可賞陀羅經被。派散秩
大臣。帶侍衛十人。前往賜奠。並賞白金五百兩。治喪。尋賜祭
葬。予諡文達公。於書無所不通。尤深漢易。力闢圖書之謬。一
生精力。備注於四庫提要及目錄。不復自爲撰著。今人所見。狹
偶有一得。輒自矜。初獲而不知。皆古人所已言。或爲其所已闢。
公胸有千秋。故不輕著書。其所欲言。悉於四庫書發之。而惟以
覺世之心。自託於小說稗官之列。其感人爲易。入自文集外所
著閨微草堂筆記。凡七種。中多見道之言。性坦率。好滑稽。有陳
亞之稱。然驟聞其語。近詼諧。過而思之。乃名言也在。
上前嘗以片語解紛。實錄館請甄敘。或言其過優。

仁宗以問公公不置可否但云臣服官數十年無敢以苞苴進者惟戚友倩臣爲其先人題主或銘墓雖厚幣輒受之

上輒然曰然則朕爲

先帝推恩何不可之有某科考試差後有宣布前列詩句姓名者臺臣密以告

上召公問之公頓首曰如臣卽洩漏者問何故曰書生習氣見佳作必吟哦或記誦其句出而欲訪爲何人手筆則不免於洩漏矣

上含笑事遂寢少與朱文正公不相下有文人相矜意後見文正所爲文大歎服以爲向不知公吾過矣自後交誼乃並摯云

畢秋帆尚書事略

嘉慶二年秋七月兵部尚書湖廣總督世襲輕車都尉鎮洋畢公薨於辰陽行館公久在行間著勲績及移駐楚南籌善後之策苗境牧甯

上聞公積勞邁疾手足不仁卽馳賜上藥諭以安心調攝公自念受恩深重且當三楚多事不敢以私廢公力疾視事有加無瘳遂致不起遺疏入九重軫悼贈太子太保諭祭文有性行純良才能稱職鞠躬盡瘁恤死報功之衷可謂生榮死哀也已公諱沅字纓衡一字秋帆自號靈巖山人由休甯遷太倉州後析置鎮洋遂占籍焉少穎悟六歲母張太夫人手示

毛詩。離騷。過日。卽成誦。太夫人工詩。著有培遠堂集。公承母訓。稍長。讀書靈巖山。從沈文。懋德。潛惠。徵君棟游。學業益邃。乾隆十八年。中順天鄉試。旋授內閣中書。入直軍機處。大學士傅文忠。尙書汪文端。裘文達。咸以公輔期之。二十五年進士。廷對。纒纒數千言。議論凱切。進呈提第四。上親擢第一。是歲始定新進士前十人於讀卷日。引見公儀觀。秀偉。進止有度。天顏甚喜。臚唱授修撰。館中經進文字。出公手。皆典重有體。遷右中允。再遷侍讀。充日講起居注官。教習庶吉士。轉左庶子。充會試同考官。三十二年。

上親耕藉田。御觀稼臺宣示。御製詩給筆札令廣和詩成進覽稱善。是冬按甘肅鞏秦階道召見。諭曰汝軍機舊屬達於政。治不徒文學優長也。到官卽畱辨新疆經費。司又從總督出嘉峪關。察勘屯田。自木壘河至吉木薩。往還數萬里途中多紀行詠古之篇。尋調安肅道。三十六年擢陝西按察使。入覲具言甘肅頻年苦旱狀。有旨諭督臣加意賑卹并免積欠四百萬。尋擢陝西布政使。護理巡撫時大兵征金川由陝入蜀。公督理臺站三十八年。澗渭洛三水溢入朝邑界。公馳往分別賑卹全活甚眾。擢陝西巡撫。歲旱禱太白山得甘雨。清理八旗及提標馬廐空地六百五十餘頃。募民開墾納賦爲賞卹之用。又

奏修西嶽廟及元聖周公墓。訪其後裔。置五經博士。以奉祀事。潯。涇。陽。龍。洞。渠。灌。溉。民。田。又。以。秦。中。碑。版。最。多。萃。而。置。之。府。學。俾。無。散。佚。在。陝。六。載。兼。署。西。安。將。軍。者。再。署。陝。甘。總。督。者。一。特。賜。戴。孔。雀。翎。恩。遇。之。隆。漢。大。臣。莫。及。焉。丁。母。艱。甫。及。一。年。上。以。陝。西。任。重。復。起。公。署。巡。撫。事。會。甘。肅。回。賊。陷。河。州。逼。蘭。州。城。公。檄。調。滿。漢。兵。先。後。赴。援。又。請。調。簡。八。旗。勁。旅。令。大。臣。總。統。援。應。事。平。上。諭。閣。臣。曰。畢。沅。在。陝。西。聞。甘。省。逆。賊。滋。事。卽。能。悉。心。調。度。事。妥。協。並。有。先。辦。而。與。朕。旨。相。合。者。朕。甚。嘉。焉。可。賞。給。一。品。頂。戴。其。後。平。涼。逆。回。倡。亂。攻。掠。通。渭。靜。甯。驛。道。梗。塞。公。復。調。兵。助。

勦又分兵出間道繞其後俾不得地竄公之盡心國事不分畛域多此類也五十年調河南巡撫是時河南北頻年旱而河水泛溢壞田廬公既受命卽奏請截漕二十萬石平市價以濟民食被災各州縣展賑兩月其徵收未完銀米視被災分數或全免或緩徵俱荷允行手敕報曰如此盡心民莫必徼天佑朕爲彼一方民慶幸也遂增給三十萬石以賑之尋奉命詣桐柏山求淮源公親履嶺繪圖以進蒙嘉獎御製淮源記述其事未幾賞穿黃馬褂擢湖廣總督先行以伊陽拒捕案被議仍留巡撫任五十二年河決睢州溢甯陵商邱永城鹿邑柘城諸縣詔大學士阿文成公臨視會同籌畫自夏迄冬

凡五閱月。歲事撫卹。災黎蠲緩。借種全活。無算。明年河北三郡旱。遵旨撥運米麥十萬石。減價平糴。又命常平社倉不拘常例。糴借兼行。又濬治百泉丹河九道堰。引水溉田。俾飢民得爰。僦值尋授湖廣總督。時江水暴漲。溢入荊州城下。游州縣多淹沒。公以江心窖金洲。阻塞水道。爲上游之害。亟命拔去。盧葦居民。毋得古據。仍於北岸築壩。逼澗南趨。以資保護。修葺城垣。堤岸及官署民房。以工代賑。又革除鹽課陋規。禁絕私販。每歲溢窮十數萬引。五十九年入覲。天津行在。賜御製詩。隨於幄次。賡相自陳。早衰多病。乞京職自效。溫諭不允。是秋坐失察湖北姦民傳教。左遷山東巡撫。臨清館陶諸州縣被水。遵旨加

兩倍賑卹。詔免秋糧。及本年漕米。遣官分赴豐收處。購運糧食。備來歲平糶。六十年。恩詔普免。各省民欠。公查出東省。節年所欠。正耗銀四百八十七萬兩。有奇。常平社倉米穀五十萬石。有奇。咸奏除之。時已得再任湖督之命。拜疏而後行。惟恐弗及也。初入楚境。聞苗疆有警。卽馳赴常德。籌畫轉餉。旣而大學士福公。四川總督和公。先後蒞楚。檄調六省兵。會勦。供支日不。干數萬。公移駐辰州。督運軍儲。輸將相繼。大兵旣擒。首逆吳。半生等。乾州永順。永綏保靖諸苗。五百餘。秦先後詣辰乞降。公承詔撫諭。咸感泣叩頭去。嘉慶元年春。湖北枝江賊起。詭稱白蓮教。而宜都長陽長樂教匪一時應和。四出焚掠。公馳赴枝

江與巡撫惠公調兵進勦連破蕭家巖笛子山長嶺衝諸寨時
北省標營兵皆調赴苗疆姦民乘虛煽誘分擾諸縣當陽保康
來鳳竹山相繼陷詔諸大帥分路攻勦而公與將軍舒公攻
當陽卽選驍勇扼山隘殲其外援三千人賊悉力死守公親督
將士以火攻克其東門賊退守西北復攻援之殲賊二千餘擒
僞帥楊啟元等縣境悉平事聞優詔褒美賞輕車都尉世職
復馳至襄陽督同鎮道邀擊賊於青河口破之時貝子福公總
督和公相繼徂謝公密奏乾州已復首逆就擒惟石柳鄧未獲
而以十萬之眾駐守蠻烟瘴霧中苗人見有重兵生計無資石
逆轉得從中煽亂不若因其窮困許以自新酌撤苗寨官兵而

於四面設兵防守其有出外滋事其同類讐殺者用以苗功苗
之法可不再煩兵力。詔下其章於軍中議之未幾大兵破平。
隴斬石柳鄧等遂。詔公馳往苗疆籌議善後及撤兵事二年
春抵乾州周歷三廳撫諭苗寨清釐民苗地畝給還耕種咸伏
地感泣各歸生業。各省兵次第撤回公遵。旨留駐辰州奏請
移提督駐辰州而以辰州協駐乾州洞庭協駐常德又於花園
汛添設總兵以永綏協保靖營隸之諸要隘皆撥兵屯守聯絡
控制其苗寨酌設土弁以資約束又估修城堡營房賑難民卹
殉難官弁及紳士婦女皆得。旨勅部議行而公遽以炎瘴致
疾薨於軍年六十有八朝野惜之公識量宏遠喜愠不形於色

遇條屬以禮議事不執已見人人皆得盡其言若大疑難事眾
莫識所措者公沈機獨斷雖萬口不能奪出仕西陲時拓地二
萬餘里名臣宿將往來邊徼皆與之上下諏咨洞悉利幣數厯
數鎮職事修舉不以察察爲明煦煦要譽所薦拔多至大僚每
入覲命在南書房和詩備顧問所進古器物御製詩文紀
之

太上皇帝禪受禮成恭進典詮一篇淵雅得體賞資優渥前
後所賜御筆及上方珍物不可勝紀性篤孝遇二親諱日哀
慕涕零嘗以幼孤承母教始得成立奏達御前
上賜經訓克家四大字隨於靈巖南麓築樓以奉御書待雨

弟友愛視諸姪如已子兩妹早寡爲置產贍其孤甥生平篤於故舊尤好汲引後進如吳中書秦來嚴侍讀長明程編修晉芳邵學士晉涵洪編修亮吉孫觀察星衍等皆招致幕府公暇詩酒唱酬無虛口性好著書鉛槧不去手謂經義當宗漢儒故有傳經表之作謂文字當宗許氏故有經典辨正及音同義異朔之作謂編年之史莫善於涑水續之者有薛王徐三家徐雖優於薛王而所見書籍猶未備且不無詳南略北之病乃博稽羣書考證正史手自裁定始宋訖元爲續資治通鑑二百二十卷別爲考異附於本條下凡四易橐而成謂史學當究流別故有史籍考之作謂史學必通地理故於山海經晉書地理志皆有

校注又有開中勝蹟圖記。西安省志之作謂金石可證經史。宦跡所至搜羅極博。有關中中州山左金石諸記詩文。下筆卽成。不拘一格。要皆自運性靈。不違大雅之旨。有靈巖山人詩集四十卷。文集八卷。公一生得力在善讓。而皆爲人任事。嘗直軍機。期滿當出。友人諸君重光屬公代。公未及答。而諸竟去。公夜坐無事。適陝督黃文襄廷桂疏至。言新置屯田事。遂熟復之後數日。廷對策問屯田事。條對獨精核。進呈擬第四卷。上改第一。而諸君居其次。其侍親耕亦係代友值班。是日上詢布穀戴勝。是二是一。公對布穀卽戴勝。上稱善。因垂詢出身甚悉。此簡在之所由也。

上後語大臣族曾於藉正中開校一人即謂此云

國朝正事錄卷三十一 名臣

十五



劉文恪公事略

公諱權之字德輿號雲用湖南長沙人父暉潭字湘客雍正庚戌進士由主事遷郎中出知泗城府有政績兄校之乾隆辛巳進士授檢討晉中允改郎中典試浙江督學貴州皆稱職公舉乾隆二十五年進士選庶吉士習國書由編修晉中允洗馬母憂歸服除適四庫全書目錄提要成公嘗爲纂修官議敘補侍講轉右庶子五十年大考二等擢大理少卿晉本寺卿遷左副都御史五十二年大挑直省舉人公條陳積弊請派出王大臣於命下之日卽赴內閣住宿其各部院司員俱迴避不令持票入開書詔並請派科道官二人稽查及令步軍統領衙門

會同五城御史一體巡察

上覽奏嘉綱如所請行是年所選得人都人士翕然稱之公意蓄有所指也五十六年擢禮部侍郎嘉慶三年調吏部左侍郎四年

仁宗親政徵揚彰痺飭官常首擢公左都御史時湖南採買頗爲民累公纓陳地方吏奉行不習在往藉端肥橐各情弊并請赴鄰邑採辦以免派累得旨通諭各督撫嗣後採補倉穀務飭所屬在豐稔鄰縣接時值採買不許向本地派買并將向來胥吏積弊嚴行查禁至社倉原係本地殷實之戶好義損輸爲備荒之用近來官爲經理大半借端挪移日久并不歸款遇歉

歲顆粒全無以致殷實不願捐輸正人不願承辦是向來良法徒供官吏侵漁亦應一律查禁此後各省社倉仍聽本地殷富擇公正者自行辦理不假官吏之手以杜弊端而裕民食四川舉人朱琬條陳軍務前後數萬言公悉爲代奏尋以編修洪亮吉投遞書函語多狂直未卽呈進有旨查詢公自請嚴議上以公人品端正節次所陳奏事皆切實改爲降三秋畱任未幾遷吏部尙書賜紫禁城騎馬舊例部院截取人員祇歸單月銓選公議增京陞一班庶常散館以知縣用者五缺後用其一公議令到班卽選大挑舉人除新科不調仍截止近三科不得與挑公請合新科一并計算皆著爲令七年充軍機大臣管

理曰部三庫事

賜居海澱會三省教匪戡定

上以公素日陳奏多所建白兩次

命優敘九年考績 詔以

公在軍機處小心勤慎復下所司優敘尋調兵部尚書出勘河

南河工差還調禮部尚書協辦大學士加太子少保尋因保奏

軍機章京欲將中書袁煦列入袁煦者公房師紀公昀女婿也

侍郎英和劾公瞻徇有

旨降編修尋遷侍讀晉侍讀學士十

一年遷光祿卿

命偕侍郎瑚素通阿往勘通州剝船虧損數

并嚴禁封雇民船之弊旋

命往真定勘獄還推內閣學士九

月遷左都御史十二年遷兵部尚書仍

賜紫禁城騎馬十五

年協辦大學士再充會典副總裁七月

上行秋獮禮

命偕儀親王永璇尙書明亮勒保等留京辦事

十六年

上幸五台

命仍司爵鑄五月拜

仁閣大學士管理工部事

務充國史會典館正總裁復太子少保十七年管理戶部三庫事十八年考績

上以公襄贊綸扉夙夜匪懈

命優敘尋以旨疾請假

賜御

醫診視許原官致仕給半俸歸里後猶蒙

恩賜福字如意諸

珍物二十三年六月有大星隕於湘東照江水皆赤越翼日公

薨壽八十

優卹

賜祭墓如例

諡文恪公性精明而出

以厚教歷京秩五十餘年以學行結

主知當官能舉其職所

國朝升正馬房。敷奏嘗不令人知。雖至親骨肉莫能述。而疊典文衡。實漢大臣中所罕覩。計分校順天鄉試三校。禮部試一典。江南鄉試二貴州鄉試一。順天鄉試二。主禮部試一。督安徽山東江蘇學政各一。監臨順天鄉闈再讀。殿試卷四閱。大考翰詹卷二。門生故吏徧天下。而公鑑空衡平。未嘗有所私昵也。子若璫以廕授主事。官貴州直隸州。若珪由副榜官員外。卽出爲湖北知府。署漢黃德。道死。粵寇之難。

王文端公事略

國朝二百年來由大魁陟宰輔者凡數人順治丙戌則聊城傅公以漸丁亥則武進呂公宮巳亥則崑山徐公元文乾隆丁巳則金壇于公敏中巳未則番禺莊公有恭戊辰則會稽梁公國治辛巳則韓城王公忭也繼王而起者巳亥則大庾戴公衢亨癸丑則吳縣潘公世恩而已數公和業皆可稱而王文端公風節爲尤著蓋公在相位實與和珅同列凡不附巳者輒齟齬之公接以大體不爲悻悻壯頰之事而遇所當執汔不與和珅同卒能密贊廟謨明正其罪此其所以尤難也公立朝四十餘年凡五典會試考前明三主禮部試者王元美輒推爲盛事我

朝范文肅李文勤陳文貞朱文端張文和史文靖皆三主會試
諸城劉文正公長白介受祉宗伯則四主會試其五主會試者
自熊文端公德定圍宗伯外得公而三然則公之數歷遭逢疊
司文柄可謂獨際其盛已公字偉人號惺園一號畏堂先世自
山西洪洞遷陝西之韓城生而端凝好學由拔貢生得教諭未
任遭父喪服終貧甚爲書記以養母尹文端陳文恭爲江南督
撫時皆禮公入幕府兩公皆名知人而最賢公謂爲正士乾隆
庚辰舉鄉試次年舉會試先是
純皇帝嘗語近臣本朝百餘年來陝人無大魁者至是公應殿
試讀卷官進列第三

上親拔爲第人時值西陲戡定魁選適得西人北引見風度凝然

上益喜爲詩紀之由修撰累遷侍讀右庶子侍講學士少詹事人直南書房充日講起居注官旋晉內閣學士歷工刑吏禮四部侍郎擢左都御史

上詢及母夫人年歲御書南陔承慶額賜之癸卯母憂歸田辰卽家擢兵部尙書趨赴行在謝恩

高宗曰汝來甚好君臣久別知汝應念我然汝儒者朕不欲奪汝情歸終制可也公感泣時朱文正公扈蹕相遇於行帳歎曰

上待公不薄哉乙巳服闋充經筵講官軍機大臣上書房總師
傳 賜紫禁城騎馬乾區五十一年丁未春拜東閣大學士總
理禮部事 賜居第花園各一所戊申臺灣平圖形紫光閣
上親爲製贊明年平廓爾喀再圖形閣中

上製贊如初庚戌加太子太保甲寅冬公壽七十 御賜額曰
贊元錫嘏 賜聯曰臚名芸館魁多士耆福台階引大年及珊
朱冠服上珍爲之壽丙辰以足疾辭退兩書房軍機禮部事戊
午仍值軍機歷充四庫三通國史 實錄諸館總裁公爲人廉
靜質直素行無瑕疵在政府誠於奉職
純皇帝知公深和珅雖厭公卒莫能去也如此者十數年及

仁宗親政和珅以罪誅公意益得發摠矣然公嘗念大臣所當
爲者非盡於所能言獨居意嘗邑邑深念而不怡將告歸復上
疏其略曰竊惟

皇上親政以來恩威並濟內外臣工無不洗心滌慮其砥廉
隅臣年齒旣衰智識愈鈍更何有干慮之一得惟是積弊相沿
有極重難返而又不可不亟加整飭者一各省虧空之弊起於
乾隆四十年以後州縣有所營求卽有所餽送往往以缺分之
繁簡分賄賂之等差此豈州縣私財直以國帑爲夤緣之具
上官旣甘其餌明知之而不能問且受其挾制無可如何間有
初任人員天良未泯小心畏咎不肯接收上官轉爲說合懦者

千方抑勒強者百計調停務使受代而後已一縣如此名縣皆然一省如此天下皆然於是人縣有虧至十餘萬者一遇奏銷橫征暴斂枷新掩舊小民困於追呼而莫之或恤靡然從風莫不爲怪名爲設法彌補而彌補無期清查之數一次多於一次寬繳之銀一限不如一限輾轉相蒙年復一年未知所底寤謂嘉慶四年以前之州縣此時或遷他處或經物故原難責之現任補償然從前州縣用度不節因而侵挪倉庫今皇上整飭紀綱大吏皆以廉節相尙豈從前上司專講酬應州縣反覺寬舒今茲上司各矢清廉州縣轉形拮据耶乃州縣則任崖罔應上官亦莫展一籌意或有苦樂不均未之調劑歟有

賢否不分。因以親驛與固宜。廣求整飭之法。以冀倉庫漸歸充實也。一各省驛遞設立驛丞。專司凡有差使。各按品級乘騎之外。外加增不過二三騎。多則驛丞不能派之民間也。照常給廩之外。一無使費。使臣及家人等知驛丞之位卑俸薄。無可誅求也。迨後裁歸州縣百弊叢生。請先言其病民者。州縣管驛可以調派里民。於是使臣乘騎之數日增。一日有增至數十倍者。任意隨帶多人。無可查詢。由是管驛長隨辦差書役乘間需索。差使未到。火票飛馳。需車數輛。及十餘輛者。調至數十輛。百餘輛不等。羸馬亦然。小民舍其農務。自備口糧草料。先期守候。苦不堪言。又慮其告發也。則按畝均攤。甚而過往客商之車羸羸賈賈。

放無怪小民之含怨也。至於州縣之耗怒。又有無可加何者。差使一過。自館舍鋪設。以及酒筵種種糜費。并有夤緣餽送之事。隨從家人有所謂抄牌禮。過站禮。門包。管廚等項。名目甚繁。自數十金至數百金。多者更不可知。大抵視氣餒之大小。以爲應酬之隆殺。其他如本省上司。及鄰省大員往來住宿。亦需供應。其家人藉勢飽慾不止。而辦差丁胥浮開冒領。本官亦無可稽核。凡此費用。州縣之廉俸斷不能支。一皆取之庫格。而虧空之風。又以成矣。議者謂驛站裁歸州縣。當時係爲調劑郵政起見。每年一驛錢糧。自數百金至數千金。付之微員。旣非慎重之道。且遇緊要差使及護送兵差之類。額馬不足。必須借資民

力足以定議裁改。不知驛站未歸州縣以前。豈無緊要差使。豈無護送兵差之類。當其時必已另設臺站。或調撥營馬。或籌款購買。事竣各有報銷。與驛站兩無關礙。若州縣管驛。則平常供應。亦有不可數計者。然則虧空之弊。大半因之。欲杜虧空。先清驛站。當亦轉移之要策也。况體恤民隱。尤爲急務乎。今軍務旣竣。

皇上勤求治理。似無大於此二者。但以積重之勢。不可不思至當之方。或改復舊章。或博稽眾論。斟酌盡善。斷自睿裁。從此倉庫盈而郵政肅。天下幸甚。疏入。

上嘉納焉。嘉慶四年。公以腹疾乞休。命公明安率太醫視之。

並 賜內府人獲九月復請告 溫旨慰問許扶杖入 朝七

年秋復請 詔予在籍食俸加太子太傅八年二月 陞辭

詔將

皇考御前陳設玉鳩杖一枝加恩賞給俸得敬承 遺澤朕賦

詩二章親書條福并書聯語以寵其行再加賜人獲一片用資

頤養并頒饌品賜餞令馳驛回籍所過地方官在二十里以內

者各爲照料以示朕優眷老成至意 賜詩有云真道一身立

廊廟清風兩袖返韓城足以概公生平矣五月公抵里奏謝

手勅報云一路平安喜深欣慰京師見望兩澤未能霑足川楚

軍務略有端緒亦未全靖也特諭卿知之又 賜香袋藥錠等

物六月疏謝。手勅云卿在家願養努力加餐益增康健京中
自四月牛得雨麥收不過五六分晚禾日見茫茫川楚軍情甚
好大約五六月內可全靖矣嗣是公每有陳奏必奏。手詔垂
問八月奉。勅云卿在家願養想益康健中元日經略奏執邪
匪全靖朕承。

天恩

考佑實深欽感特諭卿知之二十日起程幸山莊見住兩間房
行宮遙望西秦彌增想念十月。手勅云卿在家安善覽奏欣
慰今賜卿神糕並如意願永茂遐齡長延福壽十二月。賜勅
云嚴寒洄凍諸惟珍攝用迓春祺益綿福履九年正月奉。手

國朝先王遺事卷三十一 名臣

西

詔云新春介祉福履益綿遙望關雲曷深記念親書福字并荷包等物附使帶去賜卿以迓鴻禧是月十日公及程夫人壽皆八十御書福綬燕喜額并壽佛如意等珍物命巡撫方維甸於其生日賁至家賜之賜詩有云兩朝誦鼎文思被人秋齊眉壽域宏十二月公入都叩謝詔許乘肩輿至隆宗門外扶杖入內朝召見後屢有食物之賜並疊前韻賜之十年正月初十日薨於京師優詔悼閔贈太子太師入祀賢良祠賞陀羅經被派榮郡王綿億帶侍衛十員往奠茶酒並賞庫銀二千兩治喪賜祭墓如例諡文端公既歷典乾隆乙未戊戌丁未己酉庚戌禮部試又嘗爲湖南江南浙

孫文靖公事略

公諱士毅字智治別號補山浙江仁和人。生而穎異讀書日數行下。初贈公以家貧欲俟其長卽服賈學使勞青岳先生見而異之乃使習舉業將應童子試期迫公晝則誦習夜屬文漏三下思卧則起行庭中往還數四復構思旣而倦極沈沈睡矣夢中驚覺蹶然起以頭觸壁令極痛神氣大爽如此者屢日遂激夜不倦藝大進補弟子員讀益勤蓋公一生自樞垣保直以及宣力邊疆昕夕未敢憚勞皆少年磨厲所致也乾隆己卯舉於鄉年已四十辛巳成進士歸候選班其明年

上南巡召試第一授內閣中書入軍機處陞侍讀雲雲南緬

匪不靖大學士傅文忠督師令主章奏師還遷戶部卽中庚寅典湖南鄉試學學貴州擢大理少師授廣西布政使調雲南就遷巡撫總督李侍堯以賊敗坐不先舉劾落職發軍臺簿錄其家不名一錢

上轉嘉其廉瀕行

命纂校四庫書授編修書成超擢太常少

卿復出爲山東布政使時巡撫國泰以貪敗代之者爲明興公遇事多所匡正明公出巡公慮其僻從索擾妄丞倅官與偕行有婪索者卽稟聞明公亦聽之曾有 旨查虧帑實數明公數

片未奏公以爲不可明卽令代草疏疏入

上曰國泰等罪不可追揆立

賜自盡公尋遷廣西巡撫調廣

江順天考試官一督福建學政三督浙江學政一典武會試所
進多佳士其於門下士相待甚篤然未嘗少涉私引教以必爲
君子而已嘗訓及門云爲政之道當開誠布公不可有意除弊
此弊除他弊興矣性寬厚然於世之以姑息爲寬大者極不然
之曰縱惡以取名如國家何少從武功孫酉峰游聞閩閩正
學及見陳文恭聞性命躬行之說益自信生平於浮屠老子法
未嘗言及亦不加排所有語及者輒不對曰吾未嘗習此也所
著有葆醕閣集惺園易說行於世

臣等謹將所擬章程繕具清單
恭摺呈覽伏乞聖鑒訓示
謹奏

東粵民多獷悍正供銀米州縣不能征及奏銷往往墊解點者
遂延抗不繳公詳核彙爲冊賦法以清焚塘盜藪也屢治不悛
復糾眾坦捕傷官公率兵張旗鼓環其窰而圍之命縛獻渠魁
否則遷其民楮其地遂獲盜首七人置諸法總督富勒渾縱僕
婪索公以實奏卽命公讞獄成

上嘉其持正授兩廣總督臺灣林爽文反公以閩粵海道相接
而潮州最近嚴兵爲之備未幾王師渡海果調粵兵且徵餉
皆叱嗟辦

上大悅晉太子太保嘗戴雙眼花翎一等輕車都尉會安南
國王黎維祁爲其臣阮惠所逐其母妻幼子敬開顛救

上命公往公時在潮先馳赴龍川奏至而旨方下公遂自請出閩並調知維祁在其國良才縣境亦招聚義兵圖恢復飛驒以聞詔公由廣西直抵黎城別命雲南提督烏大經由蒙書進阮惠遺將拒於壽昌江又分兵屯嘉觀公至壽昌擊破之進兵至市球江賊守禦甚固會日暮我兵隔岸與相持陽於下游造浮橋作欲渡狀以綴賊密遣總兵張朝龍於上游暗渡繞出賊後賊大亂公卽勒兵乘筏鼓勇前殲其衆其屯嘉觀者游擊張純走之而副將慶成設伏要害亦擒僞指揮黎廷等天已明乘勝至富良江賊大驚曰江在國門外無江是無安南也遂盡收戰艦泊南岸悉衆拒守公察賊陣弗整急覓船筏戰兵百

餘先勦江心賊奪其大船一賊稍退少間復來凡五六戰斬獲甚多賊膽落公因昏黑中賊不知我兵多少遂以所有船筏盡載兵令提督許世亨等於次日五鼓直衝彼岸賊不知所爲我軍分路追奔賊死者不可勝計有十餘船順風而逸張純追及之賊反拒我兵圍其船焚而沈諸江無脫者獲其爲印三遂克黎城黎氏宗族及百姓等俱伏迎道左阮惠遁歸富春是役也賊眾四萬守江我兵先至者僅千人公親統大軍入其國所向披靡烏大經之師但遙作聲援而已乃傳一旨復維新封並馳報廣西巡撫孫永清送其家屬歸事聞

上封公一等謀勇公 賜寶石頂下 詔班師公亦貌視小醜

遵旨。飭撤而黎維祁本屏主也。孤立無助。阮惠乘間率餘黨。傾國而來。倉猝間。衆寡不敵。維祁聞惠至。輒攜家屬遁國內。無主。民皆竄賊。勢復聚。公欲以死報國。策馬直犯其鋒。千總薛忠挽公馬泣曰。損大臣有傷國體。公怒。擊以鞭。碎其兩耳。而馬首已被牽回。不能再進矣。乃先率兵渡市球江。奪據北岸。以待後隊之至。總兵李化龍行至浮橋。失足溺水。橋隨斷。世享等沒焉。公遂入關。維祁與其母子俱至。安置南甯。時乾隆五十四年正月三日也。公上疏自劾。辭公爵。繳還恩賞。上以撤兵太早。引爲已過。釋公罪。允所辭公爵。以福康安伐之。命公仍駐鎮南關。調度阮惠。知得罪。天朝悔懼。求內附。公嚴

斤之既祭其誠且以黎氏脅亂不堪立國遂與福公偕奏安南不必用兵狀

上從其議尋授公兵部尙書充軍機大臣人在南書房 賜第

一區 賞紫禁城騎馬典順天鄉試是冬授四川總督蜀中多

盜鑄百物騰踊公請發價收繳以杜其弊

上題之下其法於他省未幾江南書吏冒征事發總督書麟獲罪調兩江總督公至民遊訴多涉官吏爲別其重輕躬親研鞫無枉縱徐州王平莊漫曰未合馳抵毛城鋪督工蕭賜山靈壁宿州及睢甯之十三社皆被水力營疏洩及撫卹事宜胥稱旨授吏部尙書協辦大學士西藏巴勒布以貿易構釁奪據攝

拉木地川督鄂輝討之公往攝其任籌軍精駐打箭爐嗣以牛
病轉運多遲親赴察木多途險峻馱載甚艱復至前藏藏地跬
步皆山有瓦合丹達拉利諸名其中七十二峰最高者上下三
百里盛夏雪湧如潮自峰頂順流下卽成冰淋滑不受趾公乃
募土人立其巔以繩繫腰縋而上稍逸處則步行然兩旁雪深
無底一失足卽杳不復見拉利山下有海子徑十里夏涉水春
秋冬則踏冰而渡寒裂肌膚爲運道所必經公每遇險要必身
先士卒人人感奮芻蕘糗糧得無誤王子八月廓爾喀平詔
圖二十功臣像於紫光閣公與焉御筆親製贊旋拜文淵閣
大學士偕福康安和琳駐藏謀善後凡所經畫可永守公年且

七十矣。事未竣。而湖南苗反。延及蜀之秀山。公馳過其衝。頃之賊虜大軍所歷。潛來窺公。發兵縱擊。斬首二百餘級。擒賊自二。自後無敢入川境者。嘉慶元年。湖北秀民創白蓮教。擾至西陽。州公營於苗容。屢勦賊。賊屯小坳。公由間道進攻。出不意。冒雨登山。先分兵奪其坐。仙坪賊驚竄。無何。喊聲四起。我兵不及賊。十之一。公令參將何元卿固守山梁。獨率二十人回營。調防守。兵六百。率都司馬瑞圖等往斬賊。數百元卿見賊陣忽動。知公至。大呼騎下賊前後受敵。遂不支。元卿愈奮厲殺賊。直至小坳。與公合。聲勢益壯。焚其巢。俘獲無算。以功封三等男。公念賊巢林立。惟茶園溪最多。宜分道進剿。時大雨旬日。火藥不然。俟其

國朝文忠公集卷二十一
霽恐賊得預爲備。乃夤夜分軍爲四人。持短兵。空涌入。呼聲震。山各賊俱竄。來茶園溪。千總張超執長矛先登。斬其魁。我兵勇氣百倍。賊敗績。追逐四十餘里。積屍徧野。餘渡河遁。後濟者多溺。樊賊旣被大創。退據紅巖堡。之旗鼓塞。公移營而前。六月薨於軍中。年七十有七。

上聞震悼。夜還公爵。

命內臣護其喪歸。

賜金。



賜祭葬。

諡文靖。飾終之典有加。禮長孫均襲伯爵。入漢軍旗籍。成公志也。公性孝友。事兩兄如父。早歲與杭葦浦吳西林諸老輩相祇。鏃故詩文能獨出機杼。生平精力過人。每日辨色起。至中夜文檄填委。應之綽綽若無事。猶作酬答書。或數千言。未嘗起。早

兩江總督官尊向不甚理事公一反所爲所到撤前站謝供億
不拘嚴鼓之節白事者應時卽見尤刻意憐才一介之士輒與
均禮故事軍機大臣例不見客不答拜獨公與故舊周旋晏飲
如平生歡家本寒素能耐艱險凡繩行沙度之地人騎瑟縮而
公視若康衢然亦有天幸出意外者從忠勇公征緬時虜氛甚
惡公自防一利刃朝夕摩挲天雨糧斷公韞中藏筍捕五以其
三奉忠勇公而畱二以白給餓三日而糧始通過天生橋馬駭
墜山澗中澗深數十丈暈絕良久馬忽蹶起負公振淖以出曲
折數十里竟達大軍性愛石有米顛之癖督學黔中時得文石
百有一枚因自署曰百一山房所著奏議若干卷百一山房文

集若干卷藏於家

自一山以視其家藏之書其多也猶天之有日月也其明也猶天之有星辰也其大也猶天之有江河也其廣也猶天之有雨露也其潤也猶天之有風雲也其和也猶天之有雷霆也其威也猶天之有霜雪也其清也猶天之有雲霓也其祥也猶天之有虹蜺也其瑞也猶天之有龍鳳也其靈也猶天之有麒麟也其聖也猶天之有蓂莢也其紀也猶天之有曆象也其法也猶天之有禮樂也其文也猶天之有詩書也其教也猶天之有仁義也其德也猶天之有忠孝也其行也猶天之有節義也其操也猶天之有廉恥也其守也猶天之有信實也其心也猶天之有誠敬也其意也猶天之有忠信也其德也猶天之有孝悌也其行也猶天之有節義也其操也猶天之有廉恥也其守也猶天之有信實也其心也猶天之有誠敬也其意也



董文恭公事略

公姓董氏諱誥字蔗林浙江富陽人父文恪公諱邦達雍正十一年進士選庶吉士授編修充日講起居注官累遷中允侍講侍讀學士乾隆十二年命直南書房擢內閣學士母授歸明年秋命照前尚書梁詩正之例來京在內廷行走俟服闋時遇缺補用十五年補原官遷禮部右侍郎調工部旋調吏部充經筵講官二十七年晉左都御史再晉工部尚書二十九年調禮部尚書賜紫禁城騎馬典陝西江西鄉試各一充會試副考官一武會試正考官二三十一年以年逾七十乞休溫旨慰畱七月薨於位賜祭葬子諡文恪公登乾隆二十八年

進士與館選授編修

命人懋勳殿寫金字經爲

孝聖憲皇后祝嘏三十四年遷右中允丁父憂服闋命直南

書房轉左中允先是文恪公工繪事御製詩題詠甚多其是

公繼武南齊簪筆之暇閒涉藝事甚精

上深賞焉尋以侍讀充日講起居注官以侍讀學士充經筵講

官三十九年典江南鄉試遷內閣學士明年擢工部右侍郎兼

管錢法堂事務尋調戶部充四庫館總裁命輯滿洲源流考

充武英殿總裁四十四年命爲軍機大臣賜第西及門外

賞紫禁城騎馬四十九年甘肅石峰堡逆回平

上以公勤勞懋著命優敘五十一年擢戶部尙書明年臺灣

逆匪林爽文就擒。命與二十功臣之列。圖形紫光閣。

高宗皇帝親爲製贊五十五年。加太子太保。明年詔刊石經。

於太學充副總裁。又明年廓爾喀平。命與十五功臣之列。再。

圖形紫光閣。

上。後親爲之贊五十五年。拜東閣大學士。總理禮部。仍兼戶部。

事二年。丁生母憂。持旨賞陀羅經被。遣御前侍衛豐伸股。

德帶領侍衛十員。奠茶酒並。賜祭塋三年三月。塋母畢詣。

闕講恩。諭暫署刑部尙書事。以方辦理秋審。一時未得其。

人也。四年正月。

太上皇晏駕。

國朝先正事畧卷三十一 名臣

仁宗皇帝命恭理喪儀仍充軍機大臣總裁。宣錄晉太子太保。五月服闋授文華殿大學士。仍兼刑部尚書國史館總裁。九月奉安。

裕陵禮成。命恭默。

高宗純皇帝神主加太子太傅。賞黑狐端罩。七年三省教匪平。

上以公自用兵以來。票擬愼勤。特予騎都尉世職。子淇由任。

子賞爲員外郎。詔以郎中用。九年典順天鄉試。尋管戶部三庫事。十二月。

高宗實錄成。詔董誥在館八年。始終其事宜。加優獎其父董。

邦達從前未祀賢良祠可令入祀。三年典會試。貴密雲縣

房屋一所十四年。晉太子太師三月公七十生辰。賜御書額

曰贊樞錫慶他珍物稱是復。賜御製七言詩有兩朝知遇

一身肩之句十五年充上書房總師傳十六年再典會試明年

加太保十八年九月逆匪林清等就誅

上以公晝夜宜勞。命加三級及滑縣平有。詔優敘公次子

員外郎釁。特旨以郎中用二十年冬因病請致政。溫旨慰

留并以軍機處事繁。命改管兵部無庸兼管刑部事二十一

年再典順天鄉試。二十二年春。命偕莊親王綿課等留京辦

事六月復。命管理刑部七月。命管理行在刑部事務兼佩吏

國明正事

名臣

部印鑄二十三年二月再疏乞休優詔俞允十月病益篤

特派御前侍衛載銓帶御醫往視是月薨詔曰予告大學士

董誥自其父董邦達俱職內廷渥承

皇考知遇洊擢尙書副董誥通籍詞垣荷

皇考眷注尤隆入直南書房供職書畫最勤且久洊躋卿貳用

爲軍機大臣兩經繪像賜贊褒嘉朕御極後晉擢綢扉宣力垂

四十年奉職恪勤且聞邸寓清貧原籍並無田宅益徵其持躬

端謹遽聞溘逝悼惜殊深已賞陀羅經被可晉贈太尉入祀賢

良祠派定親王綿恩率侍衛十員卽日前往奠醑十六日朕親

臨賜奠賞內庫銀二千兩治喪其次子董醇服闋後以四品京

堂卽補

御製詩輓之並傳

諭其家刻詩墓次尋

賜祭墓

謚文恭公

自擢閣學後受特達

之知閱

殿試朝考並

御試

翰詹及考試

差諸卷凡校文

之役無弗與遇

巡幸秋獮諸

大典罔不扈從每三載考績輒

獎敘有加嘉慶七年教匪平

定

上明詔中外曰董誥經

皇考簡任多年克盡忠悃知無

不言言無不盡蓋衷其實也其

尤難者則在和坤用事時張威

福排擠異己公與王文端諸公

摺柱其間遇事多所救正每獨

居深念慮若忘行若遺在堂則

循階在室則繞柱其用意深隱

不可驟識卒能仰贊

國用正正事目卷三十名臣

三

廟謨。殲除大憝。雖語秘外。莫能知。而公之識力深遠。抑可得其
大凡。已公嗜學。工詩古文。好成就才。儻當官。能舉其職。出入禁
闈。數十年。進止皆有常度。所進呈諸畫本。兩朝聖人。並有題詠。收入后渠。實發三編。然特公之餘技云。

王文儋公事略 子宗誠

王公懿修字仲美安徽青陽人乾隆三十一年進士選庶吉士授編修入直南書房三十六年充陝西副考官明年分校會試三十九年典廣東鄉試提督廣西學政四十四年分校順天鄉試明年典試江西遷司業擢侍講轉侍讀晉侍講學士充日講起居注官四十八年再典廣東鄉試尋督湖北學政五十三年遷少詹事乞病歸旋丁內外難嘉慶元年正月太上皇帝舉行千叟宴公與焉賜御製詩刻及王鳩杖文綺等物七年補通政司副傳遷光祿卿晉內閣學士明年補禮部侍郎提督順天學政十年擢左都御史晉禮部尚書管戶部三

庫事

命紫禁城騎馬充經筵識官十二年充尙書房總師傅

上以公部務殷繁不能逐日入直

命以部務餘暇入內廷不

必拘定日期惟畱心查察功課如有怠惰曠誤者卽據實劾奏

十三年以病乞休

溫詔慰畱十四年恭遇五旬萬壽慶典

加太子少保典會試兩充殿試讀卷官當是時公子宗誠已官

學士嘗隨公扈

蹕東巡

睿皇帝賜翰林宴公父子同席

高宗實錄成宗誠以纂修官

賜宴禮部公適以尙書士席宗

誠又繼直上書房

奎章珍器

賞賚稠疊父子同朝極優渥

之遇蓋近今所無雖

睿皇帝亦以公兩世膺知遇廉謹自將時發天音而垂清
問也十八年公致仕又二年壽八十特資如意文綺諸珍物

命侍郎成格齎往公詣宮門謝道

上出御經筵解御佩荷囊賜之二十一年薨優旨悼惜

命慶郡王永璘往奠卹照尙書例議卹賜祭塋如禮予諡

文僖公性樂易與人交無少長貴賤咸得其懽款語移日見者
忘其爲達官好汲引後進孜孜若不及多所成就應制諸作典
雅純正詞林中事有資耐論者率以屬公焉

宗誠字中孚又字廉甫乾隆五十五年一甲三名進士賜及
第授編修上書房行走歷官禮部工部侍郎工部尙書終兵部

題明廷王再舉之卷三下名臣

三

尙書經筵講官

賜紫禁城騎馬當乾嘉時嘗爲雲南四川陝

甘鄉試主考官會試同考官文武會試總裁道光時屢充開卷
大臣門下士旣多顯貴矣又以貴公子早取甲第早文僖公同
直禁廷海內推榮遇而公謙退自牧接同官後進皆自居敵
以下姻友見者多避去不能敵其謙任學政禮賢愛士然遇弊
必發不稍受私謁厯官皆舉其職道光八年回臺戡定
宗皇帝御午門受俘兵部尙書以組縛逆酋張格爾跪闕下
旨畢引交刑部尙書押赴西市誅之故事凡內地勦賊不
獻俘惟外夷獻俘故惟康熙雍正乾隆間舉行而嘉慶朝無之
主萬眾爭覩歡歎詫爲盛事而宗誠實長兵部禮成以單功

愛。賞。公。俱。職。益。久。不。懈。任。大。司。馬。凡。十。有。六。年。以。道。光。十。七。
年。薨。於。位。年。七。十。有。四。賜。祭。塋。如。典。例。生。平。篤。內。行。利。而。有。
執。守。居。京。師。宅。當。冠。蓋。衝。軒。居。皆。過。不。留。其。嚴。峻。不。苟。若。是。而。
不。有。其。名。故。人。皆。習。其。和。而。忘。其。介。之。公。薨。也。詔。稱。其。清。勤。
端。慎。清。慎。勤。人。所。知。也。若。公。之。端。則。惟。
聖。主。知。之。矣。子。元。榜。官。兵。部。郎。中。

為文通



國朝先正事略卷之二十一

平江李元度次青纂

吳槐江宮保事略

公諱熊光字望崑別字槐江江蘇昭文人乾隆戊子舉順天鄉試出秦尙書承恩門秦公父翰林學士大士推公造笑曰師爲假總督弟乃真總督即時秦公年二十四初授編修公年始十九聞者殊不謂然後秦公以尙書署直督而公歷兩湖直隸兩廣三督如學士言己丑壬辰兩舉中正榜授內閣中書乙未直軍機處尋擢侍讀遷刑部郎中甲辰授御史擢給事中父憂去服闋補原官嘉慶丙辰遷鴻臚少卿通政司參議故事科道司

糾劾通參班。廁大九卿。皆退出軍機處。公以明達勤慎。當軸特保。得畱直。國初沿故明制。票擬承宣。皆由內閣至憲廟。許內外職掌官具摺奏事。凡事有出入者。皆奏定。然後循例具題。設軍機處於門下。選三品以上鴻達親信者爲軍機大臣。小四品京堂以下。至閣部屬之能者爲章京。每日寅刻奏事處納摺匣。上炳燭批覽畢。卽發軍機處錄入檔。乃面諭大臣寄信各原奏官。可否之名曰廷寄。班次非朝賀皆絕。席會議大政。皆主議實當。古錄尙書事同平章之職。其大學士在內閣者。則承明發票題本。受成事而已。公初任章京。卽爲阿文成所器。前後隨文

成。剿。辦。蘭。州。回。匪。者。一。獻。聞。浙。重。案。者。二。督。堵。東。河。漫。日。者。四。
查。閱。海。塘。淮。河。者。各。一。與。文。成。同。柄。政。者。爲。故。大。學。士。伯。和。珅。
丁。巳。文。成。薨。益。橫。溢。無。檢。至。於。廷。寄。前。行。專。署。已。銜。姓。天。下。稱。
伯。相。從。風。盡。靡。以。文。成。尤。善。公。甚。嘆。之。是。年。閏。六。月。
純。廟。幸。灤。陽。時。苗。匪。未。靖。而。教。匪。漸。猖。獗。訓。政。憂。勤。或。午。夜。
視。事。一。日。以。宣。軍。機。大。臣。不。得。命。召。章。京。唯。公。已。上。直。入。對。
稱。旨。次。及。同。直。章。京。之。戴。文。端。公。少。頃。伯。相。至。
上。曰。軍。機。事。日。繁。傳。森。吳。熊。光。皆。練。事。可。在。軍。機。大。臣。上。行。走。
以。助。若。伯。相。謂。公。官。纔。五。品。不。符。體。制。
上。命。加。三。品。卿。銜。又。曰。其。家。貧。大。臣。例。乘。肩。輿。恐。力。不。辨。

上命賞戶部飯銀千兩。又曰。戴衢亨出身狀頭。官學士在軍機。日久與吳果同用。吳不如用戴。

上曰。此豈殿試耶。和珅語塞。乃承旨。然文端卒與公同加三。

品銜。拜命而班次仍居公下。傳公任侍郎久日。昨召見。詰。

聞甚厲人。其危之及上。直乃知。

聖意。疑傳公識度。或未服。大受審試。而後發與一面之頃。決機。

授政者有間矣。公在政府六閱月。和珅不便其所爲。出爲直隸。

布政使。已未春。

純廟升遐。和珅敗。公言。和珅管理吏戶刑部。步軍統領。各衙門。

日久多變。舊章以管利。大憖雖除。猾吏仍可因緣爲奸利。亟宜。

逐條更正

睿廟可之。投河南巡撫。自丙辰兵興。川陝楚豫之督撫。皆駐邊界。治戎務。公在豫。以防勦功。賞戴花翎。加敘軍功三級。辛酉夏。擢湖廣總督。壬戌春。餘孽蕩平。晉太子少保。既回省。有以收受沔陽知州秦泰金兩淮厘費二事劾公者。查驗無蹟。事以白。甲子夏。調直隸。乙丑。聖賀東巡。奉天恭謁。

三陵。九月。公接駕。謁齊廟。賞穿黃馬褂。時文敏公百齡已由粵撫。蒞楚督任。而是口都察院有據廣東已革知縣訐控文敏在粵婪索各款之奏。兩廣總督那彥成與文敏互訐之奏。亦

至次日

上命侍郎托津副公往抵楚。訊得其門丁婪索狀。未定讞。上復入粵。撫孫玉庭言。嘗那公以倡撫洋匪。至三千餘人。擅賞匪魁。李崇玉翎頂。嚴旨逮入都。調公督兩廣。以楚獄交托公。公甫行。而文敏亦被逮。公在北久。粵中尤潮溼。性不習。漸作寒熱。洋氛劇力疾治事。而溫旨屢問病狀。給優假。公益不敢有他請。戊辰七月。映咭喇兵船十三艘。泊香山難頭洋。其酋度路利。以兵船三入黃埔。并有三板船入省河。聲稱防禦。咭喃西意殊叵。測故事外夷兵船。或寄內洋。俱調兵立時驅逐。公念三年來督率鎮將。轉戰重洋中。匪氛雖稍戢。而師旒老。故務爲鎮靜。唯飭

令回帆歸國傳諭大班停開船以絕其望而夷船遷延至十月
起旋奉嚴議奪職效力南河已已赴工所會文敏爲後督有
旨飭查夷船來去之由以公憇儒覆奏遂逮戍伊犁抵戍一載
特旨召還辛未授武選司主事癸酉春乞病回籍其秋林逆變
起

上思公議起家爲楚藩時柄政者爲軍機舊屬恐公難爲入下
乃止道光戊子重宴鹿鳴加四品卿銜又六年癸巳二月卒於
平橋私第年八十有四公性樸直奏對必以誠能言人所不敢
言其自楚督調直隸也初入覲
上謂曰教匪淨盡天下自此太平矣公曰督撫率郡縣加意撫

劉月宅王事錄卷三十一名臣

國朝文忠公集卷二十一
循提鎮率將弁加意訓練使百姓有恩可懷有威可畏太平自
不難致若稍形鬆懈則伏戎於莽吳起所謂舟中皆敵國也可
勝防哉未幾

仁宗返自關東

駐蹕夷齊廟公與戴文端董文恭同召見

上曰此行有言道路崎嶇風景略無可觀者今則道路甚平治
風景絕佳人言可盡信哉公越次對曰此非讀書人語也
皇上此行欲面稽

太祖

太宗創業艱難之迹以爲萬世子孫法豈宜問道路風景耶有
頃

上曰公曰卿蘇州人朕少扈蹕過蘇州風景誠無匹矣公曰
皇上前所見剪綵爲花一望之頃耳蘇州城外唯虎邱稱名勝
實則一墳堆之大者城中街皆臨河河道仄逼糞船壅集午後
既臭不可耐何足言風景

上曰如若言

皇考何爲六度至彼耶公叩頭曰臣從前侍

皇上謁

太上皇帝蒙諭曰朕臨御天下六十年並無失德唯六次南
巡勞民傷財實爲作無益害有益將來皇帝如南巡而汝不阻
止汝係朕特簡之大臣必無以對朕

仁聖之所悔言猶在耳。

皇上宜謹佩勿諉時同列皆爲摘舌文端出以語人且曰論語言勿欺而犯史記言引大體慷慨吳公殆近之矣後有以文端

所稱述質公者公笑曰墳堆糞船兩節乃乾隆初故相訥公奉

差江浙查道覆奏之言老夫重述之耳公又嘗曰刑賞者聖

主之大柄而其柄寄於封圻大吏以有司援案比例求免駁斥

之術處之舛矣例有一定情則萬端故遇事必當詳細審情以

施刑賞賞一人而有裨於吏治民生雖不符例賞賞所必加也

刑一人而有益於世道人心雖不符例刑刑所必及也卽不得

請必再三力爭之乃爲不負若屢嫌畏譏隨波逐流其咎蓋非

溺職已也是可以概公生平矣。初公赴楚督任，未出豫境，遇協防陝西兵二百餘人，以缺餉兩月，逃回本營。而陝營公牒亦至，公命集訊，或言是皆當死法。公仁人，且已非豫撫，可弗理。公曰：「察其情形，苦累缺餉，必矢協防，非臨陣回本營，非避匿山海，豈可同論哉？」遂杖首謀者二人，悉分撥豫邊防堵。諸鎮將給予曰：「糧既入楚，有鄉勇糾搶民寨，被寨民縛送三十餘人。」公卽日受詞，駢梟之。移輿甫下車，李崇玉懸首菜市，之信將已至。那公罪且不測，而東莞縣報鄭流唐率眾投誠，當事莫知所措。公審其悔罪情實，不可殺降，以爲功。婉奏請仍遵前旨，免死安插。被脅者得遞原籍，其駐鄧也訛言賊將大至，一夕揭帖遍衢巷而

州民復告密有村后有期會公杖而逐之軍吏請增防公不爲動嗣得賊間訊之皆間所爲也乃大服其駐盧氏也燈燈節川陝賊各萬數竄入南山迫盧氏公命大張燈賀節賊遂遠去其張弛得宜有定識多類此所著有伊江別錄春明補錄葑溪筆錄皆紀所見聞滿漢諸大老言行足以維繫國脈民命多後進所未聞云

錢南園通副事略

曹錫寶

謝振定

武億

公諱澧字東注號南園雲南昆明人一十八游同邑王素懷先生之門素懷之教首嚴立品但有一介之苟輒屏之以爲非人公謹守其教嘗曰立品必曰慎獨始於人所共知者而猶不檢獨中豈可復問人禽之界混則雖破萬卷通以取罪聖賢耳生平剛正之學實本於此乾隆三十六年成進士選庶吉士由編修改御史疏劾山東巡撫國泰貪黷穢亂虧帑數十萬金國泰者大學士和珅私人也疏入高宗立召對公力陳東省虧空狀上曰當遣和珅往勘公意不謂然

上察其時色徐曰然則爾尙去可也公拜命出不俟和珅失
數日行微服止良鄉見幹僕乘良馬過索夫役甚張跡之則和
珅遣往山東齎信者也公許審其貌未幾僕還道遇公叱止之
搜其身得國泰私書具言借款填庫備查等事中多隱語立奏
之和珅至見公衣做贈輕裘請易峻卻之知不可私干又知謀
已洩故治獄無敢傾陂此反命
上持示國泰私書曰朕早悉其詳無待覆奏也於是國泰遂伏
法甘肅冒賑事發公劾總督畢沅瞻徇迴護得旨查辦畢坐
削級當是時公直聲震海內累遷通政司副使提督湖南學政
和珅屢媒蘖其短不得乃以湖北鹽政有有鐸公三秩尋遭艱

歸服闋補主事

高宗知其直更擢爲御史。不命直軍機處。時和珅爲軍機大臣。與阿文成等不和。公上疏曰。臣伏覩我朝設立軍機處。同來大臣與其職者。人皆萃止其中。用以集思廣益。抑贊高深地。一則勢無所分居。同則憤可共見。卽屬察白事。署稿亦得有定所。法至善也。乃近日惟大學士阿桂一人。每日入止軍機處。大學士和珅或於止入內。有門內舊直廬。或入止於隆宗門外近造辦之廬。大學士王杰尙書董誥則入止於南書房。尙書福長安則止於造辦處。每日僅召見時聯行而入。退卽各還所處。雖亦有時暫至軍機處。而事過輒起。屬官白事。署稿未免趨走。

多歧以

皇上乾行之健。離照之明。大小臣工。戴德懷刑。決不至因此遂
啟。角立朋黨之漸。然行之萬世。而無弊實。莫過於率由舊章。蓋
自

世宗憲皇帝以來及

皇上御極之久。軍機大臣。萃止無渙。未嘗纖芥有他。由前可以
律。後不應聽其輕更。況內有門切近。禁寢向來。因有養心殿

帶領引見之事。須先一二刻豫備。恩加大臣。不令與各官露
立。是以設廬許得暫止。不應於未辨色之先。一大臣入止。而軍
機司員皆隨之。爲口既久。不能不與內監狎熟。萬一有無知如

從前高雲從者雖立正刑辟而所絀已多杜漸宜早至南書房
原備幾暇顧問俟軍機事畢後入直未遲何必遽入於未辦
色之先致諸弗便若隆宗門外直廬及造辦處則應差人眾皆
得覘聽於外大臣於中辦事亦屬過褻敢請敕飭諸大臣仍
照舊規同止軍機處庶匪懈之忱各申五夜協恭之雅其勵一
堂至圓明園辦事亦同一體近日和珅福長安止於如意門外
直廬王杰董誥止於南書房並請敕改正疏入
上聽其言降詔飭責由是有稽查軍機處之命竟日危坐
其間和珅益嘆公而
高宗知其賢不可讚則凡軍機勞苦事多委之家貧衣裘薄嘗

夜入暮出。積勞感疾。以殞。方和珅之秉政也。士有恥趨其門者。已可貴矣。若夫立論侃然。能訟言其失於章奏者。公一人而已。然幸。

天子仁明。紀綱猶在和珅。雖甚怨惡。公不能逐之。使去第勞辱之而已。

仁宗既親政。除慝掃姦。屢進疇昔不爲利誘之士。而公已前卒。不獲稍畱其身。以待公論大明之日。俾天下得益覩真儒之效。豈不惜哉。公督學湖南。嚴厲不少假借。卷必親閱。每試士正襟坐聽事。目炯炯終日不倦。凡字破體省俗。必譴責之。然勤於訓士。六年中未嘗褫一諸生士之服。其教者。歷數十年如一口。

雖非身受拔植者亦謳頌弗衰也。在湖南時歲大旱陸撫軍燿以禱雨得熱疾卒代者至值生日將稱觴閭者請餽公曰前巡撫方以死勤事今遽舉觴稱慶耶命餽燭二挺藕數斤巡撫懼而止公眉稜聳峭朝列皆畏憚之其實虛懷樂善出於至誠詩文蒼鬱勁厚得古意書法逼平原嘗與酣畫馬識者珍之如拱璧云同時以伉直忤和珅者有御史曹看錫寶謝君振定博山縣知縣武君億

曹君字鴻書號劔亭晚號容圃江蘇上海人也乾隆辛酉舉人。考授內閣中書直軍機處丁巳舉進士選庶吉士憂歸十年散館。故刑部主事遷員外郎典河南鄉試擢郎中分校會試督山

西學政乙未授山東糧道坐旗丁闕毆事罷吏議改部員在四庫館行走議敘以司業用特旨授陝西道御史疏劾和珅家人劉全衣服車馬房屋踰制先有某卿竊知其事飛書告和乃星夜毀其跡和答某書曰必有以厚報於是留京王大臣奉旨勘查僭妄蹤跡竟不可得而君危甚馳赴熱河待詢時和珅當國已十餘年中外無一人敢投鼠者聞此舉皆咋舌一二有心人抑屋竊嘆而已亦未敢訟言君賢皆曰曹君禍且不測然高宗竟不以罪君也部議鐫三秩特旨改革職留任逾年轉掌陝西道巡視北城分校順天試王子九月卒官年七十有四越七年

仁宗親政六日和珅下獄尋

賜死某卿游擢總憲矣即日罷

斥

上於是追念田奕徙薪之功惟君一人耳乃下

詔曰當和珅

勢燄薰灼時舉朝無一人敢糾劾者前御史曹錫寶獨能抗辭

執奏不愧諍臣之職今和珅治罪後查抄劉全家產竟至二十

餘萬之多是錫寶所劾不虛宜加褒獎以旌直言可追贈副都

御史照加贈官階廕其子於是天下士聞之莫不吞聲心拆呼

聖明萬歲嘆天道久而必彰也二十一年入祀鄉賢祠

謝君振定字一之號薌泉湖南湘鄉人負經世才尚氣節能爲

古文乾隆庚子進士由編修改御史戊申典江南鄉試巡視南

河月七年正月名臣

上

潛入瓜儀糧艘阻風禱於神得濟疏建風神廟嗣是渡江風輒順京口人呼謝公風嘉慶元年巡視東城有乘違制車彪彪然絕道而馳者擒訊之則和珅妾弟也其人怙勢橫甚吾痛杖之焚其車於通衢事聞有詔令指實則車已焚無左驗竟坐罷官自此直聲震天下四年和珅敗特旨以主事起用應詔陳言卽條上時務數事議論嶽嶽不苟同尋遷禮部員外郎典陝西鄉試出視通州坐糧廳勇於任事革陋規釐剔叢弊勞瘁卒官嘗慨古學衰歇見儕輩中有能古文者輒手寫之思欲網羅當代文章都爲一集未就所自著曰知恥堂集武君億字虛谷河南偃師人父紹周雍正癸卯進士官郎中君

舉乾隆四十五年進士五十七年授山東博山知縣曾和珅兼
步軍統領聞妄人言反賊王倫實未死密遣番役四出蹤跡之
於是副頭目杜成德曹君錫等攜徒眾持兵刃橫行數州縣莫
敢誰何入博山境方飲博酣恣君聞卽捕之成德尤倔强出牌
擲之堂上瞋目厲聲曰吾曹奉提督府牌緝要犯汝何官也不肯
跪君詰曰牌令汝所在報有司協緝汝來三日不吾謁何也且
牌役二人此外十一人爲誰卽擒而杖之民皆爲快而大吏大
駭卽以杖提督差役劾奏副奏投和珅而番役例不當出京城
和珅哂曰是暴吾差役之不謹而陰爲強項令地也還其奏使
易於是。是以任性行杖劾奪君官博山民老弱數千人謁大府乞

畱我好官。大府察其情悔之曰。必還汝。知縣姑散歸。無譁。乃挈君隨入覲。將爲謀捐復。阿文成公在朝堂。昌言其屈。而和珅實總吏部。駁之事遂寢。然和珅自是亦不使番役再出矣。仁宗皇帝在藩邸。聞君名。及親正置。和珅於理。詔各舉所知大臣交薦君。勅吏部調取引見。時嘉慶四年十一月二十九日。旨也。而君先一月卒矣。君任博山。及去官。才七月。而多惠政。勸民節儉。劾范泉書院親課士。訓以敦倫實學。革煤炭俱餽。里馬草豆。絕不以累民。邑有孝子節婦。必先榜其門。乃具狀請旌。附郭佛寺多女尼。除老弱廢疾外。悉遣嫁之。決辭無畱。猷禱雨立沛。有干以賄金二千者。曰。汝不聞雷聲乎。某矢禱久矣。旣

罷官累主郡邑書院所至以學行造士所著有經讀考異羣經
義證三礼義證金石跋授堂劄記偃師金石遺文補錄讀史金
石集目錄錢譜授經堂詩文集凡數百卷卒年五十有五若深於
經史七經注疏三史及通鑑皆能闡誦酷嗜金石文字性善哭
館朱學士筠家值陰夕學士曰客中慶歲何以破岑寂曰但求
醉飽而已乃餽餽肩二雞一鷺一蒙古酒一斗他物稱是皆盡
之問復何求對曰哭乃失声大慟比鄰驚問學士則大笑陽湖
洪稚存黃仲則客輦下貧不能三偕飲天橋酒樓遇君招之人
酒半忽左右顧哭声大作樓中客皆駭散去其振奇類此

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

而平恩公亦謂其吉大特其有各其想錯決其辭吉則則

百文敏公事略

嘉慶二十一年十月兩江總督百公以疾聞

上命乾清門侍衛率尙醫馳傳問視至日公薨

天子覽遺疏垂淚悼惜賞還協辦大學士遣侍郎博啟固偕

公弟學士桂齡往治喪靈櫬入城遣皇子卽家賜奠禮臣議

優卹子祭墓諡文敏公之才猷事功見於寵翰哀答者一

則曰國家柱石當代名臣一則曰鍾上闡之秀氣生申甫之良

才煌煌乎彰信國史榮矣備矣伊古儒臣所罕覩也公諱百

齡字子頤號菊溪姓張氏居遼東先世從龍入關隸正黃旗漢

軍父法良乾隆甲子舉人官陳州知府公生時大父夢偉大

持權衡入室覺而公生喜曰此子必大吾門功穎異長益奮於
學乾隆壬辰成進士選庶吉士授編修充四庫館提調丁酉分
校順天試甫出闈簡授山西學政還朝改御史丁父憂王子
補原官擢奉天府丞兼學政名不與開列而膺是命公之承
異敕自此始尋丁母憂嘉慶三年再補奉天丞已未調順天篆
署府尹庚申授湖南按察使辛酉調浙江遷貴州布政使壬戌
調雲南癸亥擢廣西巡撫以平反武緣民枉死獄
上嘉異之加太子少保賜孔雀翎調廣東巡撫緝獲洋盜四
百餘名公撫粵多惠政而嚴禁班館重懲蠹役一節尤得民心
及去任士民遮道畱肩輿不得死至夜乘馬乃出城申子擢湖

廣總督楚多劇盜公下令悉力擒捕行以便宜江湖千里如枕
廣泣楚三月以撫粵時失察家人事落職按驗議遣成伊犁
上悉察而原之 命來京効力史館丙寅 命馳赴福建總理
軍糧事竣 賞六品頂戴補汀漳龍道丁卯遷江蘇按察使擢
山東布政使山東巡撫再要兩廣總督自是
上知公益深信公益篤而倚畀亦日益殷矣粵洋久不靖巨寇
張保挾眾數萬勢甚張公至奏撤沿海商船嚴禁消賊懷水諸
弊籌饋餉練水師懲貪去懦每一檄下耳目震新又巡哨周嚴
遇盜帆擊之沈悔羣魁奪氣始有投誠意然懼誅未敢遽進揚
言必制府親臨望見顏色乃降衷甲頓舟以待實藉爲嘗試地

或謂公不宜以貴重身蹈不測公曰粵人苦盜久矣今乞降若
不坦懷待之海氛何由息遂單舸出虎門從者十數人保率巨
艦數百轟礮如雷煙燄蔽天日環公船作跪迓狀公危坐舟中
屹然不爲動麾左右呼保駛近前曉以利害見者睢盱膽落諾
爲大人皆面縛句命公立撫其眾許奏乞貸死旬日間解散二
萬餘人繳船四百餘艘器械無算復令保招降烏石二以計誘
至雷州斬之並斬爲從者百餘人釋其餘黨全海肅清
上愈嘉異之復太子少保 賜雙眼孔雀領 賞輕車都尉公
疏清僑設水師提督駐虎門從之辛未再以疾告回京補刑部
尙書

上以部事繁改左都御史兼都統未而月河決王家營授兩江

總督命一力治河公之官京師也壯歲有子不育屢荷垂

廕是年九月

仁宗萬壽之辰召見樞臣面奏公得子

上喜甚下詔曰百齡年逾六旬望子甚切連年任事有裨封

爵故得上蒙

天祐老年生子朕甚爲欣悅可賜名孔拉芬公奏謝手詔優

答有天賜麟兒語雖父子家人之誼不是過也王申大工合龍

疊荷殊獎受賞資並以漕艘渡黃遄速賞公子六品蔭

生癸酉拜協辦大學士管兩江總督公之治河也首治積年未

疏之海口、海口、大暢、乃求效於河、大要以謹守、束清壩爲第一、義、撓令者必重創之、盡瘁河干者五年、黃流迄無倒灌患、卽盛漲亦速消恬、瀾偉功至今、老兵猶言之泣下、甲戌御史哭雲馬履泰劾公任用朱爾廣、額貪黷侵欺、所舉劾多失當。

上命松筠、初彭齡往按驗、松公等奏所劾無實據。

上曰、百齡實屬有爲之臣、朕非虛言、所能搖惑之主、公聞之、仰天搏頸、嗚咽不能起立、烏虜公之志良苦、然明良一德之雅可

謂盛矣、明年初公署江蘇巡撫、劾公會受監場餽遺二萬。詔

大學士托津、尙書景安往勘、白其誣。

上責初公安奏。命嚴議公、尋坐勘獄失人奪宮銜、及協辦大

學士暫留江督任江省有莠民散逆詞惑眾偵刺久無蹤公憂

甚

上亦切責公乙亥夏一日召機幹將吏三數人入密室給契箭一枝令曰某已廉得逆犯主名可速往某處掩捕稽緩一時者斬疏脫一人者斬如公教果獲方榮升等首從百五十人於巢縣械送轅門讞實抵極法無漏網者上重嘉異之謂實能秉正祛邪厥功甚懋復太子少保賞還雙眼花翎晉爵三等男公子晉五品廕生旋兼署安徽巡撫時御史石承藻劾襄陽知府王樹勳係京城廣慧寺僧明心因犯禁遞解回籍諱罪混捐得旨逮訊諭詢公會與明心識面

在湖北復令王樹勳占休咎。是否知其卽係一人公奏止知樹勳爲候補同知。不意其卽係明心。上以事隔十餘年未必卽能辨識。命免議。九月以病請開缺。上深憐而勉慰之以松公往代其事。仍命公在江省調理。疾瘳仍回任。迨賜至公。公自度不起。口授遺疏。逾時薨。年六十有九。軍民巷哭不絕。公少負文名。復研貫史籍。經濟閎深。名益起時。當軸頗欲延攬英賢。以峻聲望。公挺勁自異。不屑隨人。倪仰致浮沉。冷局十餘年。嘉慶初始。敷歷重鎮。勳望煒然。賞輕車都尉。時尙未有子。吳學士蘄寄詩云。天子知從無事日。卽君貴在未生時。公見之甚喜。所自爲詩曰。守意龔集。

孫寄圃相國事略 蔣攸銘

公姓孫名玉庭字寄圃山東濟甯州人乾隆四十年進士由編修出爲監司洊擢臬藩巡撫大邦遷兩江總督拜協辦大學士晉體仁閣大學士任總督如故道光四年河決高家堰被議除名公以廉介結主知恪事三朝懋敷中外五十餘年清操碩德爲天下望生平嚴重識大體鋤剔姦蠹撫綏遠人不邀旦夕不可必之功銷患未萌天下陰受其賜時粵東負山襟海重洋出沒孕納污垢其人嗜利輕生椎剽劫匪黷鬪讐號難治嘉慶間洋盜充斥舟師無功公之爲巡撫也奏稱自古但有海防未聞海戰惟當嚴守口岨添

駐弁兵禁淡水米糧以絕之。而以米艇數十艘居中策應。使賊進無所掠。退無所資。爲不擊自弊之策。而督臣銳意主勦。其言不行。久之師老盜勢遂議招撫。誘以賞資。百姓有爲民不如爲盜之謠。公抗疏力陳其弊。謂盜匪非眞悔罪。特爲貪利而來。官吏意在貪功。不惜重金爲市。然罪貫姦萌。陽避盜名。陰攫盜實。及有司鉤捕。則踴躍而去。科其刼殺之罪。極功不足蔽辜。今則以賞爲刑。以招爲弭。廢法歛怨。莫此爲尤。夫勦撫兼行之計。莫如堅壁清野。斷接濟以絕其糧。嚴口岨以防其突。以主制客。以逸待勞。批亢擣虛。馴致消耗如是。則海道漸臻晏謐矣。奏人。

睿廟驤之。公精於治盜，購謀緝，算無不立，獲嘗誅盜百七十有奇。其楊阿鹽、鄭阿訂、關念棕，各大盜，並弋致之。寘諸法。李崇王者，陸豐甲子盜魁也。瓜牙森鉅，勢張甚長，吏畏其潰，靡躬縮不敢問。公嘗讞獄潮州，密飭某鎮以舟師塞甲子港口，截其入海之路。別遣官率壯丁由陸路疾馳擒之，部勒甫定，碣石鎮李漢升適至，堅請與俱。公不欲其行，且云：「爾去必僨事而勢不能禁。」距賊巢里許，李鎮兵伍突鳴排鎗，崇王方飯，大驚跳而逸。比圍其廬，僅獲賊之父母兄嫂子姪而已。公據實入告，有旨逮漢升人皆服公先見。潮州俗鬻婢，毛髮之隙輒剗刃，其同姓者黨而報讐，於是糾宗而鬪，曰械鬪，習爲常。鄭馬兩姓鬪，互殺百六

十餘人有孫映輝者前山東金鄉令也。嘗已革生員林哲斃其
姓二十三人。林亦斃。孫姓滅其二獄。積五年不決。公在鞫之。梟
馬姓二十餘人。而奏梟映輝。餘按律抵罪。遠近肅然。國家
帖冒中外。懷柔百族。其最遠者爲映咭喇。近者爲安南。映咭喇
在俄羅斯之東。大西洋之北。距中國數萬里。乾隆間航海入貢。
安南在廣。太平府南。自漢迄明。始隸版圖。繼淪異域。然籲封
修貢。恪服素著。自阮光平滅黎氏。而有其國。傳至光緒。阮福映
滅光緒而奪之。嘉慶七年。福映奉表稱本黎氏舊臣。爲祖父復
讐。不敢無故稱兵。且俘光緒所匿內地海盜。莫觀扶等數十人。
械歸廣東。而以光緒所受敕印獻諸

大朝額請錫封。時公巡撫廣西。察其恭順。以爲國家於外夷。不以其國之順逆爲衡。而以其順逆於我者爲準。奏請納款。得旨允行。明年福映請以南越名其國。公以名嫌趙佗。不祥駁之。睿廟謂福映恃功邀請。心存叵測。有海道邊關密飭防備之諭。而福映自以世居越裳。申請至再。固不知南越之爲嫌也。公以謂嫌名不可蹈。而邊隙不可開。國體不可不尊。而遠人不可不輯。遂奏福映初得富春。卽遣使航海輸誠。既有安南復遣使。敝關請命。懷畏德威。足徵恭順。使其不恭。奚需名號。不可以語言文字之未阻。外夷歸化之心。且百越之南。本爲夷域。彼先有越裳。繼有安南。請錫號越南。於肇嘉名之之中。仍其舊域。故

士之義。秦人得。旨。俞允嘉慶二十年。喚咭喇入貢。其使不能

行。三跪九叩首禮。廷議以其崛強。遣之。

睿廟不憚。公適述職京師。召見。垂同。以公嘗撫粵。悉夷情也。

公面奏。乾隆五十八年。快夷貢方物。使至京。已不能效中國禮

拜之儀。其大班曰。阿噹咚。嘗於廣東巡撫署拜領。

大皇帝賞物。弓身俯伏。臣親見之。譯者曰。俯伏者。夷禮之免冠

頓首也。今貢使。即阿噹咚。未謹於彼。而囑於此者。者。

上問其國富強有諸。公奏其富由中國。彼以所有。易茶葉。轉鬻

於附近諸夷。故富耳。然一日無茶。則病禁之。則彼窮。且慙。又安

能強。如其妄有干求。當折以天朝之法度。如其歸心。恪順不

必責以中國之儀。父反覆開陳。漏下四刻。睿廟大悅。優旨褒之。當兩國之求封入貢也。廟堂疑慮不釋。封疆大吏稍有迎搆倖功之心。邊釁兵端且立起。公未發而預籌其收。不敢鹵莽。試鎮之以靜。待之以誠。全國體而綏荒服。其計慮深長。利豈厯在一時已哉。道光初元。樞元議條州縣陋規。算及舟車。公謂非體力陳其不可。上立悟而止。優旨褒嘉。許爲大臣其疏橐尤膾炙人口。云公

以乾隆甲午舉於鄉試。道光十四年甲子一周而公罷退里居。十年矣。撫臣以重宴鹿鳴入告。諭旨賞四品服。是年冬十月薨。春秋八十有三。道光二十四年孫毓澐以一甲一名進士

賜及第官至按察使。世咸謂碩德之報。同時有蔣襄平、相國者。後公九年成進士。亦由大學士出。爲兩江總督。與公齊名。蔣公名攸。鈺字穎芳。號礪堂。遼東襄平人。隸漢軍旗籍。父韶。年官知州。生母徐氏。禱於蘇郡五隴山。生公於江蘇布政司理問署中。幼穎特。年十三。爲諸生。十八。舉順天鄉試。出翁覃谿學士門。劉文清公見其闔中試律詩。擊節稱賞。曰。此子當爲太平宰相。十九。成進士。選庶吉士。時乾隆四十九年甲辰也。五十二年。以編修充福建副考官。逾年。丁外艱。五十七年。典貴州鄉試。明年分校會試。又明年。典陝西鄉試。六十年。典河南鄉試。嘉慶元年。廣西學政。丁內艱。四年。補御史。史。史六年。贛南道。廣昌會匪。

聚眾爲亂公往治激勵士民擒首惡誅之餘黨解散逾年丁生
母憂十年署惠湖嘉道明年擢江西按察使又明年擢雲南布
政使十四年擢江蘇巡撫調浙江明年入勤預重華宮茶宴
是年冬調河督公以不諳河務辭詔回浙江任十六年擢兩
廣總督入覲賜戴花翎時嘆咭喇有護貨兵船擅入內洋不
敢驅逐公飭停貿易以懲之京計緹乃遵約如舊制二十二年
調四川總督川兵習尙驕縱公憂裁以法犯者必懲習遂革乃
重修文翁石室遺址興學舍以造士成就者多二十四年公帶
領川中上司大頭目十四人人都恭祝萬壽召見十一次
親酌酒賜之賞賚有加禮道光二年內召爲刑部尙書

賜紫禁城騎馬三年授直隸總督四年拜協辦大學士明年公
壽六十 賜御書宜勤篤祐額暨福壽字如意冠服文錦諸珍。

六年典會試晉文淵閣大學士加太子太傅八年授兩江總督
公自能選至入閣皆亨衢特進歷中外所至有聲績十年坐鹽
泉事左遷侍郎召入都薨於旅次。

帝深悼惜焉性聰強書牘皆過目不忘熱於左氏傳鄉大夫氏
族源流分合能條舉無謬與人一面或曾接一言隔數十年記
億不爽僚吏驚以爲神其爲政明而不苛清而不刻飭武備清
吏源尤壹意以培植賢才扶持善類爲念所薦達者多任封折
躋顯。秋如唐公仲冕嚴公如燈劉公清趙公慎畛陶公澍林公


則餘其尤著者也著有繩樞齋詩集予蔚遠官至貴州巡撫

國月亡王事終卷三十一名臣

三

卷三十一名臣

四



戴文端公事略

戴公衢亨字荷之一字蓮士曾祖某由江都遷江西之大庾遂
爲大庾人父第元由編修官太僕少卿公年十七舉本省鄉試
尋應天津召試。賜內閣中書入直軍機處乾隆四十三年
以一甲一名進士授修撰。時年二十有四。明年典湖北鄉試。有
旨仍直軍機處。秋。獮扈蹕。獲麇以獻。御製詩美之。并命
和韻。四十九年充江南副考官督山西學政。繼丁內外艱服闋
與試湖南督廣東學政。累遷中允侍講左庶子侍讀學士嘉慶
元年。仁宗皇帝嗣位。凡大典禮諸巨製悉出公一人公之受深知磨。

殊眷蓋於是始。二年，賜三品卿銜，隨軍機大臣學習，轉少詹事，遷內閣學士，補禮部右侍郎，轉戶部。四年，

高宗純皇帝賓天。

朝廷黜陟誅賞之事甚殷，公夙夜攀慕，趨

事益勤，遂疾，乞假。假滿，兼吏部左侍郎。

賜紫禁城騎馬。五年，

調戶部。元經筵講官六年，教習庶吉士。晉兵部尚書，兼管順天

府尹。十二月，川楚教匪平，加太子少保、世襲雲騎尉。八年，調工

部尚書。十年，調戶部總裁，會試入直南書房。十二年，協辦大學

士。充日講起居注官、掌院學士。與順天鄉試十三年，奉命視

南河。

子假省墓，并命視公叔均元病狀。十四年，

仁宗五旬萬壽，加太子少師。十五年，授體仁閣大學士，管理公

部。御製詩。賜之有鳳閣隨雙。彥龍頭冠衆英之句。十六年

三月。

上以綏懷西北屬國。幸五臺。扈從回。蹕公途次得疾。至

正定疾甚。命先歸。馳至圓明園。賜第。遂不起。年五十有七

事聞。

上軫悼。榮郡王綿憶奉。命奠醊。賞陀羅經被及庫金千五

百兩治喪。越五日。

上親臨喪。次奠爵三。增太子太師。詔入祀京師賢良祠。禮

部遵行。諭祭禮內閣以易名請。賜諡曰文端。國初承前

明舊制。機務出納由內閣。軍事下議政王大臣。雍正初。西北陞

內閣。名臣

卷三十一

四十五

用○兵○始○設○軍○機○處○特○簡○重○臣○親○臣○爲○軍○機○大○臣○於○是○內○閣○之○任○
轉○輕○故○本○朝○軍○機○大○臣○其○重○與○魏○晉○六○朝○唐○初○之○中○書○令○五○
代○之○樞○密○院○等○必○大○學○士○兼○領○軍○機○乃○可○謂○之○當○國○其○專○直○殿○
閣○者○雖○膺○大○拜○間○要○固○絕○殊○焉○惟○公○由○大○魁○秉○政○前○後○直○樞○廷○
三○十○年○其○麻○謚○之○謨○鴻○謨○之○論○敷○陳○密○勿○者○不○可○以○一○事○計○迫○
教○匪○戡○定○
仁○宗○皇○帝○以○公○知○無○不○言○言○無○不○盡○詔○示○天○下○及○公○薨○復○申○
釋○之○而○公○所○造○膝○褻○贊○雖○同○直○動○舊○大○僚○及○公○之○親○屬○無○有○能○
知○其○說○者○用○是○知○公○以○樞○輔○勸○相○國○家○非○淺○近○所○能○測○識○也○
公○性○清○通○無○聲○色○之○好○朝○退○四○坐○皆○士○大○夫○言○人○人○致○公○不○置○

可否而朝廷設施有見之數月數歲之後者其燕閒之論則
以爲先代黨禍皆驟加摧落有激而成若以事漸去之必無他
變論度支主減費守常賦論治河主謹隄防不改道而論三省
教匪則以爲小醜跳梁無遠略當以忠勇將帥驅殄之勿使文
臣支格其間此卽公立朝大指也公屢典文衡讀殿試卷者二
闕六考卷者二閱庶常散館卷者一皆矢慎矢公御史花杰嘗
劾公徇庇蘆商查有圻及讀卷舞弊引洪瑩得大魁狀公具疏
辯詔以長蘆商欠一事係由鹽政綜覈查有圻係宦家與戴
衢亨向有世誼並非不可聯姻之人至洪瑩原卷已查取進呈
并召瑩入上書房默寫試策命皇次子監視朕親加披閱並無

不符且瑩係朕親拔第一。非由讀卷官所擬花杰任意污衊。應嚴加議處。並將瑩原卷及默寫卷發交閱看。以服其心。杰尋自承冒昧而。

上眷公乃益深。四次考績皆優。敘有持躬清正。居心坦白之褒。可謂明良一德者。已子嘉端。欽賜舉人官知府。而公叔父均元。字可亭。以乾隆乙未進士。由編修後。公十年官至東閣大學士。坐事除名。年九十六乃卒。

不符且瑩係朕親

金蘭畦尚書事略戴簡格公敦元

本朝刑部尚書用人最慎部中官明慎者方總辦秋審其尚書多取歷總辦並踐中外習故事者擢之而英山金公持以能稱職爲

上所倚公性精敏自爲總辦時一部之事必關公及爲尚書益目力無所阿徇而天下讞獄者方承列祖覆育之後以寬厚爲福多稍稍減罪狀士之公以爲不可懸千里推鞫苟引律當毋更議其直下刑部及法司會議者公必持律不得減比於是部中多以公爲嚴於用法然歲斷獄太少以千百計自同官至羣執事無有能執公所具改從輕比者

鳥。虜。可。以。觀。公。矣。公。明。光。衡。字。汝。然。號。蘭。畦。世。爲。安。徽。英。山。人。
由。舉。人。取。內。閣。中。書。乾。隆。四。十。五。年。進。士。官。宗。人。府。主。事。遷。刑。
部。員。外。郎。再。遷。郎。中。五。十。三。年。俸。滿。截。取。知。府。仍。留。刑。部。明。年。
京。察。一。等。記。名。復。輕。刑。部。奏。留。又。明。年。刑。部。奏。請。以。四。五。品。京。
堂。用。允。之。嘉。慶。六。年。授。光。祿。少。卿。因。值。覈。辦。秋。審。諸。獄。仍。留。
刑。部。尋。遷。內。閣。侍。讀。學。士。山。東。按。察。使。十。年。晉。布。政。使。逾。年。授。
刑。部。左。侍。郎。先。後。命。往。山。東。魚。臺。直。隸。天。津。及。承。德。府。平。泉。
州。等。處。勘。獄。均。稱。旨。十。一。年。冬。授。江。西。巡。撫。奏。江。西。積。案。繁。
多。已。設。局。清。釐。報。聞。尋。擢。刑。部。尚。書。賜。紫。禁。城。騎。馬。舊。例。監。
守。自。盜。限。內。完。贓。者。減。等。乾。隆。二。十。六。年。改。重。不。減。等。公。主。豪。

奏復舊例。後阿克蘇錢局章京盜官錢計贓五百兩以上生者引平人竊盜律。當章京絞情實。公曰盜官錢當擬斬監追不決絞情實則決矣。不得引竊盜律奏平之。

仁宗覽奏曰官盜較私盜反薄耶。公免冠謝曰與其有聚歛之臣甯有盜臣律意如是也。烏庫此可以觀公矣。公爲按察布政巡撫皆如在刑部核名實別功過釐帑并飭軍伍多以一人智斷行之。蓋公仕宦數十年計必達乎至微力必推乎至巨持成格以繩崎嶇數變之情援古義以削一切浮沈苟安之習自謂卑獨此心可奉。聖主故嶄然有以自見如此性好士聞之如恐不見旣見如恐不得當嘗一爲江西副考官廣東正考官兩

爲會試同考官。得士爲盛。多才望。大僚而公言門下士必首及故。緝修張惠言。天下士皆以爲然。公疾惡甚。不能忍。少時遊江南。總督幕府。有華士負重名。公請總督絕之。曰。名教外人。不可使汚階前地也。在江西有兵官。素瀾浪而無跡可劾。求見公公切齒。投其制於地。終公任。拒不見。烏虜此可以觀公矣。公薨於嘉慶十七年十二月。年六十有六。詔稱公練習法律。治事精勤。下所司議卹。賜祭葬如例。同朝有戴簡恪公者。年輩略後於公。亦由刑部屬官。洊歷大司寇。最有名。簡恪公姓戴氏。名敦元。字金溪。浙江開化人也。年十五舉於鄉。乾隆五十五年成進士。越三年殿試。選庶吉士。改刑部主事。總

辦樸審處。涪擢郎中。出爲肇高廉道。道光壬午。出江西按察。遷
山西布政使。踰年署湖南巡撫。內召刑部侍郎。擢刑部尙書。王
辰充會試副考官。甲午十一月薨於位。年六十有七。贈太子
太保。子諡簡恪。其能舉其職。與金公同。而其性情志趣。絕不
相類。蓋一則苦心致力以求之。一則過目不遺一字。物來順應。
吏自不能毫髮欺。而其克持情法之平。則一也。公姿稟殊絕。幼
嘗過外家堂中。有書八架。一月盡讀之。年歲郡縣。縣以神童舉。
試學使彭文勤公。賞異之。得名最早。其一生綽然得自行其志。
者亦名有以先之也。目短視。觀書以紙磨鼻。一磨則竟一紙。遇
家牘如讀書。一日所見必盡。而後已。旣盡則終身不忘。每至一

官所積牘覽一過他日使偶誤或上下其手爲姦利公輒撻而正之老吏皆吐舌無敢欺者每奏對

上有所咨詢公援引律例誦故牘汨汨千萬言

上亦絕重之生本簡而寡營凡人事居處若時當適來而適應之皆非所必爲者而居不廢職行無異趨有誥必踐蓋其恪也公之赴任高廉也以地方情形非素習寓蘇州之南濠凡數月地本大都會粵人貿遷者往來如織公密訪其風土人情甚悉故事之官有程限或以諭限爲疑公笑曰得失有定分何汲汲爲在江西幕無賓客延屬吏之諸刑名者以自助不數月清積牘四千餘獄某縣令素與公習以獲盜當遷科令甲獲死因三

名以上者許送部不及則否公定讞擬辟不及三人合忒然失
望公婉喻之曰君子愛人以得小人命遷已官非福也是乃所
以愛君耳自江西遷擢入覲途中以麪餅六枚俱饗餐不解
衣不下車五更趣夫起驅之行凡上官過境州縣例設供億其
迎送禮公獨行數千里而輿夫館人莫知其爲新任藩使者抓
京師始喚僕使令客至屏僕戶外煮茶漉酒輒躬爲之山西藩
署有陋例曰釐頭銀上皆取資焉公曰官有表廉僕御官所
家也何贏餘之有遂革之復居京師同僚非公不得見所治獄
無縱無濫蒞部事里歸坐一室家人爲設食飲晡則置燭對書
坐倦而寢否則坐暗中倦亦寢雖飢甚不自言也假歸武林時

大府譙之。用著屐往。終飲羣官。擁送鼓吹。啟戟門。呼公與馬公笑。絜繖自執之。揚揚出門去。其任天而動多類。此公餘手一編。然罕爲詩文。最喜天文律算書。討論有年。卒未嘗自立一說。蓋其於讀書亦適然。曰之適然。不忘非必欲有事焉耳。其遭遇適如其生質。時至而自合。自少至老。不計得失。亦竟無得失。卒之口。筭無餘衣。困無餘粟。庀其產。不能百金。其廉潔亦性成者。非意於廉也。不知有無之切於身也。

上錫易名之典。曰簡恪論者。謂足概公生平云。

董文恪公事略


董公諱教會字益甫江蘇上元人乾隆五十二年一甲三名進士。賜及第授編修。由詞臣入直軍機處。出爲藩臬。性強毅。不阿。督撫皆敬憚之。任川藩時。俗尙華侈。公力矯其弊。務爲儉約。每公宴。誠不用優伶。總督勒公以春酒召。公至門已通刺矣。聞音樂聲。卽返去。勒公爲之撤樂。乃復至。飲盡歡。風尙爲一變。嘉慶十三年擢安徽巡撫。時文敏公百齡方督兩廣。以海盜方張。銳意滅賊。過皖。貽公詩有云。嶺南一事君應羨。殺賊歸來啖荔支。及盜魁張保就撫。公遺文敏書曰。昔蒙贈詩。當改一字爲撫。賊歸來也。文敏默然。逾年調撫陝西。十七年調廣東。承文敏撫

賊之後。諸降人桀驁爲閭閻害。公懲治甚力。然不肯妄殺人。廣州有死囚。遇赦減等。改軍而逃。獲之。擬斬決。公以加等律不應死。按察使持之一日。公會公。問按察使曰。某囚可以不死。君必欲死之何也。對曰。此廣州守所擬也。公誦元次山詩曰。安民天子命。符節我所持。時總督蔣公攸銛在坐。亦以公言爲然。囚竟得減死。二十二年。擢閩浙總督。閩中錢糧疲甚。民間多抗欠。公極力清釐。福清武生林彌高。慣訟包糧。阻眾不納。縣令捕之。爲其黨所截奪。官役皆被創。公檄福州守及參將往捕。不獲。公怒。奏褫兩人冠服。乃獲之。彌高遺書其黨。使劫持合邑。抗懲無一人敢納者。巡撫史公致光患之。公親鞫彌高。得其致書狀。立縛。

出而曹斬之。福清人大懼。又見弼高已死。乃相率納糧。且清積欠。一時強宗悍族皆易轍。諸郡肅然。奏入。上甚嘉焉。漳泉二府多械鬪劫掠案。龍溪令姚瑩捕得渠魁五人。訊其案皆數十起。既承伏。召其族長於庭。詰之。各具狀請罪。乃皆杖斃之。尸諸城門。兇徒股栗。逃出境。巡撫史公下不如制疑之。公曰。漳人苦鬪殺久矣。兇狠之徒。歲嘗殺人數百。如兒戲。官軍莫可如何。吏捕率不得正。兇今姚令幸擒之。若逐案傳質。則係累必數百人。非除暴安良本意。且漳州距行省六百里。卽中解。按律治之。兇民無由知儆。姚令朝捕而夕誅之。所謂刑亂國用重典也。自是悍俗爲少變。海盜張保自文敏招撫後。奏子

守備官故嘗肆擾七郡。戕二大將。粵人恨次骨。屢圖殺之。會文敏去粵。乃攜之入都。改官閩中。數遷至澎湖副將。將擢總兵。林文忠公則徐方爲御史疏論之。乃止。當是時。閩洋復有盜。公方治舟師。姚瑩進曰。張保有罪。無功。遷副將。羣以爲過。何不令其擊賊。勝則收其功。敗可治其罪。卽爲盜殺。亦不足惜也。公深然之。保自是奔波海上。盜平而保亦死。公之任蜀藩也。戕眉獮夷。不靖。公率兵馳往。時圖功者眾。咸請進勅。公曰。兵者聖人不得已而用之。若玉石不分。概行殄滅。非所以廣皇仁也。堅不允。廉得漢奸。搆衅激變者十一人。夷匪首事者六人。捕誅之。夷眾帖服。及其撫陝西也。激捕嚴如。燈方爲漢中知府。公重其賢優。

待之會歲歉嚴以督築城工出及歸已逾請賑期遂以元旦赴
行省謁公願棄一官爲百姓請命伏地頭首不肯起公立許之
爲破例陳請卒得俞旨嚴在官得行其志者以公在也及公
去代之者爲朱勳嚴遂十年不獲然則公之扶持善類可知
矣二十五年秋公在閩督任以疾乞休許之道光元年薨優
詔悼憫賜祭葬如制諡文恪公在督撫中最有名量宏毅而
識明果不徒以致致寡過稱嘗謂人不可作無益事不可爲無
益語不可用無益錢又云刻於己爲儉儉於人爲刻人知儉與
刻之分其於涉世也過半矣趙文恪嘗歎爲名言書之目錄中



阮文達公事略

一代之興必有耆龐魁壘之臣。若唐之燕許及崔、文、貞、權、文、公、李、衛、公，以經術文章主持風會，而其人又必聰明早達，敷歷中外，兼享大年，其名位著述足以弁勳羣材，其力尤足提唱後學。若儀徵相國真，其何哉？相國名元，姓阮氏，字伯元，號雲臺，祖王堂，官湖南參將，始占籍儀徵。嘗從大帥征苗，有降苗數千，大帥將戮之，以死請得免。及公貴，人以為陰德所致。云乾隆五十三年，公年二十三，舉鄉試，入都，與邵二雲、王懷祖、任子田三先生友。作考工記車制圖解，有江戴諸家所未及者。五十四年，成進士，選庶常，散館第一，授編修。逾年大考翰詹。

高宗親擢第一超授少詹事

命直南書房修石渠寶笈

召

對稱

旨

上諭樞臣曰不意朕入旬外又得一人晉詹事充石經校勘官

五十八年督山東學政撰山左金石志得搨本千三百有奇修

鄭司農祠墓明年調浙江學政擢內閣學士嘉慶元年

禪授

禮成進文冊

諭獎其典雅徵刻淮海英靈集二年修經籍纂

詁百十有六卷

選兩浙輶軒錄得詩三千餘家注曾子十篇彙

凡三易三年擢兵部侍郎轉禮部仍直南書房四年調戶部侍

郎充經筵講官副朱文正公總裁會試得士最盛江都史致儼

歛鮑桂星全椒吳璵武進張惠言閩陳壽祺高郵王引之蕭山

湯金釗德清許宗彥涿州盧郅歛程祖洛興康紹鏞元和陳鍾麟歸安姚文田上元朱桂植嘉應宋湘其尤著也明年授浙江巡撫時海盜蔡牽擾閩越疏請捐造大船巨礮并籌捕土盜剪艇匪之羽翼。聖書嘉獎勉以顯親揚答爲國宣力成一代偉人。尋遣總兵岳璽等敗賊於太平又奏獲杭紹等屬積盜數十先是錢塘江有小舟因烏鴉船昏暮劫掠公廉得姓名捕真諸法立緝匪章程七則檄沿海州縣力行保甲會艇匪竄浙奏請以總兵李公長庚總統三鎮舟師乃親駐台州督勦獲安南僞侯倫貴利磔之語在李忠毅公傳是年金處紹三郡災疏請賑卹有差蔡牽旋寇平陽定海檄水陸鎮將擊走之增設有嬰堂

經費

銀歲四千兩六年立詒經精舍祀許叔重鄭康成兩先生

延王述庵孫洲如主講席選高材生讀書其中課以經史疑義及小學天文地理算法許各探討書傳條對不用局試糊名法刻其文尤雅者曰詒經精舍集不十年上舍士致身通顯及撰述成一家言者不可殫數東南人才稱極盛焉又以浙東多古帝王名臣先賢陵墓繕冊疏報得旨勤加防護修葺撰兩浙防護錄七年浙西饑疏請蠲豁平糴立普濟堂於省會每年冬賑粥四十日就食者日數千人八年立海甯安瀾書院建王環廳學宮奏設學額復奏立杭嘉等郡昭忠祠請以歷年剿海寇溺斃弁兵三百人入祀均從之六月入覲召對者八賜宴

者三。重開封公年齒甚悉。賞賚有加。回任修海塘志九年。疏請以李公長庚總統閩浙各鎮。專勉蔡牽遂敗牽於定海。會浙東水災。疏請蠲緩平糴。并率屬捐賑。建白文公祠於西湖。撰經郭又海運考。兩浙金石志。積古齋鐘鼎款識。十年賑杭嘉湖三郡飢。檄所屬多設粥廠。分男女爲二。出入進退皆有法。病者藥之。老疾者別爲廠。婦女有厠。蓬全活數十萬人。六月父憂歸里居。成十三經校勘記二百四十三卷。撰皇清碑版錄。編瀛舟書記。重刻石鼓文。置揚州府學。十二年入都。進四庫未收書六十種。作提要上之。得旨。獎覽。補兵部待郎。命赴河南勘獄。再撫浙江。先是公撫浙五年。凡安南鳳尾水澳等幫。海盜勦。

撫散除幾盡所餘者土盜張阿策等十餘艘耳自蔡亮得志於
閩大掠臺灣李公長庚死事至是率從安南回棹聚五十艘
而張阿策亦有船三十餘艘勢張甚乃親赴甯波督勦甲辰接
濟賊糧之禁先後敗賊於炒鑛洋黑水洋落伽洋等處賊勢始
漸蹙公復薦邱公良功爲浙江提督又立專注蔡亮公船隔攻
之法於是邱公及福建提督王公得祿遂以十四年秋殲寇於
温州之外洋矣坐失察學政劉鳳誥代辦監臨舞弊事奪官
命以編修在文穎館行走十五年遷侍講兼國史館總纂創立
儒林傳得百四十六人但術學行而不區分門廷又擬創文苑
傳未就又集本朝天文律算諸家作疇人傳累晉少詹事內

閏學十七年往山西河南勘事遷工部侍郎八月授漕河總
督立糧艘盤糧尺算法頒行各省十九年調撫江西時豫東邪
教初平餘黨煽亂餘干匪目朱毛俚等假託明裔謀逆公率臬
司馳往擒獲胡秉耀等十七名寘諸法得旨嘉獎加太子少
保賞戴孔雀翎尋獲崇義縣天地會匪鍾體剛進賢縣擔匪
曾文彩龍南縣會匪鍾錦龍長甯縣會匪郭秀峰瀘溪縣會匪
陶省三等各論如律民情乃安公在江西改建貢院號舍拓基
修省城章江水閘校刻十三經注疏以惠士林二十一年調撫
河南十一月遷湖廣總督奏建江陵范家隄沔陽龍王廟石閘
以蘇水患明年調兩廣總督奏建大黃窖大虎山肇慶府各礮

臺又奏建南海縣屬桑園圍石隄修廣東通志二十四年秋入

京祝

嘏召對十一次

賜克食四十七次

恩賚有加

仁宗皇帝手酌玉杯

賜公同受

賜者惟江督孫公玉庭川

督蔣公攸銛而已二十五年立學海堂以經古學課士如在浙

江時改建貢院號舍如在江西時道光元年奏設郵釐局修廣

州城及城北鎮海樓建三水行臺書院刻江蘇詩徵百八十三

卷作者五千四百三十餘人尋刻皇清經解爲書百八十餘

種爲卷千四百公在粵十年兼署廣東巡撫者六粵中水陸間

多盜公飭屬嚴拏前後數千計其賀連交界姑婆山素稱道藪

公調兵擣其巢患乃息西洋貿易惟嘆其附國貨最多性尤狡

嘉慶二十一年。嘗遣使入貢。未許。成禱而回。逾年。公泣寢。疏請嚴禁鴉片。首以嚴馭洋商。夷商爲務。遇事裁抑之。夷船在黃浦。殺人。公嚴飭洋商。必得兇犯。乃已。商不能庇犯。乃自刎死。有擊死民婦者。亦予絞決。抵罪。道光二年冬。暎夷護貨兵船殺死民人二。公飭洋商及營事大班。縛犯以獻。大班委其責於兵頭。卽飭傳諭兵頭。獻犯。詭稱夷民互有殺傷。冀相抵賴。公持之力。夷日等聲言。將揚帆歸國。停貿易。公給印諭。言願歸。卽歸。天朝并不重爾等貨稅。於是各船皆出海口。然非其志也。仍潛泊外洋。以待日久。折閱多。其兵船又先遠遁。大班等乃稟求回岸貿易。俟下次貨船抵粵時。縛犯來獻。公復給印諭。兵船不許復。

來其見在貨船暫許貿易續到者如不能縛犯仍嚴拒。不許人
方事之殷。商民官吏皆惶惶。或言開稅將自此大絀。且慮激變
爲朝廷憂。公曰。國體爲大。稅數爲經。且索兌理長。不可爲所
欺。初力持二三月。夷自始有乞回貿易之稟。自是兵船亦不敢
復來。公調任兵船。卽踵至海畱。乃自此多故矣。六年夏。調雲貴
滇省。鹽政久抗弊。歲絀課十餘萬。公首劾蠹吏力杜井竈走私
弊。七年奏銷。溢額萬六千兩。明年又數倍之。乃疏請酌畱溢額
銀兩。備邊費。從之。騰越極邊有野人一種。茹毛穴處。時入內地
劫掠。爲邊患。而保山等處別一種。邊夷曰獐獐。本土司所轄也。
以墾田射獵爲生。精於桑弩毒。野人畏之。公乃籌邊費萬金。

招獠獠二百餘戶駐騰越邊界給地屯種以禦野人會詔書總
督時帥兵視討於是南甸隴川等土司帶領二十餘寨野人來
乞降並獻木刻設誓八年十二月入覲 召對十次 賜紫禁
城騎馬及 御書春帖子尋 召入乾清宮 面賜福壽字賞
賚無數十二年遷協辦大學士仍留總督任十三年二月 陞
見時年七十矣 賜御書福壽字亮功錫帖扁額及尙方珍物
爲公壽尋 命充會試副總裁四月回任公督滇黔十載值車
里土司刀繩武與其叔刀太康開鬪因而督官求助其時漢夷
流言皆謂當助姪滅叔公不爲動慨鎮道等擊敗繩武另擇人
承襲亦不追殺要功其後越南保樂州土官農文雲謀判其國

聚眾戕官經陵兵捕追公飭沿邊嚴防毋令一夷鼠入亦不得生事貪功妄殺。手詔嘉之其鎮靜得大體多類此十五年拜體仁閣大學士管兵事充經筵講官教習庶吉士兼署署左都御史

宣宗兩次謁陵均命留京辦事十八年以足疾請告疏再上優詔許政仕仍食半俸瀕行加太子太保公歸里後築別墅於湖莊田南萬柳堂蓋以別於馮文毅之都城別業也二十三年公壽八十復拜御書扁額楹聯福壽字及尙方珍幣之賜二十六年丙午以重赴鹿鳴宴加太傅銜食全俸公疏謝上敕報曰願卿福壽日增以待三赴鹿鳴之盛事也考本朝大

臣生前加太傅者自金文通洪文襄范文肅鄂之端曹文正長
文襄外得公而七公以後惟潘文恭世恩而已餘皆贈自身後
者也二十九年十月薨年八十有六 優旨悼卹 賜祭塋
予謚文達所著書曰肇經室集先後刊行海內名宿著述如錢
辛楣三統術衍地球圖說謝東墅食物百詠張皋文虞氏易儀
禮圖汪容甫述學錢澂亭述古錄劉端臨遺書凌仲子禮經釋
例焦里堂雕菰樓集鍾鼐崖考古錄孔子軒儀鄭堂集胡西琴
詩集張解元貴吏部詩集僧誦茗蔗查集李四香算書凡數十
家子常生官清河道前卒福平涼府知府祐舉人官知府繼配
孔氏工詩著有唐宋舊經樓豪

